


Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.3.15





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.3.15



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.3.15



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.3.15

Alb. 2/3





Ex Libris Joannis Nencini
1872


CENTRALE
NI
INGINI
NENGINI


G. V. Ferrarini
1859


P. 5











R H E T O R I C O R V M

A D C. H E R E N N I V M

L I B R I I I I I . I N C E R T O

A V C T O R E .

C I C E R O N I S


De inuentione

libri II.


Topica ad Trebatium,

Oratoriæ partitiones.

Cum annotationibus Dionysii Lambini,
iuri doctiss. singulis tomis distinctis.



EX BIBLIOTHECA ALDINA.
V E N E T I I S , M . D . L X I X .



HIE

P

Q

omnesq
tos, pulc
ipfis an
ars am
tare, ut
enim, qu
cura, cul
ge suauio
tura ferat
in equo ad
item hom
quasdam
ad uirtute
nz excita
interdum
fere doct
sua spon
& ingen
culti cont
sti, qui,
dium acc

HIERONYMO CONTARENO,
PANDVLPHI FILIO,
HIERONYMVS TVR-
RISANVS S. D.

Q V A N Q V A M omnes ferè uno ore
consentiunt, Hieronyme ornatissi-
me, maximam in natura uim inesse,
omnesq ab ea fructus, in lucem suo tempore edi-
tos, pulchros, & bonos esse, ut in plantis, &
ipsis animantibus contemplari licet: ita tamen
ars æmula interdum cum natura uidetur concer-
tare, ut se illi ferè adæquare uideatur. Arbore's
enim, quæ bono in solo conferuntur, diligenti
cura, culturaque ita adiuuantur, ut fructus lon-
gè suauiores uberioresque artis ope, quàm na-
turæ ferant. Vim etiam hominibus utilissimam,
in equo abditam à natura, ars ipsa elicit. Eadem
item hominum ratio est, in quibus propensiones
quasdam ad recta studia, ad res honestas, atque
ad uirtutes, uerum quasi sopitas, uariæ discipli-
næ excitarunt. At ingenia quædam hominum
interdum optima natura extiterunt, quæ nulla
ferè doctrina exculsa ad laudem & ad decus ipsa
sua sponte properarunt. Si qui uero ad laudem
& ingenio celeri incitati, & accurata educatione
culti contenderunt, tu uero Hieronyme extiti-
sti, qui, cum ad egregiam naturam accesserit stu-
dium acerrimum parentum in te educando, ad-

* ij

mirabilem animi & ingenii tui expectationem
excitares, & pulchre sustineres. Eluxit iam tum
primum in te admodum puero uerecundia, om-
nium uirtutum custos, quæ postea subsecutæ
sunt. Deinde, ætate accedente, propensio ad
litteras & honestas artes eximia: pietas in Deum:
in maiores natu obseruantia singularis: in pares
officium: in omnes humanitas. A familia tua
etiam exempla & decora speciosissima habuisti,
quæ quosdam tibi stimulos iniecerunt ad omnem
laudem amplectendam. Vt enim omittam Pan-
dulphum parentem, belli artibus insignem, quis
unquam satis potuit admirari Alexandrum illum
patrum tuum, Venetæ classis singulari cum di-
gnitate legatum declaratum? quem omnes no-
stræ ætatis classium Imperatores amici Christia-
ni, & barbari hostes uel suspicerent, uel time-
rent? Fuit profecto propitio numine familia tua
quasi seminarium clarorum uirorum, qui in bel-
lo, & pace omni laudum genere florerent. Ma-
ternum uerò genus quæ ad ipsam uirtutem inui-
tamenta tibi non suppeditauit? unum, atque al-
terum reip: principem Barbadicum, duo clarissi-
ma lumina, & exempla optime administrandæ
ciuitatis, Augustinum Barbadicum, auunculum
tuum, quem præsentē intuemur senatorem opti-
mum, ac sapientissimum; & Petrum episcopum
Corcyræum, uita functum, eius fratrem, qui te
suis præceptis moribusque rectissimis & sanctis-
simis instituit atque informauit. Iure igitur sta-

ru, cū
M. Tull
quam pe
tui nom
hi sit qu
simus: fi
narum a
non par
ipsum au
quoque
tum uir
mus Al
que in p
optimos
sumptus
nos qui
quam pe
& auxi
rifice d
quoque
parenti
quod M
summa
te negle
hoc ipse
nostræ
cum dol
rarum e
summis
datos,

tui, cū te merito tuo plurimi faciam, Rhetoricos
M. Tullii Ciceronis libros, & Cornificii, uel alius
quā potuimus maxima diligentia impressos, cū
tui nominis inscriptione diuulgare: cum, si mi-
hi sit quærendus adolescens clarus, sis ipse clarif-
simus: si beneficus, optime de me meritis: si bo-
narum artium studiosus, studiosissimus, & quod
non parum attinere ad rem uidetur, miro in hūc
ipsum auctorem studio. Suscepimus autem nos
quoque auitum munus; & id renouare, quan-
tum uires nostræ ferent, contendemus, quod pri-
mus Aldus Senior, nunquam satis laudatus, at-
que in posteritatem officiosissimus instituit, ut
optimos quosque libros, nulla uel laboris, uel
sumptus ratione habita, ederemus. Curabimus
nos quidem, quantum in nobis erit, ut quod tan-
quam patrimonium gloriæ sibi relictum accepit,
& auxit Paullus Manutius, quem non solum mi-
rifice diligo, sed etiam maxime obseruo, nos
quoque pro uirili parte Andreæ aui, & Francisci
parentis nomini, & memoriæ consulamus; ne
quod Manutius, patruelis noster, pie simul, ac
summa cum laude fecit, nos turpiter atque ingra-
te neglexisse uideamur. Stimulauit sanè nos ad
hoc ipsum capeffendum munus familiæ quoque
nostræ existimatio: quèd non modo nos summo
cum dolore, sed omnes boni, & bonarum litte-
rarum cupidi iam cognoscerent, Aldinos libros,
summis pridem uigiliis à Paulo Manutio emen-
datos, qui nunc Romæ Septennium iam uinat,

& doctrinæ atque uirtutis suæ præmia uberrima
percipiat, paulatim illo pristino nitore spolia-
tos, atque ita in peius delapsos esse, ut citra no-
minis Aldini iacturam ferri amplius nequaquam
posse putarimus. Nunc igitur Rhetoricorum
ad Herennium, incerto auctore, ac simul om-
nes qui sunt Ciceronis de arte dicendi libros, ger-
manæ illi lectioni, ab ipsomet Paullo, non autem
per uicarium, iterum atque iterum castigatæ, si-
millimos habebis. His adiunximus Dionysii Lam-
bini Monstroliensis eruditissima scholia: quod
non inutilem fore existimauius lectoribus le-
ctionum uarietatem, & accessionem multorum
uerborum, quibus ab eo doctissimo uiro soler-
ter aucti, atque illustrati: quamuis aliter plera-
que in Paulli Manutii codice legantur, qui quam
plurima Ciceronis loca sanè obscura, atque de-
prauata eruditissimis, & elaboratissimis expli-
cationibus ita correxit, atque illustrauit, ut nihil
amplius desiderandum esse uideatur. Edemus
post, Deo iuuante, cæteros omnes Ciceronis li-
bros, & optimos quosque historicos, & poetas,
quàm autem castigatos, & suæ pristinæ dignitati
restitutos, alii iudicabunt. Vale.

M. TVLLII

CICERONIS GENVS, PATRIA,

ingenium, studia, doctrina, mores, uita,

facta. Res gesta, mors : omnia

ferè ex ipso Cicerone à Dio-

nysio Lambino col-

lecta.

Ad Carolum Maximilianum Valesium,

Franciae Regem Christianissimum.

INTEREA, Carole, dum tu Rex om-
nium Regum Christianorum maximus ac

I potentiſſ. Galliam tuam, superiorum an-
norum malis conquaſſatam, paragraſ, ac
perlustraſ : ego eorum omnium, quos Lu-
cretia bonas arteſ, Gracaſq; litteraſ tuo nomine, tuiſq;
auſpiciſ profiteri uoluisti, minimuſ, ac poſtremuſ,
nulla opera ei docendi muneri, quo me fungi uoluisti,
detraeta, M. Tullij Ciceroniſ oratorum Latinorum fa-
cile principis, eloquentiaeq; Romana parentis libroſ in
hac urbe iterum atque iterum relegi, & cum multis
antiquis exemplariſ comparauī : atque ex eorum
auſtoritate locoſ innumerabileſ in hoc grauiſſimo, di-
ſertiſſimo, doctiſſimo, probatiſſimo denique ſcriptore
deprauatoſ emendaui : ut, quemadmodum ſuperiori-
buſ anniſ duo poeta clariſſimi, M. Lucretiuſ Caruſ,
& Q. Horatiuſ Flaccuſ meo labore, meaſq; opera

* iiij

CICERONIS GENVS,

emendatiores, quàm unquam antea, excusi in publicum prodierunt: ita nunc meo studio, meâq; diligentia præstantissimus Latinorum orator, si non omni ex parte in integrum restitutus, (quod uix quisquam mortalium præstare potest) at certe multo integrior, quàm post inuentam artem typographicam editus est, in hominum manus perueniret. Dicit aliquis: quid Regi, & reip. ex isto labore immenso redit? Multum: & plus fortasse, quàm non tu Carole, cui persuasum est litteras tibi & tue Gallie summo esse ornamento, maximoq; ad bene beateq; uiuendum, et ad res bene gerendas adiumento, sed quisquam istorum, qui litteris, & litteratis hominibus inimici atque infestis sunt, credere, aut existimare possit. Atque ut omittam singillatim litterarum Hebraicarum, seu Syriacarum, Græcarum, Latinarum, omniumq; ingenuarum artium utilitatem, pulchritudinem, incunditatem tibi exponere ac prædicare: quod & alias fecimus, & alio fortasse loco dedita opera facturi sumus: uidetur hic locus ferre, atque adeo postulare, ut quantam tu, & nos tui cives, ex M. Tullij Ciceronis lectione utilitatem percipere possimus, quàm breuissime fieri poterit, ostendam. Prius autem quàm in hunc sermonem ingrediar, opere pretium mihi facturus esse uideor, si de M. Tullij Ciceronis genere, patria, ingenio, studiis, doctrina, moribus, uita, factis, & rebus gestis, genere mortis quedam dicam.

Fuit igitur M. Tullius patria, Arpinas: gene-

• PATR. INGEN. STVD. ETC.

re M. Tullij Ciceronis equitis Rom. filius, ingenio acerrimo, ac pene dicam diuino præditus, quemadmodum & omnes, qui de eo aliquid scripserunt, testantur, & ex eius scriptis intelligere licet. Cum autem puer ingenij magnitudine ita suis æqualibus præstaret, ut & alij pueri è ludo discendi redeuntes eum tanquam regem quendam, medium circumstantes, domum sæpe deducerent, & puerorum patres illius ingenij fama permoti, in ludum litterarum sæpe uentitarent, ut, quod fama, & auditione acceperant, oculis cernerent, & quasi manibus tangerent, tanto tamen discendi studio flagrauit non solum puer, uerum etiam grandior factus, & corroborata iam ætate, atque adeo quandiu uixit, ut non modo uoluptatibus omnibus, quibus à sperata ingenij & eloquentiæ gloria aut omnino intercludi, aut uel minimum retardari posset, bellum indiceret: uerum etiam naturaleis & necessarias cupiditates comprimeret & coerceret: omnibus corporis oblectationibus à doctrina alienis sibi interdiceret: ioca, conuiuia, sermonem etiam pane omnium familiarium desereret, ut animo libero ac soluto studia doctrinæ & eloquentiæ colere posset. Atque ut primum è pueris excessit, & ijs artibus, quibus ætas puerilis ad humanitatem informari solet, ijsq; quas qui didicerunt, eruditi appellantur, institutus atque expolitus est: cum omneis disciplinas, omneisq; arteis libero homine dignas amplexatus est, tum has duas in primis, artem dicendi, & poeticam, quibus se penitus daret, celeriter arripuit, ac diligenter tenuit: poeticam, quoniam ad eam natura ferebatur: artem di-

CICERONIS GENVS,

cedi, quia & hanc sibi uiam ad gloriam, cuius erat
 auidissimus, maxime patere intelligebat, & ad hoc
 studium à parentibus, propinquis, atque amicis potis-
 simum uocabatur. Itaque etiamnum puer poema edi-
 dit, Glaucum Marinum nomine: quod ad multa sæcu-
 la saluum permansit. adultus autem, & firmata iam
 ætate, multa alia poemata scripsit: quæ tum ualde pro-
 bata sunt, quæq; (si etiam nunc extarent) ut ex eorum
 reliquijs & fragmentis conijcere licet, magnopere pro-
 barentur: Phænomena, Prognostica, Aleyones, Li-
 mona, Marium, De consulatu suo lib. 3. de suis tem-
 poribus lib. I. Ioculare libellum. Verum cum eum,
 ut dixi, cupiditas gloriæ ad artem dicendi, studiumq;
 eloquentiæ ab omni ferè alia cogitatione, curaq; tradu-
 ceret, earum artium maxime, sine quibus eloquentia
 constare, ægreq; suos fines tueri potest, studio flagran-
 tissimo tenebatur. Itaque cum assidue scriberet, le-
 geret, commentaretur, præstantissimos suæ ætatis ora-
 tores quotidie audiret, oratorijs exercitationibus conten-
 tus non erat, sed Q. Mucium scauulam P. filium,
 quia se ille ad docendum non dabat, de iure consule-
 bat, atque ita ius ciuile ab eo discebat: eodemq; tem-
 pore cum princeps Academiæ Philo cum Atheniensium
 optimatibus bello Mithridatico domo profugisset, Ro-
 mamq; uenisset, totum se ei tradidit, admirabili quo-
 dam ad philosophiam studio concitatus: in quo hoc
 etiam commorabatur attentius, quod, etsi rerum ip-
 sarum uarietas, & magnitudo summa eum delecta-
 tione retinebat, sublata iam esse in perpetuum ratio
 iudiciorum uidebatur, non paucis oratoribus crudelis-

PA
 sine inter
 dio Rom
 accori, &
 armis, cu
 qui, quos
 dies in or
 tar. Vixit
 nem habita
 in alijs reb
 tur: quæ d
 landa est.
 ac uarijs,
 bus orator
 tur declam
 peio, aut d
 etiam Lati
 tio (ut ip
 tudinem
 Gracis su
 corrigi p
 Syllam r
 publicas,
 M. Crass
 efficere po
 pore iteru
 sa publica
 dationis ha
 non pater
 causa susci
 bertum gr

PATR. INGEN. STVD. ETC.

sime interfectis. Eodem anno etiam Moloni Rhodio Romae operam dedit, & summo causarum actori, & magistro Triennio proximo, quod fuit sine armis, cum pauci omnino oratores in urbe essent reliqui, quos sibi audiendos esse exstimaret, nocteis, & dies in omnium doctrinarum meditatione uersabatur. Vixit cum Diodoto stoico: quin ille apud Cicero-
nem habitauit, & eius domi est mortuus: à quo cum in alijs rebus, tum studiosissime in dialectica exercebatur: quæ quasi contracta, & astrieta eloquentia putanda est. Huic igitur doctori, & eius artibus multis ac uarijs, ita tamen erat deditus, ut ab exercitationibus oratorijs nullus ei dies uacuus esset. Commentabatur declamitans sæpe cum M. Pisone, cum Q. Pompeio, aut cum aliquo alio quotidie: idq; faciebat sæpe etiam Latine, sed Græcè sæpius, uel quòd Græca oratio (ut ipse ait) plura ornamenta suppeditans consuetudinem similiter Latine dicendi afferebat: uel quòd à Græcis summis doctores, nisi Græce diceret, neque corrigi posset, neque doceri. Recuperata tandem per Syllam rep. tum primum ad causas & priuatas, & publicas, adire cœpit, non ut in foro disceret, quod M. Crassus, & multi alij fecerant, sed ut, quantum efficere potuisset, doctus in forum ueniret. Eodem tempore iterum Moloni operam dedit. Itaque prima causa publica pro Sexto Roscio ab eo dicta tantum commendationis habuit, ut nulla grauior aut maior esset, quæ non patrocínio eius digna uideretur. sed cum in ea causa suscipienda et peroranda Chrysogonum, Syllæ libertum gratiosissimum acriter & asperè perstrinxisset,

CICERONIS GENVS,

Syllæq; uoluntatem iccirco offendisset, partim quòd Syl-
 le potentiam pertimesceret, partim quòd erat ea cor-
 poris gracilitate, & infirmitate, ita procero & tenui
 collo, eo denique habitu, eaq; corporis figura, ut non
 procul abesset à uitæ periculo, si labor & magna la-
 terum contentio accederet: hortantibus amicis, ut cau-
 sas agere desisteret, cum sibi quod uis potius pericu-
 lum adeundum, quàm à sperata dicendi gloria di-
 scedendum putaret: in Asiam profectus est sperans se re-
 missione & moderatione uocis, commutatoq; gene-
 re dicendi & periculum uitare posse, & temperatius
 dicere. Cum igitur uenisset Athenas sex menseis cum
 Antiocho ueteris Academia nobilissimo, & pruden-
 tissimo philosopho fuit, studiumq; philosophiæ nun-
 quam intermissum, à primâq; adolescentia cultum,
 & semper auctum, hoc rursus summo auctore ac do-
 ctore renouauit. Eodem tempore ibidem apud Deme-
 trium Syrum, ueterem & non ignobilem dicendi ma-
 gistrum, studiose exerceri solebat. Post ab eo tota Asia
 peragrata est cum summis oratoribus: quibuscum exer-
 cebatur ipsis lubentibus: quorum princeps erat Menip-
 pus Strotonicensis, totius Asiæ temporibus illis disertis-
 simus. Assiduissime cum eo fuit Dionysius Magnes.
 Erat etiam Aschylus Cnidius, Zenocles Adramitenus,
 qui tum in Asia rhetorum principes numerabantur.
 Quibus non contentus Rhodum uenit, seq; ad eun-
 dem, quem Romæ audiuerat, Molonem applicauit,
 cum auctorem in ueris causis, scriptoremq; præstan-
 tem, tum in notandis animaduertendisq; uitijs, & in
 instituendo, docendoq; prudentissimum. Is dedit ope-

PA
 ram, ne C
 quadam d
 cereret.
 exercitatio
 mia uocis
 terious uir
 Duo tum e
 plicata in
 alier romi
 ders solue
 Or ucto
 tui annu
 cum qu
 tate Hor
 cepit annu
 liam: Hor
 tur. Cum
 iam laud
 bere mada
 plurimis
 nium ser
 me in cer
 Comale H
 uideret, e
 randam
 fere, sum
 ro fuerat
 tia noluit
 mas, &
 quasi de p

PATR. INGEN. STVD. ETC.

ram, ut Ciceronem nimis redundantem, & iuuenili
quadam dicendi impunitate & licentia superfluentem,
coerceret. Ita recepit se Romam biennio post non modo
exercitior, sed propè mutatus. nam & contentio ni-
mia uocis resederat, & quasi defebuerat oratio, la-
teribus uires, & corpori mediocris habitus accesserat.
Duo tum excellebant oratores, qui eum imitandi cu-
piditate incitarent, Cotta, & Hortensius: quorum
alter remissus & lenis, & proprijs uerbis comprehen-
dens solute & facile sententiam: alter ornatus, acer,
& uerborum actionisq; genere commotior. unum igi-
tur annum cum redisset ex Asia, causas nobileis egit,
cum quæsturam ipse, Consulatum Cotta, ædilitatem pe-
tet Hortensius. Interim eum quæstorem Siciliensis ex-
cepit annus: Cotta ex Consulatu profectus est in Gal-
liam: Hortensius princeps in foro & erat & habeba-
tur. Cum anno post è Sicilia se recepisset, uidebatur
iam illud in eo, quicquid esset, esse perfectum, & ha-
bere maturitatem quandam suam. Cum igitur esset in
plurimis causis, & in principibus patronis quinquen-
nium ferè uersatus, tum in patrocinio Siciliensi maxi-
me in certamen uenit designatus ædilis cum designato
Consule Hortensio: qui post Consulatum fortasse quòd
uideret, ex consularibus neminem esse secum compa-
randum: negligeret autem eos, qui consules non fuis-
sent, summum illud suum studium remisit, quo à pue-
ro fuerat incensus: atque in omnium rerum abundan-
tia uoluit beatius, aut certe remissius, uiuere. Ita pri-
mus, & secundus, & tertius annus multum detraxit
quasi de picturæ ueteris colore. Longius autem proce-

CICERONIS GENVS,

dens, & cum in ceteris eloquentiæ partibus, tum maxime in celeritate, & continuatione uerborum adherescens, sui dissimilior quotidie uidebatur. Cicero autem non desistebat cum omni genere exercitationis, tum maxime stilo suum illud quod erat, augere, quantumcumque erat. Atque in hoc spatio, & in his post aedilitatem annis, prætor & primus, & incredibili populi uoluntate factus est. Nam cum propter assiduitatem in causis, & industriam, tum propter exquisitius, & minime uulgare orationis genus animos hominum ad se dicendi nouitate conuerterat, neque id mirum. Nam accuratius, quàm uulgus hominum, studuisse litteris uidebatur: quibus fons perfectæ eloquentiæ continetur. Philosophiam matrem omnium benefactorum, beneq; dictorum, complexus erat: ius ciuile didicerat, rem ad priuatas causas, & ad oratoris prudentiam maxime necessariam: memoriam rerum Romanarum tenebat: ex qua, si quando opus esset, ab inferis locupletissimos testeis excitabat: sciebat breuiter, arguteq; in cluso aduersario laxare iudicum animos, atque à seueritate paullisper ad hilaritatem, risumq; traducere: poterat rem dilatare uerbis, atque à propria ac definita disputatione hominis ac temporis, ad communem questionem uniuerſi generis orationem transferre. Itaque cum iam prope euaniſſet Hortensius, & Cicero anno suo, sexto autem post illum consulem Consul factus esset: reuocare se ille ad industriam cepit, ne cum Cicero par honore esset, aliqua re superior uideretur. sic duodecim post Ciceronis consulatum annos in maximis causis uterque coniunctissime uersatus est. Cum autem

PA
initio non
nis initio Lab
alter et age
seruasse, &
xiffe. Atq
et mori
Hoc igitur
admiranda
sua ad per
sed contra
oppreſſat
Verrem, ho
riſſimum
rem Asia,
ſicilie, non
ficio ad
dicendi fac
moram uir
lie. Cum
impio: q
Caſſaris, q
pro populo
bonam de
qua ei mag
de rep. me
Caſſiliani
tis, incen
atque ad
urbe in
lus Ro. na

PATR. INGEN. STVD. ETC.

initio non minus quàm Demosthenem ferunt, actionis uitio laboraret, dicitur Aesopi & Roscij, quorum alter tragædus, alter comædus erat gestus studiose obseruasse, & hoc pacto actionis deformitatem correxisse. Atque hæc quidem de eius studio. Nunc de uita & moribus, & rebus gestis pauca dicenda sunt.

Hoc igitur in M. Tullio singulari laude, maximaq; admiratione dignum est, numquam eum eloquentia sua ad perniciem cuiusquam innocentis abusum esse: sed contra semper eam ad salutem bonorum iniuria oppressorum, & circumuentorum contulisse. Qu. Verrem, hominem improbissimum, furacissimum, avarissimum, libidinosisimum, nequissimum, expilato-rem Asiæ, depeculatorem ærarij, euersorem prouinciæ Siciliæ, non sua sponte, sed Siculorum rogatu, & officio adductus, in iudicium uocauit: eumq; non tam dicendi facultate, & eloquentia, quàm testimonijs optimorum uirorum, & tabulis publicis, ac priuatis perculit. Cum P. Clodio, homine impuro, scelerato, atque impio: qui in ueste muliebri deprehensus erat in domo Cæsaris, cum à uirginibus Vestalib. & matronis Rom. pro populo Rom. sacra fierent; qui non plaris fecerat bonam deam, quàm treis sorores, gessit inimicitias: quæ ei magno constiterunt. Ab eo enim ciuis optime de rep. meritis, è ciuitate indignissime eiectus est. L. Catilinam eadem optimi cuiusque, interitum ciuitatis, incendium urbis, pestem patriæ molientem, uoce atque auctoritate consulari perterruit, atque exire ex urbe iussit. Magistratus & honores omneis ei populus Ro. non modo sine repulsa, sed etiam omnibus om-

CICERONIS GENVS,

nium ordinum suffragijs detulit. Tantam autem ille in omnibus magistratibus gerendis integritatem, castitatem, fidem, diligentiam, innocentiam adhibuit, ut non crimini modo, sed ne suspicioni quidem locum reliquerit. Quæstura Siciliensis omnium superiorum fuit & gratissima & clarissima. In ea maximum frumenti numerum in summa annonæ caritate Romam misit: negotiatoribus comis, mercatoribus iustus, municipibus liberalis, socijs abstinens, omnibus in omni officio diligentissimus fuit uisus. Functus est præterea magnificentissimo munere ædilitatis: quamquam quodam loco ait ipse sibi licere cum L. Philippo, C. Curione, C. Cotta gloriari, se sine magno munere omnia adeptum esse, quæ habentur in ciuitate amplissima, quoniam pro amplitudine honorum, quos cunctis suffragijs adeptus est, idq; suo anno, quod contigit illorum, qui supra nominati sunt, nemini, exiguus summus ædilitatis eius fuit. Prætor primus, ut paullo ante dixi, cunctis suffragijs renuntiatus est: quo in magistratu cum ei quæstio de pecunijs repetundis obtigisset, castissime atque integerrime eo munere functus est. Itaque narrant quidam, Licinium Macrum, hominem cum per se potentem, tum Crassi opibus & amicitia florentem, cum apud eum de pecunijs repetundis accusatus esset, & sua, & potentissimorum uirorum gratia fretum, studioq; & factione hominum nobiliū confisum, domum se è iudicio nondum pronuntiata sententia, quasi absolutum, contulisse, indeq; mutata ueste, & conso capite, ut omni crimine, iudicioq; liberatum, iterum in forum uenisse. Sed cum Crassus ei è limine

PATR. INGEN. STVD. ETC.

mine pedem efferenti obuiū factus esset, tristiſſimumq;
iudicij euentum ei nuntians, dixisset eum omnibus
sententijs damnatum esse: regressum illum in febrim
incidisse, ac decubuisse, neque ex morbo conualuisse.
Quæ res perhonorifica, & perquàm gloriosa Cicero-
ni fuit, quasi eo diligenter & seuerè iudicium illud
exercente, plus apud eum uerum crimen, & leges,
quam gratia & potentia ut ualuerint. Ferunt, etiam
illud, Cum Vatinius, homo acerbus, sæuus immi-
tisq; natura, & aduersus magistratus in causis agen-
dis asper, impudens, & contumax: cuius ad animi
uitium ac turpitudinem accedebat etiam corporis de-
formitas ex strumis plurimis ac fœdissimis, quibus
cervices habebat oppletas, ac refertas, contraëta: cum
is igitur à Cicerone prætorè quiddam iniquius postu-
laret, neque id ab eo impetraret, sed ille diu delibera-
ret, tempusq; differret: dixisset autem Vatinius, se, si
prætor sederet, Cicerone, aut quouis alio idem postulan-
te, de ea re non ita dubitaturum, neque deliberatu-
rum: respondisse Ciceronem, At ego, Vatini, tantas,
quantas tu, cervices non habeo. Consulem priorem
cunctis suffragijs omnes ordines, uniuerſa ciuitas non
prius tabella, quàm uoce, declarauit. Cessit autem
in suo consulatu cum multa alia præclara, rei q; pu-
blicæ salutaria, & summa laude dignissima, tum ka-
lendis Ianuarijs senatum & bonos omneis legis Agra-
riæ, maximarumq; largitionum metu liberauit, at-
que agrum Campanum, ut ait ipse quodam loco, si
diuidi non oportuit, conseruauit: si oportuit, meliori-
bus auctoribus reſeruauit. In C. Rabirio perduellio-

**

CICERONIS GENVS,

nis reo XL. annis ante se consulem interpositam senatus auctoritatem, sustinuit contra inuidiam, atque defendit: quosdam adolescenteis, bonos quidem & fortis, sed usos ea conditione fortunæ, ut, si essent magistratus adepti, reip. statum conuulsuri uiderentur, suis inimicitijs, nulla senatus mala gratia, comitiorum ratione priuauit: C. Antonium collegam, cupidum prouinciæ, multa in rep. molientem, patientia & obsequio suo mitigauit: prouinciã Galliam senatus auctoritate, exercitu, pecunia instructam atque ornatam non solum cum C. Antonio communicauit, uerum etiam (quod ita reip. tempora ferre existimabat) in contione, reclamante populo Ro. deposuit. L. Catilinam, quem supra commemorauimus, hominem audacissimum, ac sceleratissimum egredi ex urbe iussit, ut à quo legibus tutus esse populus Ro. non poterat, ab eo manibus tutus esse posset: ille denique tela intenta iugulis ciuitatis, de coniuratorum nefarijs manibus extorsit: ille facies iam accensas ad urbis incendium, comprehendit, atque exstinxit: quibus eum nominibus Q. Catulus princeps senatus, & auctor Consilij publici frequentissimo senatu patrem patriæ nominauit: eidem uir clarissimus L. Gellius senatu audiente ciuicam coronam deberi dixit: eidem senatus, quod antea rogato nemini, non, ut multis, reip. bene gestæ, sed, ut nulli, conseruatae reip. testimonium dedit, & singulãri genere supplicationis deorum immortalium templã patefecit: idem, cum in concione abiens magistratu dicere à tribuno pl. prohiberetur quæ constituerat, sine ulla dubitatione iurauit remp. & urbem suã unius

PATR. INGEN. STVD. ETC.

opera esse saluam : eidem pop. Ro. uniuersus illa in con-
 cione non unius diei gratulationem , sed aternitatem
 quandam, immortalitatemq; donauit, cum eius iusu-
 randum tale, atque tantum iuratus ipse una uoce, &
 consensu approbauit. Quo tempore is eius domum fuit
 è foro reditus, ut nemo, nisi qui cum eo esset, ciuium
 esse in numero uideretur. Atque ita est ab eo consula-
 tus peractus, ut nihil sine consilio senatus, nihil non
 approbante populo Ro. egerit : ut semper in Rostris cu-
 riam, in senatu populum defenderit, ut multitudinem
 cū principibus, equestrem ordinē cum senatu coniunxe-
 rit. Declaratum est anno consequente in Cicerone, quod
 & multi alij uiri boni, beneq; de rep. meriti sense-
 runt, atque experti sunt, plus saepe in rep. posse uel tem-
 pora, uel fortunam, uel etiam improborum, auda-
 ciam, uel populi leuitatem, & inconstantiam, quā uir-
 tutem & innocentiam, & beneficij accepti memoriam
 M. Tullus Cicero, ille ipse, qui ciuitatem ex interitu,
 urbem ex incendio & flamma, Italiam ex uastitate eri-
 puerat, P. Clodio contionibus turbulentis multitudi-
 nem imperitam & populi fecem, & seruitia concitan-
 te, Pompeio uel conuiiente, uel tacente, uel etiam me-
 tuente : Cesare cum exercitu ad portas sedente, &
 tribuni pl. turbulentissimi furorem aduante : Cras-
 so aperte ciuem optimum oppugnante, & hominē
 sceleratissimo suffragante, ac fauente : duobus non
 consulibus, sed prouinciarum mercatoribus, inspe-
 ctantibus, Gabinio, & Pisone, quorum alter un-
 guentis perpetuo oblitus calamistrata coma, uino, ga-
 neis, lenocinijs, stupris, adulterijs, confectus nemi-

CICERONIS GENVS,

nem fefellit; (nemo enim clauum imperij tenere, gubernacula reip. tractare in maximo cursu, maximisq; fluctibus reip. posse arbitrabatur hominem saltatorem, unguentis delibutum, emersum subito ex diuturnis tenebris lustrorum, & stuprorum:) alter Ciceronis affinis amplissimo loco natus multos in omneis parteis fefellit: nam & quia erat opinioni hominum nobilitate ipsa, blanda conciliatrix, commendatus, (ualce enim apud omneis clarorum uirorum etiam mortuorum memoria) & quia tristem semper, taciturnum, subhorridum, atque incultum uidebant, & quia erat eo cognomine, ut ingenerata ei familie frugalitas uideretur, ei fauebant, eum gaudebant consulcm reip. quem Gabinio opponerent, contigisse: eum denique ad integritatem maiorum suorum spe sua uocabant: sed cum eius animi uitia, & flagitia parietibus tegerentur: (quæ obstructio diuturna esse non potest) improbitatem ac nequitiam eius auctoritas, ac potestas declararunt. His igitur duobus consulibus partim conuiuentibus, ac dissimulantibus: partim aperte ei aduersantibus, M. Tullius è patria, quam conseruabat, à Clodio ciectus est. Quæ in re singularis eius in remp. amor, & patriæ caritas apparuit. Nam cum arma in templum Castoris palàm comportarentur, gradus eiusdem templi tollerentur, armati homines forum & contiones tenerent, cædes, lapidationesq; quotidie in urbe fierent, repudiaretur à Consulibus senatus auctoritas, equester ordo, reus à Consulibus citaretur: unus Clodius omnium rerum potestatem armis & latrocinij possideret: cum senatus & uiginti amplius

PA
hominum
sulesq; sen
que ad pri
que hec off
bis equitum
tas ressiere
tero fessiff
pugnando
nium peric
stem omni
rum casu
à complex
riu dimica
amoris sig
quod, cum
hunc per p
uidere ma
cum uictu
reictus
uttra mor
coniectu
mactatu
nem exi
cher XV I
lo humilia
cepis in
cum in i
titudo ad
nia liber
civitates

PATR. INGEN. STVD. ETC.

hominum millia pro eo præsente uestem mutaßent, consulesq; senatum ac populum Ro. lugere uetuißent, atque ad pristinum uestitum redire iussißent: cum denique hæc esset ei proposita condicio, ut aut tribuno plebis equitum Rom. & bonæ partis populi præsidio fretus resisteret ac repugnaret, aut cederet: cumq; in altero spes esset maturi reditus: in altero uero uel fortiter pugnando cadendum, uel summo cum bonorum omnium periculo, atque adeo exitio uincendum esset: pestem omnibus bonis impendentem eorum conseruandorum causa maluit unus suscipere ac subire, disirahiq; à complexu suorum, quàm proposito tot ciuium interitu dimicare. Fuit igitur hoc summi eius in patriam amoris signum certissimum, atque illustrissimum, quòd, cum ab ea abesse sine maximo dolore non posset, hunc perpeti, quàm illam labefactari, atque interire uidere maluit. Narrant boni & locupletes auctores cum uento reflante ex alto Dyrrachium, unde soluerat, reiectus esset, cumq; è naui esset exiturus, ingentem terræ motum & latum maris discidium extitisse: unde coniecerunt haruspices non longum eius exsiliu fore. mutationis enim hæc esse signa. Quorum diuinationem exitus comprobauit. Menses enim duntaxat circiter XVI. afuit. Dicitur autem hanc calamitatem paulo humiliter ac mollius, quàm uirum philosophia præceptis instructum atque imbutum decebat, tulisse. Quin cum in itinere magna quotidie undique hominum multitudo ad eum beneuolentiæ ergo concurreret, eiq; omnia liberaliter, & prolixè deferret: cum ipse Graciæ ciuitates officijs in eum certarent, mærore tamen con-

CICERONIS GENVS,

tabescebat, & consenescebat, atque identidem, ut aman-
teis ab ijs, quas amant, diuulsi, oculos in patriam re-
torquebat, animumq; contractum ac demissum gere-
bat. Quod qui ei uitio uertunt, mollitiæq; animi ascri-
bunt, immerito faciunt. Non enim maxima sua ca-
lamitate, & grauissimo casu commouebatur, quan-
quam commouebatur: Sed uir patriæ amantissimus,
reip. se tanquam unico tutore ac defensore orbatae ca-
sum lugebat, atque iniquo animo ferebat. Præterea
poterat ne, cum se à tot rerum tanta uarietate diuel-
li, cum à complexu suorum distrahi, cum suas ædeis
disturbari, fortunas diripi, se patriæ causa patriam
amittere, spoliari populi Ro. beneficijs amplissimis, præ-
cipitari ex altissimo dignitatis gradu uideret, infitiri
se esse hominem: & communem naturæ sensum repu-
diare? Tum uero neque illud eius factum laudabile,
neque beneficium ullum ab eo in remp. profectum dici
deberet, si quidem ea reip. causa reliquisset, quibus
æquo animo careret: eamque animi duritiam, sicut
corporis, quod, cum uritur, non sentit, stuporem po-
tuis, quàm uirtutem putaremus. Venit tandem Cice-
ronis reuocandi dies. Ac primum quidem Kalendis Ia-
nuarijs qui dies post eius ex urbe discessum, reip. pri-
mus illuxit, eum frequentissimus senatus concursu
Italiæ, referente P. Lentulo, consentiente pop. Ro. at-
que una uoce reuocauit: eum idem senatus, exteris na-
tionibus, eum legatis, magistratibusq; pop. Rom. au-
thoritate sua, consularibus litteris, non, ut Clodius ma-
ledicti loco nominarat, exulem, sed ut senatus illo ipso
tempore appellauit, ciuem, conseruatoremq; reip. com-

P A
mendauit
nium ciui
uellent, ce
uit: capie
quasi signa
Lentuli pr
Pompey cl
betrima et
eius uideat
ria princip
stium ma
senatus et
phus bona
scriptis. D
sen, præ
terq; duos
Numerius
P. Lentu
collegæ
ut nemin
uisa su:
multitudo
ge lata in
que Rom
tur. Neq
neque præ
eum uen
Italiæ, et
ex agris
les fuerat

mendauit: ad eius unius salutem, senatus auxilium omnium ciuium cuncta ex Italia, qui remp. saluam esse uellent, consulis uoce, & litteris implorandum putauit: capitis eius seruandi causa Romam uno tempore quasi signo dato Italia tota conuenit: de eius salute P. Lentuli praestantissimi uiri, atque optimi consulis, Cn. Pompeij clarissimi ciuis, ceterorumq; principum celeberrimae & grauissimae contiones fuerunt: de eo senatus ita decreuit, Cn. Pompeio auctore, & eius sententiae principe, ut, si quis eius reditum impedisset, in hostium numero putaretur: ijsq; uerbis eiusmodi de eo senatus auctoritas declarata est, ut nemini sit triumphus honorificentius, quam ei salus, restitutioq; per scripta. De eodem cum omnes magistratus promulgassent, praeter App. Claudium, fratrem inimici, praeterq; duos tribunos pl. Sex Atilium Serranum & Q. Numerium, qui silentium suum Clodio uendiderant: P. Lentulus consul comitijs centuriatis legem tulit de collegae Q. Metelli sententia: quae lex ita accepta est, ut nemini ciui ulla, quo minus adesset, iusta excusatio uisa sit: ut nullis comitijs unquam tanta hominum multitudo, neque tantus splendor fuerit. Hac igitur lege lata talis Ciceronis fuit reditus, ut à Brundisio usque Romam agmen perpetuum totius Italiae cerneretur. Neque enim regio fuit ulla, neque municipium, neque praefectura, aut colonia, ex qua non publice ad eum uenerint gratulatum. Aduentus eius in urbeis Italiae, & effusiones hominum ex oppidis, concursus ex agris patrum familias cum coniugibus ac liberis tales fuerunt, ut uerendum ei fuerit, nequis putaret,

CICERONIS GENVS,

eum gloriae studio, & cupiditate inflammatum iccirco
exisse, ut ita rediret: atque ut id, quod postea ab ipso
de suo reditu gloriantes dictum est, se ab Italia ueluti
eius humeris sublatum, in patriam esse reportatum, ue-
ritate inferius esse uideretur. Appropinquantem ei ad
urbem senatus & populus uniuersus, Romaeque adeo
ipsa, quasi suis sedibus conuulsa, ad complectendum
conseruatorem suum procedere uisa est: quae eum ita
accepit, ut non modo omnium generum, aetatum, ordi-
num omnes uiri ac mulieres, omnis fortunae, & loci,
sed etiam moenia ipsa, & tecta urbis ac templa latari
uiderentur. Eundem consequentibus diebus in ea ipsa
domo, quam Clodius incenderat, pontifices, Consu-
les, praetores collocarunt: eamque (quod ante eum ne-
mini) pecunia publica aedificandam censuerunt. Ali-
quot annis post suum reditum L. Murana, L. Flac-
co, P. Sylla, P. Sextio, M. Caelio, Cornelio Balbo,
T. Annio Milone, C. Rabirio Postumo, multisque alijs
defensis, omnibusque praeter Milonem, iudicio liberatis,
multis rebus in rep. praclare gestis, in augurum colle-
gium, quod antea neglexerat, se cooptari passus est.
Ad extremum in Ciliciam pro Consule profectus re de-
clarauit. quod & a magnis philosophis dictum est,
& incredibile multis uidetur, EVM, QUI VNAM
VIRTUTEM HABEAT, OMNEJS
HABERE EVMQUE, QUI VIRTU-
TE PRAEDITVS SIT, OMNIA BE-
NE ET PRAECLARE GERERE. Nam
is, cui laus omnis parca Romae, quae sita in foro erat:
is, qui togatus patriam seruarat: is, cui uni togato

PA
supplicatio
omnes ordi
nium urbi
res in pro
lati, acie
gnum hosti
stella imp
exercitu se
cilicum, fe
dendum pa
sa cinxisset
gere, uine
multis, ma
mole sua, su
mo die rem
siurbans, d
uenerint. e
cias matrebo
ne pro Cor
ribus, et ra
nis, ut eo pr
in eu, neq
diorum co
ferum, q
acpiet. Cal
Cilium illa
fer, ne neg
therarum
rum, ref
dem agi m

PATR. INGEN. STVD. ETC.

supplicationem senatus decreuerat: is denique, cui uni omnes ordines, Italia cuncta, omnes gentes testimonium urbis atque imperij conseruati dederant: gessit res in prouincia triumpho dignissimas. signis enim collatis, acieq; instructa ad Amanum montem, magnum hostium numerum interfecit, plurimaq; castrilla improviso aduentu cepit, ita ut imperator ab exercitu sit appellatus. Præterea oppidum Eleuthero-cilicum, ferorum hominum & acrium, & ad defendendum paratorum, Pindenissum cum uallo, & fossa cinxisset, sex castellis, castrisq; maximis sepsisset: aggere, uineis, turribus oppugnauit; ususq; tormentis multis, multis sagittarijs, magno suo labore, sine ulla molestia, sumtuq; socioaum septimo & quinquagesimo die rem confecit, ut omnibus partibus urbis aut disturbatis, aut incensis compulsi in eius potestatem peruenerint. Cum autem ceteri ferè omnes, qui in prouincias mittebantur siue prætores, siue pro prætoribus, siue pro Consulibus, urbeis prouincialeis tributis & sumtibus, et rapinis exhaurirent: ea fuit continentia Cicero nis, ut eo prouinciâ obtinente ne teruncius quidem neq; in eū, neque in quenquam legatorū, aut quaestorū, aut aliorum comitum insumtus fuerit. Quin non modo fanum, quod lege Iulia licebat, sed ne lignum quidem accipiebat. unde nata est ei occasio ioci illius, quo M. Caelium illusus: qui cum à Cicerone per litteras petiuisset, ut negotium daret ijs, qui uenari solebant, pantherarum capiendarum, sibiq; Romam aduehendarum, rescripsit ei perurbane & peruenuiste, hoc quidem agi mandatu suo diligenter: sed earum miram esse.

CICERONIS GENVS,

paucitatem: & eas, quæ essent, ualde dici queri, quòd nihil cuiquam neque insidiarum, neque iniuria in sua prouincia fieret, nisi sibi. Prouincialeis conuiuio quotidie accipiebat non sumtuoso, neque opiparo, neque magnifico quidem illo, sed liberali & copioso, & prolixo: domus eius ianitorem non habebat: nunquam à quoquam recubans in lecto repertus est, sed à prima luce aut stans, aut inambulans in atrio salutanteis comiter & officiose excipiebat. Fertur autem neque uirgis quenquam unquam contumeliose uerberasse, neque uestem cuiquam lacerasse, neque ira elatus maledixisse, aut multam per contumeliam irrogasse. Aiunt præterea eum ita per Asiam iter fecisse, ut etiam fames, qua nihil miseriùs est, quæ tum erat in ea Asiæ parte, cui præerat, (messis enim nulla fuerat) ei optanda fuerit. Quacunque enim iter fecit, nulla ui, nullo iudicio, nulla contumelia auctoritate & cohortatione perfecit, ut & Græci, & ciues Ro. qui frumentum compresserant, magnum frumenti numerum populis pollicerentur. Itaque exercitu imbecillo contra magni belli metum firmissima præsidia habuit, æquitatem, continentiam, abstinentiam, integritatem, innocentiam. Atque his subsidijs ea est consecutus, quæ nullis legionibus consequi potuisset, ut ex alienissimis socijs amicissimos, ex infidelissimis firmissimos redderet, animosq; nouarum rerum expectatione suspensos, ad ueteris imperij beneuolentiam traderet. Postremo non modo Ariobarzanem regem præsentibus insidijs liberauit, ei saluti fuit, eius regnum seruaui, incorruptum se, atque integrum

PAT
eius insidia
auctoritate
si in omni
sua cupidit
nostri est
hac, quæ r
præstanti
le de eo sen
ei supplicat
& populus
quam senat
parata fuerat
Pompeium
gratiam uel
utraq; par
urbem acced
ri poterit
Incidit eni
scordia: cu
rumdam m
qui boni ha
tibus obstan
rent, ille el
pato tandem
reno: urbe
cendio relin
cerone uel
Cicero dia
ium sequen
lia manere

PATR. INGEN. STVD. ETC.

eius insidiatoribus præbens, uerum etiam ut cum auctoritate regnaret, curauit, atque perfecit. Quòd si in omnibus sæculis pauciores uiri reperti sunt, qui suas cupiditates, quàm hostium copias superarent: nostrum est profecto eum uirum, qui ad res bellicas hæc, quæ rariora sunt, genera uirtutum adiunxit, cum præstantissimis Imperatoribus comparare. Atqui tale de eo senatus, populiq; Ro. iudicium fuit. Namque ei supplicationem triumphumq; & senatus decreuit & populus comprobauit. uerum quia paullo antequàm senatus ei triumphum à consulibus flagitaret, sparsa fuerant quædam belli ciuilis inter Cæsarem, & Pompeium semina: quos cum inter se reconciliare in gratiam uellet, cupiditates certorum hominum ei ex utraque parte impedimento fuerunt: ei quidem ad urbem accedenti ita obuiam proditum est, ut nihil fieri potuerit honorificentius: uerum non triumphauit. Incidit enim triumphi tempus in flammam ciuilis discordiæ: cui mederi sæpe conatus, nihil profecit, quorundam non solum improborum: sed etiam eorum, qui boni habebantur, furore eius consilijs, & conatibus obstante: cum hi belli fortunam experiri cuperent, ille clamaret bello ciuili nihil esse miserius. occupato tandem à Cæsare Arimino, Pisauo Ancona, Arretio: urbe à consulibus & Pompeio direptioni & incendio relicta, relicta ad extremum etiam Italia, Cicerone uehementer improbante, Graciæq; petita: cum Cicero diu multumq; æstuaßet, dubitans utrum Pompeium sequeretur, & bello ciuili interesset, an in Italia maneret & quiesceret, (quod ei per Cæsarem, li-

CICERONIS GENVS.

bat) cum identidem diceret se habere quem fugeret, non habere quem sequeretur: tandem non uictoria spe elatus, sed officio adductus, neque officio publico sed priuato: neque reip. causa, quam funditus deletam putabat, sed ne quis putaret eum ingratum esse in illum, qui leuaret eum ijs incommodis, quibus affecerat: non cupiditate aliqua impulsus, sed pudore uictus, ipse quoque mare transijt, atque ad Pompeium se contulit, prudens & sciens ad exitium ruens uoluntarium. Neque eum Caesar uel promissis suis de sententia potuit demouere, uel potestate, metuue deterre-
re. Quin cum Caesar, & Cicero congressi inter se, & collocuti essent, Caesarq; Ciceronem hortatus esset, ut ad urbem ueniret, quod diceret, & damnatum iri se eius iudicio, nisi ueniret, & tardiores fore reliquos, nisi una cum eis ueniret: si nullam aliam ob rem uenire noller, at certe ueniret, ut de pace ageret suo arbitratu: respondit Cicero, se, si huius rei gratia ueniret, sic de ea acturam: senatui non placere iri in Hispanias, nec exercitus in Graciam transportari, mul-
teq; de Cneo deploraturum. Quid potuit à quoquam aut liberius aut fortius & homini, penes quem tanta erat potestas, & tali tempore responderi? Atqui extrema multo etiam liberiora, & constantiora fuerunt. Nam cum Caesar dixisset se hac nolle dici: tum Cicero, eò, (inquit) adesse nolo, quod aut sic mihi dicendum est, multaq; quæ nullo modo silere possem, si adessem: aut non ueniendum. Cum multa autem diuinitus à M. Tullio de hoc bello, eiusq; euentu multo ante prædicta feruntur, tum illud in primis. Cum omneis opes

PAT
Et sua &
lisset, seroq;
senferat &
tentiam, ut
iam inferri
nox fuit nec
PEI CV
AVT NV
NVM Q
lo tamen tem
bare dicebat
mis aduerse
males per ip
confilij, ne
pari: & a
dicebat, cer
ri posse, &
ne accideret
tu atque ex
quod euentu
promittere
etiam castra
Africanam con
se uictoria
rationem se
esset, excul
quàm si se
filia obitu
longius pro
concefferunt

PATR. INGEN. STVD. ETC.

Et suas et populi Rom. Pompeius ad Casarem detu-
lisset, seroq; ea sentire cepisset, quæ multo ante præ-
senserat et præuiderat Cicero, eam Caesaris esse po-
tentiam, ut ei sine bello civili resisti non posset, cumq;
iam inferri patriæ bellum nefarium uideret: eius illa
uox fuit nota multis, VT INAM CN. POM-
PEI CVM CAESARE SOCIETATEM
AVT NUMQVAM COISSES, AVT
NUMQVAM DIREMISSES. Atque il-
lo tamen tempore non causam se, sed consilium impro-
bare dicebat. sero enim Pompeium et senatum ijs ar-
mis aduersari uidebat, quæ præterito tempore confir-
mata per ipsos erant: dolebatq; pilis et gladijs, non
consilijs, neque auctoritatibus de iure publico disce-
ptari: et tamen si ea, quæ facta sunt, cum fore præ-
dicebat, certo non diuinabat futura: sed quod et fie-
ri posse, et, si euenisset, exitiosum fore uidebat, id
ne accideret metuebat: tamen si ei alterutrum de euen-
tu atque exitu rerum promittendum esset, id futurum,
quod euenit, quàm quod alij sperabant, exploratius
promittere potuisset. Victo igitur Pompeio, amissis
etiam castris cum alij bellum renouare conati sese in
Africam contulissent, alij locum exsilio quaesiuissent:
se se uictori credere, et Romæ habitare maluit, hanc
rationem secutus, quia si ibi ciuitas esset, ciuis: si non
esset, exsul esse posset Romæ non incommodiore loco,
quàm si se Rhodum, aut Mytilenas contulisset. Tullia
filia obitum ægre ille quidem tulit, sed non est tamen
longius progressus, quàm cuius grauißimi philosophi
concesserunt: quorum scripta omnia, quacumque

CICERONIS GENVS,

tunc in eam sententiam extabant, non solum legit, (quod ipsum erat fortis egroti accipere medicinam) sed etiam in sua scripta transtulit: quod afflicti aut fracti animi non fuit. Quare immerito à quibusdam reprehensus est, desiderantibus scilicet in eo firmitatem atque constantiam. Nam siue ita leuatus erat, ut animum uacuum ad res difficileis scribendas afferreret, reprehendus non fuit: siue aberrationem illam à dolore delegerat maxime, quæ liberalissima, doctoq; homine dignissima est, laudari etiam eum oportet. Coniurationis in C. Iulium Casarem non fuit conscius, neque particeps. Quod si fuisset, non solum tyrannum, sed tyrannidem sustulisset. nunc autem Casare interfecto, subortus continuo est in eius locum longe & impotentior, & deterior dominus Antonius, qui remp. funditus euerit. Notum est illud, ex principio epistolæ eiusdem ad Trebonium: cum quo congruit quod item ad Cassium scripsit. Quam uellem me ad illas pulcherrimas epulas Idibus Martiis inuitasses: reliquiarum nihil haberemus. At nunc cum his tantum negotii est, ut uestrum illud diuinum in remp. beneficium nonnullam habeat querelam. Cum igitur M. Antonius paucis post cadem Caesaris diebus in æde Telluris de concordia uerba fecisset, eius orationem subsecutus Cicero, iecit fundamenta pacis Atheniensiumq; uetus exemplum renouauit, atque omnem memoriam discordiarum obliuione sempiterna delendam censuit. Cum lux quædam reip. oblata uideretur, non regno modo, sed etiam regni timore sublato, magnumq; pignus populo Ro. dedisset Antonius,

PA
se ciuitatem
quod sepe
memoriam
sare suuere
biliter, cum
clarissim
ad miseric
que hoc pat
rem redact
teret, & cu
& mnta uir
uersa sunt
trie libertate
Tullius audi
di in Græcia
muneris ag
ita uolunt
sum locum
cepto à qui
conium, re
provincijs
tum M. T
Veliam ad
di aliquid,
ta autem in
præterq; fa
uerba facer
ret sue erg
tanta homi
gratulata e

PATR. INGEN. STVD. ETC.

se ciuitatem liberam esse uelle eò quod dictatoris nomen,
quod sæpe iustum fuerat, propter perpetuæ dictaturæ
memoriam funditus è rep. sustulisset: ecce repente Cæ-
sare funere elato, etiam laudato à M. Antonio misera-
biliter, cum sæpe hæc uerba iteraret, tantum uirum,
clarissimum ciuem interfectum, & ueste cruenta
ad misericordiam populo commouendam explicata at-
que hoc pacto multitudine concitata, ac pæne ad furo-
rem redacta, adeo ut gladijs destriëtis coniuratos appe-
teret, & cum facibus ad eorum ædeis conuolaret: tum
& mutauit se ipse Antonius, & in peiorem partem
uersa sunt omnia, Brutusq; & Cassius, & ceteri pa-
triæ liberatores profugere ex urbe coacti sunt. Ita M.
Tullius audire hæc malens, quàm uidere, proficiscen-
di in Græciam consilium cepit. Cum ex Leucopetra, pro-
muntorio agri Rhegini consendisset, ut trāsmitteret: non
ita multum prouectus, reiectus Austro est in eum ip-
sum locum, unde conscenderat. Intempesta nocte ac-
cepto à quibusdam Roma recentibus nuntio, M. An-
tonium, repudiatis malis suasoribus, remissis Gallijs
prouincijs ad auctoritatem senatus esse rediturum,
tum M. Tullius, abiecto profectionis consilio, celeriter
Veliam aduectus Romam rediit, non spe proficien-
di aliquid, sed ut siquid sibi humanitus accidisset (mul-
ta autem impendere sibi providebat præter naturam,
præterq; factum) eius diei, quo die de rep. in senatu
uerba faceret, uocem, testem populo Rom. relinque-
ret suæ erga patriam uoluntatis. Romam reuertentē
tanta hominum multitudo obuiam processit, reditumq;
gratulata est, ut dies integer in salutationibus & gra-

CICERONIS GENVS,

eulationibus consumptus sit. Die postero cum Antonius
 senatum adesse iussisset: Cicero autem de uia langue-
 ret, misissetq; ad eum pro amicitia qui eum oraret, ut
 eo die sine eius offensione abesse liceret: ille senatu au-
 diente dixit, se cum fabris & delabris domum Cicero-
 nis iturum, eiusq; domum disturbaturum, nisi ma-
 turæ in senatum ueniret: statimq; misit milites, qui
 aut eum domo ui abstraherent, aut domum eius incen-
 derent: à quo incepto & consilio tamen communibus
 amicis deprecantibus reuocatus, pignoribus ablatis, &
 multa irrogata destitit. his simultatum, odiorumq; ini-
 tijs inter Ciceronem & Antonium ortis, cum Antonius
 multa in rep. contra leges quotidie moliretur, pecuniã
 publicam disciparet, exsules sine lege restitueret, uecti-
 galia uenderet, prouincias de populi imperio tolleret,
 regna pecunia addiceret, colonias pop. Rom. oppugna-
 ret, tormentisq; uerberaret: Octavius adolescens, C.
 Iulij Caesaris sororis filius, qui tum erat Athenis, he-
 redem se Caesaris auunculi professus, aditaq; heredita-
 te, ingentem pecuniam ex bonis Caesaris à M. Antonio
 ablatam esse querens, eamq; repetens: illo recusante,
 cum eo suscepit inimicitias: & breui tempore compa-
 rato ex ueteranis iusto & firmo exercitu, M. Antonio
 cum magnis copijs Brundisio ad urbem aduolanti sese
 opposuit, cum senatus, populusq; Ro. nullos duces ha-
 beret, nullas copias: nullum esset consilium publicum,
 nulla libertas. Quòd nisi quis eum senatui, populoq; Ro.
 obtulisset deus, aut dandæ ceruices erant crudelitati An-
 tonij nefariæ, aut fuga quærenda: quæ tamen ipsa exi-
 tum non habebat, quia omnia ad perniciem senatus, po-
 puliq;

P A
 puli: R
 Quocirca
 adolescen-
 strari, ter-
 decreuit et
 qui optimi
 sam liberta-
 taret. Sigi-
 Hirtius, C
 pratio cum
 fugisset A
 quem ter-
 que incue-
 sari exim
 conatus es
 nationis ad
 nudus ab
 opportuna
 nit, ei q
 suffragari
 ciendum
 sibi para-
 Casarem
 cognouisset
 eroni per
 sulere, su
 quidam
 tum Cas
 re, aut e

puliq; Rom. pestifero illi patriæ euersori patebant. Quocirca M. Tullius dandum imperium Casari adolescenti censuit : sine quo res militaris administrari, teneri exercitus, bellum geri non potest. decreuit etiam, ut esset pro pratore eo iure, quo qui optimo, ut adolescentem his pramijs ad causam libertatis defendendam magis ac magis excitaret. Signa postea cum Antonio hic idem Casar, Hirtius, & Pansa consules contulerunt. Quo in prælio cum Hirtius & Pansa occubuissem, uictus fugisset Antonius, Casar reliquus esset Imperator, quem totus populi Rom. exercitus sequeretur, atque intueretur : cœpit tum senatus potentiam Cæsaris extimescere. Itaque ut eius opes imminueret, conatus est milites ueteranos ab eo pramijs & muneribus auocare. Quæ ille re cognita, ueritus ne nudus ab omni præsidio, inimicorum iniurijs esset opportunus : quosdam è suis ad Ciceronem allegauit, ei qui suaderent, ut sibi consulatum petenti suffragaretur, atque una cum ipso se consulem faciendum curaret : Ciceronem omneis Cæsaris opes, sibi paratas, suas esse, credere iuberent : omnia Cæsarem, quæ illi expedire, aut quæ illum uelle cognouisset, pollicerentur. Quæ cum facile Ciceroni persuasissent, non quòd suæ ambitioni consulere, suæue gloriæ uelificari studeret, (quod quidam falso criminantur) sed uel quia exercitum Casari, quem ipse compararat, adimi debere, aut etiam posse non putabat : uel quia quem

CICERONIS GENVS,

alium, præter Cæsarem, eiusq; exercitum Antonio, & eius copijs, quas post cladem acceptam, statim repararat, opponeret, non habebat: uel quia Cæsarem causam libertatis semel susceptam deserturum ac proditurum non existimabat: omnia eius causa uelle cœpit, omneisq; ei honores sua sententia, suoq; decreto detulit. Eripere autem ei aut imperium, quod ei belli necessitas dederat: aut milites, qui illius nomen promissa, fidem, auctoritatem, imperium secuti pro populi Rom. libertate arma ceperant, fas esse non putauit. Neque uero Cicronem, uirum & natura prudentissimum, & usu experientissimum, fugiebat, quanto sua existimationis, ne dicam capitis, periculo, fidem suam populo Rom. pro Cæsare adolescente obligasset: neque idem ignorabat, multo grauiorem ac difficiliorem esse animi, iudicij, sententiæ, maximis præsertim in rebus, quàm pecuniæ, pro altero obligationem, quoniam pecuniam, quam quis promiserit, soluere de sua re familiari potest nisi egentissimus sit: fidem autem suam si quis pro altero reip. obligarit, liberare eam non potest, nisi is, pro quo fidem dederit, dependi patiatur. Sed sibi persuaerat Cicero, quanquam flexibilis erat Cæsaris adolescentis atas, & multi ad deprauandum parati, eam tamen, & in eo ingenij, naturæq; bonitatem, seu indolem, & in se esse auctoritatem, & in causa suscepta pulchritudinem ac dignitatem, ut eum facile retinere posset. & fecisset, nisi uel fata humanis consilijs obstitissent, uel pestifera consilia apud Cæ-

P
sarem p
Cicronem
peretur,
qui atque
postulens
re, aut de
qui neque
nam, uel
rat: neque
tur Cicero
iustitiam
mortalium
rius a q
tulle,
uifam q
in rep.
mus in
exant
ad nom
obfidi
nulli d
poneret
ri, &
re, quæ
cum per
uinculi
tissimum
libertate
atque in

sarem plus quàm salutaria ualuisse. Qui igitur Ciceronem, quèd homo senex, ut ab adolescente deciperetur, commiserit, reprehendunt, nã illi ualde iniuri atque iniusti sunt existimatores, quippe cum aut postulent ut homo præstet quod non est hominis præstare, aut de consilijs hominum ex euentu iudicent. At qui neque hominis est præstare uel fatum, uel fortunam, uel quicquam aliud, quod uireis humanas superat: neque consilia debent euentis ponderari. Fuit igitur Ciceronis consilium & rectissimum & prudentissimum, ut illa tempora tulerunt, neque quisquam mortalium est, qui quicquam illo tempore salutarius à quoquam aut cogitari, aut prouideri potuisse, quàm quod à Cicerone cogitatum ac prouisum est, demonstrare possit. Summa tum erat in rep. rei pecuniariae difficultas, qui impeditiuissimus in omni re & priuata & publica nodus est: exhaustum erat ararium: obsurdescebant homines ad nomen tributi: Antonio furenti sine exercitu obsisti non poterat: nullæ erant in Italia copiae, nulli duces, præter Casarem, qui se Antonio opponeret. Quid cuiquam prudenti reip. moderatori, & bono ciui melius poterat in mentem uenire, quàm ut adolescentem nobilem, locupletem, & cum per se potentem, tum propemodum Casaris aduunculi potentiae heredem, militibusq; ueteranis gratissimum, honoribus, & præmijs ad populi Rom. libertatem patriæq; salutem defendendam eliceret, atque inuitaret? an imperium ei denegando, eum

CICERONIS GENVS,

à rep. alienaret? Quid dementius? Non igitur aut temeritas hominem consideratissimum, aut credulitas uirum prudentissimum, aut ambitio ciuem in sua rep. principem, & omnibus populi honoribus ornatum, ac pene dicam quasi satiatum, atque expletum obcæcauit, sed uel Octauij perfidia & regnandi cupiditas, uel temporum inclinatio, uel fatalis quædam calamitas (quam nemo mortalium humano consilio uitare, aut auertere potest) uel hæc uniuersa & Ciceronem unà cum rep. & remp. unà cum Cicerone perculerunt atque afflixerunt. Fuit enim hoc illius diuini uiri fatum sine rep. neque posse uincere, neque uinci. Ita Cæsar adolescens coniunctis cum Antonio, & Lepido sensibus & copijs Ciceronem, à quo tantopere fuerat ornatus, deseruit, & in potestatem inimici crudelissimi tradidit atque permisit. Quo factò unà cum fratre Quinto proscriptus est. Hoc nuntio accepto cum fugere in Macedoniam ad Brutum unà cum Quinto, quem secum habebat in Tusculano, constituisset: Quintus frater autem domum, sibi reuertendum esse existimaret, quod ad hoc iter faciendum, uiaticum sibi non prouidisset, nihilq; domo, ad eius itineris sumtum tolerandum deportasset: complexi inter se, multis cum lacrymis alter ab altero distraeti ac diuulsi sunt. Ac Quintus quidem paucis post diebus cum filio interfectus est, à seruis suis indicatus ac proditus. Marcus autem nunc omnia graua & horribilia expectans, nunc in Cæ-

P.
sare alia
consilia
tunc: q
omnem
cum se
cibus
fugam
monit
sens, in
mini
salutis
rent:
ribus
Etica
gesta
Heter
melior
fender
parat
clausa
ne no
ita m
stre
mine
tat,

PATR. INGEN. STVD. ETC.

fare aliquid spei habens, & identidem sententiam,
consiliumq; profectionis & mansionis mutans, mul-
tisq; tristissimis ostentis mortem sibi præsignificari
intelligens, seruorum suorum fidei, & custodiæ
se se credidit, potestatiq; permisit. Illi autem eum
in uillam quandam in ora maritima sitam detule-
runt: quod simulatq; peruenit, quieti se se dedit ad
omnem euentum paratus. Quiescente Cicerone
cum serui diris, atque horribilibus cornorum uo-
cibus ac uolatibus domini interitum, nisi mature
fugam capesseret, denuntiantibus ac significantibus
moniti, Ciceronem seruare in animum induxif-
sent, indignum esse arbitrati committere ut necis do-
mini spectatores essent, præsertim cum aues ipsæ
salutis eius expediendæ rationem, uiamq; ostende-
rent: subito partim inuitum, partim precibus om-
nibus oratum, ut se seruari pateretur, eum in le-
ticia collocatum iueneribus deuijs ad mare circum-
gestarunt. Interea percussores ab Antonio missi
Herennius centurio, & Pilius quidam tribunus
militum, quem patricidij accusatum quondam de-
fenderat Cicero, audacibus hominibus & ad eadem
paratis stipati, adueniunt. Ianua uillæ Ciceronis
clausa reperta, & cum fores pulsassent, Cicero-
ne non inuento: cum ceteri, qui intus erant, non
ita multi, ubi esset, aut quod inisset, interrogati,
se se negassent: adolescens quidam Philologus no-
mine, Quinti libertus, quem Marcus ipse erudie-
rat, nullo metu, nulla ui coactus, & sponte sua

CICERONIS GENVS,

Herennio dicitur enuntiasse, Ciceronem à seruis ablatum atque ereptum esse, & quà iter faceret. indicasse. Qua re audita, paucis comitibus sumtis Herennius ad Ciceronem cucurrit. Ille autem, eorum aduentu ex strepitu & rumore cognito, primum consistere seruos, & iumenta iussit: deinde aperta lectica, &, quod erat facere solitus, barba leuiter manu atrectata: contentis ac defixis in percussorem imminuentem iam & propinquum oculis, prolixo capillo, barba promissa, toto corpore inculto, squaloris, & horroris pleno, curisq; & uigilijs confecto, ultro præbuit iugulum: & cum ceteri omnes illi sicarij à tam tatro spectaculo oculos auerterent, tanti uiri maiestatem, orisq; dignitatem reueriti, Herennius caput ei gladio ceruicibus abscidit, simulq; manum eam, qua Philippias orationes conscripserat, quod ita iusserat Antonius, præcidit. Ita uir optimus, optimeq; de patria meritis hominis importunissimi, & crudelissimi iussu rep. ab tyrannis audacissimis ac sceleratissimis oppressa, unà cum patria, quam toties seruauit, occidit: neutrum eorum, quæ maxime exoptarat, consecutus: quorum alterum erat, ut moriens populum Rom. liberum relinqueret: alterum ut ita cuique, ut quisque meritis esset, eueniret. Fuit in illo uiro singularis iustitia, temperantia, moderatio, frugalitas, abstinentia, lenitas, innocentia, castitas, sanctimonia, integritas, fides, continentia, probitas, prudentia, fortitudo,

P. A.
animi m
rum. Q
Etas est
confictur
cum fortia
ent, qua
à pericul
undis rep
tio rectu
tima &
esse in m
aduerfor
Scriptu
integra
iisq; tot
mus, ex
hiq; m
dieps u
tem cia
liq; su
contin
epistole
unde qu
tor, qui
uelere
Roccori
prudent
comple
quod

animi magnitudo, & deficiente rerum humana-
rum. Quod autem & à nonnullis timidior di-
ctus est natura, & ipse talem se in scriptis suis
confitetur: non est ea timiditas intelligenda, quæ
cum fortitudine pugnat, & quæ ignavia appella-
tur, qua qui præditus est, à factis fortibus, &
à periculis pro patria, & libertate & dignitate ade-
undis refugit: sed ea animi affectio, quæ considerata ra-
tio rectius appelletur: & quæ prudentiæ maxime fini-
tima & pæne gemina est. Est enim prudentis timidum
esse in magnis, periculosisque rebus, semperque magis
aduersos rerum exitus metuere, quam secundos sperare.
Scripta plurima reliquit, quæ utinam & omnia &
integra ad nos peruenissent. Quantum ex omnibus,
ijsque totis, & integris, fructum percepturi fueri-
mus, ex eo cognoscere licet, quod ex ijs reliquijs,
hisque mutilis & laceris, tantam ad litterarum stu-
diosos utilitatem peruenire, uideamus. Cum sint au-
tem eius scripta in quattuor genera distributa, al-
iaque sint quasi *τεχνην*, quibus tota Ars dicendi
continetur: alia quæ orationes appellantur: alia, quæ
epistolæ: alia, quæ philosophica: eorum nullum est,
unde quisquam, quantumuis iniustus rerum existima-
tor, quicquam uel minimum ad mores corrumpendos
ualere uere criminari possit. Atque ut omittam
Rhetoricam, quæ totam artem dicendi copiosissime,
prudentissime, distinctissime, planissime explicatam
complectuntur: in orationibus ipsis, præterquam
quod incredibilem, singularem, admirabilem, ac

CICERONIS GENVS,

pene diuinam sermonis elegantiam, uenustatem, grauitatem, uim atque ubertatem continent: multi sunt praeterea loci ad philosophiam pertinentes, & grauissime, & ad rem accommodatissime tractati. Nihil de religione, nihil de pietate, nihil de caritate patriae, nihil de bonis rebus, aut malis, nihil de uirtutibus, aut uitijs, nihil de officio, nihil de dolore aut uoluptate, nihil de uita, aut morte, nihil de perturbationibus animi & erroribus à philosophis ullis disputatum est, cuius non appareant atque emineant in orationibus M. Tullij illustria quaedam, & praeclara lineamenta, atque adeo uiua simulacra. Quod idem de epistolis uere dici potest. Iam philosophica totam & ueterum Academicorum & nouorum, & Peripateticorum, qui nihil ferè à ueteribus Academicis discrepabant, & stoicorum, & Epicureorum, & aliorum sententiam, rationemq; continent. Nam cum de rebus omnibus, ut Academicus, non solum in utramque partem disputaret, uerum etiam ex omnium philosophorum sententijs quid in quaque ueri inesset, studiose eliceret, apparet ex eius scriptis nullius illum philosophiae rudem atque expertem fuisse. Neque uero est quodeum quisquam ex tali disputandi genere aut nulla in certa sententia constitisse, neque quicquam, quod sequeretur, habuisse: aut impium fuisse, minusq; recte de deo, aut de animorum immortalitate sensisse existimet. Quin ex eius scriptis intelligere licet, eum & id solum

PA
rectum
quod de
inueni
ad bene
unum esse
eundem
tam ab om
& mouet
no, in
animam
qua frui
atque im
tem prae
pijs sua
& in
sum hab
eius Acad
omnibus
reponen
reuer
amauerat
mis seque
mandi an
tam super
rimusq;
ris lectio
tutorum
alijs enim
nate, sed

PATR. INGEN. STVD. ETC.

rectum esse sensisse, quod honestum, quod iustum,
quod denique cum uirtute consentaneum, & con-
iunctum sit, & in uirtute plurimum esse praesidij
ad bene beateq; uiuendum iudicasse, & deum
unum esse huius mundi opificem atque effectorem,
eundemq; mentem solutam & liberam, segrega-
tam ab omni concreione mortali, omnia sentientem
& mouentem, ipsumq; praeditum motu sempiter-
no, in omneis beneficium ac liberalem, omnibus
animantibus commoda, quibus utuntur, lucem,
quae fruuntur, spiritum, quem ducunt, dantem
atque impertientem, omnia cogitantem, intelligen-
tem providentem, atque animaduertentem: bonis &
pijs sua pietatis praemium persoluentem, improbos
& impios poenis sempiternis afficientem, persua-
sum habuisse. Sed erat mos ille patrius atque aui-
tus Academicus, semper in dicendo ac disputando
omnibus aduersari iudiciumq; suum nusquam in-
terponentem ea approbare, quae similia ueri uide-
rentur: quae contra, improbare. hunc morem ad-
amauerat atque expetuerat Cicero, eumq; in pri-
mis sequebatur, diligenterq; retinebat, ut affir-
mandi arrogantiam uitans, eadem opera temerita-
tem fugeret, a sapientia maxime discrepantem plu-
rimumq; dissidentem. Huius igitur diuini scripto-
ris lectionem, Carole, noli putare cum aliorum La-
tinorum lectionis utilitate esse comparandam. Ex
alijs enim uel quod ad unam aliquam artem perti-
neat, uel, si forte etiam ad plures referri possit,

CICERONIS GENVS,

quod tamen aut minus distincte, aut minus eleganter atque ornate, aut minus uarie & copiose, aut minus erudite scriptum sit, petere solemus. Ex hoc, tanquam uberrimo omnium doctrinarum atque artium fonte, siue grammaticum aliquid, siue rhetoricum, siue dialécticum, siue historicum, siue poeticum, siue geographicum, siue economicum, siue morale & politicum, siue physicum, siue geometricum, siue musicum, siue astrologicum, siue theologicum, (cuiusmodi quidem theologicum illa tempora ferebant) quicquid denique ad ullam omnino artem libero homine dignam pertinens requiras, hinc tibi assidue haurire, hinc auidissimam sitim explere, hinc immensa atque ingentia prata irrigare licet. Ab hoc discunt pueri, ab hoc senes: ab hoc priuati, ab hoc magistratus: ab hoc rustici, ab hoc urbani: ab hoc miseri & calamitosi: ab hoc beati, & fortunati: ab hoc pauperes & legentes: ab hoc diuites & abundantes: ab hoc ignobiles & obscuri: ab hoc nobiles & clari uiri: ab hoc plebei, ab hoc patricij: ab hoc sacerdotes: ab hoc profani: ab hoc Galli: ab hoc exteræ nationes: ab hoc militares & sagati: ab hoc pacis alumni & rogati: ab hoc homines infimæ & humiles: ab hoc uiri excellentes & principes: ab hoc manipulares: ab hoc Imperatores: ab hoc poætæ: ab hoc oratores: ab hoc grammatici, ab hoc philosophi: ab hoc medici, ab hoc iurisperiti: ab hoc qui uiuunt in regno, ab hoc liberæ ciuitates: ab hoc populares, ab

P A T
hoc optimas
que si uel a
study, uel n
doctior fieri
et doctissim
tua Gallia
curiarum p
et supplican
consiliarius
oratoribus
quotidie di
mos suos e
Ciceronis le
nem, et ad
sefe huius
scriptoris e
sententis r
alijs nomina
cam) deo
rum ob ha
ita litteras
afficere, p
elegantiâ
nitate, hui
amare, pro
acque inera
artium stud
enim ex sup
tantia, nâ

PATR. INGEN. STVD. ETC.

hoc optimates : denique nemo est mortalium, cuiuscun-
que sit uel ætatis, uel loci, uel ordinis, uel fortune, uel
studij, uel nationis, quin à Cicerone & melior &
doctior fieri possit. Quid ? existimas ne Carole,
tot doctissimis atque amplissimis uiris, quos habet
tua Gallia innumerabileis, tot magistratibus, tot
curiarum præsidibus, tot prætoribus, tot legatis,
tot supplicum libellorum in tua regia magistris, tot
consiliarijs, tot causarum actoribus & patronis, tot
oratoribus, tot iurisconsultis aut suppetere posse quod
quotidie dicant in tanta uarietate rerum, nisi ani-
mos suos cum aliorum scriptorum, tum maxime
Ciceronis lectione excolant : aut tantam contentio-
nem, tot ac tantos labores eis esse tolerabileis, nisi
se se huius potissimum eruditissimi, disertissimiq;
scriptoris & suauissimo sermone & grauissimis
sententijs relaxent ? Enimuero, Carole, cum multis
alijs nominibus gloriari, seu (ut Christianus di-
cam) deo optimo, maximo, gratias agere debes,
tum ob hanc rem maxime, quod tuus hic populus
ita litteras amplecti cœpit, ut fugatis tenebris lucem
aspicere, pulsa barbarie, sermonis munditiem atque
elegantiam expetere, posita atque exuta in huma-
nitate, humanitatem & cultum loquendi genus ad
amare, profligata ac domita ignoratione litterarum
atque inertia, eruditarum linguarum, bonarumq;
artium studio flagrare cœperit. Quemadmodum
enim ex superiorum seculorum inscientia atque igno-
rantia, nata sunt omnium malorum, quæ in no-

CICERONIS GENVS,

stram ætatem redundarunt, semina: ita spes est fore ut ambitione, profusione, luxuria, intemperantia, libidine, auaritia, iniustitia, perfidia, impietate, ceterisq; immanibus animorum & rerump. pestibus ac uenenis extinctis, ac funditus deletis, unà cū litteris reuifcāt et reuiuifcāt in Gallia tua honestæ laudis studiū, frugalitas, parsimonia, temperantia, pudor, abstinentia, iustitia, fides, pietas, ceteraq; animorum & ciuitatum præsidia, ac firmamenta. Sed, ut ad Ciceronem nostrum redeam, hic est ille scriptor, Carole, quem ciuium tuorum clarissimi, atque amplissimi uiri, quorum alij sunt senatores, alij apud externos principes legati, alij in tua regia supplicum libellorum magistri, alij curiarum centumuiralium præsides, alij consiliarij, alij ruarum causarum actores ac patroni, alij procuratores tui, alij secretarij, alij causidici, egregie præter ceteros amplectuntur, habent in sinu, manibus terunt, oculis uorant, assidueq; legunt, atque ediscunt. hic est, qui cum omnibus cuiusuis fortunæ, ordinis, status, loci hominibus immensam atque infinitam rerum ac uerborum copiam suppeditat, tum maxime eos, qui tibi assiduam operam nauant, quorum consilio & opera in tuis rebus obeundis, explicandis ac gerendis uteris, Cancellarium tuum, uirum sapientissimum ac prudentissimum, tuos supplicum libellorum magistros, senatores, oratores, legatos, prætores, iudices, consiliarios, causarum actores ac patronos ijs rebus omnibus, quibus instructos esse oportet homines talibus muneribus præpositos, ornat atque instruit. Hunc qui legunt, hunc qui non solum ora

PAT
tione, & die
uerum etiam
cur: idem sp
suum fuit, &
regibus prop
exoptas, quo
populi quic
Fuit enim M
Graci appe
optimati, q
posseum est
sunt ij reip
ita reges de
tes initio ab
calibus regi
teq; minores
ordine regni
rae partum
stecem semp
& merito.
tium & in
suorum sum
ditum iuste
berij iure ho
sapientie, el
tem creuerat
potentie her
nem, doctiss
mam, castis

PATR. INGEN. STVD. ETC.

tionē, & dicendi ratione imitantur, atque exprimunt, uerum etiam uita factisq; sequuntur atque emulantur: idem spectant, idemq; intuentur, quod ei propositum fuit, quodq; omnibus reip. moderatoribus, & regibus propositum esse debet: quod tu, Carole, unice exoptas, quod tui maiores uehementer expetiuerunt, populi quietem, otium, salutem ac uitam beatam. Fuit enim M. Tullius partium optimatum, & ut Græci appellant, aristocratibus. Statui autem reip. optimati, quem aristocratiam illi nominant, idem propositum est, quod regali. Et ut in aristocratiā præsumunt ij reip. qui consilio, sapientia, & uirtute præstant: ita reges bene morati, & iustitiæ fama, gloriaq; florentes initio ab hominibus quæsi, & constituti sunt, ut talibus regibus, tanquam legibus parentes, bene beatq; uiuerent: quorum regum filij, ac posterij longo ordine regnum acceptum iisdem artibus, quibus fuerat partum, retinentes, regium nomen, regiamq; potestatem semper apud omne gentem obtinere consueverunt: & merito. Nam præterquàm quod credibile est sapientium & iustorum regum filios & posteros maiorum suorum simileis futuros: eorum, qui populum sibi creditum iuste & sapienter gubernarunt ac rexerunt, liberis iure hic debetur honos, ut, quorum ipsi iustitiæ, sapientiæ, clementiæ, ceterarumq; uirtutum hereditatem creuerunt, eorum quoque amplitudinis, maiestatis, potentiæ heredes existant. Hunc igitur illum Cicero- nem, doctissimum uirum, eloquentissimum, integerri- mum, castissimum, sanctissimum conseruatorem reip.

CICERONIS GENVS.

parentem patriæ à senatu appellatum, quem Romani
 aspeſtabant, cuius ob os ora obuerteſcant ſua, cui uno
 rogato poſt urbem conditam ſupplicatio decreta eſt, cuius
 libri omni doctrinæ genere referti ſunt, cuius le-
 ctione omnes humanitatis participes nationes incredi-
 biliter delectantur, à quo erudiuntur, à quo expo-
 liuntur, atque excoluntur: hunc (inquam) Cicero-
 nem locis innumerabilibus ope ueterum membranarum,
 quarum bonam partem nobis Erricus Memmius, uir
 Clariff. ſupplicum libellorum in regia tua magiſter,
 ſuppeditauit, à nobis emendatum & propemodum in
 integrum reſtitutum (nam omnia quidem eius uulne-
 ra ſanare neque alij doctiſſimi & clariſſimi uiri, qui
 ante me hoc idem facere conati ſunt, potuerunt, neque
 ego potui: ſed tamen hoc aſſecutus ſum, ut iure glo-
 riari poſſim numquam antea Ciceronis ſcripta ty-
 pis impreſſa, in hominum manus integriora perue-
 niſſe) interea, dum tu ab urbe Lutetia abes, & fi-
 neis regni tui peragras, in publicum edendum cu-
 ravi. meos autem in hoc opere conſiciendo conſumptos
 labores clariſſimo illi uiro, quem modo nominavi,
 Errico Memmio, conſecraui, primum quia mihi hu-
 ius negotij ſuſcipiendi ſuaſor atque auctor fuit: dein-
 de quia adiutor, ac pæne dicam ſocius: poſtremo quia
 me ita facturum fidem ei dedi. ſed ipſe Memmius
 huius rei à me ſuſceptæ, & iam tandem conſectæ
 magnitudine animo agitata & perſpecta, multo an-
 te proſpiciens quanta mihi inuidiæ moles immineat,
 ſua ſit mihi, ut tuam iſtam ualediſſimam & poten-

P A
 tiſſimam d
 nam, pra
 rarem: qui
 leuolorum
 ria, uenera
 giorum
 gant, taga
 Hoc igitur
 que obſecto
 hac urbe
 tiſſima ling
 luſſi: deim
 rentur, &
 beneuolenti
 fide Fran
 rum parum
 rorum me
 mo labore
 ne dicam
 magiſtri,
 mendis in
 ma euele
 tiare, trad
 regna. L
 anno CIO

PATR. INGEN. STVD. ETC.

tissimam dēxteram, fidem certissimam, & stabilissi-
mam, præsidium firmissimum ac munitissimum implo-
rarem: quibus ego tectus, & septus inuidorum, ma-
leuolorum, sycophantarum, quorum plena sunt om-
nia, uenenatos & pestiferos morsus: furum ac pla-
giariorum, qui omnia aliena inuncant, atque harpa-
gant, tagaceis & rapaceis manus effugere possem.
Hoc igitur facio, Carole, teq; precibus omnibus oro ac
que obsecro, primum ut me & collegas meos, quos in
hac urbe totius Galliae maxima, celeberrima, opulen-
tissima linguas eruditas & ingenuas arteis docere uo-
luisti: deinde ut ceteros omnes, qui litteras uel profi-
tentur, & docent, uel amant, & uenerantur, ea
benevolentia comprehendas, eaq; fide complectare, qua
fide Franciscus. I. auus tuus, litterarum ac doctrina-
rum parens, eos complecti solebat: postremo ut Cice-
ronem mea quidem opera & diligentia, meoq; sum-
mo labore, ac studio, multis denique uigilijs, & pe-
ne dicam, arumnis: tui autem supplicum libellorum
magistri, Errici Memmij adiumento, ac subsidio à
mendis innumerabilibus uindicatum, tuae quasi legiti-
mae tutelae ab ipso Memmio tradi & commendari pa-
tiare, traditumq; & commendatum tueare. Vale &
regna. Lutetiae a. d. X. kalendas Mart.
anno CIO IO LXVI.

AD DIONYSIVM LAMBINVM
litterarum Græcarum professo-
rem Regium

Quæ prius innumeros mendis foedata per annos
Scripta putri ueterum delituere situ,
Nuper ab obscuris tenebris reuocata, nitori
Antiquo docti restituere uiri:
Vatibus ipse etiam Caro, Flaccôq; duobus,
Lambinus turpeis abluerat maculas:
Tullius unus adhuc passim lacera ora gerebat,
Vllam nec medicæ senserat artis opem.
Non pateris Lambine nefas: sed protinus, inquis,
Hic eget auxilijs, hic eget arte mea:
Admotæque manu ueluti Podalirius alter,
Sanas in magno uulnera cruda uiro:
Cernat ut eloquij, non qualem Roma parentem
Pro Rostriis lacerum uiderat antè suis,
Sed qualem expertus sumtis Antonius armis,
Aut, magnum strueret cum Catilina nefas:
Audeat & melius dicentem ut Curia, quàm si
Reccoëtus Rhodij rhetoris arte foret.
Maeste animo Lambine tuo, pulcroque labore:
Vindica ab interitu scripta uetusta uirum.
Quodq; facis, miseras hoc asserere tempore musas,
Quæ nunc contemptæ, quæ sine honore iacent.
Cuius, ob eximiam doctrinam, uiuida fama
Laudibus implebit solis utramque domum.
Et longe inuidia post te pallente relicta,
Aeterno æternum nomine clarus eris,

Sequana

Sequana
Præter
Dum inter
Hinc co
Dumq; no
Dumq;
Tu modo p
Ire: ca

IN CIC

Qui modo
Libert
Nemine q
Tulli
Omnia la
Lac
Cui pos
Serp
Tetibi na
Dum
Nemorum
Natiua
PATR
ad
Vi socer,
Medea

Sequana Lutetiam bifido dum fluminis urbem
 Præteriens cornu, cærule salsa petet:
 Dum interiecta hæc urbs tollens sua lumina, cernet
 Hinc collem Alarici, Martis & inde iugum:
 Dumq; nouem herboſo ludent Helicone ſorores,
 Dumq; erit inſoſo Laurus amata deo.
 Tu modò perge, tuus quo te labor improbus urget,
 Ire: caue & cepta demouere uia.
 Nic. Vergetius faciebat.

IN CICERONEM A' D. LAMBINO
 emendatum Io: Ant. Baiſius.

Qui modo mendosis maculata uolumina nœuis,
 Librariorum incuria, æui iniuria,
 Nonne quæque tuo paſſim præſcripta, dolenter
 Tulli, dabas terenda doctorum manu,
 Omnia iam proprio agnoſcas rediuiuus honore,
 Lætusq; lucem prodiens petas licet,
 Ceu poſita uerno nitidus ſub ſole ſeneſta,
 Serpens inuenta munere elatus nouæ.
 Te tibi nunc docta Lambinus reddidit arte,
 Dum te indecoro liberat fœdum ſitu.
 Nauorum maculæ ceſſerunt protinus omnes:
 Natiuus ille manſit intactus, cicer.

PATRICII ADAMSONI SCOTI
 ad Dionyſium Lambinum carmen.

Vt ſocer, effætiſ Aëſon reuiſceſceret annis,
 Medæ factum Colchidis arte fuit.

A

At nata Pelia elusæ fallacibus herbis,
Præstare id patri non potuere suo.
Sic Cicero exuta rugosæ pelle senectæ
Florentis annos induit arte tua.
Nec quisquam eloquiij (sic dii uoluere) parentem
Candori poterat restituisse suo,
Ni prius eximios uates renouasset, & alter
Romanæ linguæ ni foret ipse parens.
Tentarunt alij: sed erant sine uiribus artes,
Et frustra medicas apposuerunt manus:
Quid mirum? multos doctos hæc protulit ætas,
Paucos Lambinos sæcula multa ferunt.

R H

E

luntas et
mus; ne
borem p
pimus, e
toricom
fructus
Et in re
bernac
arrogat
illi, re
uerunt
ta pua
tionem
quasius
dum, q
tue mon
ga sum
unum i
cendi no
præcept

RHETORICORVM AD C.

HERENNIVM

LIBER I.

TSI NEGOTIIS familiaribus im-
 pediti, uix satis otium studio suppedita-
 re possumus, & id ipsum, quod datur, otij
 libentius in philosophia consumere con-
 sueuimus: tamen tua nos C. Herenni uo-
 luntas commouit, ut de ratione dicendi conscribere-
 mus; ne aut tua causa noluisse nos, aut fugisse la-
 borem putares. & eo studiosius hoc negotium susce-
 pimus, quod te non sine causa uelle cognoscere rhe-
 toricam intelligebamus. non enim parum habet in se
 fructus copia dicendi, & commoditas orationis, si re-
 cta intelligentia, & definita animi moderatione gu-
 bernetur. quas ob res illa, quæ Græci scriptores inanis
 arrogantiae causa sibi assumpserunt, reliquimus. nam
 illi, ne parum multa scisse uiderentur, ea conquisi-
 uerunt, quæ nihil attinebant; ut ars difficilior cogni-
 tu putaretur: nos autem ea, quæ uidebantur ad ra-
 tionem dicendi pertinere, sumpsimus. non enim spe
 quæstus, aut gloria commoti uenimus ad scriben-
 dum, quemadmodum cæteri; sed ut industria nostra
 tuæ morem geramus uoluntati. nunc, ne nimium lon-
 ga sumatur oratio, de re dicere incipiemus, sed si te
 unum illud monuerimus, artem sine assiduitate di-
 cendi non multum iuuare; ut intelligas hanc rationem
 præceptionis accommodari ad exercitationem oportere,

A ij

AD HERENNIVM

ORATORIS officium est de ijs rebus posse dicere, quæ res ad usum civilem moribus ac legibus constitutæ sunt, cum assensione auditorum, quoad eius fieri poterit. Tria sunt genera causarum, quæ recipere debet orator; demonstratiuum, deliberatiuum, iudiciale. Demonstratiuum est, quod tribuitur in alicuius certæ personæ laudem uel uituperationem. Deliberatiuum est, quod in consultatione positum, habet in se suasionem & dissuasionem. Iudiciale est, quod positum in controuersia, habet accusationem, aut petitionem cum defensione. Nunc, quas res oratorem habere oporteat, docebimus: deinde, quo modo has causas tractari conueniat, ostendemus. Oportet igitur in oratore esse inuentionem, dispositionem, elocutionem, memoriam, & pronunciationem. Inuentio est excogitatio rerum uerarum, aut uerisimilium, quæ causam probabilem reddant. Dispositio est ordo & distributio rerum; quæ demonstrat, quid quibus in locis sit collocandum. Elocutio est idoneorum uerborum & sententiarum ad inuentionem accommodatio. Memoria est firma animi rerum & uerborum dispositionis perceptio. Pronunciatio est uocis, uultus, gestus moderatio cum uenustate. Hec omnia tribus assequi poterimus, arte, imitatione, exercitatione. Ars est præceptio, quæ dat certam uiam rationemq; dicendi.

Imitatio est, qua impellimur cum diligenti ratione, ut aliquorum similes in dicendo uelimus esse. Exercitatio est assiduus usus consuetudoq; dicendi. Quoniam igitur demonstratum est, quas causas oratorem recipere, quasq; res habere conueniret; nunc, quemad-

modum ad
modari,
orationis
sionem, ca
nem. Exo
animus ad
ad audien
perinde ne
aperimus a
& per qu
ri. Confi
tio cum a
corum di
orationis
quo res co
orationis
rationem
cedendum
diri poss
ra cau
bium, ha
aut id ad
uideret,
detur opp
ricidem.
honestate
bium gen
& turpi
pta res a
rum ratio

modum ad orationem possint oratoris officia accom-
modari, dicendum uidetur. Inuentio in sex partes
orationis consumitur, exordium, narrationem, diui-
sionem, confirmationem, confutationem, conclusio-
nem. Exordium est principium orationis, per quod
animus auditoris aut iudicis constituitur uel apparatur
ad audiendum. Narratio est rerum gestarum, aut
perinde ut gestarum expositio. Diuisio est, per quam
aperimus quid conueniat, & quid in controuersia sit,
& per quam exponimus quibus de rebus simus dictu-
ri. Confirmatio est nostrorum argumentorum exposi-
tio cum asseueratione. Confutatio est contrariorum lo-
corum dissolutio. Conclusio est artificiosus terminus
orationis. Nunc quoniam una cum oratoris officijs,
quo res cognitu esset faciliior, producti sumus, ut de
orationis partibus loqueremur, & eas ad inuentionis
rationem accommodaremus, de exordio primum di-
cendum uidetur. Causa posita, quo commodius exor-
diri possimus, genus causæ considerandum est. Gene-
ra causarum sunt quatuor, honestum, turpe, du-
bium, humile. Honestum causæ genus putatur, cum
aut id defendimus, quod ab omnibus defendendum
uidetur, aut id oppugnamus, quod ab omnibus ui-
detur oppugnari debere; ut pro uiro forti contra pa-
ricidam. Turpe genus causæ intelligitur, cum aut
honestæ res oppugnatur, aut defenditur turpis. Du-
bium genus est, cum habet in se causæ & honestatis
& turpitudinis partem. Humile genus est, cum contem-
pta res affertur. Cum hæc ita sint, conueniet exordio
rationem ad omne genus causæ accommodari.

AD HERENNIVM

EXORDIORVM duo sunt genera, principium, quod Græce $\pi\rho\omicron\sigma\iota\mu\iota\omicron\nu$ appellatur; & insinuatio, quæ $\epsilon\phi\omicron\delta\omicron\varsigma$ nominatur. Principium est, cum statim auditoris animum nobis idoneum reddimus ad audiendum. id ita sumitur, ut attentos, ut dociles, ut beneuolos auditores habere possimus. Si genus causæ dubium habebimus, à beneuolentia principium constituemus, ne quid illa turpitudinis pars nobis obesse possit. Sin humile erit genus causæ, faciemus attentos. Sin turpe causæ genus erit, insinuatione utemur, de qua posterius dicemus, nisi quid naëti fuerimus, quare aduersarios criminando, beneuolentiam captare possimus. Sin honestum causæ genus erit, licebit recte uel uti, uel non uti principio. Si uti uolemus, aut id oportebit ostendere, quare causa sit honesta, aut breuiter, quibus de rebus sumus dicturi, exponere. Sin principio uti nolemus, à lege, à scriptura, aut ab aliquo firmissimo nostræ causæ adiumento principium capere oportebit. Quoniam igitur docilem, beneuolum, attentum habere auditorem uolumus, quo modo quidque confici possit, aperiemus. Dociles auditores habere poterimus, si summam causæ breuiter exponemus, & si attentos eos faciemus. nam docilis est is, qui attente uult audire. Attentos habebimus, si pollicebimur nos de rebus magnis; nouis, inusitatis uerba facturos, aut de ijs rebus, quæ ad remp. pertinent, aut ad eos ipsos qui audient, aut ad deorum immortalium religionem; & si rogabimus, ut attente audiant; & si numero exponemus res, quibus de rebus dicturi sumus. Beneuolos auditores

facere quæ
sationum
A nostra
strum offi
temp. quæ
eos, aut in
dummodo
tur, sine
proferem
siorabim
mus, non
rum per
in inuidi
rapiem
crudeliter
proferem
tiam, fac
tem, et
aduersa
quæ in
pationem
diam, la
diorum
fortiter,
proferem
cij expect
lum aut
dando ex
deprime
Tria sunt

facere quatuor modis possumus, à nostra, ab aduersariorum, ab auditorum persona, & à rebus ipsis. A nostra persona beneuolentiam contrahemus, si nostrum officium sine arrogantia laudabimus, aut in remp. quales fuerimus, aut in parentes, aut in amicos, aut in eos ipsos, qui audiunt, aliquid referemus; dummodo hæc omnia ad eam ipsam rem, qua de agitur, sint accommodata. Item si nostra incommoda proferemus, inopiam, solitudinem, calamitatem; & si orabimus, ut nobis sint auxilio; & simul ostendemus, nos in alijs spem noluisse habere. Ab aduersariorum persona beneuolentia captabitur, si eos in odium, in inuidiam, in contemptionem adducemus. In odium rapiemus, si quid eorum spurce, superbe, perfidiose, crudeliter, confidenter, malitiose, flagitiose factum proferemus. In inuidiam trahemus, si uim, si potentiam, factionem, diuitias, incontinentiam, nobilitatem, clientelas, hospitium, sodalitatem, affinitates aduersariorum proferemus, & his adiumentis magis, quàm ueritati eos confidere aperiemus. In contemptionem adducemus, si inertiam, ignauiam, desidiam, luxuriam aduersariorum proferemus. Ab auditorum persona beneuolentia colligetur, si res eorum fortiter, sapienter, mansuete, magnifice iudicatas proferemus: & si, quæ de ijs existimatio, quæ iudicij expectatio sit, aperiemus. A rebus ipsis beneuolum auditorem efficiemus, si nostram causam laudando extollemus, aduersariorum per contemptionem deprimemus. Deinceps de insinuatione aperiendum est. Tria sunt tempora, quibus, principio uti non possi-

A iij

AD HERENNIVM

mus : quæ diligenter sunt considerata : aut cum turpem causam habemus , hoc est , cum ipsa res animam auditoris à nobis alienat : aut cum animus auditoris persuasus uidetur esse ab ijs , qui ante contraxerunt : aut cum defessus est eos audiendo , qui ante dixerunt . Si causa turpitudinem habebit , exordiri poterimus his rationibus : rem non hominem , aut hominem , non rem spectari oportere : non placere nobis ipsis quæ facta dicantur ab aduersarijs , & esse indigna aut nefaria . Deinde cum rem diu auxerimus , nihil simile à nobis factum ostendemus , aut aliquorum iudicium de simili causa , aut de eadem , aut de maiore proferemus . Deinde ad nostram causam pedetentim accedemus , & similitudinem conferemus . Item si negabimus nos de aduersarijs , aut de aliqua re eorum dicturos , & tamen occulte dicemus interiectione uerborum . Si persuasus auditor fuerit , id est , si oratio aduersariorum auditoribus fidem fecerit : (neque enim non facile scire poterimus ; quoniam non sumus nescij , quibus rebus fides fieri soleat) ergo si fidem factam putabimus , his nos rebus insinuabimus ad causam , si de eo , quod aduersarij firmissimum sibi adiumentum putauerint , primum nos dicturos pollicebimur : aut ab aduersarij dicto exordiemur , & ab eo maxime , quod ille nuperrime dixerit : aut dubitatione utemur , quid potissimum dicamus , aut cui loco primum respondeamus cum admiratione . Si defessi erunt audiendo , ab aliqua re , quæ risum mouere possit , exordiemur , ab apologo , à fabula uerisimili , imitatione , deprauatione , inuersione , abiectione , ambiguo , su-

spicione
ne, liter
multitudi
ius inter
aliter, de
eodem me
alij soleat
nemus.
terst, qu
tim aperi
neualum
dicorem
per disti
ad eand
mus. V
sunt com
nobis ad
per exor
ne quat
sunt, d
lenis su
non app
est, quo
uulgare
aduersari
Item ill
Item uia
positum
ipse cas
narrati

spicione, irrisione, stultitia, exuperatione, collocatio-
 ne, literarum mutatione: præterea expectatione, si-
 militudine, nouitate, historia, uersu: aut ab alicuius
 interpellatione, aut arrisione: & si promiserimus,
 aliter, ac parati fuerimus, nos esse dicturos, nos non
 eodem modo, ut ceteri soleant, uerba facturos: quid
 alij soleant, quid nos facturi sumus, breuiter expo-
 nemus. Inter insinuationem & principium hoc in-
 terest, quod principium huiusmodi debet esse, ut sta-
 tim apertis rationibus, quas præscripsimus, aut be-
 neuolum, aut attentum, aut docilem faciamus au-
 ditorem: at insinuatio eiusmodi debet esse, ut occulte
 per dissimulationem eadem illa omnia conficiamus, ut
 ad eandem commoditatem in dicendo peruenire possi-
 mus. Verum hæ tres utilitates tametsi in tota oratione
 sunt comparanda, hoc est, ut auditores sese perpetuo
 nobis attentos, dociles, beneuolos præbeant: tamen id
 per exordium causæ maxime comparandum est. Nunc,
 ne quando uitioso exordio utamur, quæ uitia uitanda
 sunt, docebo. In exordienda causa seruandum est, ut
 lenis sit sermo, & usitata uerborum consuetudo, ut
 non apparata oratio esse uideatur. Vitiosum exordium
 est, quod in plures causas potest accommodari, quod
 uulgare dicitur. Item uitiosum est, quo nihilo minus
 aduersarius potest uti, quod commune appellatur.
 Item illud, quo aduersarius potest uti ex contrario.
 Item uitiosum est, quod nimium apparatus uerbis com-
 positum est, aut nimis longum est, & quod non ex
 ipsa causa natum uidetur, ut proprie cohereat cum
 narratione; & quod neque beneuolum, neque docile

AD HERENNIVM

lem, neque attentum facit auditorem. De exordio satis dictum est: deinceps ad narrationem transeamus.

NARRATIONVM genera tria sunt. Vnum, quo exponimus rem gestam, & unumquodque trahimus ad utilitatem nostram uincendi causa: quod pertinet ad eas causas, de quibus iudicium futurum est. Alterum genus narrationis est, quod intercurrit nonnunquam, aut fidei, aut criminationis, aut transitionis, aut alicuius apparationis uel laudationis causa. Tertium genus est id, quod à causa civili remotum est: in quo tamen exerceri conuenit, quo commodius illas superiores narrationes in causis tractare possimus. Eius narrationis duo sunt genera, unum quod in negotijs, alterum quod in personis positum est. Id, quod in negotiorum expositione positum est, tres habet partes, fabulam, historiam, argumentum. Fabula est, quæ neque ueras, neque uerisimiles continet res, ut eæ, quæ tragædijs traditæ sunt. Historia, est res gesta, sed ab ætatis nostræ memoria remota. Argumentum, est ficta res, quæ tamen fieri potuit, uelut argumenta comædiarum. Illud genus narrationis, quod in personis positum est, debet habere sermonis festiuitatem, animorum dissimilitudinem, grauitatem, lenitatem, spem, metum, suspensionem, desiderium, dissimulationem, misericordiam, rerum uarietates, fortunæ commutationem, insperatum incommodum, subitam lætitiā, iucundum exitum rerum. uerum hoc in exercendo transigitur. Illud, quod ad ueritatem pertinet, quo modo tractari conueniat, aperiemus. Tres conuenit res habere nar

rationem
que quo
facimus
poterimus
erit; &
si summa
non ad ex
sequen
non de
fictus
facta su
quod ge
fectum q
no non m
obst, ne
aut sepi
id, quo
hoc mod
ubi ad
post qua
rabimus
mum ex
conferu
geri uia
pertinet
quid no
mus; ne
ne quid
persequ
quo bre

rationem, ut brevis, ut dilucida, ut uerisimilis sit: quæ quoniam fieri oportere scimus, quemadmodum faciamus, cognoscendum est. Rem breuiter narrare poterimus, si inde incipiemus narrare, unde necesse erit; & si non ab ultimo initio repetere uolemus; & si summam, non particulatim narrabimus; & si non ad extremum, sed usque eò, quò opus erit, prosequemur; & si transitionibus nullis utemur; & si non deerrabimus ab eo, quod cœperimus exponere; & si exitus rerum ita exponemus, ut, ante quoque quæ facta sunt, sciri possint, tamen si nos retinuerimus. quod genus, si dicam me ex prouincia rediisse, profectum quoque in prouinciam intelligatur. Et omnino non modo id, quod obest, sed etiam id, quod neque obest, neque addiunt, satius est præterire. Et ne bis aut sæpius idem dicamus, cauendum est, etiam ne id, quod semel supra diximus, deinceps dicamus, hoc modo: Athenis Megaram uesperis aduenit Simo: ubi aduenit Megaram, insidias fecit uirgini: Insidias postquam fecit, uim in loco attulit. Rem dilucide narrabimus, si ut quidque primum gestum erit, ita primum exponemus, & rerum ac temporum ordinem conseruabimus, ut gestæ res erunt, aut ut potuisse geri uidebuntur. Hic erit considerandum, ne quid perturbate, ne quid contorte, ne quid ambigue, ne quid noue dicamus; ne quam in aliam rem transeamus; ne ab ultimo repetamus; ne longe persequamur; ne quid, quod ad rem pertineat, prætereamus; & si persequemur ea, quæ de breuitate præcepta sunt. nam quæ breuior, eo dilucidior, & cognitu facilior narra-

AD HERENNIVM

tio fiet. Verisimilis narratio erit, si, ut mos, ut opinio, ut natura postulat, dicemus: si spatia temporum, personarum dignitates, consiliorum rationes, locorum opportunitates constabunt: ne refelli possit, aut temporis parum fuisse, aut causam nullam, aut locum idoneum non fuisse, aut homines ipsos facere, aut pati non potuisse. Si uera res erit, nihilo minus hæc omnia narrando conseruanda sunt. nam sæpe ueritas, nisi hæc seruata sint, fidem facere non potest. Sin erit ficta, eo magis conseruanda erunt. De ijs rebus caute confligendum est, quibus in rebus tabula, aut alicuius firma auctoritas uidebitur interfuisse. Adhuc quæ dicta sunt, arbitror mihi constare cum ceteris artis scriptoribus, nisi quia de insinuatione noua excogitauimus, quod eam soli præter ceteros in eria tempora diuisimus, ut planè certam uiam & perspicuam rationem exordiorum haberemus. nunc, quod reliquum est, quoniam de rerum inuentione disputandum est, in qua singulare consumitur oratoris officium, dabimus operam, ut nihilo minus industriæ, quàm rei utilitas postulabit, quæsiuisse uideamur, si prius pauca de causarum diuisione dixerimus.

CAVSARVM diuisio in duas partes distributa est. Primum, perorata narratione, debemus aperire quid nobis conueniat cum aduersarijs; si ea, quæ nobis utilia erunt, conuenient, quid in controuersia relinquatur, hoc modo: Interfectam esse matrem ab Oreste conuenit mihi cum aduersarijs: iure fecerit, & licuerit ne facere, id est in controuersia. Item è contrario, Agamemnonem esse à Clytemnestra occisum.

conferre
gare oport
tione uti d
merationem
nur, cum
mus. Eam
oportet. N
nus ne dicat
ditationis
Expositio
mus, expon
firmam
TOT
sea est in co
aduenientia
uerimus, ad
fecerimus
insinuationem
tutiones ad
tes tres pot
traheret in
uissæ simp
tribuisse d
ma de prece
ne conueni
sunt, conie
ralis est, cu
Ajax in
insaniam
cium con

confitentur: cum id ita sit, me ulcisci parentem negant oportuisse. Deinde cum hoc fecerimus, distributione uti debemus. Ea diuiditur in duas partes, enumerationem, & expositionem. Enumeratione utemur, cum dicemus numero, quot de rebus dicturi sumus. Eam plus quàm trium partium numero esse non oportet. Nam & periculosum est, ne quando plus minus' ue dicamus, & suspicionem afferet auditori meditationis & artificij, quæ res fidem abrogat oratori. Expositio est, cum res, quibus de rebus dicturi sumus, exponimus breuiter & absolute. Nunc ad confirmationem transeamus.

TOTA spes uincendi, ratioq; persuadendi posita est in confirmatione & confutatione. nam cum adiumenta nostra exposuerimus, contrariaq; dissoluerimus, absolute nimirum manus oratorium confecerimus. utrunque igitur facere poterimus, si constitutionem causæ cognouerimus. Causarum constitutiones alij quatuor fecerunt, noster doct̃or Hermes tres putauit esse, non ut de illorum quidquam detraxeret inuentione, sed ut ostenderet, id, quod oportuisset simpliciter & singulari modo docere, illos distribuisset dupliciter & bipertito. Constitutio est prima de precatio defensoris cum accusatoris insimulatione coniuncta. Constitutiones itaque, ut diximus, tres sunt, coniecturalis, legitima, iuridicalis. Coniecturalis est, cum de factō controuersia est, hoc modo: Ajax in silua, postquam rescitit quæ fecisset per insaniam, gladio incubuit. Vlysses interuenit, occisum conspicatur, è corpore telum cruentum educit.

AD HERENNIVM

Teucer interuenit: cum fratrem occisum, & inimi- cum fratris cum gladio cruento uidet, capitis arces- sit. Hic, quoniam coniectura uerum quæritur, de facto erit controuersia, & ex eo constitutio causæ con- iecturalis nominatur. Legitima constitutio est, cum in scripto aut ex scriptis aliquid controuersie nascitur. Ea diuiditur in partes sex, scriptum & sententiam, contrarias leges, ambiguum, definitionem, transla- tionem, ratiocinationem. Ex scripto & sententia nascitur controuersia, cum uidetur scriptoris uolun- tas cum scripto ipso dissentire, hoc modo: Si lex sit, quæ iubeat eos, qui propter tempestatem nauim relique- rint, omnia perdere; eorum nauim ceteraq; esse, si nauis conseruata sit, qui remanserunt in nauī. ma- gnitudine tempestatis omnes perterriti nauium relique- runt, in scapham conscenderunt, præter unum ægro- tum. is propter morbum exire & fugere non potuit. casu & fortuna nauis in portum incolumis delata est. illam ægrotus possidet. nauim petit ille, cuius fue- rat. Hæc constitutio legitima est ex scripto & senten- tia. Ex contrarijs legibus controuersia constat, cum alia lex iubet aut permittit, alia uetat quippiam fie- ri, hoc modo: Lex uetat eum, qui de pecunijs repe- tundis damnatus sit, in concione orationem habere. Altera lex iubet augurem, in demortui locum qui pe- tat, in concione nominare. Augur quidam damnatus de pecunijs repetundis, in demortui locum qui petat, nominauit: petitur ab eo multa. Constitutio hæc est legitima ex contrarijs legibus. Ex ambiguo controuer- sia nascitur, cum scriptum duas aut plureis res si-

gnificat,
dem face
uit. Tull
pondo na
mortem ei
petit. Tull
bere dicit.
fratris co
nominis fa
Sacrificiu
emibus la
stor urbat
posse largi
gem ad po
cere. Sac
nihilomin
S. C. inter
ferre, cau
bat, cista
tur lex:
legitima
ipsum, c
Ex tra
tempus di
aut iudices
cutionis G
nimur. I
In iudici
si quis
publica de

gnificat, hoc modo: Paterfamilias cum filium heredem faceret, testamento uasa argentea uxori legauit. Tullius heres meus Terentiæ uxori meæ XXX. pondo uasorum argenteorum dato quæ uolet. Post mortem eius, uasa pretiosa & calata magnifice illa petit. Tullius se, quæ uelit ipse, XXX. pondo ei debere dicit. Constitutio est legitima ex ambiguo. Ex definitione constat causa, cum in controuersia est, quo nomine factum appelletur. ea est huiusmodi: Cum L. Saturninus legem frumentariam de semisibus & trientibus laturus esset, Q. Cæpio per id temporis Quæstor urbanus erat: docuit senatum, ararium pati non posse largitionem tantam. senatus decreuit, si eam legem ad populum ferat, aduersus remp. uideri eum facere. Saturninus ferre cœpit: collegæ intercedere. ille nihilo minus cistellam detulit. Cæpio, ut illum contra S. C. intercedentibus collegis, aduersus remp. uidit ferre, cum uiris bonis impetum facit, pontes disturbat, cistas deiecit, impedimento est quo secius feratur lex: accersitur Cæpio maiestatis. Constitutio est legitima ex definitione. Vocabulum enim definitur ipsum, cum quæritur quid sit minuere maiestatem.

Ex translatione controuersia nascitur, cum aut tempus differendum, aut accusatorem mutandum, aut iudices commutandos reus dicit. Hac parte constitutionis Græci in iudicijs, nos in iure civili plerunque utimur. In hac parte nos iuris civilis scientia inuabit. In iudicijs tamen non nihil ea utimur, ut hoc modo: Si quis peculatus accusatur, quod uasa argentea publica de loco priuato dicatur sustulisse; posset dicere,

AD HERENNIVM

cum definitione sit usus, quid sit furtum, quid peculatus; secum furti agi, non peculatus oportere. Hæc partitio legitimæ constitutionis his de causis raro uenit in iudicium, quod in priuata actione pratorie exceptiones fiunt, & causa cadit is, qui non, quemadmodum oportet, egerit: & in publicis questionibus cauetur legibus, ut ante, si reo commodum sit, iudicium de accusatore fiat, utrum illi liceat accusare, nec ne. Ex ratiocinatione controuersia constat, cum res sine propria lege uenit in iudicium, quæ tamen ab alijs legibus similitudinem quandam aucupatur. Ea est huiusmodi: Lex est, Si furiosus existet, agnatorum gentiliumq; in eo, pecuniâq; eius potestas esto. Et lex: Qui parentem necasse iudicatus erit, is obuolutus & obligatus culeo deiiciatur in profluentem. Et Lex: Paterfamilias uti superfamilia, pecuniâue sua legauerit; ita ius esto. Et Lex: Si paterfamilias intestato moritur, familia pecuniâq; eius agnatorum gentiliumq; esto. Malleolus iudicatus est matrem necasse, ei damnato statim folliculo lupino os obuolutum est, & soleæ lignæ pedibus inductæ sunt, & in carcerem ductus est. Qui defendebant eum, tabulas in carcerem asserunt, testamentum ipso præsentem conscribunt, testes rite affuerunt, de illo supplicium paulo post sumitur. Ii, qui hæredes erant, testamento hereditatem adeunt. Frater minor Malleoli, qui eum oppugnauerat in eius periculo, suam uocat hereditatem lege agnationis. Hic certa lex in rem nulla affertur, & tamen multæ asseruntur, è quibus ratiocinatio nascitur, quare potuerit, aut non potuerit iure

rie iure
ex ratioc
constitution
tione dicam
conuenit.
Eius consti
soluta, ab
cum id ipsi
affirmatur
modi: M
compellam
hic nihil ad
ius nominat
est, cum
extranea
quatuor, c
ris, comp
ignoscit. E
nem. Pau
se. Ea di
tatem. For
sione exere
no, qui de
frater esse
cum is ser
tudinem, i
quod eum
et peccasse
postulat, i
potest usu

rit iure testamentum facere. Constitutio legitima est ex ratiocinatione. Cuiusmodi partes essent legitime constitutionis, ostendimus: nunc de iuridicali constitutione dicamus. Iuridicalis constitutio est, cum factum conuenit, sed, iure an iniuria factum sit, queritur. Eius constitutionis partes sunt duæ, quarum una absoluta, altera assumptiua nominatur. Absoluta est, cum id ipsum, quod factum est, ut aliud nihil foris assumatur, recte factum esse dicimus. Ea est huiusmodi: Minus quidam nominatim Accium poetam compellauit in scena: cum eo Accius iniuriarum agit. hic nihil aliud defendit, nisi licere nominari eum, cuius nomine scripta dentur agenda. Assumptiua pars est, cum per se defensio infirma est, sed assumpta extranea re comprobatur. Assumptiuæ partes sunt quatuor, concessio, remotio criminis, translatio criminis, comparatio. Concessio est, cum reus postulat sibi ignosci. Ea diuiditur in purgationem, & deprecationem. Purgatio est, cum consulto se negat reus fecisse. Ea diuiditur in fortunam, imprudentiam, necessitatem. Fortunam, ut Cæpio ad Tribunos pl. de amissione exercitus. Imprudentiam, ut ille, qui de eo seruo, qui dominum occiderat, supplicium sumpsit, cui frater esset, antequam tabulas testamenti aperuerit, cum is seruus manumissus testamento esset. Necessitudinem, ut ille, qui ad diem commeatus non uenit, quod eum aquæ interclusissent. Deprecatio est, cum et peccasse, & consulto fecisse confitetur, & tamen postulat, ut sui misereantur. Hoc, in iudicio non fere potest usu uenire, nisi quando pro eo dicimus, cuius

AD HERENNIVM

multa recte facta constant. hoc modo in loco communi per amplificationem inijcimus: Quod si hoc fecisset, tamen ei pro pristinis beneficijs ignosci conveniret: verum nihil postulat ignosci. Ergo in iudicium non venit: at in senatum, aut ante Imperatorem, & in consilium talis causa potest venire. Ex translatione criminis causa constat, cum fecisse nos non negamus, sed aliorum peccatis coactos fecisse dicimus: ut Orestes, cum se defendit, in matrem confert crimen. Ex remotione criminis causa constat, cum à nobis non crimen, sed culpam ipsam amovemus, & uel in hominem transferimus, uel in rem quampiam conferimus. In hominem transfertur, ut si accusetur is, qui P. Sulpitium se fateatur occidisse, et id iussu Consulum defendat, et eos dicat nō modo imperasse, sed rationem quoque ostendisse, quare id facere liceret. In rem confertur, ut, si quis, ex testamento quod facere iussus sit, ex plebiscito uetetur. Ex comparatione criminis causa constat, cum dicimus necesse fuisse alterutrum facere, & id quod fecerimus, satius fuisse facere. Ea causa huiusmodi est: C. Pompilius, cum à Gallis obsideretur, neque effugere ullo modo posset, venit cum hostium ducibus in colloquutionem: ita discessit, ut impedimenta relinqueret, exercitum educeret: satius esse duxit amittere impedimenta, quàm exercitum: exercitum eduxit, impedimenta reliquit: accersitur maiestatis. Quæ constitutiones, & quæ constitutionum partes sint, satis uideor ostendisse. nunc, quo modo eas, & qua uia tractari conueniat, demonstrandum est, si prius aperuerimus, quid oporteat ab ambobus in cau-

sa destinatur. Constatio. Ratio. Rationem, hoc causa consilium, nisi autem: ergo sa quidem edat. Ergo fensionem, remorari dunt quare nem, quod qua ante dicitur fuisse enim patre merito, hoc indemnitate fensionis, suo nascitur xpiu mda ne firmam dicit Orestis disse, rectam occidit conuenit. eius oratione futionibus cationes re futione.

sa destinari, quò ratio omnis totius orationis conferta-
tur. Constitutione igitur reperta, statim quærenda est
ratio. Ratio est, quæ causam facit, et continet defen-
sionem, hoc modo: (ut docendi causa in hac potissimū
causa consistamus) Orestes cum fatetur se occidisse ma-
trem, nisi attulerit facti rationem, peruertit defensio-
nem: ergo affert eam, quæ nisi intercederet, ne cau-
sa quidem esset. Illa enim, inquit, patrem meum occi-
derat. Ergo, ut ostendi, ratio ea est, quæ continet de-
fensionem, sine qua ne parua quidem dubitatio potest
remorari damnationem. Inuenta ratione, firmamen-
tum quærendum est, id est quod continet accusatio-
nem, quod affertur contra rationem defensionis, de
qua ante dictum est. Id constituetur hoc modo: Cum
usus fuerit Orestes ratione hoc pacto, Iure occidi, illa
enim patrē meum occiderat: utetur accusator firma-
mento, hoc modo, Sed non abs te tamen occidi, neque
indemnata pœnas pendere oportuit. Ex ratione de-
fensionis, & ex firmamento accusationis iudicij quæ-
stio nascatur oportet, quam nos iudicationem, Græci
κρίσις μὲν appellant. Ea constituitur ex coniunctio-
ne firmamenti, et rationis defensione, hoc modo, Cum
dicat Orestes, se patris ulciscendi causa matrem occi-
disse, rectum ne fuerit, à filio sine iudicio Clytemne-
stram occidi. Ergo hac ratione iudicationem inueniri
conuenit. Inuenta iudicatione, omnem rationem to-
tius orationis eò conferri oportebit. In omnibus con-
stitutionibus & partibus constitutionum hac uia iudi-
cationes reperientur, præterquam in coniecturali con-
stitutione. in ea enim nec ratio quaritur, quare fece-

AD HERENNIVM

rit; fecisse enim negatur: nec firmamentum exquiratur, quoniam non subest ratio. quare ex intentione & inficiatione iudicatio constituitur, hoc modo. Intentio, Occidisti Aiacem. Inficiatio, Non occidi. Iudicatio, Occiderit ne. Ratio omnis utriusque orationis, ut ante dictum est, ad hanc iudicationem conferenda est. Si plures erunt constitutiones, aut partes constitutionum, iudicationes quoque plures erunt in una causa, sed omnes simili ratione reperientur. Sedulo dedimus operam, ut breviter, & dilucide, quibus de rebus adhuc dicendum fuit, diceremus, nunc, quoniam satis huius uoluminis magnitudo creuit, commodius est in altero libro de ceteris rebus deinceps exponere, ne qua propter multitudinem literarum possit animum tuum defatigatio retardare. sed si quidem hac tardius, quam studes, absoluentur, cum rerum magnitudini, tum nostris quoque occupationibus assignare debebis. ueruntamen maturabimus, et, quod negotio diminutum fuerit exaequabimus industria; ut pro tuo in nos officio, & nostro in te studio munus hoc accumulatissime tuae largiamur uoluntati.

R H E T O R I C O R V M A D

C. H E R E N N I V M

L I B E R I I.

I N primo libro Herenni breuiter exposuimus, quas causas recipere oratorem oporteret, & in quibus officiis artis elaborare conueniret,

Et ea officio
rum quod
de ma
tibi facilio
est, ut ea, q
remus. Ca
uum, diti
est iudicatio
libro egina
quorum in
que nobis e
parum p
mus. De se
mus. In p
tione, diti
fuit, nec m
mus. De m
tatione dic
Et earum
tur, quo
nis, caus
iudicatione
inuerat, c
eam confer
plures, in
stitutionum
esse, ut off
unamqua
nis ditione
quas Graec

Et ea officia qua ratione facillime consequi posset. uerum quod neque de omnibus rebus simul dici poterat, Et de maximis primum scribendum fuit, quo cetera tibi facilia cognitu uiderentur; ita nobis placitum est, ut ea, quae difficillima essent, potissimum scriberemus. Causarum tria genera sunt, demonstratiuum, deliberatiuum, iudiciale. multo difficillimum est iudiciale: ergo id primum absoluemus. hoc et priore libro egimus, cum de oratoris officijs tractabamus, quorum inuentio Et prima Et difficillima est. ea quoque nobis erit hoc in libro propemodum absoluta: Et paruum partem eius in tertium uolumen transfereamus. De sex partibus orationis primum scribere incepimus. In primo libro locuti sumus de exordio, narratione, diuisione, nec pluribus uerbis, quam necesse fuit, nec minus dilucide, quam te uelle existimabamus. Deinde coniuncte de confirmatione, Et confutatione dicendum fuit. quare genera constitutionum, Et earum partes aperuimus: ex quo simul ostendebatur, quo modo constitutionem, Et partes constitutionis, causa posita, reperiri oporteret. Deinde docuimus, iudicationem quemadmodum quaeri conueniret: qua inuenta, curandum ut omnis ratio totius orationis ad eam conferatur. Postea admonuimus esse causas complures, in quibus plures constitutiones, aut partes constitutionum accommodarentur. Reliquum uidebatur esse, ut ostenderemus, qua ratio posset inuentiones ad unamquamque constitutionem, aut partem constitutionis accommodare; Et item quales argumentationes, quas Graeci ἐπιχειρήματα appellant, sequi, Et qua-

AD HERENNIVM

les uitari oporteret : quorum utrumque pertinet ad confirmationem et confutationem . Deinde ad extremum docebinus , cuiusmodi conclusionibus orationum uti oporteat . qui locus erat extremus de sex partibus orationis . Primum ergo quaeremus , quemadmodum quaque causam tractari conueniat : et nimirum coniecturalem , quae prima , & difficillima est , potissimum consideremus .

IN causa coniecturali , narratio accusatoris suspiciones interiectas , & dispersas habere debet , ut nihil actum , nihil dictum , nusquam uentum , aut ab initio . nihil denique factum sine causa putetur . Defensoris narratio simplicem et dilucidam expositionem debet habere cum attenuatione suspicionis . Huius constitutionis ratio in sex partes est distributa , probabile , collationem , signum , argumentum , consecutionem , approbationem . Horum unumquodque quid ualeat , aperiemus . Probabile est , per quod probatur expedisse reo peccare , & à simili turpitudine hominem nunquam abfuisse . Id diuiditur in causam , & in uitam . Causa est ea , quae induxit ad maleficiū commodorum spe , aut incommodorum euitatione : ut cum queritur , num quod commodum maleficio acquisierit , num honorem , num pecuniam , num dominationem , num aliquam cupiditatem amoris , aut huiusmodi libidinis uoluerit explere : aut num quod incommodum uitarit , inimicitias , infamiam , dolorem , supplicium . Hic accusator in spe commodi , cupiditatem ostendet aduersarij : in uitatione incommodi , formidinem augebit . Defensor autem negabit fuisse causam , si poterit ; aut

eam uehementer extenuabit. Deinde iniquum esse dicet, omnes, ad quos aliquid emolumenti ex aliqua re peruenerit, in suspicionem maleficij deuocari. Deinde uita hominis ex ante factis spectabitur. In quo primum considerabit accusator, num quando simile quid fecerit. Si id non reperiet, quæret num quando uenerit in similem suspicionem: & in eo debet esse occupatus, ut ad eam causam peccati, quam paulo ante exposuerit, uita hominis possit accommodari, hoc modo: Si dicet pecunie causa fecisse, ostendet eum semper auarum fuisse: si honoris, ambitiosum. ita poterit animi uitium, cum causa peccati conglutinare. Si non poterit par uitium cum causa reperire, reperiat dispar. Si non poterit auarum demonstrare, demostret corruptorem, uel perfidiosum, si quo modo poterit. Denique aliquo, aut quamplurimis uitijs contaminabit personam: deinde qui illud fecerit tam nequiter, eundem hunc tam perperam fecisse non esse mirandum. Si uehementer castus & integer existimabitur, aduersarius dicet, facta non famam spectari oportere: illum ante occulta sua flagitia, se plenum facturum ab eo maleficium non abesse. Defensor primum demonstrabit uitam integram, si poterit: id si non poterit, confugiet ad imprudentiam, stultitiam, adolescentiam, uim, persuasionem: quibus de rebus uituperatio eorum, quæ extra id crimen erunt, non debeat assignari. Sin uehementer hominis turpitudine impediatur, & infamia, prius dabit operam, ut falsos rumores dissipatos esse dicat de innocente, & utetur loco communi: Rumoribus cre-

AD HERENNIVM

di non oportere. Sin nihil horum fieri poterit, utatur extrema defensione, & dicat, non se de moribus eius apud Censores, sed de criminibus aduersariorum apud iudices dicere. Collatio est, cum accusator id, quod aduersarium fecisse criminatur, alij nemini, nisi reo; bono fuisse demonstrat, aut alium neminem potuisse perficere nisi aduersarium, aut eum ipsum alijs rationibus aut non potuisse, aut non aequè commodè potuisse, aut eum effugisse alias rationes commodiores propter cupiditatem. Hoc loco defensor ut demonstret, oportet, aut alijs quoque bono fuisse, aut alios quoque id, quod ipse insinuetur, facere potuisse. Signum est, per quod ostenditur idonea perficiendi facultas esse quaesita. Id diuiditur in partes sex, locum, tempus, spatium, occasionem, spem perficiendi, spem celandi. Locus quaeritur, celebris an desertus: semper, an tum, cum id factum sit, fuerit in eo loco solitudo: sacer an profanus, publicus an priuatus fuerit: cuiusmodi loci attingant: num qui est passus, perspectus aut exauditus esse possit. Horum quid reo, quid accusatori conueniat, perscribere non grauamur, nisi facile quiuis causa posita posset iudicare. initia enim inuentionis ab arte debent proficisci: cetera facile comparabit exercitatio. Tempus ita quaeritur, qua parte anni, noctu an interdiu, & qua die, & qua noctis hora factum esse dicatur, & cuiusmodi temporibus. Spatium ita consideratur, satisne longum fuerit ad eam rem transigendam; & potueritne scire, satis ad id perficiendum spatij futurum. nam parui refert, satis spatij fuisse ad id per-

ficienda
potuerit
rem ad
sit, aut
specta
concar
nia, con
imbeci
ratio den
nus, ut
spes cel
tris, ad
Argum
argumen
tur in tem
In prae
ubi iust
num qu
habuerit
num q
alieno
uisus su
crepitas
sensu pe
ta, qu
ciorum
quid n
etiam
esse, h
corpus

ficiendum, si id ante sciri, & ratione prouideri non potuerit. Oportet quæritur, idonea ne satis fuerit ad rem adoriendam, an alia melior, quæ aut præterita sit, aut non expectata. Spes perficiendi quæ fuerit, spectabitur hoc modo: Si quæ supra dicta sunt signa, concurrent: si præterea ex altera parte uires, pecunia, consilium, scientia, apparatus; ex altera parte imbecillitas, inopia, stultitia, imprudentia, inapparatio demonstrabitur fuisse: per quas res scire poterimus, utrum diffidendum an confidendum fuerit. Spes celandi quæ fuerit, quæritur ex conscijs, arbitris, adiutoribus, liberis aut seruis, aut utrisque. Argumentum est, per quod res coarguitur certioribus argumentis, & magis firma suspitione. Id diuiditur in tempora tria, præteritum, instans, consequens. In præterito tempore oportet considerare, ubi fuerit, ubi uisus sit, qui cum uisus sit, num quid appararit, num quem conuenerit, num quid dixerit, num quem habuerit de conscijs, de adiutoribus, de adiumentis, num quo in loco præter consuetudinem fuerit, aut alieno tempore. In instanti tempore quæritur, num uisus sit, cum faciebat, num qui strepitus, clamor, crepitus exauditus sit, aut denique num quid aliquo sensu perceptum sit, aspectu, auditu, tactu, odoratu, gustatu. nam quicquid horum potest conflare suspitionem. In consequenti tempore spectabitur, num quid re transacta relictum sit, quod indicet aut factum esse maleficium, aut à quo sit factum. Factum esse, hoc modo: Si tumore aut liuore decoloratum est corpus mortui, significat eum ueneno necatum. A.

AD HERENNIVM

quo factum sit, hoc modo: si telum, si uestimentum, si quid eiusmodi relictum sit, aut si uestigium rei fuerit, aut si cruor in uestimentis, aut si in eo loco comprehensus aut uisus sit transacto negotio, quo in loco res gesta dicatur. Consecutio est, cum quaeritur, quae signa nocentis & innocentis consequi soleant. Accusator dicet, si poterit aduersarium, cum ad eum uentum sit, erubuisse, expalluisse, titubasse, inconstanter locutum esse, concidisse, pollicitum esse aliquid: quae signa conscientiae sunt. Si reus horum nihil fecerit, accusator dicet, eum usque adeo praemeditatum fuisse quid sibi esset usu uenturum, ut confidentissime resistens responderet: quae signa confidentiae, non innocentiae sunt. Defensor, si pertimuerit, magnitudine periculi, non conscientia peccati commotum esse dicet. Si non pertimuerit, fretum innocentia negabit esse commotum. Approbatio est, qua utimur ad extremum confirmata suspitione. Ea habet locos proprios atque communes. Proprii sunt ii, quibus, nisi accusator, uemo potest uti; et ii, quibus nisi defensor. Communes sunt, qui alia in causa ab reo, alia ab accusatore tractantur. In causa coniecturali proprius locus accusatoris est, cum dicit malorum misereri non oportere, & cum auget peccati atrocitatem. Defensoris proprius locus est, cum misericordiam captat, et cum accusatorem calumniari criminatur. Communes loci sunt, cum accusatoris, tum defensoris, à testibus, contra testes; à quaestionibus, contra quaestiones; ab argumentis, contra argumenta; à rumoribus, contra rumores. A testibus dicemus, secundum auctori-

tatem
rum.
rum in
aut non
potuisse,
ad imp
nebunt.
bimus,
cruciat
mgi, u
firmatu
gumera
tractat
idemq.
stiones b
certis m
crendat
rentur
posse
aliquo
non op
quod in
sepe sci
dire: q
futurum
mus qu
mentatu
possum
& care
modo ex

tatem & uitam testium, et constantiam testimonio-
rum. Contra testes, uitæ turpitudinem, testimonio-
rum inconstantiam; si aut non fieri potuisse dicemus,
aut non factum esse quod dicant, aut scire illos non
potuisse, aut cupide dicere, & argumentari. hæc et
ad improbationem, & approbationem testium perti-
nebunt. A questionibus dicemus, cum demonstra-
bimus, maiores, ueri inueniendi causa, tormentis et
cruciatibus uoluisse quæri, & summo dolore homines
cogi, ut quidquid sciant, dicant. Et præterea con-
firmatio hæc erit disputatio, si quæ dicta erunt ar-
gumentando, iisdem uis, quibus omnis coniectura
tractatur, trahemus ad uerisimilem suspicionem:
idemq; hoc in testimonijs facere oportebit. Contra quæ-
stiones hoc modo dicemus: Primum, maiores uoluisse
certis in rebus interponi quæstiones, ut, quæ uere di-
cerentur, seruari; quæ falso in quæstione pronuncia-
rentur, refelli possent: hoc modo: Quo in loco quid
positum sit, & si quid esset simile, quod uideri, aut
aliquo simili signo percipi posset: deinde, dolori credi
non oportere, quod alius alio recentior sit in dolore,
quod ingeniosior ad comminiscendum, quod denique
sepe scire aut suspicari possit, quid quæsitores uelit au-
dire: quod cum dixerit, intelligat sibi finem doloris
futurum. Hæc disputatio comprobabitur, si refelle-
mus quæ in quæstionibus erunt dicta probabili argu-
mentatione: idq; partibus coniectura, quas ante ex-
posuimus, facere oportebit. Ab argumentis, et signis,
& cæteris locis, quibus augetur suspicio, dicere hoc
modo conuenit: Cum multa concurrant argumenta

AD HERENNIVM

Et signa, quæ inter se consentiant, rem perspicuam, non suspiciosam uideri oportere. Item plus oportere signis et argumentis credi, quàm testibus: hæc enim eo modo exponi, quo modo re uera sunt gesta: testes corrumpi posse uel pretio, uel gratia, uel metu, uel simultate. Contra argumenta, et signa, et ceteras suspensiones dicemus hoc modo, si demonstrabimus nullam rem esse, quam suspicionibus quiuus possit criminari: deinde unamquamque suspensionem extenuabimus, et dabimus operam, ut ostendamus, nihilo magis in nos eam, quàm in alium quempiam conuenire: indignum facinus esse, sine testibus coniecturam et suspensionem firmamenti satis habere. A rumoribus dicemus, si negabimus temere famam nasci solere, quin subsit aliquid: et dicemus causam non fuisse, quare quispiam confingeret et comminisceretur. Et præterea si ceteri falsi soleant esse, argumentabimur hunc esse uerum. Contra rumores dicemus primum, si docebimus multos esse falsos rumores, et exemplis utemur, de quibus falsa fama fuerit: et aut inimicos nostros, aut homines natura maleuolos et maledicos confinxisse, dicemus: et aliquam aut fictam fabulam in aduersarios afferemus, quam dicamus omnibus in ore esse: aut uerum rumorem proferemus, quis illis aliquid turpitudinis afferat: neque tamen ei rumori nos fidem habere dicemus, ideo quòd quiuus homo possit quamuis turpem de quolibet rumorem proferre, et confictam fabulam dissipare. Veruntamen si rumor uehementer probabilis esse uidebitur, argumentando famæ fidem poterimus abrogare.

Quod
ralis,
diligen
ne para
temur,
tam exce
ma con
CV
uidebit
dum na
Deinde
scirent
in testa
scripto
lutione
care, q
diligen
gitali
excogi
firmat
uoluit
à nob
quare
strabit
mode,
profe
et uol
Deinde
receder
fuerat

Quod et difficillima tractatu est constitutio coniecturalis, & in ueris causis sæpiissime tractanda est, eo diligentius omnes eius partes perscrutati sumus, ut ne paruula quidem titubatione, aut offensione impediremur, si ad hanc rationem præceptionis, assiduitatem exercitationis accommodaremus. Nunc ad legitimæ constitutionis partes transeamus.

CVM uoluntas scriptoris cum scripto dissidere uidebitur, si à scripto dicemus, his locis utemur secundum narrationem: Primum scriptoris collaudatione: Deinde scripti recitatione: Deinde percunctatione, scirent ne aduersarij id scriptum fuisse in lege, aut in testamento, aut in stipulatione, aut in quolibet scripto, quod ad eandem rem pertineat. Deinde collatione, quid scriptum sit, quid aduersarij se fecisse dicant, quid iudicem sequi conueniat, utrum id quod diligenter perscriptum sit, an id quod acute sit excogitatum. Deinde ea sententia, quæ ab aduersarijs sit excogitata, & scripto attributa, contemnetur et infirmabitur. Deinde queretur, quid ei obfuerit, si id uoluisset scribere, ut non potuerit perscribere. Deinde à nobis sententia reperietur, & causa proferetur, quare id scriptor senserit quod perscripsit: & demonstrabitur, scriptum illud esse dilucide, breuiter, commode, perfecte, certa cum ratione. Deinde exempla proferentur, quæ res, cum ab aduersarijs sententia et uoluntas afferretur, à scripto potius iudicata sint. Deinde ostendetur, quàm periculosum sit à scripto recedere. Locus communis est contra eum, qui cum fateatur se contra id, quod legibus sancitum est, aut

AD HERENNIVM

testamento perscriptum sit, fecisse: tamen facti quæ-
rat defensionem. A sententia sic dicemus: Primum
laudabimus scriptoris commoditatem atque breuita-
tem, quod tantum scripserit, quod necesse fuerit, il-
lud, quod sine scripto intelligi potuerit, non necessario
scribendum putarit. Deinde dicemus calumniatoris
esse officium, uerba, et literas sequi, negligere uolun-
tatem. Deinde id, quod scriptum sit, aut non posse fie-
ri, aut non lege, non more, non natura, non equo
& bono posse fieri: quæ omnia scriptorem uoluisse
quam rectissime fieri, nemo dubitet: at ea, quæ à no-
bis facta sint, iustissime facta. Deinde contrariam
sententiam aut nullam esse, aut stultam, aut iniu-
stam, aut non posse fieri, aut non constare cum supe-
rioribus et inferioribus sententijs, aut cum iure cum-
muni, aut cum alijs legibus communibus, aut cum
rebus iudicatis dissentire. Deinde exemplorum à uo-
luntate, & contra scriptum iudicatorum enumera-
tione utemur. Deinde legum et stipulationum breui-
ter exscriptarum, in quibus intelligatur scriptorum
uoluntas. Locus communis contra eum, qui scriptum
recitet, & scriptoris uoluntatem non interpretetur.
Cum duæ leges inter se discrepant, uidendum est pri-
mum, num quæ obrogatio aut derogatio sit. Deinde
utrum leges ita dissentiant ut altera iubeat, altera
uetet; an ita ut altera cogat, altera permittat. In-
firma enim erit eius defensio, qui negabit se fecisse
quod cogeretur, cum altera lex permetteret. plus enim
ualet sanctio, permissione. Item illa defensio tenuis
est, cum ostenditur id factum esse, quod ea lex san-

ciat, ca
postrio
erunt
recitatio
legis ena
nostra ca
luta sum
iuris, a
differen
quod in
modo
quaten
si id, e
uoluisse
terprete
more,
sari in
scriptu
Sunt
uellem
eam, e
mur,
ximo in
aucupat
tiam m
sermoni
tum ob
pedite
dum m
nomer

ciat, cui legi obrogatum uel derogatum sit; id, quod posteriori lege sancitum sit, esse neglectum. Cum hæc erunt considerata, statim nostræ legis expositione, recitatione, collaudatione utemur. Deinde contrariæ legis enodabimus uoluntatem, & eam trahemus ad nostræ causæ commodum. Deinde de iuridicali absoluta sumemus rationem iuris, & quæremus partem iuris, utrum cum ea faciat: de qua parte posterius differemus. Si ambiguum esse scriptum putabitur, quod in duas aut plures sententias trahi possit, hoc modo tractandum est. Primum, sit ne ambiguum, querendum est. Deinde, quo modo scriptum esset, si id, quod aduersarij interpretantur, scriptor fieri uoluisset, ostendendum est. Deinde id, quod nos interpretemur, & fieri posse, & honeste, recte lege, more, natura, æquo et bono fieri posse; quod aduersarij interpretantur, à contrario: nec esse ambigue scriptum, cum intelligatur utra sententia uera sit.

Sunt qui arbitrentur ad hanc causam tractandam uehementer pertinere cognitionem amphibologiarum eam, quæ à dialecticis profertur. nos uero arbitramur, non modo nullo adiumento esse, sed potius maximo impedimento. omnes enim illi amphibologias aucupantur, eas etiam, quæ ex altera parte sententiam nullam possunt interpretari. itaque & alieni sermonis molesti interpellatores, et scripti tum odiosi, tum obscuri interpretes sunt: & dum caute & expedite loqui uolunt, infantissimi reperiuntur. ita dum metuunt, in dicendo ne quid ambiguum dicant, nomen suum pronunciare non possunt. uerum ho-

AD HERENNIVM

rum pueriles opiniones rectissimis rationibus, cum uoles, refellemus. in praesentia hac interserere non alienum fuit, ut huius infantiae garrulam disciplinam contemneremus. Cum definitione utemur, primum afferemus breuem uocabuli definitionem, hoc modo: Maiestatem is minuit, qui ea tollit, ex quibus rebus ciuitatis amplitudo constat: quae sunt ea, quae capiunt suffragia populi & magistratus consilia. nempe igitur tu, & populum suffragio, & magistratum consilio priuasti, cum pontes disturbasti.

Item ex contrario: Maiestatem is minuit, qui amplitudinem ciuitatis detrimento afficit. ego non affeci, sed prohibui detrimento. aerarium enim conseruauit, libidini malorum restiti, maiestatem omnem interire non passus sum. Primum igitur uocabuli sententia breuiter, & ad utilitatem accommodatam causa describetur. Deinde factum nostrum cum uerbi descriptione coniungetur. Deinde contrariae descriptionis ratio refelletur, si aut falsa erit, aut inutilis, aut turpis, aut iniuriosa. Id quoque ex iuris partibus sumetur de iuridicali absoluta; de qua iam loquemur.

Queritur in translationibus primum, num aliquis eius rei actionem, petitionem, aut executionem habeat, quem non oporteat: num alio modo, tempore, loco: num alia lege, num alio quarente, aut agente. Hac legibus & moribus, a quo & bono reperientur; de quibus dicatur in iuridicali absoluta. In causa rationali primum quaeretur, ecquid in rebus maioribus, aut minoribus, aut similibus similiter scriptum, aut iudicatum sit. Deinde, utrum ea res similis sit ei rei,

ei rei, de qua agitur, an dissimilis. Deinde utrum consulto de ea re scriptum non sit, quod noluerit cauere, an quod satis cautum putarit, propter ceterorum scriptorum similitudinem. De partibus legitimæ constitutionis satis dictum est: nunc ad iuridicalem reuertamur.

ABSOLUTA iuridicali constitutione utemur, cum ipsam rem, quam nos fecisse confitemur, iure factam dicemus, sine ulla assumptione extrariae defensionis. In ea quæri conuenit, iure ne factum sit. De eo causa posita dicere poterimus, si, ex quibus partibus ius constet, cognouerimus. Constat igitur ius ex his partibus, natura, lege, consuetudine, iudicato, æquo & bono, pacto. Natura ius est, quod cognationis aut pietatis causa observatur: quo iure parentes à liberis, & à parentibus liberi coluntur. Lege ius est id, quod populi iussu sancitum est: quod genus, ut in ius eas cum noceris. Consuetudine ius est id, quod sine lege, æque ac si legitimum sit, usitatum est: quod genus id, quod argentario obruleras expensum, à socio eius recte repetere possis. Iudicatum est id, de quo sententia lata est, aut decretum interpositum. Ea sæpe diuersa sunt, ut aliud alijs iudici, aut Prætori aut Consuli, aut Tribuno pl. placitum sit: & fit, ut de eadem re sæpe alius aliud decreuerit, aut iudicauerit: quod genus: M. Drusus Prætor urbanus, quo cum hærede mandati ageretur, iudicium reddidit, Sex. Iulius non reddidit. Item C. Calius iudex absoluit iniuriarum eum, qui Lucilium poetam in scena nominatum læserat: P. Mutius eum, qui L. Aciuum poetam

AD HERENNIVM

nominauerat, condemnauit. Ergo quia possunt res simili de causa dissimiliter iudicatae proferri, cum id usu uenerit, iudicem cum iudice, tempus cum tempore, numerum cum numero iudiciorum conferemus. Ex aequo et bono ius constat, quod ad ueritatem et utilitatem communem uidetur pertinere: quod genus, ut maior annis LX, & cui morbus causa est, cognitorem det: Ex eo nouum ius constitui conuenit ex tempore, & hominis dignitate. Ex pacto ius est, si quid inter se pepigerunt, si quid inter quos conuenit. Pacta sunt, quae legibus obseruanda sunt, hoc modo: Rem ubi pagunt, oratione pagunt. In comitio, aut in foro ante meridiem causam conijcto. Sunt item pacta, quae sine legibus obseruantur ex conuentu, quae iuri praestare dicuntur. His igitur partibus iniuriam demonstrari, ius confirmari conuenit, idque in absoluta iudiciali faciendum uidetur. Cum ex comparatione quaeretur, utrum satius fuerit agere id, quod reus dicat se fecisse, aut id, quod accusator dicat oportuisse fieri; primum queri conuenit, utrum fuerit utilius ex contentione, hoc est, utrum uenustius, facilius, conducibilius. Deinde oportebit queri, ipsum ne oportuerit iudicare, utrum fuerit utilius, an aliorum fuerit statuendi potestas. Deinde interponetur ab accusatore suspicio ex constitutione coniecturali, quare putetur non ea ratione factum esse, quo melius deteriori anteponeretur, sed dolo malo negotium gestum. Deinde quaeretur, potuerit ne uitari, ne in eum locum ueniretur. Ab defensore contra refelletur argumentatio coniecturalis, de qua ante dictum est. His ita tra-

statis, a
utile uti
potestatem
rem per
per con
et ab iud
co fuisse
sua pot
ab reo fa
In qua p
men tra
magnu
ratur, a
inde op
petarit.
Deinde,
quod in
cum fier
communi
nim, qu
rius per
idem cate
mant, qu
sator idem
atrociter
rem, loc
dient, ex
le rem in
bis igno
et deprec

statis, accusator utetur loco communi in eum, qui inutile utili præposuerit, cum statuendi non habuerit potestatem. Defensor contra eos, qui æquum censeant rem perniciosam utili præponi, utetur loco communi per conquestionem: Et simul quæret ab accusatoribus, Et ab iudicibus ipsis, quid facturi essent, si in eo loco fuissent: et tempus, locum, rem, deliberationem suam ponet ante oculos. Translatio criminis est, cum ab reo facti causa in aliorum peccatum transfertur. In qua primum querendum est, iure ne in alium crimen transferatur. Deinde spectandum est, an æque magnum sit illud peccatum, quod in alium transferatur, atque illud, quod reus suscepisse fateatur. Deinde oportuerit ne in ea re peccare, in qua alius ante peccarit. Deinde oportuerit ne iudicium ante fieri. Deinde, cum factum iudicium non sit de illo crimine, quod in alium transferatur, oporteat ne de ea re iudicium fieri, quæ res in iudicium non uenerit. Locus communis accusatoris, contra eum, qui plus censebat uim, quàm iudicia ualere oportere: Et ab aduersarijs percunctabitur accusator, quid futurum sit, si idem ceteri faciant, ut de indemnatis supplicia sumant, quod eos idem fecisse dicant. Quid, si ipse accusator idem facere uoluisset? Defensor eorum peccati atrocitatem proferet, in quos crimen transferetur: rem, locum, tempus ante oculos ponet, ut ij, qui audient, existiment aut non potuisse, aut non fuisse utile rem in iudicium uenire. Concessio est, per quam nobis ignosci postulamus. Ea diuiditur in purgationem, et deprecationem. Purgatio est, cum consulto à no-

AD HERENNIVM

bis factum negamus. Ea diuiditur in necessitudinem, fortunam, imprudentiam. De his primum partibus ostendendum est, deinde ad deprecationem reuertendum uidetur. Primum, considerandum est, utrum per culpam uentum sit in necessitudine, num culpam ueniendi necessitudo fecerit. Deinde querendum est, ecquo modo uis illa uitari potuerit ac leuari. Deinde is, qui in necessitudine causam conferet, expertus ne sit quid contra facere, aut excogitare posset. Deinde, num quæ suspensiones ex coniecturali constitutione trahi possint, quæ significant id consulto factum esse, quod necessario accidisse dicitur. Deinde, si maxime necessitudo quæpiam fuerit, conueniat ne eam satis idoneam putari. Si autem imprudentia reus se peccasse dicet, primum queretur, utrum potuerit scire, an non potuerit. Deinde, utrum data sit opera ut sciretur, an non. Deinde, utrum casu nescierit, an culpa. nam qui se propter uinum, aut amorem, aut iracundiam fugisse rationem dicet, is animi uitio uidebitur nescisse, non imprudentia: quare non imprudentia se defendet, sed culpa contaminabitur. Deinde, coniecturali constitutione queratur, utrum scierit, an ignorauerit: et considerabitur, satis ne imprudentia presidij debeat esse, cum factum esse constet. Cum in fortunam causa conferetur, & ea re defensor ignosci dicet reo oportere; eadem omnia uidentur considerata, quæ de necessitudine præscripta sunt. Etenim hæ tres partes purgationis inter se finitimæ sunt, ut in omnes eadem fere possint accommodari. Loci communes in his causis: Accusatoris con-

trauen
tione in
misericor
conuenit
di esse ne
rebimur
euita, cu
sa nobis
ex ijs locis
ficia, ut
eas erit i
fuerunt
plex, ma
derur fua
delitae,
ali de ca
periculi n
cerimus
ciuitate
nes, de
commutat
is, qui
tione omni
non potest
potest uel
uifa est su
re uolent
cati causa
retur, qua
quantum

tra eum, qui cum se peccasse confiteatur, tamen oratione iudices demoretur: Defensoris, de humanitate, misericordiae, uoluntatem in omnibus rebus spectari conuenire; & quae consulto facta non sint, ea fraudi esse non oportere. Deprecatione utemur, cum fatebimur nos peccasse, neque id impudenter, aut fortuitu, aut necessario fecisse dicemus, & tamen ignosci nobis postulabimus. Hic ignoscendi ratio quaeritur ex ijs locis, si plura aut maiora officia, quam maleficia, uidebuntur constare: si qua uirtus, aut nobilitas erit in eo, qui supplicabit: si qua spes erit, usui futurum, si sine supplicio discesserit: si ipse ille simplex, mansuetus, & misericors in potestatibus ostendetur fuisse: si ea, quae peccauit, non odio, non crudelitate, sed officio & recto studio commotus fecit: si tali de causa alijs quoque ignotum est: si nihil ab eo periculi nobis futurum uidebitur, si eum missum fecerimus: si nulla aut à nostris ciuibus, aut ab aliqua ciuitate uituperatio ex ea re suscipientur. Loci communes, de humanitate, fortuna, misericordia, rerum commutatione. His locis omnibus ex contrario utetur is, qui contradicet, cum amplificatione & enumeratione omnium peccatorum. Hac causa iudicialis fieri non potest, ut in primo libro ostendimus, sed, quod potest uel ad senatum, uel ad concilium uenire, non uisa est supersedenda. Cum à nobis crimen remouere uolemus, aut in rem, aut in hominem nostri peccati causam conferemus. Si causa in hominem conferetur, quaerendum erit primum, potuerit ne tantum, quantum reus demonstrabit, is, in quem causa confe-

AD HERENNIVM

retur : & ecquonam modo aut honeste , aut sine periculo potuerit obsisti : si maxime ita sit , num ea re concedi reo conueniat , quod alieno inductu fecerit . deinde in coniecturalem trahetur controuersiam , & quæretur , num consulto factum sit . Si causa in rem quandam conferetur , & hæc eadem fere , & omnia quæ de necessitudine præcepimus , considerata erunt .

QVONIAM satis ostendisse uidemur , quibus argumentationibus in unoquoque genere causæ iudicialis uti conueniret , consequi uidetur , ut doceamus quemadmodum ipsas argumentationes ornatè , et absolute tractare possimus . nam fere non difficile est inuenire quid sit causæ adiumento : difficillimum uero est inuentum expolire , & expedite pronunciare . hæc enim res facit ut neque diutius , quàm satis sit , in eisdem locis commoremur , neque eodem identidem reuoluamur , neque inchoatam argumentationem relinquamus , neque incòmode ad aliam deinceps transeamus . Itaque hac ratione & ipsi meminisse poterimus , quid quoque loco dixerimus : et auditor cum totius causæ , cum uniuscuiusque argumentationis distributionem præcipere , & meminisse poterit . Ergo absolutissima , & perfectissima argumentatio est ea , quæ in quinque partes est distributa , propositionem , rationem , rationis confirmationem , exornationem , complexionem . Propositio est , per quam ostendimus summam , quid sit , quod probare uolumus . Ratio est causa , quæ demonstrat id uerum esse , quod intendimus , breui subiectione . Rationis confirmatio est ea , quæ pluribus argumentis corroborat breuiter ex-

posita
nestra
gumer
collige
que pa
clabim
vlysi
enim
non in
illo in
illius
si iure
machin
nium
terimen
do per
tionem
sa sus
malefic
conari
ffor :
cupidita
ma com
malefici
rassè
tiarum
excitatu
ti , in
tandem
stias uia

positam rationem. Exornatio est, qua utimur rei honestanda, & collocupletanda causa, confirmata argumentatione. Complexio est, qua concludit, breuiter colligens partes argumentationis. Hisce igitur quinque partibus, ut absolutissime utamur, hoc modo tractabimus argumentationem. Causam ostendimus Vlyssi fuisse, quare interfecerit Aiacem: inimicum enim acerrimum de medio tollere uolebat: à quo sibi non iniuria summum periculum metuebat. uidebat, illo incolumi se incolumem non futurum. sperabat, illius morte se salutem sibi comparare. consueuerat, si iure non poterat, quauis iniuria inimico exitium machinari. cui rei mors indigna Palamedis testimonium dat. ergo et metus periculi hortabatur cum interimere, à quo supplicium uerebatur: & consuetudo peccandi, maleficii suscipiendi remouebat dubitationem. Omnes enim, qui minima peccata cum causa suscipiunt, tum uero illa, qua multo maxima sunt maleficia, aliquo certo emolumento inducti suscipere conantur. Si multos induxit in peccatum pecuniæ spes: si complures scelere se contaminauerunt imperij cupiditate: si multi leue compendium fraude maxima commutauerunt: cui mirum uidebitur, istum à maleficio propter acerrimam formidinem non temperasse? Virum fortissimum, integerrimum, inimicitarum persequentissimum, iniuria laceffitum, ira excitatum, homo timidus, nocens, conscius sui peccati, insidiosus, inimicum incolumem esse noluit: cui tandem hoc mirum uidebitur? Nam cum feras bestias uideamus alacres, & erectas uadere, ut alteri

AD HERENNIVM

bestiae noceant, non est incredibile putandum; istius quoque animum ferum, crudelem, atque inhumanum cupide ad inimici perniciem profectum: praesertim cum in bestiis nullam neque bonam neque malam rationem uideamus, in isto plurimas & pessimas rationes semper fuisse intelligamus. Si ergo pollicitus sum, me daturum causam, qua induetus Vlysses accesserit ad maleficium: et si inimicitiarum acerrimam rationem, & periculi metum intercessisse demonstraui: non est dubium, quin confiteatur causam maleficij fuisse. Ergo absolutissima est argumentatio ea, quae ex quinque partibus constat: sed ea non semper necesse est uti. Tum enim complexione supersedendum est, si res brevis est, ut facile memoria comprehendatur: tum exornatio praetermittenda est, si parum locuples ad amplificandum, & exornandum res uidetur esse. Sin & brevis erit argumentatio, & res tenuis, aut humilis, tum exornatione & complexione supersedendum est. In omni argumentatione de duabus partibus postremis, haec, quam exposui, ratio est habenda. Ergo amplissima est argumentatio quinquepartita: breuissima est tripartita: mediocris, sublata aut exornatione, aut complexione, quadripartita.

GENERA duo sunt uitiosarum argumentationum: unum, quod ab aduersario reprehendi potest, idque pertinet ad causam: alterum, quod tamen si nugatorium est, tamen non indiget reprehensione. Quae sit, quae reprehensione confutari conueniat, quae tacite contemni, atque uitari sine reprehensione, nisi

exemp
Hac ca
utilita
nitum
de rep
perfect
partib
nomis q
ipsi ab
mentat
tare,
positio
e ad o
nibus
nos, q
rare d
quis h
curat
sit, i
ostend
omnes
tiosa ex
non neg
que pra
nemo d
nemine
dumma
Item no
nos coll
hoc me

exempla subiecero, intelligere, dilucide non poteris. Hac cognitio uitiosarum argumentationum duplicem utilitatem asseret: nam & uitare in argumentatione uitium admonabit, & ab alijs non uitatum commode reprehendere docebit. Quoniam igitur ostendimus, perfectam, & plenam argumentationem ex quinque partibus constare; in unaquaque parte argumentationis quæ uitia euitanda sunt, consideremus: ut & ipsi ab his uitijs recedere, & aduersariorum argumentationes hac præceptione in omnibus partibus tentare, & ab aliqua parte labefactare possimus. Expositio uitiosa est, cum ab aliqua, aut à maiore parte ad omnes confertur id, quod non necessàrio est omnibus attributum: ut si quis hoc modo exponat: Omnes, qui in paupertate sunt, malunt maleficio parare diuitias, quàm officio paupertatem tueri. Si quis hoc modo exposuerit argumentationem, ut non curet querere qualis ratio, aut rationis confirmatio sit, ipsam facile reprehendemus expositionem, cum ostendemus id, quod in aliquo paupere improbo sit, in omnes pauperes falso & iniuria conferri. Item uitiosa expositio est, cum id, quod raro fit, fieri omnino negatur, hoc modo: Nemo potest uno aspectu, neque præteriens in amorem incidere: nam cum non nemo deuenit in amorem uno aspectu, & cum ille neminem dixerit, omnino nihil differe raro id fieri, dummodo, aliquando fieri, aut posse fieri intelligatur. Item uitiosa expositio est, cum omnes res ostendimus nos collegisse, & aliquam rem idoneam præterimus, hoc modo: Quoniam igitur hominem occisum constat

AD HERENNIVM

esse, necesse est aut à prædonibus, aut ab inimicis occisum esse, aut abs te, quem ille hæredem testamento ex parte faciebat. prædones illo loco uisi nunquam sunt: inimicum nullum habebat. relinquitur, si neque à prædonibus, neque ab inimicis occisus est, quòd alteri non erant, alteros non habebat, ut abs te sit interemptus. Nam in huiusmodi expositione reprehensione utemur, si quos præter eos, quos ille dixerit, potuisse suscipere maleficium ostenderimus: uelut in hoc exemplo cum dixerit necesse esse, aut à prædonibus, aut ab inimicis, aut à nobis occisum esse, dicemus potuisse uel à familia, uel à cohæredibus nostris. Cum hoc modo illorum collectionem disturbauerimus, nobis latiore locum defendendi relinquemus. Ergo hoc quoque uitandum est in expositione, ne quando, cum omnia collegisse uideamur, aliquam idoneam partem reliquerimus. Item uitiosa expositio est, quæ constat ex falsa enumeratione: ut si, cum plura sint, pauciora dicamus, hoc modo: Dux res sunt indices, quæ homines ad maleficium impellunt, luxuries, & auaritia. Quid amor? inquit quispiam. quid ambitio? quid irreligio? quid metus mortis? quid imperij cupiditas? quid denique alia permulta?

Item falsa enumeratio est, cum pauciora sunt, et plura dicimus, hoc modo. Tres res sunt, quæ omnes homines sollicitant, metus, cupiditas, ægritudo. Satis fuerat dixisse metum, & cupiditatem: quoniam ægritudinem cum utraque re coniunctam esse necesse est. Item uitiosa expositio est, quæ nimium longe repetitur, hoc modo. Omnium malorum stultitia est

mater, quæ parit immensas cupiditates: immensæ porro cupiditates, infinitæ, & immoderata sunt: hæ pariunt auaritiā: auaritia porro hominem ad quoduis maleficium impellit: igitur auaritia induciti aduersarij nostri hoc in se facinus admiserunt. Hic id, quod extremum dictum est, satis fuit exponere, ne Ennium, & ceteros poetas imitemur, quibus hoc modo loqui concessum est.

Vtinam ne in nemore Pelio securibus
Cæsa cecidisset abiegnæ ad terram trabes:
Né ue inde nauis inchoandæ exordium
Cepisset, quæ nunc nominatur nomine
Argo; qua uecti Argiui delecti uiri,
Petebant illam pellem inauratam arietis
Colchis, imperio regis Pelia per dolum:
Nam nunquam hera errans mea domo efferret pedem
Medea, animo agra, amore sæuo saucia.

Nam hic satis erat dicere, (si id modo, quod esset satis, curasset poeta)

Vtinam ne hera errans mea domo efferret pedem
Medea, animo agra, amore sæuo saucia.

Ergo hac quoque ab ultimo repetitione in expositionibus magnopere supersedendum est. non enim reprehensione eget, sicut aliæ complures, sed sua sponte uitiosa est.

VITIOSA ratio est, quæ ad expositionem non est accommodata, uel propter infirmitatem, uel propter uanitatem. Infirma ratio est, quæ non necessario ostendit ita esse, quemadmodum expositum est: uelut apud Plautum;

AD HERENNIVM

Amicum castigare ob meritam noxiam,
Immane est facinus, uerum in ætate utile,
Et conducibile :-

Hæc expositio est. uideamus, quæ ratio afferatur.
-Nam ego amicum hodie meum
Concastigabo pro commerita noxia.

Ex eo, quod ipse facturus est, non ex eo, quod fieri conuenit, utile quid sit ratiocinatur. Vana ratio est, quæ ex falsa causa constat, hoc modo: Amor fugiendus non est: nam ex eo uerissima nascitur amicitia. Aut hoc modo: Philosophia est uitanda: affert enim socordiam atque desidiam. Nam hæ rationes nisi falsæ essent, expositiones quoque earum ueras esse confiteremur. Item infirma ratio est, quæ non necessariam causam affert expositionis: uelut Pacuuius: Fortunam insanam esse, et cæcam, et brutam perhibent philosophi,

Saxoq; instare globoso prædicant uolubili:

Ideoq; quò saxum impulerit fors, eo cadere fortunam autumant.

Cæcam ob eam rem esse iterant, quia nihil cernat, quò sese applicet:

Insanam autē aiunt, quia atrox, incerta, instabilisq; sit: Brutam, quia dignum atque indignum nequeat internoscere.

Sunt autem alij philosophi, qui contra fortuna negant Miseriā esse ullā, sed temeritate omnia regi. id magis Veresimile aiunt, quod usus reapse experiundo edocet. Velut Orestes modo fuit rex, modo mēdicus factus est: Naufragio res cōtingit. nepe ergo haud fortuna obtrigit.

Nam hic Pacuvius infirma ratione utitur, cum ait, uerius esse temeritate, quàm fortuna res regi. nam utraque opinione philosophorum fieri potuit, ut is, qui rex fuisset, mendicus factus esset. Item infirma ratio est, quæ uidetur pro ratione afferri, sed idem dicit, quod in expositione dictum est, hoc modo: Magno malo est omnibus auaritia, idcirco quòd homines magnis & multis incommodis conflictantur propter immensam pecuniæ cupiditatem. Nam hic alijs uerbis idem per rationem dicitur, quod dictum est, per expositionem. Item infirma ratio est, quæ minus idoneam, quàm res postulat, causam subiicit expositioni, hoc modo: Vtilis est sapientia, propterea quòd, qui sapientes sunt, pietatem colere consueuerunt. Item utile est amicos ueros habere. habes enim, quibuscum iocari possis. Nam huiusmodi in rationibus non uniuersali, neque absoluta, sed extenuata ratione expositio confirmatur. Item infirma ratio est, quæ uel alijs expositioni potest accommodari, ut facit Pacuvius, qui eandem affert rationem, quare cæca; eandem, quare bruta fortuna dicitur.

IN confirmatione rationis multa uitanda in nostra, & obseruanda in aduersariorum ratione sunt uitia, proptereaq; diligentius consideranda sunt, quòd accurata confirmatio rationis, totam uehementissime comprobatur argumentationem.

Vtuntur igitur studiosi in confirmanda ratione duplici conclusione, hoc modo:

Iniuria abs te afficior indigna pater.

Nam si improbum Chresphontem existimaueras,

AD HERENNIVM

Cur me huic locabas nuptijs? sin est probus,
Cur talem inuitam cogis linquere?

Quæ hoc modo concludentur, aut ex contrario conuertentur, aut ex simplici parte reprehendentur: ex contrario hoc modo:

Nulla te indigna nata afficio iniuria.

Si probus est, bene locavi: sin autem est improbus,
Diuortio te liberabo incommotis.

Ex simplici parte reprehendentur, si ex duplici conclusionem alterutra pars diluitur, hoc modo:

Nam si improbum Chresthontem existimaueras,
Cur me huic locabas nuptijs? Duxi probum,
Erravi, post cognoui, & fugio cognitum.

Ergo reprehensio huius conclusionis duplex est: acutior illa superior, faciliior hæc posterior ad excogitandum. Item uitiosa est confirmatio rationis, cum ea re, quæ plura significat, abutimur pro certo unius rei signo, hoc modo: Necessè est, quoniam pallet, egrotasse: aut necessè est peperisse, quoniam sustinet puerum infantem. Nam hæc sua sponte certa signa non habent, si non cætera quoque similia concurrant: quod si concurrerint, non nihil huiusmodi signa adaugent suspicionem. Item uitiosum est, cum uel in alium, uel in eum ipsum, qui dicit, id quod in aduersarium dicitur, potest conuenire, hoc modo: Miseri sunt qui uxores ducunt: at tu duxisti alteram. Item uitiosum est id, quod uulgarem habet defensionem, hoc modo: Iracundia inductus peccauit, aut adolescentia, aut amore. Huiusmodi enim deprecationes si probabuntur, impune maxima peccata dilabentur. Item uitio-

sum est, cum id pro certo sumitur, quod inter omnes non constat, quia etiam nunc in controuersia est, hoc modo:

Eho tu, dii, quibus est potestas motus superum, atque inferum,

Pacem inter se se conciliant, conferunt concordiam.

Nam ita pro suo iure hoc exemplo usum Cressphontem Ennius induxit, quasi iam satis certis rationibus ita esse demonstrasset. Item uitiosum est, quod iam quasi sero atque acto negotio dici uidetur, hoc modo: In mentem mihi si uenisset Quirites, non commissem ut hunc in locum res ueniret: nam hoc, aut hoc fecissem: sed me tum hæc ratio fugit. Item uitiosum est, cum id, quod in aperto delicto positum est, tamen aliqua leui tegitur defensione, hoc modo.

Cum te expetebant omnes, florentissimo

Regno, reliqui: nunc desertum ab omnibus

Summo periculo sola ut restituam paro.

Item uitiosum est, quod in aliam partem, ac dictum sit, potest accipi. id est huiusmodi, ut si quis potens ac factiosus in concione dixerit: Satiusest uti regibus, quàm malis legibus. Nam hoc tametsi rei arguendæ causa potest sine malitia dici, tamen propter potentiam eius, qui dicit, non dicitur sine atroci suspitione. Item uitiosum est, falsis aut vulgaribus definitionibus uti. Falsæ sunt huiusmodi, si quis dicat iniuriam esse nullam, nisi quæ ex pulsatione, aut conuitio constet. Vulgares sunt, quæ nihilo minus in aliam rem transferri possunt, ut si quis dicat, quadruplator, ut breuiter describam, capitalis est. Est enim improbus, et

AD HERENNIVM

pestifer ciuis . Nam nihilo magis quadruplatoris ,
quàm furis , quàm sicarii , aut proditoris attulit defini-
tionem . Item uitiosum est , pro argumento sumere
quod in disquisitione positum est : ut si quis , quē fur-
ti arguat , dicat eum esse hominem improbum , aus-
rum , fraudulentum : ei rei testimonium esse , quòd
sibi furtum fecerit . Item uitiosum est , controuersiam
controuersia dissoluere , hoc modo : Non conuenit Cen-
sores istum uobis satisfacere , ex eo quòd ait se non po-
tuisse adesse , ita ut iuratus fuerat : quòd si ad exerci-
tum non uenisset , id ne Tribuno militum diceret ? Hoc
ideo uitiosum est , quia non expedit , aut iudicata res ,
sed impedit , & in simili controuersia posita exempli
loco profertur . Item uitiosum est , cum id , de quo
summa controuersia est , parum expeditur , et , quasi
transactum sit , relinquitur , hoc modo :

Aperte fatur dictio , si intelligas :

Tali dari arma , qualis qui gessit fuit ,

Iubet , potiri si studeamus Pergamo :

Quæ ego profiteor esse mea . nam me æquum est frui

Fraternis armis , mihiq; adiudicariet ,

Vel quòd propinquus , uel quòd uirtute æmulus .

Item uitiosum est , ipsum sibi in sua oratione dissen-
tire , et contra ea , quæ ante dixerit , dicere , hoc modo :

Qua causa accussem hunc , nequeo exputando euoluere .

Nam si ueretur , quid eum accussem , qui est probus ?

Sin inuerecundum animi ingenium possidet ,

Quid eum accussem , qui id parui auditu existimet ?

Non incommoda ratione uidetur sibi ostendisse , qua
re non accusaret . Quid , quod postea ait ?

Nunc

Nunc ego te ab summo iam detexam exordio.

Item uitiosum est, quod dicitur contra iudicis uoluntatem, aut eorum, qui audiunt, si aut partes, quibus illi student, aut homines, quos illi charos habent, lædantur, aut aliquo huiusmodi uitio lædatur auctoris uoluntas. Item uitiosum est, non omnes res confirmare, quas pollicitus sis in expositione. Item uerendum est, ne de alia re dicatur, cum alia de re controuersa sit: inq; huiusmodi uitio considerandum est, ne aut ad rem addatur quid, aut quippiam de re detrahatur, aut tota causa mutata in aliam causam deriuetur: uti apud Pacuuium Zethus cum Amphione; quorum controuersia cum de musica inducta sit, disputatio in sapientia rationem, & uirtutis utilitatem consumitur. Item considerandum est, ne aliud accusatoris criminatio contineat, aliud defensoris ratio purget: quod sæpe consulto multi ab reo faciunt, angustius causa coacti: uti si quis, cū accusetur ambitu magistratum petiisse, ab Imperatoribus saepenumero se apud exercitum donatum esse dicat. Hoc si diligenter in aduersariorum oratione obseruauerimus, sæpeprehendemus, et in huiusmodi deprehensione ostendamus eos, de ea re quid dicant, non habere. Item uitiosum est, artem, aut scientiam, aut studium quopiam uituperare propter eorum uitia, qui in eo studio sunt: ueluti qui rhetoricam uituperant propter alicuius oratoris uituperandam uitam. Item uitiosum est, ex eo, quod perperam factum esse constat, putare ostendi à quo homine factum est, hoc modo: Mortuum deformatum, tumore præditum, corpore

D

AD HERENNIVM

decoloratum fuisse constat: ergo ueneno necatus est. Deinde si situsque adeo in eo occupatus, ut nulli faciunt, uenenum datum, uitio non mediocri conflictetur. non enim, factum ne sit queritur, sed à quo factum sit. Item uitiosum est, in comparandis rebus alteram rem efferre, de altera mentionem non facere. aut negligentius disputare: ut si comparetur, utrū satius sit populum frumentum accipere, an non accipere: quæ commoda sint in altera re, curet enumerare: quæ in altera re incommoda sint, uelut depressa prætereat, aut ea, quæ minima sunt, dicat. Item uitiosum est, in rebus comparandis necesse putare alteram rem uituperari, cum alteram laudes: quod genus; si queratur, utris maior honor habendus sit, Albensibus, an Venusinis, quòd reip. & populo R. profuerunt; & is, qui dicat alteris, alteros ledat. non enim necesse est, si alteros præponas, alteros uituperare. fieri enim potest, ut, cum alteros magis laudaris, aliquam alteris laudis partem attribuas, ne cupide pugnasse contra ueritatem puteris. Item uitiosum est, de nomine, & uocabulo eius rei controuersiam struere, quam rem consuetudo potest optime iudicare: uelut Sulpicius, qui intercesserat ne exules, quibus causam dicere non licuisset, reducerentur: idem posterius immutata uoluntate, cum eandem legem ferret, aliam se se ferre dicebat propter nominum commutationem; nam non exules, sed ui eietos se reducere aiebat: perinde quasi id fuisset in controuersia, quo illi nomine appellarentur à populo R. aut perinde quasi non omnes, quibus aqua, & igni in-

reddict
seign
genus
nomen
Q
exempl
teris re
locupl
nita
aliqua
comp
uitio
aut
aut
profer
re, de
eiusmo
se ab
id quo
argum
id eam
gere,
quem
idonea
& dic
re. no
etiam
non,
Etitur
ex ena

terdictum est, exules appellentur. uerum illi fortasse ignoscimus, si cum causa fecit: nos tamen intelligamus uitiosum esse intendere controuersiam propter nominum mutationem.

QVONIAM exornatio constat ex similibus, & exemplis, & amplificationibus, & iudicatis, & cæteris rebus, quæ pertinent ad exaggerandam & collocupletandam argumentationem, quæ sine ijs rebus uitia consideremus. Simile uitiosum est, quod ex aliqua parte dissimile est, nec habet eandem rationem comparationis, aut ipsi obest qui affert. Exemplum uitiosum est, si aut falsum est, ut reprehendatur: aut improbum, ut non sit imitandum: aut maius, aut minus, quam res postulabit. Res iudicata uitiose profertur, si aut dissimili de re proferatur: aut de ea re, de qua controuersia non est: aut si improba, aut eiusmodi, ut aut plures aut magis idoneæ res iudicatæ ab aduersarijs proferri possint. Item uitiosum est, id quod aduersarij factum esse confiteantur, de eo argumentari, & planum facere factum esse: nam id tantum augeri oportet. Item uitiosum est, id augere, quod conuenit doceri, hoc modo: ut si quis quem arguat hominem occidisse, & ante quàm satis idoneas argumentationes attulerit, augeat peccatum, & dicat nihil indignius esse, quàm hominem occidere. non enim, utrum indignum sit an non, sed factum ne sit, quaeritur. Complexio uitiosa est, quæ non, ut quidque primum dictum est, primum completitur, & quæ non breuiter concludit, & quæ non ex enumeratione certum & constans aliquid reliquit;

AD HERENNIVM

ut intelligatur quid propositum in argumentatione sit, quid deinde ratione, quid confirmatione, quid tota argumentatione demonstratum sit.

CONCLUSIONES, quæ apud Græcos ἐπίλογοι nominantur, tripartitæ sunt: nam constant ex enumeratione, amplificatione, & commiseratione. In quatuor locis uti possumus conclusionibus: in principio, secundum narrationem, secundum firmissimam argumentationem, in conclusione. Enumeratio est, per quam colligimus, & commonemus, quibus de rebus uerba fecerimus, breuiter, ut renouetur, non redintegretur oratio: et ordine, quidquid erit dictum, referemus: ut auditor, si memoria mandauerit, ad id, quod ipse meminerit, reducat. Item curandum est, ne aut ab exordio, aut à narratione repetatur orationis enumeratio. Ficta enim, & dedita opera comparata oratio uidebitur esse artificij significandi, aut ingenij uenditandi, uel memoriæ ostendende causa. quapropter initium enumerationis sumendum est à diuisione. deinde ordine breuiter exponende sunt res, quæ tractatæ erunt in confirmatione, & confutatione. Amplificatio est res, quæ per locum communem instigationis auditorum causa sumitur. Loci communes ex decem præceptis commodissime sumuntur ad augendi criminis causa. Primus locus sumitur ab auctoritate, cum commemoramus quantæ curæ ea res fuerit Dijs immortalibus, aut maioribus nostris, regibus, ciuitatibus, nationibus, hominibus sapientissimis, senatui: item maxime, quo modo de his rebus in legibus sancitum sit. Secundus locus est,

cum consideramus, illæ res, de quibus criminamur, ad quos pertineant, utrum ad omnes, quod atrocissimum est; an ad superiores, quod genus ij sunt, à quibus auctoritatis locus communis sumitur; an ad pares, hoc est in eisdem partibus animi, corporis, fortunarum positos; an ad inferiores, qui omnibus his rebus antecelluntur. Tertius locus est, quo percunctamur quid sit euenturum, si omnibus idem concedatur: & ea re neglecta, ostendemus quid periculorum, aut incommodorum consequatur. Quartus locus est, quo demonstratur, si huic sit remissum, multos alacriores ad maleficia futuros, quos adhuc expectatio iudicij remoratur. Quintus locus est, per quem ostendimus, si semel aliter iudicatum sit, nullam rem fore, quæ incommodo mederi, aut erratum iudicium corrigere possit. quo in loco non incommodum erit uti ceterarum rerum comparatione, ut ostendamus alias res posse aut uetustate sedari, aut consilio corrigi: huius rei aut leniendæ, aut corrigendæ nullam rem adiumento futuram. Sextus locus est, cum ostendemus ex consulto factum, & dicemus uoluntario facinori nullam esse excusationem, sed imprudentiæ iustam deprecationem paratam. Septimus locus est, quo ostendemus tetrum facinus, crudele, nefarium, tyrannicum esse: quod genus iniuriæ mulierum, aut earum rerum aliquid, quarum rerum causa bella suscipiuntur, et cū hostibus de uita dimicatur. Octauus locus est, quo ostendimus non uulgare, sed singulare esse maleficiū, spurcū, nefarium, inusitatum, quo maturius, & atrocius uindicandum sit. Nonus

AD HERENNIVM

locus constat ex peccatorum comparatione, quasi cum dicemus maius esse maleficium stuprare ingenuam, quàm sacrum ladere: quòd propter egestatem alterum, alterum propter intemperantem superbiam fiat. Decimus locus est, per quem omnia, quæ in negotio gerendo acta sunt, quæq; rem consequi solent, exponemus acriter, & criminose, & diligenter, ut ageres & geri negotium uideatur rerum consequentium enumeratione. Misericordia commovebitur auditoris animus, si uariam fortunarum commutationem dicemus; si ostendemus, in quibus commodis fuimus, quibusq; in incommodis simus comparatione. Si, quæ nobis futura sint, nisi causam obtinuerimus; enumerabimus & ostendemus. Si supplicabimus, & nos sub eorum, quorum misericordiam captabimus, potestatem subiiciemus. Si quid nostris parentibus, liberis, cæteris necessarijs casurum sit propter nostras calamitates, aperiemus, & simul ostendemus, illorum nos solitudine & miseria, non nostris incommodis dolere. Si de clementia, humanitate, misericordia nostra, qua in alios usi sumus, aperiemus. Si nos semper, aut diu in malis fuisse ostendemus. Si nostrum facum aut fortunam conqueremur. Si animum nostrum fortem, patientem incommodurum ostendemus futurum. Commiserationem breuem esse oportet. nihil enim lacryma citius arefcit. Fere locos obscurissimos totius artificij tractauimus in hoc libro: quapropter huic uolumini modus hic sit. reliquas præceptiones quoad uidebitur, in tertium librum transferemus. Hæc si, ut conquisite conscripsimus, ita tu diligenter fueris con-

secutus: & nos industriæ fructus ex tua scientia capi-
piemus, & tute nostram diligentiam laudabis, tuæq;
perceptione latere; tu scientior eris præceptorum ar-
tificio, nos alacriores ad reliquum persoluendum.
uerum hæc futura satis scio: te enim non ignoro: sed
nos deinceps ad cætera præcepta transeamus, ut, quod
libentissime facimus, tuæ uoluntati rectissimæ mo-
rem geramus.

R H E T O R I C O R V M A D

C. H E R E N N I V M

L I B E R . I I I .

D O M N E M iudicalem causam quem-
admodum conueniret inuentionem rerum ac-
commodari, satis abundanter, ut arbitror,
superioribus libris demonstratum est. nunc earum ra-
tionem rerum inueniendarum, quæ pertinebant ad
causas deliberatiuas, & demonstratiuas, in hunc li-
brum transtulimus; ut omnis inueniendi præceptio ti-
bi quamprimum persolueretur. Reliquæ quatuor par-
tes erant artificij. de tribus partibus in hoc libro di-
cemus, dispositione, pronuntiatione, memoria. de
elocutione, quia plura dicenda uidebantur, in quarto
libro conscribere maluimus: quem, ut arbitror, tibi
librum celeriter absolutum mittemus: ne quid tibi rhe-
toricæ arti deesse possit. interea prima quæque, & no-
biscum, cum uoles, & interdum sine nobis legendo
consequere, ne quid impedire, quin ad hanc utilita-

D iij

AD HERENNIVM

tem pariter nobiscum progredi possis. nunc tu fac attentu te prabeas: nos proficisci ad instituta pergemus.

DELIBERATIONES partim sunt huiusmodi, ut quaeratur utrum potius faciendum sit; partim huiusmodi, ut, quid potissimum faciendum sit, consideretur. Vtrum potius, hoc modo: Carthago tollenda, an relinquenda uideatur. Quid potissimum, hoc pacto: ut si Annibal consultet, cum ex Italia Carthaginem accersitur, an in Italia remaneat, an domum redeat, an in Aegyptum profectus occupet Alexandriam. Item deliberationes partim ipsae propter se consultandae sunt, ut si deliberet senatus, captiuos ab hostibus redimat, an non: partim propter aliquam extraneam causam ueniunt in deliberationem et consultationem, ut si deliberet senatus, bello Italico soluat ne legibus Scipionem, ut eum liceat ante tempus Consulem fieri: partim & propter se sunt deliberandae, magis propter extraneam causam ueniunt in consultationem, ut si deliberet senatus, bello Italico socijs ciuitatem det, an non. In quibus causis rei natura faciet deliberationem, omnis ratio ad ipsam rem accommodabitur. In quibus extranea causa conficiet deliberationem, in his ea ipsa erit causa adaugenda, aut deprimenda. Omnem orationem eorum, qui sententiam dicent, finem sibi conueniet utilitatis proponere, ut omnis eò totius orationis ratio conferatur. Vtilitas in duas partes in ciuili consultatione diuiditur, tutam & honestam. Tuta est, quae conficit instantis, aut consequentis periculi uitationem qualibet ratione. Haec distribuitur in uim & dolum: quorum

aut alterum separatim, aut utrunque sumemus coniunctim. Vis secernitur per exercitus, classes, arma, tormenta, euocationes hominum, & alias huiusmodi res. Dolus consumitur in pecuniam, pollicitationes, dissimulationes, maturaciones, mentiones, & ceteras res, de quibus magis idoneo tempore loquemur, si quando de re militari, aut de administratione reip. scribere uelimus. Honestas res diuiditur in rectum & laudabile. Rectum est, quod cum uirtute & officio fit. id diuiditur in prudentiam, iustitiam, fortitudinem, modestiam. Prudentia est calliditas, quæ ratione quadam potest delectum habere bonorum, & malorum. Dicitur item prudentia, scientia cuiusdam artificij. Item appellatur prudentia, multarum rerum memoria, & usus complurium negotiorum. Iustitia est æquitas, ius unicuique tribuens pro dignitate cuiusque. Fortitudo est rerum magnarum appetitio, & rerum humilium contemptio, & laboris cum utilitatis ratione perpeßio. Modestia est in animo continens moderatio cupiditatum. Prudentiæ partibus utemur in dicendo, si commoda cum commodis conferemus, cum alterum sequi, uitare alterum cohortemur. Aut si qua in re cohortabimur aliquem, cuius rei aliquam disciplinabilem scientiam poterimus habere, & quo modo, aut qua quidque ratione fieri oporteat, ostendemus. Aut si suadebimus quippiam, cuius rei gestæ aut præsentem, aut auditam memoriam poterimus habere: qua in re facile id, quod uelimus, exemplo allato persuadere possimus. Iustitiæ partibus utemur, si aut innocentum, aut supplicium

AD HERENNIVM

dicemus misereri oportere: si ostendemus bene merentibus gratiam referri convenire: si demonstrabimus ulcisci malemeritos oportere: si fidem magnopere censebimus conseruandum: si leges, & mores ciuitatis egregie dicemus seruari oportere: si societatis atque amicitias studiose dicemus coli convenire: si, quod ius in parentes, deos, patriam natura comparauit, id religiose colendum demonstrabimus: si hospitia, clientelas, cognationes, affinitates caste colendas esse dicemus: si nec prece, nec pretio, nec gratia, nec periculo, nec similitate à via recta ostendemus deduci oportere: si dicemus in omnibus ius æquabile statui convenire. His atque huiusmodi partibus iustitiæ, si quam rem in concione, aut in concilio faciendam censebimus, iustam esse ostendemus: contrarijs iniustam. ita fiet, ut eisdem locis & ad suadendum, & ad dissuadendum simus parati. Sin fortitudinis retinendæ causa faciendum quid esse dicemus, ostendemus res magnas & excelsas sequi & appeti oportere: & item res humiles, & indignas uiris fortibus uiros fortes propterea contemnere oportere, nec idoneas dignitate sua iudicare. Item, à nulla re honesta periculi, aut laboris magnitudine deduci oportere: antiquiorem mortem turpitudine haberi. nullo dolore cogi, ut ab officio recedatur; nullius pro rei ueritate metuere inimicitias; quodlibet pro patria, parentibus, hospitibus, amicis, & ijs rebus, quas iustitia colere cogit, adire periculum, & quemlibet suscipere laborem. Modestiae partibus utemur, si nimias libidines honoris, pecunie, similiumq; rerum uituperabimus: si unamquan-

que re
quod ca
di di
mus.
si suade
ut hec
nemo
aut re
simus eg
bus, q
si quo
tiam u
inertis
appella
tam esse
nos in
Quam i
riam, &
Laudabi
& sequi
separau
cuntur si
rationem
laudabile
dum est h
tum sequi
tur recta
stratum
ab idoneis
placeat,

que rem certo naturæ termino definiemus : si denique ,
quod cuique satis sit, ostendemus , & nimium progredi
disuadebimus , & modum unicuique rei statuemus .
Huiusmodi partes sunt uirtutis amplificandæ ,
si suadebimus ; attenuandæ , si ab his dehortabimur ,
ut hæc attenuentur quæ supra demonstravi . nam
nemo erit, qui censeat à uirtute recedendum . uerum
aut re huiusmodi non dicatur esse , ut uirtutem pos-
simus egregiam experiri : aut in contrarijs potius re-
bus , quàm in his , uirtus constare ostendatur . Item
si quo pacto poterimus , quàm is , qui contradicit, iusti-
tiam uocarit , nos demonstrabimus ignauiam esse , &
inertiam , ac prauam liberalitatem . Quam prudentiam
appellarit , ineptam & garrulam , & odiosam scien-
tiam esse dicemus . Quam ille modestiam dicet esse , eam
nos inertiam & dissolutam negligentiam dicemus .
Quam ille fortitudinem nominarit , eam nos gladiato-
riam , & inconsideratam appellabimus temeritatem .
Laudabile est , quod conficit honestam & præsentem ,
& sequentem commemorationem . Hoc nos eo à recto
separauimus , non quòd hæc quatuor partes , quæ subij-
ciuntur sub uocabulo recti , hanc honestatis commemo-
rationem dare non soleant ; sed quanquam ex recto
laudabile nascatur , tamen in dicendo seorsum tractan-
dum est hoc ab illo . neque enim solum laudatis causa re-
ctum sequi conuenit , sed , si laus consequitur , duplica-
tur recti appetendi uoluntas . Cum igitur erit demon-
stratum rectum , laudabile esse demonstrabimus aut
ab idoneis hominibus , ut si qua res honestiori ordini
placeat , quæ à deteriore ordine improbetur ; aut ali-

AD HERENNIVM

quibus socijs, aut omnibus ciuibus, exteris nationibus, posterisq; nostris. Cum huiusmodi locorum diuisio sit in consultatione, breuiter aperienda est totius tractatio causæ. Exordiri licebit uel à principio, uel ab insinuatione, uel ab ijsdem rationibus, quibus in iudiciali causa. Si cuius rei narratio incidet, eadem ratione narrare oportebit. Quoniam in huiusmodi causis finis est utilitas, & ea diuiditur in rationem tutam, atque honestam: si utrumque poterimus ostendere, utrumque pollicebimur nos in dicendo demonstraturos esse: sin alterum demonstraturi erimus, simpliciter, quod dicturi sumus, ostendemus. At si nostram rationem tutam esse dicemus, diuisione utemur in uim, & consilium. nam quod in docendo rei dilucidandæ causa dolum appellauimus, id in dicendo honestius consilium appellabimus. Si rationis nostræ sententiam rectam esse dicemus, & omnes partes recti incident, quadripartita diuisione utemur; si non incident, quot erunt, tot exponemus in dicendo. In confirmatione, et confutatione utemur locis, quos ante ostendimus, nostris confirmandis, cōtrarijs confutandis. Argumentationis artificiosæ tractandæ ratio de secundo libro petetur. Sed si acciderit, ut in consultatione alteri ab tuta ratione, alteri ab honesta sententia sit, ut in deliberatione eorū, qui à Pœnīs circūfessi deliberant quid agant: qui tutam rationem sequi suadebit, his locis utetur: nullam rem utiliore esse incolumitate: uirtutibus uti neminē posse, qui suas rationes in tuto non collocarit: ne deos quidem esse auxilio ijs, qui se inconsulto in periculum mittant: honestū nihil oportere existimari, quod

non salutem pariat. Qui tutæ rei præponet rationem honestam, his locis utetur: uirtutem nullo tempore relinquendam: uel dolorem, si is timeatur; uel mortem, si ea formidetur, dedecore & infamia leuiorem esse: considerare quæ sit turpitudine consecutura. At non immortalitatem, neque æternam incolumitatem consequi; nec esse exploratum, illo uitato periculo, nullum in aliud periculum uenturos: uirtute, uel ultro ad mortem proficisci, esse præclarum: fortitudini fortunam quoque esse adiumento solere: eum tute uiuere, qui honeste uiuat, non qui in præsentia incolumis sit: & eum, qui turpiter uiuat, incolumem in perpetuum esse non posse. Conclusionibus ferè similibus in his & iudicialibus causis uti solemus, nisi quòd his maxime conducit quamplurima rerum ante gestarum exempla proferre. Nunc ad demonstratiuum genus causæ transeamus.

QVONIAM hæc causa diuiditur in laudem, & uituperationem, quibus ex rebus laudem constituimus, ex contrarijs rebus erit uituperatio comparanda. Laus igitur potest esse rerum externarum: & corporis, & animi. Rerum externarum sunt ea, quæ casu aut fortuna secunda, aut aduersa accidere possunt; ut genus, educatio, diuitiæ, potestates, gloriæ, sodalitates, amicitia, & quæ huiusmodi sunt, & ea, quæ his sunt contraria. Corporis sunt ea, quæ natura corpori attribuit commoda, aut incommoda; ut uelocitas, uires, dignitas, ualeitudo, & quæ contraria sunt. Animi sunt ea, quæ consilio & cogitatione nostra constant; ut prudentia, iustitia, fortitudo, mo-

AD HERENNIVM

destia, & quæ contraria sunt. Erit igitur hæc confir-
matio, & confutatio nobis. In huiusmodi causa prin-
cipium sumetur aut ab nostra, aut ab eius, de quo
loquemur, aut ab eorum, qui audient, persona, aut ab
re. Ab nostra, si laudabimus, dicemus, aut officio fa-
cere, quòd causa necessitudinis intercedat; aut studio,
quòd eiusmodi uirtutis sit, ut omnes commemorare
debeant uelle; aut quòd rectum sit, ex aliorum lau-
de ostendere qualis noster animus sit. Si uituperabi-
mus, aut merito facere, quòd ita tractati sumus;
aut studio, quòd utile putemus esse, ab omnibus uni-
cam malitiã, atque nequitiam cognosci; aut quòd pla-
ceat ostendi, quid nobis dissimulet, ex aliorum uitupe-
ratione. Ab eius persona, de quo loquemur, si lau-
dabimus, uereri nos dicemus, ut illius facta uerbis
consequi non possimus: omnes homines illius uirtutes
prædicare oportere; ipsa facta omnium laudatorum
eloquentiam antecire. Si uituperabimus, ea, quæ ui-
debimus contraria paucis uerbis commutatis dici posse,
dicemus, ut paulo ante supra exempli causa demon-
stratum est. Ab auditorum persona, si laudabi-
mus, dicemus, quoniam non apud ignotos laudemus,
nos monendi causa pauca esse dicturos: aut si erunt
ignoti, ut talem uirum uelint cognoscere, petemus:
quoniam in eodem uirtutis studio sint, apud quos lau-
demus, quo ille, qui laudatus fuerit, sperare nos fac-
ile iis, quibus uelimus, huius facta probaturos. Con-
tra uituperatio: quoniam norint, pauca de nequitia
eius nos esse dicturos: quòd si ignorent, petemus ut
cognoscant, uti malitiam uitare possint: quoniam

dissem-
tur, n-
turos
laudat
ra pra
quibus
ne. P
rum,
ratio n
qua n
quom
perat
tur. I
res lau
quaque
mus, u
tur. S
Deinde
externa
monstra
uica deb
bis mal
excelsior
in maior
peratione
simalo,
laude, b
nem pu
inde tr
tuta in

diffimiles sunt qui audiant, atque ille, qui uituperatur, nos sperare eos illius uitam uehementer improbaturos. Ab rebus ipsis, incertos esse quid potissimum laudamus: uereri, ne, cum multa dixerimus, plura prætereamus, & quæ similes sententias habebunt: quibus sententijs contraria sumuntur à uituperatione. Principio tractato, tum ab re, tum ab aliqua harum, quas ante commemorauimus, rationum, narratio non erit ulla, quæ necessario consequatur: sed si qua inciderit, cum aliquod factum eius, de quo loquimur, nobis narrandum sit cum laude, aut uituperatione, præceptio narrandi de primo libro repetetur. Diuisione hac utemur: Primo exponemus, quas res laudaturi sumus, aut uituperaturi. Deinde, ut quæque, quòue tempore res erit gesta, ordine dicemus, ut, quid, quamq; tute cauteq; egerit, intelligatur. Sed exponere oportebit animi uirtutes, aut uitia. Deinde commoda, aut incommoda corporis, aut rerum externarum, quo modo ab animo tractata sint, demonstrare. Ordinem hunc adhibere in demonstranda uita debemus. Ab externis rebus genus in laude, quibus maioribus natus sit: si bono genere, parem aut excelsiorem fuisse: si humili genere, ipsum in suis, non in maiorum uirtutibus habuisse præsidium. In uituperatione, si bono genere, dedecori maioribus fuisse: si malo, tamen his ipsis detrimento fuisse. Educatio in laude, bene, & honeste, in bonis disciplinis per omnem pueritiam: in uituperatione, è contrario. Deinde transire oportet ad corporis commoda. A' natura in laude: si sit dignitas, atque forma, laudi

AD HERENNIVM

fuisse eam, non, quemadmodum ceteris, detrimento, atque dedecori: si vires, atque uelocitas egregia, honestis hac exercitationibus, & industrijs dicemus comparata: si ualutudo, ex perpetua diligentia, & temperantia cupiditatum. In uituperatione, si erunt hac corporis commoda, male his usum dicemus, quæ casu, & natura tanquam quilibet gladiator habuerit: si non erunt, præter formam omnia ipsius culpa et intemperantia non fuisse dicemus. Deinde reuertemur ad extraneas res; & in his, animi quæ uirtutes, aut quæ uitia fuerint, considerabimus; diuitiæ, an paupertas fuerit, & quæ potestates, quæ gloriæ, quæ amicitia, quæ inimicitia; & quid fortiter in inimicitijs gerendis fecerit; cuius causa suscepit inimicitias; quæ fide, beneuolentia, officio gesserit amicitias, in diuitijs qualis, aut in paupertate cuiusmodi fuerit, quemadmodum habuerit in potestatibus gerendis animum: si interierit, cuiusmodi mors eius fuerit, cuiusmodi res mortem eius sit consecuta. Ad omnes autem res, in quibus animus hominis maxime consideratur, illæ quatuor animi uirtutes erunt accommodandæ, ut si laudemus, aliud iuste, aliud fortiter, aliud modeste, aliud prudenter factum esse dicimus: si uituperemus, è contrario. Perspicuum est iam nimirum ex hac dispositione, quemadmodum sit tractanda tripartita diuisio laudis, & uituperationis, si illud etiam assumpserimus, non necesse esse nos omnes has partes in laudem, aut uituperationem transferre: propterea quod sæpe ne incidunt quidem; sæpe ita tenuiter incidunt, ut non sint necessariae dictu.

Quapropter

quapropter eas partes, quæ firmissimæ uidebuntur, legere oportebit. Conclusionibus breuibus utemur, enumeratione ad exitum causæ: in ipsa causa crebras & breues amplificationes interponemus per locos communes. Nec hoc genus causæ, eo quod raro accidit in uita, negligentius considerandum est. neque enim id, quod potest accidere ut faciendum sit aliquando, non oportet uelle quamacommodatissime posse facere. Et si separatim hæc causa minus sæpe tractatur, at in iudicialibus & in deliberatiuis causis sæpe magnæ partes uersantur laudis, aut uituperationis. quare in hoc quoque genere causæ non nihil industriæ consumendum putauimus. Nunc, absoluta nobis difficillima parte rhetoricæ, hoc est inuentione perpolitæ, atque ad omne causæ genus accommodata, tempus est ad ceteras partes proficisci. Deinceps igitur de dispositione dicemus.

QVONIAM dispositio est, per quam illa, quæ inuenimus, in ordinem redigimus, ut certo quidque loco pronuncietur; uidendum est, cuiusmodi rationem in disponendo habere conueniat. Genera dispositionis sunt duo, unum ab institutione profectum, alterum ad casum temporis accommodatum. Ex institutione artis disponemus, cum sequemur eam præceptionem, quam in primo libro exposuimus, hoc est, ut utamur principio, narratione, diuisione, confirmatione, confutatione, conclusione: & hunc ordinem, quemadmodum præceptum est ante, in dicendo sequemur. Item ex institutione artis non modo totas causas per orationem, sed singulas quoque ar-

E

AD HERENNIVM

gumentationes disponemus, quemadmodum in libro secundo docuimus, id est, expositionem, rationem, confirmationem rationis, exornationem, complexionem. Hac igitur duplex dispositio est, una per orationes, altera per argumentationes, ab institutione artis profecta. Est autem alia dispositio, quæ, cum ab ordine artificioso recedendum est, oratoris iudicio ad tempus accommodatur: ut si à narratione dicere incipiamus, aut ab aliqua firmissima argumentatione, aut à literarum aliquarum recitatione: aut si secundum principium confirmatione utamur, deinde narratione, aut si quam huiusmodi permutationem ordinis faciamus: quorum nihil, nisi causa postulet, fieri oportebit. nam si uehementer aures auditorum obtusæ uidebuntur, atque animi defatigati ab aduersarijs multitudine uerborum, commode poterimus principio supersedere, & exordiri causam aut à narratione, aut ab aliqua firma argumentatione. Deinde si commodum erit, quia non semper necesse est, ad principij sententiam reuerti licebit. Si causa nostra magnam difficultatem uidebitur habere, ut nemo equo animo principium possit audire: à narratione cum inceperimus, ad principij sententiam reuertamur licebit. Si narratio parum probabilis est, exordiemur ab aliqua firma argumentatione. His commutationibus, & translationibus partium sæpe uti necesse est, cum ipsa res artificiosam dispositionem artificiose commutare cogit. In confirmatione, & consutatione argumentationum dispositiones huiusmodi conuenit habere, firmissimas argumentationes in primis & in

postre
que in
banda
firme
babiles
nam e
ris, q
truo
nem.
ria m
cento
ne si
tanqu
sicut
P R
oratori
plurim
bus ple
gie ma
eter cor
concom
artificio
memori
his rebu
nemo de
posse pu
cum tra
gnopere
non negl
ditur igit

postremis causæ partibus collocare; mediocres, & neque inutiles ad dicendum, neque necessarias ad probandum, quæ, si separatim ac singulæ dicantur, infirmæ sunt, cum cæteris coniunctæ, firmæ, & probabiles fiunt, interponi & in medio collocari oportet. nam & re narrata statim expectat animus auditoris, quare causa confirmari possit. quapropter continuo firmam aliquam oportet inferre argumentationem. & quoniam nuperrime dictum facile memoriæ mandatur; utile est, cum dicere desinamus, recentem aliquam relinquere in animis auditorum bene firmam argumentationem. hæc dispositio locorum, tanquam instructio militum, facillime in dicendo, sicut illa in pugnando, parare poterit uictoriam.

PRONUNCIATIONEM multi maxime oratori utilem dixerunt esse, & ad persuadendum plurimum ualere. nos, quid unum de quinque rebus plurimum prosit, non facile dixerimus, nec egregie magnam esse utilitatem in pronuntiatione aude-
 ter confirmauerimus. nam commodæ inuentiones, & concinnæ uerborum elocutiones, & partium causæ artificiosæ dispositiones, & horum omnium diligens memoria, sine pronuntiatione non plus, quàm sine his rebus pronuntiatio sola, ualere poterit. quare, quia nemo de ea re diligenter scripsit, (nam omnes uix posse putarunt de uoce, uultu, gestu dilucide scribi, cum hæc res ad sensus nostros pertinerent) & quia magnopere ea pars à nobis ad dicendum comparanda est, non negligenter uidetur tota res consideranda. Diuiditur igitur pronuntiatio in uocis figuram, & corpo-

AD HERENNIVM

ris motum. Figura uocis est, quæ suum quendam possidet habitum, ratione & industria comparatum. ea diuiditur in tres partes, magnitudinem, firmitudinem, mollitudinem. Magnitudinem uocis maxime comparat natura: non nihil hanc auget, sed maxime cura conseruat. Firmitudinem uocis maxime natura comparat, non nihil adauget, & maxime conseruat exercitatio declamationis. Mollitudinem uocis, hoc est, ut eam torquere in dicendo pro nostro commodo possimus, maxime faciet exercitatio declamationis. Quapropter de magnitudine uocis & firmitudinis parte, quoniam altera natura, altera cura comparatur, nihil ad nos attinet commonere, nisi ut ab ijs, qui non inscijs sunt eius artificij, ratio curandæ uocis petatur. De ea parte firmitudinis, quæ conseruatur ratione declamationis, & de mollitudine uocis, quæ maxime necessaria est oratori, quoniam ea quoque moderatione declamationis comparatur, dicendum uidetur. Firmam igitur quammaxime poterimus in dicendo uocem conseruare, si quammaxime sedata & depressa uoce principia dicemus. nam leduntur arteriæ, si, antequam leni uoce permulsa sunt, acri clamore compleantur. Etiam interuallis longioribus uti conueniet. recreatur enim uox spiritu, & arteriæ reticendo acquiescunt. Et continuum clamorem remittere, & ad sermonem transire oportet: commutationes enim faciunt, ut, nullo genere uocis effuso, in omni uoce integri simus. Et acutas uocis exclamationes uitare debemus. ictus enim fit, & uulnerantur arteriæ acuta atque attenuata nimis acclamatione, &

si quis splendor est uocis, consumitur clamore uniuersus. Et uno spiritu continenter multa dicere in extrema conuenit oratione. fauces enim calefiunt, & arteriæ complentur: & uox, quæ uarie tractata est, reducitur in quendam sonum æquabilem, atque constantem. Sape rerum naturæ gratia quadam iure debetur, uelut accidit in hac re. nam quæ diximus ad uocem seruandam prodesse, eadem attinent ad suauitatem pronuntiationis: ut, quod nostræ uoci profit, idem uoluptate auditoris probetur. Utile est ad firmitudinem uocis, sedata uox in principio. quid insuauius, quàm clamor in exordio causæ? Interualla uocem confirmant. eadem sententias concinniores diuisione reddunt, & auditori spatium cogitandi relinquunt. Conseruat uocem continui clamoris remissio. & auditorem quidem uarietas maxime delectat, cum sermone animum eius retinet, aut exsuscitat clamore. Acuta exclamatio uocem, & fauces uulnerat. eadem lædit auditorem. habet enim quiddam illiberale, & ad muliebrem potius uociferationem, quàm ad uirilem dignitatem in dicendo accommodatum. In extrema oratione continens uox remedio est uoci. quid? hæc eadem non ne animum uehementissime calefacit auditoris in totius conclusionis causæ? Quoniam igitur res eadem uocis firmitudini, & pronuntiationis suauitudini profunt: de utraque re simul erit in præsentia dictum, de firmitudine quæ uisa sunt, & de suauitate quæ coniuncta fuerunt: cætera suo loco paulo post dicemus. Mollitudo igitur uocis, quoniam omnis ad rhetoris præceptionem pertinet, diligentius

AD HERENNIVM

nobis consideranda est. Eam diuidimus in sermonem, contentionem, amplificationem. Sermo est oratio remissa, & finitima quotidiana locutioni. Contentio est oratio acris, & ad confirmandum, & confutandum accommodata. Amplificatio est oratio, quæ aut ad iracundiam inducit, aut ad misericordiam trahit auditoris animum. Sermo diuiditur in partes quatuor, dignitatem, demonstrationem, narrationem, iocationem. Dignitas est oratio cum aliqua grauitate, & uocis remissione. Demonstratio est, quæ docet remissa uoce quo modo quid fieri potuerit, aut non potuerit. Narratio est rerum gestarum aut perinde ut gestarum expositio. Iocatio est oratio, quæ ex aliqua re risum pudentem, & liberalem potest comparare. Contentio diuiditur in continuationem, & distributionem. Continuatio est orationis enunciandæ acceleratio clamosa. Distributio est in contentione oratio frequens, cum raris, & breuibus interuallis, acri uociferatione. Amplificatio diuiditur in cohortationem, & conquestionem. Cohortatio est: quæ aliquod peccatum amplificans, auditorem ad iracundiam adducit. Conquestio est oratio, quæ incommodorum amplificatione animum auditoris ad misericordiam perducit. Quoniam igitur mollitudo uocis in tres partes diuisa est, & hæc partes ipsæ in octo partes alias distributæ, harum octo partium quæ cuiusque idonea pronuntiatio sit, demonstrandum uidetur. Sermo cum est in dignitate, plenîs faucibus quam sedatissima, & depressissima uoce uti conueniet, ita tamen, ut ne ab oratoria consuetudine ad tragicam transeamus: cum autem est in demonstratione, uoce

paululum attenuata, crebris interuallis & diuisioni-
 bus uti oportet, ut ipsa pronuntiatione eas res, quas
 demonstrabimus, inferere atque interfecare uideamur
 in animis auditorum. Cum autem sermo in narratio-
 ne est, tum uocum uarietate opus est, ut, quo quid-
 que pacto gestum sit, ita narrari uideatur. Stre-
 nue quod uolumus ostendere factum, celeriuscule di-
 cemus: at aliud, otiose retardabimus. Deinde mo-
 do acriter, tum clementer, modeste, hilariter in o-
 mnes partes commutabimus, ut uerba, ita pronun-
 tiationem. Si qua inciderint in narratione dicta, ro-
 gata, responsa, si quæ admirationes, de quibus nos
 narrabimus; diligenter animaduertemus, ut omni-
 um personarum sensus atque animos uoce exprima-
 mus. Sin erit sermo in iocatione, leniter tremebun-
 da uoce, cum parua significatione risus, sine ulla su-
 spicione nimie cachinnationis, leniter oportebit à ser-
 mone serio torquere ad liberalem iocum uocem. Cum
 autem contendere oportebit, quoniam id aut per con-
 tinuationem, aut per distributionem faciendum est,
 in continuatione adaucto mediocriter sono uocis, uer-
 bis continuandis, uocem quoque adaugere oportebit,
 & torquere sonum, & celeriter cum clamore uer-
 ba conficere, ut uim uolubilem orationis uocifera-
 tio consequi possit. In distributione uocem ab imis
 faucibus exclamatione quam clarissima adhibere o-
 portet, & quantum spatij per singulas exclama-
 tiones sumpserimus, tantum in singula interual-
 la spatij consumere iubemur. In amplificationi-
 bus, cum cohortatione memur uoce attenuatissi-

AD HERENNIVM

ma, clamore leni, sono æquabili; commutationibus crebris, maxima celeritate. In conquestione utemur uoce depressa, inclinato sono, crebris interuallis, longis spatijs, magnis commutationibus. De figura uocis satis dictum est: nunc de corporis motu dicendum uidetur. Motus est corporis gestus, & uultus moderatio quædam, quæ pronuncianti conuenit, quæ probabiliora reddit ea, quæ pronunciantur. Conuenit igitur in uultu pudorem & acrimoniam esse; in gestu nec uenustatem conspicuam, nec turpitudinem esse, ut aut histriones, aut operarij uideamur esse. Ad easdem igitur partes, in quas uox est distributa, motus quoque corporis ratio uidetur esse accommodanda. Nam si erit sermo cum dignitate, stantes in uestigio; leui dextera motu loqui oportebit. hilaritate, tristitia, mediocritate uultus ad sermonis sententias accommodata. Sin erit in demonstratione sermo, paululum corpus à ceruicibus demittemus. nam hoc est à natura datum, ut quamproxime cum uultum admoueamus ad auditores, si quam rem docere eos, & uehementer instigare uelimus. Sin erit in narratione sermo, idem motus poterit idoneus esse, qui paulo ante demonstrabatur in dignitate. Sin erit in iocatione, uultu quandam debemus hilaritatem significare, sine commutatione gestus. Sin contendemus per continuationem, brachio celeri, mobili uultu, acri aspectu utemur. Sin contentio fiet per distributionem, celeri porrectione brachij, inambulatione, pedis dexteri rara suppositione, acri, & defixo aspectu uti oportet. Sin utemur amplificatione per cohorta-

tionem
ueni
tione
per co
non
con
quarta
prim
uoces.
his reb
posse
per
reliqu
tet, p
animo
rum
memor
M
an om
magis
in hac
ea de
memor
sentia,
memor
lis est
cogit
inducti
ceteris
ari por

tionem, paulo tardiore & consideratione gestu conueniet uti, similibus ceteris rebus, atque in contentione per continuationem. Sin utemur amplificatione per conquestionem, foemineo plangore, & capitis ictu. nonnunquam sedato & constanti gestu, mæsto, & conturbato uultu uti oportebit. Non sum nescius, quantum susceperim negotij, qui motus corporis exprimere uerbis, & imitari scriptura conatus sim uoces. uerum nec hoc confisus sum posse fieri, ut de his rebus satis commodè scribi posset: nec, si id fieri non posset, hoc, quod feci, fore inutile putabam: propterea quòd hic admonere uoluimus, quod oporteret, reliqua trademus exercitationi. hoc scire tamen oportet, pronunciationem bonam id perficere, ut res ex animo agi uideatur. Nunc ad thesaurum inuentorum, atque omnium partium rhetorica custodem memoriam transeamus.

MEMORIA utrum habeat quiddam artificij, an omnis à natura proficiscatur, aliud dicendi tempus magis idoneum dabitur. nunc, perinde atque constet in hac re multum ualere artem & præceptionem, ita ea de re loquemur. placet enim nobis esse artificium memoriam: quare placeat, alias ostendemus: in præsentia, cuiusmodi sit ea, aperiemus. Sunt igitur duæ memorie, una naturalis, altera artificiosa. Naturalis est ea, quæ nostris animis insita est, & simul cum cogitatione nata. Artificiosa est ea, quam confirmat inductio quadam, & ratio præceptionis. Sed quia in ceteris rebus ingenij bonitas imitatur sæpe doctrinam, ars porro natura commoda confirmat, & auget: ita

AD HERENNIVM

fit in hac re, ut nonnunquam naturalis memoria, si cui data est egregia, similis sit huic artificiosæ, porro hæc artificiosa naturæ commoda retineat, & amplifiet ratione doctrinæ. Quapropter & naturalis memoria præceptione conformanda est, ut sit egregia: & hæc; quæ doctrina datur, indiget ingenij. nec hoc magis aut minus in hac re, quàm in cæteris artibus fit, ut ingenio, doctrina, præceptione, natura nitescat. quare & illis, qui natura memores sunt, utilis hæc erit institutio, quod tute paulo post poteris intelligere. quod si illi freti ingenio nostra præceptione non indigerent, tamen iusta causa daretur, quare ijs, qui minus ingenij habent, adiumento uelimus esse. Nunc de artificiosa memoria loquemur. Constat igitur artificiosa memoria ex locis, & imaginibus. Locos appellamus eos, qui breuiter, perfecte, insignite aut natura, aut manu sunt absoluti, ut eos facile naturali memoria comprehendere & amplecti queamus, ut ædes, intercolumnium, angulum, fornicem, & alia, quæ his similia sunt. Imagines sunt formæ quædam, & notæ, & simulacra eius rei, quam meminisse uolumus: quod genus, equi, leones, aquilæ: quorum memoriam si uolumus habere, imagines eorum certis in locis collocare nos oportebit. Nunc cuiusmodi locos inuenire, & quo pacto reperire, & in locis imagines constituere oporteat, ostendemus. Quemadmodum igitur qui litteras sciunt, possunt id, quod dictum est, scribere, & recitare quod scripserunt: ita qui *μνημονικῶς* didicerunt, possunt quæ audierunt in locis collocare. & ex his memoriter pronunciare. Loci enim ceræ aut chartæ

simili
imagi
igitur
eos con
care po
locos ha
mur, q
riore, u
cui, et
possima
res uide
an ab in
mus: in
quædam
nibus co
dixerim
re, & lo
ri oport
gines, si
loct, et
mero loc
placet na
dixerim
cui præ
notas qu
est in der
re: prop
num con
tudo con
trea di

simillimi sunt, imagines literis, dispositio, & collocatio imaginum scripturae, pronunciatio lectioni. Oportet igitur, si uolumus multa meminisse, multos nobis locos comparare, ut in multis locis multas imagines collocare possimus. Item putamus oportere ex ordine hos locos habere, ne quando perturbatione ordinis impediamur, quo secius; quotoquoque loco libebit, uel à superiore, uel ab inferiore, uel à media parte imagines secti, ea, quæ mandata locis erunt, edere & proferre possimus. nam ut, si in ordine stantes notos complures uiderimus, nihil nostra intersit, utrum à summo, an ab imo, an ab medio nomina eorum dicere incipiamus: item in locis ex ordine collocatis eueniet, ut in quamlibet partem, quotoquoque loco libebit, imaginibus commoniti dicere possimus id, quod locis mandauerimus. Quare placet & ex ordine locos comparare, & locos, quos assumpserimus, egregie commeditari oportebit, ut perpetuo nobis habere possint. nam imagines, sicut literæ, delentur, ubi nihil illis utimur: loci, tanquam cera, remanere debent. Et ne forte in numero locorum falli possimus, quantum quæque locum placet notari: quod genus, si in quinto loco manum auream collocemus, & si in decimo aliquem notum, cui prænomen sit Decimo: deinde facile erit similes notas quinto quoque loco collocare. Item commodius est in derelicta, quam in celebri regione locos comparare: propterea quod frequentia & obambulatio hominum conturbat, & infirmat imaginum notas: solitudo conseruat integras simulacrorum figuras. Præterea dissimiles forma, atque natura loci comparandi

AD HERENNIVM

sunt, ut distincte interlucere possint : nam si quis multa intercolumnia sumpserit, conturbabitur similitudine locorum, ut ignoret quid in quoque loco collocarit. Et magnitudine modica, & mediocres locos haberi oportet. nam & præter modum ampliugas imagines reddunt, & nimis angusti sæpe non videntur posse capere imaginum collocationem. Tum nec nimis illustres, nec uehementer obscuros locos haberi oportet: ne aut obæcentur tenebris imagines, aut splendore præfulgeant. Intervalla locorum mediocria esse placet, fere paulo plus, aut minus pedum tricenum. nam ut aspectus, ita cogitatio minus ualet, siue nimis procul amoueris, siue uehementer prope admoueris id, quod oportet uideri. Sed quanquam facile est ei, qui paulo plura explorauerit, quamuis multos & idoneos locos comparare: tamen, si quis ad ista satis idoneos inuenire se non putabit, ipse sibi constituat quàm uolet multos licebit. cogitatio enim quamuis regionem potest amplecti, & in ea situm loci cuiusdam ad suum arbitrium fabricari, & architectari. quare licebit, si hac prompta copia contenti non erimus, nosmet ipsos nobis cogitatione nostra regionem constituere, & idoneorum locorum commodissimam distinctionem comparare. De locis satis dictum est: nunc ad imaginum rationem transeamus. Quoniam ergo rerum similes imagines esse oportet, & ex omnibus uerbis notas nobis similitudines eligere debemus: duplices similitudines esse debent, unæ rerum, alteræ uerborum. Rerum similitudines exprimuntur, cum summatim ipsorum negotiorum imagines comparamus. Verborum similitudines

constit
buli m
sape u
hoc mo
nemo n
& eius
hoc prin
memini
conform
ipsum i
mus: si
de min
posse,
poculum
tenent
ueneno
inceps
quorief
disposit
facile e
uerboru
mus, p
nostrum
bit: Iam
constitu
tium, c
Iam d
Cimbru
Menela
uerba e

constituuntur, cum uniuscuiusque nominis, & uocabuli memoria imagine notatur. Rei totius memoriam sæpe una nota, & imagine simplici comprehendemus, hoc modo: Vt si accusator dixerit ab reo hominem ueneno necatum, & hereditatis causa factum arguerit, & eius rei multos dixerit testes, & conscios esse. Si hoc primum, ut ad defendendum nobis expeditum sit, meminisse uolumus: in primo loco rei totius imaginem conformabimus, ægrotum in lecto cubantem facimus ipsum illum, de quo agetur, si formam eius detinebimus: si eum non agnouerimus, aliquem ægrotum non de minimo loco sumemus, ut cito in mentem uenire possit, & reum ad lectum eius adstituemus, dextera poculum, sinistra tabulas, medico testiculos arietinos tenentem. hoc modo & testium, & hereditatis, & ueneno necati memoriam habere poterimus. Item deinceps cetera crimina ex ordine in locis ponemus, & quotiescunque rem meminisse uolumus. si formarum dispositione, & imaginum diligenti notatione utemur, facile ea, quæ uolumus, memoria consequemur. Cum uerborum similitudines imaginibus exprimere uolumus, plus negotij suscipiemus, & magis ingenium nostrum exercebimus. id nos hoc modo facere oportebit: Iam domi ultionem Reges Atride parant. In loco constituere oportet manus ad cælum tollentem Domitium, cum à Regibus Martij's loris cadatur. Hoc erit, Iam domi ultionem Reges. In altero loco Aesopum, & Cimbrum subornare Iphigeniam, Agamemnonem, & Menelaum: hoc erit, Atride parant. hoc modo omnia uerba erunt expressa. Sed hæc imaginum conformatio

AD HERENNIVM

tum ualet, si naturalem memoriam exuscitauerimus hac notatione, ut, uersu posito, ipsi nobiscum primum transeamus bis, aut ter eum uersum, deinde cum imaginibus uerba exprimamus. hoc modo naturæ suppetabitur doctrina: nam utraque, altera separata, minus erit firma, ita tamen, ut multo plus in doctrina atque arte præsidij sit. quod docere non grauaremur, ni metueremus, ne, cum ab instituto nostro recessissemus, minus commode seruaretur hæc dilucida breuitas præceptionis. Nunc, quoniam solet accidere, ut imagines partim firmæ, & acres, & ad mouendum idoneæ sint, partim imbecillæ & infirmæ, quæ uix memoriam possint excitare: qua de causa utrunque fiat, considerandum est, ut, cognita causa, quas uitemus, & quas sequamur imagines, scire possimus. Docet igitur nos ipsa natura, quid oporteat fieri. nam si quas res in uita uidemus paruas, usitatas, quotidianas, eas meminisse non solemus: propterea quod nulla nisi noua, aut admirabili re commouetur animus: at, si quid uidemus, aut audimus egregie turpe, aut honestum, inusitatum, magnum, incredibile, ridiculum, id diu meminisse consueuimus. itaque quas res ante ora uidemus, aut audimus, obliuiscimur plerunque: quæ acciderunt in pueritia, meminimus optime sæpe: nec hoc alia de causa potest accidere, nisi quod usitata res facile è memoria elabuntur, insignes, & nouæ manent diutius. Solis exortus, cursus, occasus nemo admiratur, propterea quod quotidie fiunt: at eclipses solis mirantur, quia raro accidunt: & solis eclipses magis mirantur, quàm lunæ, quoniam hæc

crebris
tatu re
dam ne
et, qua
ut. no
nerit, a
ingrui
tantur.
oportet
poteft.
nes con
quid ne
pulchre
buemus
uiste pu
si qua r
oblitam
magis in
quas in
facies,
res uera
genter n
facere op
imagina
currant
pferunt
conferib
berent,
tum r. a
mum, q

crebriores sunt. Docet ergo se natura uulgari, & usitata re non exuscitari, nouitate uero, & insigni quodam negotio commoueri. Imitetur igitur ars naturam, & quod ea desiderat, inueniat; quod ostendit, sequatur. nihil est enim, quod aut natura extremum inuenit, aut doctrina primum: sed rerum principia ab ingenio profecta sunt, & exitus disciplina comparantur. Imagines igitur nos in eo genere constituere oportebit, quod genus manere in memoria diutissime potest. id accidet, si quammaxime notas similitudines constituemus: si non mutas, nec uagas, sed aliquid notum agentes imagines ponemus: si egregiam pulchritudinem, aut unicam turpitudinem eis attribuamus: si aliqua re exornabimus, ut si coronis, aut ueste purpurea, quo nobis notior sit similitudo: aut si qua re deformabimus, ut si cruentam, aut cæno oblitam, aut rubrica delibutam inducamus, quo magis insignita sit forma: aut si ridiculas res aliquas imaginibus attribuamus. nam ea res quoque faciet, ut facilius meminisse possimus. nam quas res ueras facile meminimus, easdem fictas, & diligenter notatas meminisse non est difficile. Sed illud facere oportebit, ut identidem primos quosque locos imaginum renouandarum causa celeriter animo percurramus. Scio plerosque Græcos, qui de memoria scripserunt, fecisse, ut multorum uerborum imagines conscriberent, uti, qui eas ediscere uellent, paratas haberent, ne quid inquirendo consumerent operæ: quorum rationem aliquot de causis improbamus: primum, quod in uerborum innumerabilium multitudi-

AD HERENNIVM

ne ridiculum sit mille uerborum imagines comparare. quantulum enim poterunt hæc ualere, cum ex infinita uerborum copia, modo aliud, modo aliud nos uerbum meminisse oportebit? Deinde cur uolumus ab industria quenquam remouere, ut ne quid ipse quaerat, cum nos illi omnia parata quæsitâq; tradamus? Præterea similitudine alia alius magis commouetur. nam ut sæpe, formam si quam similem cuipiam dixerimus esse, non omnes habemus assensores, quòd alij uidetur aliud: ita fit in imaginibus, ut, quæ nobis diligenter notæ sint, eæ parum uideantur insignes alijs. quare sibi quenque suo commodo conuenit imagines comparare. Postremo præceptoris est docere, quemadmodum quæri quidque conueniat, aut unum aliquod, aut alterum, non omnia quæ eius generis erunt, exempli causa subiungere, quo res possit esse dilucidior. ut cum de proæmijs quærendis disputamus, rationem damus quærendi, non mille proæmiorum genera conscribimus: ita arbitramur de imaginibus fieri conuenire. Nunc ne forte uerborum memoriam aut nimis difficilem, aut parum utilem arbitreris, & ipsarum memoria rerum contentus sis, quòd & utiliores sint, & plus habeant facilitatis; admonendus es, quare uerborum memoriam non improbemus. nam putamus oportere eos, qui uelint res faciliores sine labore & molestia facile meminisse, in rebus difficilioribus esse ante exercitatos. Nec nos hanc uerborum memoriam inducimus, ut uersus meminisse possimus, sed ut hac exercitatione illa rerum memoria, quæ pertinet ad utilitatem, confirmetur: ut

tur: ut ab hac difficili consuetudine sine labore ad-
 lam facilitatem transire possimus. Sed cum in omni
 disciplina infirma est artis præceptio, sine summa as-
 siduitate exercitationis, tum uero in *μνημονικοῖς* mi-
 nimum ualet doctrina, nisi industria, studio, labo-
 re, diligentia comprobetur. Quamplurimos locos ut
 habeas, & quammaxime ad præcepta accommoda-
 tos, curare debebis. In imaginibus collocandis exerce-
 ri quotidie conueniet. non enim, sicut in cæteris stu-
 dijs abducimur nonnunquam occupatione, ita ab hac
 re nos potest causa deducere aliqua. nunquam est
 enim, quin aliquid memoriæ tradere uelimus, & tum
 maxime, cum aliquo maiore negotio detinemur. qua-
 re cum sit utile facile meminisse, non te fallit, quod
 tantopere utile sit, quanto labore sit appetendum:
 quod poteris existimare utilitate cognita. pluribus uer-
 bis ad eam te hortari non est sententia, ne aut tu
 nostro, aut nos tuo studio diffidere, aut mi-
 nus, quàm res postulat, dixisse uidea-
 mur. De quinta parte rhetoricæ de-
 inceptis dicemus: tu primas quas-
 que partes in animo frequen-
 ta, & quod maxime
 necesse est, exer-
 citatione con-
 firma.

R H E T O R I C O R V M A D

C. H E R E N N I V M

L I B E R I I I I.

VONIAM in hoc libro C. Herenni de
 ¶ elocutione conscripsimus; & quibus in rebus
 opus fuit exemplis uti, nostris exemplis usi
 sumus; & id fecimus præter consuetudinem Græco-
 rum, qui de hac re scripserunt: necessario faciundum
 est, ut paucis rationem nostri consilij demus. atque
 hoc nos necessitudine facere, non studio, satis erit si-
 gni, quòd in superioribus libris nihil neque ante rem,
 neque præter rem locuti sumus. nunc, si pauca, quæ
 res postulat, dixerimus, tibi id, quod reliquum est
 artis, ita uti instituimus, persoluemus. sed facilius
 nostram rationem intelliges, si prius, quid illi dicant,
 cognoueris. Compluribus de causis putant oportere,
 cum ipsi præceperint quo pacto oporteat ornare elocutionem,
 uniuscuiusque generis ab oratore, aut poeta
 probato sumptum ponere exemplum. & primum se
 id modesta commotos facere dicunt; propterea quòd
 uideatur esse ostentatio quædam, non satis habere præ-
 cipere de artificio, sed ipsos etiam uideri uelle artifi-
 ciose gignere exempla. hoc est, inquiunt, ostentare
 se, non artem ostendere. quare pudor in primis est ad
 eam rem impedimento; ne nos solos probare, nos ama-
 re, alios contemnere, & deridere uideamur. etenim
 cum possimus ab Ennio sumptum, aut à Graccho po-
 nere exemplum; uidetur esse arrogantia, illa relin-

quere, & ad sua deuenire. Præterea, exempla testimoni-
 orum locum obtinent. id enim, quod admonue-
 rit, & leuiter fecerit præceptio, exemplo sicut testi-
 monio comprobatur. non igitur ridiculus sit, si quis
 in lite, aut in iudicio domestico pugnet, & sui ipsius
 testimonio abutatur? ut enim testimonium, sic exem-
 plum rei confirmanda causa sumitur. non ergo oportet
 hoc, nisi à probatissimo, sumi; ne, quod aliud
 confirmare debeat, egeat ipsum confirmationis. etenim
 necesse est, aut se omnibus antepo-
 nant, & sua maxime probent: aut negent optima exempla, quæ à
 probatissimis oratoribus, aut poetis sumpta sunt. si
 se omnibus antepo-
 nant, intolerabili arrogancia sunt.
 si quos sibi præponant, & eorum exempla suis exem-
 plis non putent præstare; non possunt dicere quare sibi
 illos antepo-
 nant. quid igitur ipsa auctoritas antiquo-
 rum, non cum res probabiliores, tum hominum stu-
 dia ad imitandum alacriora reddit? immo erigit om-
 nium cupiditates, & acuit industriam, cum spes in-
 iecta est posse imitando Gracchi, aut Crassi consequi fa-
 cultatem. Postremo hoc ipsum est summum artifi-
 cium, res uarias & dispares in tot poematibus, & ora-
 tionibus sparsas, & uage disiectas, ita diligenter eli-
 gere, ut unumquodque genus exemplorum sub sin-
 gulos artis locos subijcere possis. hoc si industria solum
 fieri posset, tamen essemus laudandi, cum talem la-
 bore non fugissemus: nunc sine summo artificio non
 potest fieri. quis est enim, qui, nisi summe teneat ar-
 tem, possit ea, quæ inbeat ars, de tanta, & tam dif-
 fusa scriptura notare, & separare? ceteri, cum le-

AD HERENNIVM

gunt orationes bonas, aut poemata, probant oratores & poetas, neque intelligunt qua re commoti probent, quod scire non possunt ubi sit, nec quid sit, nec quo modo factum sit id, quod eos maxime delectet. at is, qui & hæc omnia intelligit, & idonea maxime eligit, & omnia in arte maxime scribenda redigit in singulas rationes praeceptionis, necesse est eius rei summus artifex sit. Hoc igitur ipsum maximum artificium est, in arte sua posse & alienis exemplis uti. Hæc illi cum dicunt, magis nos auctoritate sua commouent, quam ueritate disputationis. illud enim ueremur, ne cui satis sit ad contrariam rationem probandam, quod ab ea steterint ij, qui & inuectores huius artificij fuerunt, & uetustate iam satis omnibus probati sunt. quod si, illorum auctoritate remota, rem omnino uolent cum re comparare, intelligent non omnia esse concedenda antiquitati. Primum igitur, quod ab eis modestia dicitur, uideamus ne nimium inutiliter, & pueriliter proferatur. nam si tacere, & nihil scribere modestia est: cur quidquam scribunt, aut loquuntur? sin aliquid suum scribunt: cur, quo secius omnia scribant, impediuntur modestia? quasi si quis ad Olympiacum uenerit cursum, & steterit, ut mittatur, impudentisq; illos dicat esse, qui currere cœperint, ipse intra carcerem stet, & narret alijs, quo modo Ladas, aut Boius cum Sicyonijs cursitarint: sic isti, cum in artis curriculum descenderunt, illos, qui in eo, quod est artificij, elaborent, aiunt facere immodeste: ipsi aliquem antiquum oratorem, aut poetam laudant: aut scriptorem, sic ut in stadium rhe-

toricæ artis prodire non audeant . non ausim dicere ,
 sed tamen uereor , ne , qua in re laudem modestiæ ue-
 nientur , in ea ipsa re sint impudentes . Quid enim ti-
 bi uis , aliquis inquiet ? artem tuam scribis , gignis no-
 bis nouas præceptiones , eas ipse confirmare non potes ,
 ab alijs exempla sumis , uide ne facias impudenter ,
 qui tuo nomini uelis ex aliorum laboribus libare lau-
 dem . nam si eorum uolumina prehenderint antiqui
 oratores , & poetæ , & suum quisque de libris suis tu-
 lerint ; nihil istis , quod suum uelint , relinquetur . At
 exempla , quoniam testimoniorum similia sunt , item
 conuenit , ut testimonia , ab hominibus probatissimis
 sumi . Primum omnium exempla ponuntur hic non
 confirmandi ; neque testificandi causa , sed demonstnan-
 di . non enim , cum dicimus esse exornationem , quæ ,
 uerbi causa , constet ex similiter desinentibus uerbis ,
 & ponimus hoc exemplum à Crasso , Quod possumus
 & debemus , testimonium collocamus , sed exemplum .
 Hoc igitur interest inter exemplum , & testimonium .
 Exemplo demonstratur id ; quod dicimus cuiusmodi
 sit . Testimonio esse illud ita , ut nos dicimus , confir-
 matur . Præterea oportet testimonium cum re conue-
 nire , aliter enim rem non potest confirmare . at id ,
 quod illi faciunt , cum re non conuenit . Quid ita ?
 quia pollicentur artem se scribere , & exempla profe-
 runt ab ijs plerunque , qui artem nescierunt . Tum
 quis est , qui possit id , quod de arte scripserit : compro-
 bare , nisi aliquid scribat ex arte ? Contraq; faciunt ,
 quàm polliceri uidentur . nam cum scribere artem in-
 stituunt , uidentur dicere se excogitasse , quod alios do-

AD HERENNIVM

cerent: cum uero scribunt, ostendunt nobis quid alij excogitarint. At hoc ipsum difficile est, inquiunt, eligere de multis. Quid dicitis difficile? utrum laboriosum, an artificiosum? Si laboriosum, non statim præclarum. sunt enim multa laboriosa; quæ si faciatis, non continuo gloriâmini. nisi etiam, si uestra manu fabulas, aut orationes totas transcripsissetis, gloriosum putaretis. Sin autem istud artificium egregium dicitis; uidete ne insueti rerum maiorum uideamini, si uos parua res, sicuti magna, delectat. nam isto modo eligere rudis quidem nemo potest, sed sine summo artificio multi. quisquis enim audierit de arte paulo plus; in elocutione præsertim; omnia uidere poterit, quæ ex arte dicuntur; facere nemo poterit, nisi eruditus. ita ut, si de tragœdijs Ennij uelis sententias eligere, aut de Pacuuianis periodos; sed, quia plane rudis id facere nemo poterit, cum feceris, te literatissimum putes; ineptus sis: propterea quod id facile faciat quiuis mediocriter literatus. Item si, cum ex orationibus, aut poematibus elegeris exempla, quæ certis signis artificij notata sunt, quia rudis id nemo facere possit, artificiosissime te fecisse putes, erras: propterea quod isto signo uidemus te non nihil eius scire, alijs signis te scire multa intelligimus. Quod si artificiosum est intelligere quæ sunt ex arte scripta, multo est artificiosius ipsum scribere ex arte. qui enim scribit artificiose, ab alijs commode scripta facile intelligere poterit: qui eliget facile, non continuo ipse commode scribit. Et si est maxime artificiosum, alio tempore utantur ea facultate,

non tam
bene. Po
alijs pot
monetur
alienis se
qua sepa
ergo eos
rum etiam
sumant: e
mus. Si
pla, uinea
hoc nulla
et probat
ditare ex
florare n
discere na
nem, sed d
putabit po
que ad com
in paucis
mirum, co
reperire na
a Gracchi
Crasso, A
tis, et h
discet, ab
potuisse su
satis habe
habere se
nulla, po

non tum cum parere ipsi, & gignere, & proferre debent. Postremo, in eo uim artificij cōsumant, ut ipsi ab alijs potius eligēdi, quā aliorum boni electores existimentur. Contra ea, quæ ab alijs dicuntur, qui dicunt alienis se exemplis uti oportere, satis est dictum. Nunc, quæ separatim dici possunt, consideremus. Dicimus ergo eos omnes, ideo quod alienis utantur, peccare: tum etiam magis delinquere, quod à multis exempla sumant: & de eo, quod postea diximus, ante uideamus. Si concederem aliena oportere assumere exempla, uincerem unius oportere. Primum, quod contra hoc nulla staret eorum ratio, liceret enim eligerent, & probarent quemlibet, qui sibi in omnes res suppeditaret exempla, uel poetam, uel oratorem, cuius auctoritate niterentur. Deinde interest magni eius, qui discere uult, utrum unum omnia, an omnia neminem, sed aliud alium putet consequi posse. Si enim putabit posse omnia penes unum consistere, ipse quoque ad omnium nitetur facultatem: si id differarit, in paucis se exercebit. ipsis enim contentus erit: nec mirum, cum ipse præceptor artis omnia penes unum reperire non poterit. allatis igitur exemplis à Catone, à Gracchis, à Lelio, à Scipione, Galba, Porcina, Crasso, Antonio, cæterisq; item sumptis alijs à poetis, & historiarum scriptoribus, necesse erit eum, qui discet, ab omnibus putare omnia, ab uno pauca uix potuisse sumi. Quare si unius alicuius esse similem satis habebit, omnia, quæ omnes habuerint, solum habere se posse diffidet. ergo inutile est ei, qui discere uult, putare non unum omnia posse, Igitur nemo in

AD HERENNIVM

hanc incideret opinionem, si ab uno exempla sumpsis-
sent. nunc hoc signi est ipsos artis scriptores non pu-
taſſe unum potuiſſe in omnibus elocutionis partibus
enitere, quoniam neque ſua protulerunt, neque uni-
us alicuius, aut denique duorum, ſed ab omnibus ora-
toribus, & poetis exempla ſumpſerunt. Deinde, ſi-
quis uelit artem demonſtrare nihil prodeſſe ad diſcen-
dum, non male utatur hoc adiumento, quòd unus
omnes artis partes conſequi nemo potuerit. Quod igitur
iuuat horum rationem, qui omnino improbent ar-
tem, id non ridiculum eſt ipſum ſcriptorem artis ſuo
iudicio comprobare? Ergo ab uno ſumenda fuiſſe, do-
cuimus exempla, ſi ſemper aliunde ſumerentur. Nunc
omnino aliunde ſic intelligemus ſumenda non fuiſſe.
Primum omnium, quod ab artis ſcriptore affertur
exemplum, de eius artificio debet eſſe, non ut ſi quis
purpuram, aut aliud quippiam uendens dicat, Su-
me à me, ſed huius exemplum aliunde rogabo, tibiq;
oſtendam. ſi, merces ipſi qui uenditant, aliunde exem-
plum quæritent aliud mercis: aut ſi aceruos ſe dicant
critici habere, et eorum exemplum pugno non habeant,
quod oſtendant: ſi Triptolemus, cum hominibus ſe-
men largiretur, ipſe ab alijs hominibus id mutuare-
tur: aut ſi Prometheus, cum mortalibus ignem diui-
dere uellet, ipſe à uicinis cum teſta ambulans carbun-
culos corrogaret: non ridiculum uideretur? iſti magi-
ſtri omnium dicendi præceptores non uidentur ſibi ri-
dicule facere, cum id, quod alijs pollicentur, ab alijs
quærant. ſi qui ſe fontes maximos penitus abſconditos
aperuiſſe dicat, & hæc ſitiens quammaxime loqua-

tur, neque
iſti cum re
tos eſſe di
non putan
alijs, are
facere non
deret Myr
tium: ſed o
ceterorum
iſti credunt
doceri poſſi
ea, quæ ſi
commode
in dicendo
giur, ne
conſcripſe
mam conu
ſe ars emi
ratoris occ
ſecur, ſi
quoque re
næ rerum
conſuecud
earum rer
go hæc af
ſicet rei, m
na conſue
ſemus, ſi
libro: id
uſitatum

tur, neque habeat quo sitim sedet: non irrideatur? isti cum non modo dominos se fontium, sed se ipsos fontes esse dicant, & omnium rigare debeant ingenia; non putant fore ridiculum, si, cum id polliceantur alijs, arescant ipsi siccitate. Chares à Lisippo statuas facere non isto modo didicit, ut Lysippus caput ostenderet Myronium, brachia Praxitelea, pectus Polycle- tium: sed omnia coram magistrum facientem uidebat, caterorum opera uel sua sponte considerare poterat. isti credunt eos, qui hæc uelint discere, alia ratione doceri posse commodius. Præterea ne possunt quidem ea, quæ sumuntur ab alijs exempla, tam esse ac- commodata ad artem, quàm propria: propterea quòd in dicendo leuiter unusquisque locus plerunque tan- gitur, ne ars appareat; in præcipiendo expresse conscripta ponere oportet exempla, ut in artis for- mam conuenire possint; & post in dicendo, ne pos- sit ars eminere, & ab omnibus uideri, facultate o- ratoris occultatur. Ergo etiam ut magis ars cogno- scatur, suis exemplis melius est uti. Postremo hæc quoque res nos duxit ad hanc rationem, quòd nomi- na rerum Græca, quæ conuertimus, ea remota sunt à consuetudine. quæ enim res apud nostros non erant, earum rerum nomina non poterant esse usitata. Er- go hæc asperiora primo uideantur necesse est; idq; fiet rei, non nostra difficultate. Reliquum scriptu- ræ consumetur in exemplis. hæc aliena si posuif- semus; factum esset, ut, quod commodius esset in hoc libro: id nostrum non esset, quod asperius, & in- usitatum, id proprie nobis attribueretur. Ergo hanc

AD HERENNIVM

quoque incommoditatem fugimus. His de causis, cum artis inuentionem Græcorum probassemus, exemplorum rationem secuti non sumus. Nunc tempus postulat, ut ad elocutionis præcepta transeamus. Bipertita erit igitur nobis elocutionis præceptio. primum dicemus, quibus in generibus semper omnis oratoria elocutio debeat esse. deinde ostendemus, quæ res semper habere debeat.

SUNT igitur tria genera, quæ nos figuras appellamus, in quibus omnis oratio non uitiosa consumitur: unam grauem, alteram mediocrem, tertiam extenuatam uocamus. Grauis est, quæ constat ex uerborum grauium magna & ornata constructione. Mediocris est, quæ constat ex humiliore, neque tamen ex infima, & peruulgatissima uerborum dignitate. Attenuata est, quæ demissa est usque ad usitatissimam puri sermonis consuetudinem. In graui figura consumitur oratio, si, quæ cuiusque rei poterunt ornatissima uerba reperiri, siue propria, siue translata, ad unamquamque rem accommodabuntur: & si graues sententiæ, quæ in amplificatione & commiseratione tractantur, eligentur: & si exornationes sententiarum, aut uerborum, quæ grauitatem habebunt, de quibus post dicemus, adhibebuntur. In hoc genere figuræ erit hoc exemplum: Nam quis est uestrum iudices, qui satis idoneam possit in eum poenam excogitare, qui prodere hostibus patriam cogitarit? quod maleficio cum hoc scelere comparari? quod huic maleficio dignum supplicium potest inueniri? In ijs, qui uiolassent ingenuam, matrem familias, constuprassent, pulsassent ali-

quem, aut postremo necassent, maxima supplicia maiores nostri consumpserunt: huic truculentissimo ac nefario facinori singularem poenam non reliquerunt? Atque in alijs maleficijs ad singulos, aut ad paucos ex alieno peccato iniuria peruenit: huius sceleris qui sunt affines, uno consilio uniuersis ciuibus atrocissimas calamitates machinantur. O feros animos, o crudeles cogitationes, o derelictos ab humanitate homines, qui agere ausi sunt, aut cogitare potuerunt, quo pacto hostes, reuulsis maiorum sepulcris, deiectis manibus, ouantes irruerent in ciuitatem; quo modo deum spoliatis templis, optimatibus trucidatis, alijs abreptis in seruitutem, matribus familias, & ingenuis sub hostilem libidinem subiectis, urbs acerbißimo concidat incendio conflagrata; qui se non putant id, quod uoluerint, ad exitum perduxisse, nisi sanctissimæ patriæ miserandum scelerati uiderint cinerem. Nequeo uerbis consequi iudices indignitatem rei: sed negligentius id fero, quia uos mei non indigetis. uester enim uos animus amantißimus reip. facile edocet, ut eum, qui fortunas omnium uoluerit prodere, præcipitem perturbetis ex ea ciuitate, quam iste spurcissimorum hostium dominatu nefario uoluerit obruere. In mediocri figura uersabitur oratio, si hæc, ut ante dixi, aliquantulum demiserimus, neque tamen ad infimum descenderimus, sic: Quibuscum bellum gerimus, iudices uidetis: cum socijs, qui pro nobis pugnare, & imperium nostrum nobiscum simul uirtute, & industria conseruare soliti sunt. Hi cum se, & opes suas, & copiam necessariorum norunt, tum uero nihilo

AD HERENNIVM

minus propter propinquitatem, & omnium rerum societatem, quid in omnibus rebus populus R. posset. scire, & estimare poterant. Hi, cum deliberassent nobiscum bellum gerere; quæso, quæ res erat, qua freti bellum suscipere conarentur? cum multo maximam sociorum partem in officio manere intelligerent; cum sibi non multitudinem militum, non idoneos Imperatores, non pecuniam publicam præsto esse uiderent, non denique ullam rem, quæ res pertineat ad bellum administrandum. Si cum finitimis de finibus bellum gererent; si totum certamen in uno prælio positum putarent: tamen omnibus rebus instructiores, ac paratiores uenirent, ne dum illud imperium orbis terræ, cui imperio omnes gentes, reges, nationes partim ui, partim uoluntate consenserunt, cum aut armis, aut liberalitate a populo R. superati essent, ad se transferre tantulis uiribus conaretur. Quæret aliquis: Quid Fregellani, non sua sponte conati sunt? Eo quidem minus isti facile conarentur, quòd illi, quemadmodum descissent, uidebant. nam rerum imperiti, qui uniuscuiusque rei de rebus ante gestis exempla petere non possunt, ij per imprudentiam facile deducuntur in fraudem. at ij, qui sciunt quid alijs acciderit, facile ex aliorum euentu suis rationibus possunt providere. Nulla igitur re inducti, nulla spe freti arma sustulerunt? Quis hoc credat, tantam amētiā quenquam tenuisse, ut imperium populi R. tentare audiret nullis copijs fretus? Ergo aliquid fuisse necesse est: quid aliud, nisi id quod dico, potest esse? In attenuato figuræ genere, quod ad infimum, & quotidianum sermonem demis-

sum est, hoc erit exemplum : Nam, ut forte hic in balneas uenit, cœpit, postquam persusus est, defricari. deinde, ubi uisum est, ut in alueum descenderet, ecce tibi iste de transuerso, Heus, inquit, adolescens, pueri tui modo me pulsarunt, satisfacias oportet. Hic, qui id ætatis ab ignoto præter consuetudinem appellatus esset, erubuit. Iste clarius eadem, & alia dicere cœpit. Hic uix tandem inquit, Sine me considerare. Tum uero iste cœpit clamare uoce ista; quæ facile cuius rubores eijcere posset: Ita petulans es, atque acer, ut non ad solarium quidem, ut mihi uidetur, sed penes scenam, & in eiusmodi locis exercitus sis. Conturbatus est adolescens. nec mirum, cui etiam nunc pædagogi lites ad auriculas uersarentur, imperito eiusmodi conuitorum. ubi enim iste uidisset scurram exhausto rubore, qui se putaret nihil habere, quod de existimatione perderet, ut omnia sine famæ detrimento facere posset? Igitur genera figurarum ex ipsis exemplis intelligi poterunt. Erit enim & attenuata uerborum constructio quædam, & item alia in grauitate, alia posita in mediocritate. Est autem cauendum, ne, dum hæc genera consectemur, in finitima, & propinqua uitia ueniamus. Nam graui figuræ, quæ laudanda est, propinqua est ea, quæ fugienda est: quæ recte uidebitur appellari, si sufflata nominabitur. nam ut corporis bonam habitudinem tumor imitatur sæpe: ita grauis oratio sæpe imperitis uidetur ea, quæ turget & inflata est, cum aut nouis, aut priscis uerbis, aut duriter aliunde translatis, aut grauioribus: quàm res postulat, aliquid dicitur, hoc

AD HERENNIVM

modo: Nam qui perduellibus uendit patriam, non satis supplicij dederit, si praeceptis in Neptunias depul-
tus erit lacunas. Poenitet igitur istum, qui montes
belli fabricatus est, campos sustulit pacis. In hoc ge-
nus plerique cum declinassent; & ab eo, quod profe-
cti sunt, aberrauerunt; & specie grauitatis fallun-
tur, nec perspicere possunt orationis tumorem. Qui
in mediocri genus orationis profecti sunt, si peruenire
eò non potuerunt, errantes perueniunt ad confine ge-
nus eius generis, quod appellamus fluctuans & dis-
solutum, eo quod sine nervis & articulis fluctuat
huc & illud, nec potest confirmare, nec uiriliter se
se expedire. idest huiusmodi: Socij nostri cum bellige-
rare nobiscum uellent, profecto ratiocinati essent etiam
atque etiam quid possent facere, si quidem sua sponte
facerent, & non haberent hic adiutores multos & ma-
los homines, & audaces. solent enim diu cogitare o-
mnes, qui magna negotia uolunt agere. Non potest
huiusmodi sermo tenere attentum auditorem: diffluit
enim totus, neque quidquam comprehendens perfectis
uerbis amplectitur. Qui non possunt in illa facetissi-
ma uerborum attenuatione commode uersari, ueni-
unt ad aridum & exangue genus orationis, quod non
alienum est exile nominari, cuiusmodi est hoc: Nam
istic ille in balneas accessit: ad hunc postea dixit, hic
tuus seruus me pulsauit. postea dixit hic illi, conside-
rabo. post ille conuiuium fecit, & magis magisque præ-
sentibus multis clamauit. Friuolus hic quidem iam, &
illiberalis est sermo. non enim adeptus est id, quod ha-
bet attenuata figura, puris uerbis & electis, compo-

scam or
& medi
oratione
spontane
cebanur
in dicend
mediocri
muenitur

QV

acuari del
huc habet
xime adma
debet habe
tam. Eligi
& aperire a
tam, & ex
purum com
more, qu
solacismus
uerbis plur
commoda
xiose effe
arte gram
que reddid
paratur de
v'stata su
suetudine
sunt, aut
est uerbor
tionis aq

sitam orationem. Omne genus orationis, & graue, & mediocre, & attenuatum, dignitate afficiunt exornationes, de quibus post loquemur: quæ si rara disponentur, distinctam sicuti coloribus; si crebræ collocabuntur, oblitam reddunt orationem. Sed figuram in dicendo commutari oportet, ut grauem mediocris, mediocrem excipiat attenuata. deinde identidem commutentur, ut facile satietas uarietate uitetur.

QVONIAM, quibus in generibus elocutio uersari debeat, dictum est, uideamus nunc quas res debeat habere elocutio commoda & perfecta. Quæ maxime admodum oratori accommodata est, tres res in se debet habere, elegantiam, compositionem, dignitatem. Elegancia est, quæ facit ut unumquodque pure & aperte dici uideatur. Hæc distribuitur in latinitatem, & explanationem. Latinitas est, quæ sermonem purum conseruat ab omni uitio remotum. Vitia in sermone, quo minus is latinus sit, duo possunt esse, solæcismus, & barbarismus. Solæcismus est, cum in uerbis pluribus consequens uerbum superiori non accommodatur. Barbarismus est, cum uerbum aliquod uitiose effertur. Hæc qua ratione uitare possimus, in arte grammatica dilucide discemus. Explanatio est, quæ reddit apertam & dilucidam orationem. Ea comparatur duabus rebus, usitatis uerbis, & proprijs. Usitata sunt ea, quæ uersantur in sermone, & consuetudine quotidiana. Propria, quæ eius rei uerba sunt, aut esse possunt, quæ de loquemur. Compositio est uerborum constructio, quæ facit omnes partes orationis æqualiter perpolitæ. ea conseruabitur, si fugie-

AD HERENNIVM

mus crebras uocalium concursiones, quæ uastam, atque hiantem orationem reddunt, ut hoc est. Bacca ænæ amœnissimæ impendebant. Et si uitabimus eiusdem literæ nimiam assiduitatem, cui uitio uersus hic erit exemplo: nam hic nihil prohibet in uitijs, alienis exemplis uti. O Tite tute Tati tibi tanta tyranne tulisti. Et hic eiusdem poetæ: Quidquam quisquam cuiquam, quod conueniat, neget? Et si eiusdem uerbi assiduitatem nimiam fugiendus: ea est huiusmodi: Nam cuius rationis ratio non extet, ei rationi ratio non est fidem habere. Et si non utemur continenter similiter cadentibus uerbis, hoc modo: Flentes, plorantes, lacrymantes, obtestantes. Et si uerborum transiersionem uitabimus, nisi quæ erit concinna; qua de re posterius loquemur: quo in uitio est Lucilius assiduus, ut hoc est in priore libro: Has res ad te scriptas Lucimissimus Aeli. Item, fugere oportet longam uerborum continuationem, quæ & auditoris aures, & oratoris spiritum lædit. His uitijs in compositione uitatis, reliquum operis consumendum est in dignitate. Dignitas est, quæ reddit ornatum orationem uarietate distinguens. hac & in uerborum, & sententiarum exornationem diuiditur. Verborum exornatio est, quæ ipsius sermonis insignita continetur perpolitione. Sententiarum exornatio est, quæ non in uerbis, sed in ipsis rebus quandam habet dignitatem.

REPETITIO est, cum continenter ab uno, atque eodem uerbo in rebus similibus, & diuersis principia sumuntur, hoc modo: Vobis istud attribuendum est, uobis gratia habenda, uobis res ista erit honori.

Item,

Item : Scipio Numantiam sustulit , Scipio Carthagi-
nem deleuit , Scipio pacem peperit , Scipio ciuitatem ser-
uauit . Item : Tu in forum prodire , tu lucem conspice-
re , tu in horum conspectum uenire conaris ? Audes
uerbum facere , audes quidquam ab istis petere , au-
des supplicium deprecari ? Quid est , quod possis defen-
dere ? quid est , quod audeas postulare ? quid est , quod
tibi putes concedi oportere ? Non iusiurandum reliqui-
sti ? non amicos prodidisti ? non parenti manus intu-
listi ? non denique in omni dedecore uolutatus es ? Hac
exornatio cum multum uenustatis habet , tum graui-
tatis , & acrimoniae plurimum . quare uidetur esse ad-
hibenda & ad exornandam , & ad augendam oratio-
nem . Conuersio est , per quam non , ut ante , primum
repetimus uerbum , sed ad postremum continenter re-
uertimur , hoc modo : Pœnos populus R. iustitia uicit ,
armis uicit , liberalitate uicit . Item : Ex quo tempore
concordia de ciuitate sublata est , libertas sublata est ,
fides sublata est , amicitia sublata est . Item : C. Lælius
homo nauus erat , ingeniosus erat , doctus erat , bonis
uiris , & studiosis amicus erat , ergo in ciuitate pri-
mus erat . Item : Nam cum istos , ut absoluant te , ro-
gas ; ut peierent , rogas ; ut existimationem negligant ,
rogas : ut leges populi R. tuæ libidini largiantur , ro-
gas . Complexio est , quæ utranque complectitur exor-
nationem , & hanc , & quam ante exposuimus , ut &
repetatur idem primum uerbum sapius , & crebro ad
idem postremum reuertamur , hoc modo . Qui sunt ,
qui fœdera sæpe ruperunt ? Carthaginenses . Qui
sunt , qui crudele bellum in Italia gesserunt ? Cartha-

AD HERENNIVM

ginienſes. Qui ſunt, qui Italiam deformauerunt? Carthaginienſes. Qui ſunt, qui ſibi poſtulant ignoſci? Carthaginienſes. Videte ergo, quid conueniat eos impetrare. Item: Quem ſenatus damnarit, quem populus R. damnarit, quem omnium exſtimatio damnarit, eum uos ſententijs ueſtris abſolutis? Traductio eſt, quæ facit ut, cum idem uerbum crebrius ponatur, non modo non offendat animum, ſed etiam concinnior orationem reddat, hoc pacto: Qui nihil habet in uita iucundius uita, is cum uirtute uitam non poteſt colere. Item: Eum tu hominem appellas, qui ſi fuiſſet homo, nunquam tam crudeliter uitam hominis petiſſet. At erat inimicus: ergo inimicum ſic ulciſci uoluit, ut ipſe ſibi reperiretur inimicus. Item: Diuitias ſine diuitum eſſe, tu uero uirtutem præfer diuitijs. nam ſi uoles diuitias cum uirtute comparare, uix ſatis idoneæ tibi uidebuntur diuitiæ, quæ uirtutis pediſſequæ ſint. Ex eodem genere exornationis, cum idem uerbum modo ponitur in hac, modo in altera re, hoc modo: Cur eam rem tam ſtudioſe curas, quæ multas tibi dabit curas? Item: Amari iucundum eſt, ſi curetur ne quid inſit amari. Item: Veniam ad uos, ſi mihi ſenatus det ueniam. In his quatuor generibus exornationum, quæ adhuc propoſitæ ſunt, non inopia uerborum fit, ut ad idem uerbum redeatur ſæpius: ſed ineſt ſeſhuitas quædam, quæ facilius auribus diiudicari, quàm uerbis demonſtrari poteſt. Contentio eſt, cum ex contrarijs uerbis oratio conficitur, hoc pacto: Habet aſſentatio iucunda principia, eadem exitus amariffimos aſſert. Item: Inimicis te placabilem,

amicis inexorabilem præbes. Item: In otio tumultu-
 ris, in tumultu solus es otiosus. In re frigidissima ca-
 les, in feruentissima friges. Tacito cum opus est, cla-
 mas: cum loqui conuenit, obmutescis. Ades, abesse
 uis: abes, reuerti cupis. In pace bellum queritas, in
 bello pacem desideras. In concione de uirtute loqueris,
 in prælio præ ignauia tubæ sonitum perferre non po-
 tes. Hoc genere si distinguemus orationem, & ornati,
 & graues poterimus esse. Exclamatio est, quæ conficit
 significationem doloris, aut indignationis alicuius, per
 hominis, aut urbis, aut loci, aut rei cuiuspiam com-
 pellationem, hoc modo: Te nunc alloquor Africane,
 cuius mortui quoque nomen splendori ac decori est ciui-
 tati. Tui clarissimi nepotes suo sanguine abluerunt
 inimicorum crudelitatem. Item: O perfidiosa Fregel-
 læ, quàm facile scelere uestro contabuiſtis: ut, cuius
 nitor urbis Italiam nuper illustrauit, eius nunc uix
 fundamentorum reliquæ maneant. Item: Bonorum
 insidiatores latrocinio uitam innocentissimi cuiusque
 petistis: tantam ne ex iniquitate iudiciorum uestris ca-
 lumnijſ assumitis facultatem? Hac exclamatione si lo-
 co utemur, & raro, & cum rei magnitudo postulare
 uidebitur, ad quam uolemus indignationem animum
 auditoris adducemus. Interrogatio non omnis grauis
 est, neque concinna, sed hæc, quæ, cum enumerata
 sunt ea, quæ obsunt causæ aduersariorum, confirmat
 superiorem orationem, hoc pacto: Cum igitur hæc o-
 mnia faceres, diceres, administrares, utrum animos
 sociorum ab rep. remouebas & alienabas, an non? &
 utrum ne aliquem exornari oportuit, qui ista prohibe-

AD HERENNIVM

ret, ac fieri non sineret, an non? Ratiocinatio est, per quam ipsi à nobis rationem poscimus quare quidque dicamus, & crebro nosmet à nobis petimus uniuscuiusque propositionis explanationem. ea est huiusmodi: Maiores nostri si quam unius peccati mulierem damnabant, simplici iudicio multorum maleficiorum convictam putabant. Quo pacto? quoniam, quam impudicam iudicabant, eam ueneficij quoque damnatam existimabant. Quid ita? quia necesse est eam, quæ suum corpus addixerit turpissimæ cupiditati, timere permultos. Quos istos? uirum, parentes, ceteros, ad quos uidet sui dedecoris infamiam pertinere. Quid postea? quos tantopere timeat, eos necesse est ut, quoquo modo possit, ueneficio petat. Cur? quia nulla potest honesta ratio retinere eam, quam magnitudo peccati facit timidam, intemperantia audacem, natura muliebris inconsideratam. Quid ueneficij damnatam? quid? putabant impudicam quoque necessario. Quare? quia nulla facilius ad id maleficium causa, quam turpis amor, & intemperans libido commouere potuit: cum, cuius animus mulieris esset corruptus, eius corpus castum esse non putarint. Quid in uiris? idem ne hoc obseruabant? minime. Quid ita? quia uiros ad unumquodque maleficium singulæ cupiditates impellunt: mulieres ad omnia maleficia cupiditas una ducit. Item: Bene maiores nostri hoc comparauerunt, ut neminem regem, quem armis cepissent, uita priuarent. Quid ita? quia, quam nobis facultatem fortuna dedisset, iniquum erat in eorum supplicio consumere, quos eadem fortuna paulo ante in amplissimo statu col-



locarat. Quid, quòd exercitum contra duxit? desino meminisse. Quid ita? quia uiri fortis est, qui de uictoria contendat, eos hostes putate: qui uicti sunt, eos homines iudicare, ut possit bellum fortitudo minuire, pacem humanitas augere. At ille, si uicisset, num idem fecisset? non profecto tam sapiens fuisset. Quid igitur ei parcis? talem stultitiam contemnere; non imitari consueui. Hæc exornatio ad sermonem uehementer accommodata est, & animum auditoris retinet tum uenustate sermonis, tum rationum expectatione. Sententia est oratio sumpta de uita, quæ, aut quid sit; aut quid esse oporteat in uita, breuiter ostendit, hoc modo. Difficile est primum uirtutem reuereri, qui semper secunda fortuna sit usus. Item: Liber est is existimandus, qui nulli turpitudini seruit. Item; Egens æque est is, qui non satis habet, & is, cui nihil satis potest esse. Item: Optima uiuendi ratio est eligenda; eam iucundam consuetudo reddet. huiusmodi sententiæ simplices non sunt imbrobandæ: propterea quòd habet breuis expositio, si rationis nullius indiget, magnam delectationem. Sed illud quoque probandum est genus sententiæ, quod confirmatur subiectione rationis, hoc modo: Omnes bene uiuendi rationes in uirtute sunt collocandæ: propterea quòd sola uirtus in sua potestate est, omnia præterea subiecta sunt fortune dominationi. Item: Qui fortunis alicuius inducti amicitiam eius secuti sunt, hi, simulac fortuna dilapsa est, deuolant omnes. Cum enim recessit ea res; quæ fuit consuetudinis causa; nihil superest quare possint in amicitia retineri. Sunt item sententiæ, quæ duplices.

AD HERENNIVM

efferuntur, hoc modo sine ratione : Errant, qui in
 prosperis rebus omnes impetus fortunæ se putant fu-
 gisse. Sapienter cogitant, qui temporibus secundis ca-
 sus aduersos reformidant. Cum ratione, hoc pacto :
 Qui adolescentium peccatis ignosci putant oportere,
 falluntur, propterea quod ætas illa non est impedi-
 mento bonis studiis : at hi sapienter faciunt, qui ado-
 lescentes maxime castigant, ut, quibus uirtutibus om-
 nem uitam tueri possint, eas in ætate maturissima ue-
 lint comparare. Sententias interponi raro conuenit ;
 ut rei actores, non uiuendi præceptores esse uideamur.
 cum ita interponentur, multum asserent ornamentum.
 nam necesse est animo eam comprobet tacitus auditor,
 cum ad causam uideat accommodari rem certam ex
 uita, & moribus sumptam. Contrarium idem fere
 est, quod contentio. Contrarium est, quod ex rebus
 diuersis duabus, alteram breuiter et facile confirmat,
 hoc pacto : Nam, qui suis rationibus inimicus fuerit
 semper, eum quo modo alienis rebus amicum fore
 speres? Item : Nam, quem in amicitia perfidiosum co-
 gnoueris, eum quare putes inimicitias cum fide habe-
 re posse? Et qui priuatus intolerabili superbia fuerit,
 eum commodum, & sui cognoscentem uidere in po-
 testate quis speret? Et qui in sermonibus & conuentu
 amicorum uerum dixerit nunquam, eum sibi in con-
 ditionibus credis à mendacio temporaturum? Item :
 Quos ex collibus deiecimus, cum his in campo metui-
 mus dimicare? Qui cum plures erant, paucis nobis
 exequari non poterant; hi postquam pauciores sunt,
 metuimus ne sint superiores? Hoc exornationis genus

breuibus, & continuatis uerbis perfectum esse debet, & cum commodum est auditu propter breuem, & absolutam conclusionem, tum uero uehementer id, quod opus est oratori, comprobare contraria re, & ex eo, quod dubium non est, expedit illud, quod dubium est, ut aut dilui non possit, aut multo difficilime possit. Membrum orationis appellatur res breuiter absoluta sine totius sententiae demonstratione, quæ denuo alio membro orationis excipitur, hoc modo: Et inimico proderas, id est unum, quod appellatur membrum: deinde hoc excipitur oportet ab altero, & amicum ladebas. Ex duobus membris hac exornatio potest constare: sed commodissima, & absolutissima est, quæ ex tribus constat, hoc pacto: Et inimico proderas, & amicum ladebas, & tibi ipsi non consulebas. Item: nec reipublicæ consuluisti, nec amicis profuisti, nec inimicis restitisti. Articulus dicitur, cum singula uerba interuallis distinguuntur cæsa oratione, hoc modo: Acrimonia, uoce, uultu aduersarios perterruiisti. Item: Inimicos inuidia, iniurijs, potentias perfidia sustulisti. Inter huius generis, & illius superioris uehementiam hoc interest, quod illud tardius & rarius uenit, hoc crebrius, & celerius peruenit. itaque in illo genere ex remotione brachij, & contortione dextræ gladius ad corpus afferrī, in hoc autem crebro, & celeri uulnere corpus consauciari uidetur. Continuatio est densa, & continens frequentatio uerborum cum ab solutione sententiarum. ea utemur commodissime tripartito, in sententia, in contrario, in conclusione. In sententia, hoc pacto: Ei non multum potest obesse for-

AD HERENNIVM

tuna, qui sibi firmitus in uirtute, quàm in casu præsidium collocauit. In contrario: hoc modo: Nam si quis spei non multum collocarit in casu, quid est, quod ei magnopere casus obesse possit? In conclusione, hoc pacto: Quod si in eos plurimum fortuna potest, qui suas rationes omnes in casum contulerunt, non sunt omnia committenda fortune, ne magnam nimis in nos habeat dominationem. In his tribus generibus ad continuationis uim adeo frequentatio est necessaria, ut infirma facultas oratoris uideatur, nisi sententiam, & contrarium, & conclusionem frequentibus efferat uerbis. Sed & alias quoque nonnunquam non alienum est, tametsi necesse non est, eloqui res aliquas per huiusmodi continuationes. Compar appellatur, quod habet in se membra orationis, de quibus ante diximus, quæ constant ex pari fere numero syllabarum, hoc non de enumeratione nostra fiet; nam id quidem puerile est, sed tantum affert usus & exercitatio facultatis, ut animi quodam sensu par membrum superiori referre possimus, hoc modo: In praelio mortem pater oppetebat, domi filius nuptiis comparabat: hæc omnia graueis casus administrabant. Item: Illi fortuna felicitatem dedit huic induserit uirtutem comparauit. In hoc genere sæpe fieri potest, ut non plane par sit numerus syllabarum, & tamen esse uideatur, si una aut etiam altera syllaba est alterum breuius: aut si, cum in altero plures sunt, in altero longior aut longiores, plenior aut pleniores syllabæ erunt: ut longitudo aut plenitudo harum multitudinem alterius assequatur, &

exaguer
eadem
uerba, q
modo: B
tem felici
eius a sa
parat diu
men, car
Similiter
in uerbis
prior aut
dise, deli
Eter terra
rum alter
uerfatur
qui his be
iisdem pa
Perditi
re, diligi
ba, quæ
habere,
cum ad
additione
labarum
datur
muation
se magi
quàm
alea sit
dem li

exaquet. Similiter cadens, exornatio dicitur, cum in eadem constructione uerborum duo, aut plura sunt uerba, quæ similiter iisdem casibus efferuntur, hoc modo: Hominem laudas egentem uirtutis, abundantem felicitatis. Item: Cuius omnis in pecunia spes est, eius à sapientia est animus remotus. Diligentia comparat diuitias, negligentia corrumpit animum: Et tamen, cum ita uiuit, neminem præ se ducit hominem. Similiter desinens est, cum, tametsi casus non insunt in uerbis, tamen similes exitus sunt, hoc pacto: Turpiter audes facere, nequiter studes dicere. Viuis inuidiose, delinquis studiose, loqueris odiose. Item: Audacter territas, humiliter placas. Hæc duo genera, quorum alterum in exitus, alterum in casus similitudine uersatur, inter se uehementer conueniunt, Et ea re, qui his bene utuntur, plerunque simul ea collocant in iisdem partibus orationis. Id hoc pacto facere oportet: Perditissima ratio est amorem petere, pudorem fugere, diligere formam, negligere famam. Hic Et ea uerba, quæ casus habet, ad casus similes, Et illa, quæ non habent, ad similes exitus ueniunt. Annominatio est, cum ad idem uerbum acceditur commutatione, uel additione unius literæ, aut literarum, syllabæ, aut syllabarum; aut ad res dissimiles similia uerba accommodantur. ea multis, Et uarijs rationibus cõficitur. Attenuatione, aut complexione eiusdem literæ, sic: Hic, qui se magnifice iactat, atque ostentat, uenit à te ante, quàm Romam uenit. Ex contrario: Hic, quos homines alea uincit, eos ferro statim uincit. Productione eiusdem literæ, hoc modo: Hunc animum dulcedo ducit ad

AD HERENNIVM

auium. Breuitate eiusdem literæ, hoc modo: Hic tametsi uidetur esse honoris cupidus, tamen non tantum curiam diligit, quantum Curiam. Addendis literis, hoc pacto: Hic sibi posset temperare, nisi amor mallet obtemperare. Demendis literis, sic: Si lenones tanquam leones uitasset, uitæ se tradidisset. Transfrendis literis, sic: Videte iudices, utrum homini natio, an uano credere malitis. Item; Nolo esse laudator, ne uidear adulator. Commutandis, hoc modo: Deligere oportet, quem uelis diligere. Hæ sunt annotationes, quæ in literarum commutatione breuitate, aut productione, aut translatione, aut aliquo huiusmodi genere uersantur. Sunt autem aliæ, quæ non habent tam propinquam in uerbis similitudinem, & tamen dissimiles non sunt: quibus de generibus unum est huiusmodi: Quid ueniam, qui sim, quare ueniam, quem insimulem, cui pro sim, quem postulem, breui cognoscetis. Nam hic est in quibusdam uerbis quedam similitudo non tam affectanda, quàm illæ superiores, sed tamen adhibenda nonnunquam. Alterum genus huiusmodi: Demus operam, Quirites, ne omnino P. C. circumscripti putentur. Hæc annotationis accedit magis ad similitudinem, quàm illa superior, sed minus, quàm illa superiores: propterea quòd non solum additæ, sed uno tempore, demptæ quoque literæ sunt. Tertium genus est, quod uersatur in casuum commutatione, aut unius aut plurium nominum: unius nominis, hoc modo: Alexander Macedo summo labore animum ad uirtutes à pueritia confirmauit. Alexandri uirtutes per orbem terræ cum

laude,
maximè
Alexand
Macedo
nominis
ta nom
nominat
tem, in
rari. C.
nominis
Saurin
bus uir
pariter
paulo
modo uir
ria gene
in simile
bus uerbi
petraro
petera qu
boratione
studia de
tur accom
seueritas
quener
cedendi, se
dior: p
non dig
pla &
conciat

laude, & gloria uulgata sunt. Alexandrum omnes maxime metuerunt, item plurimum dilexerunt. Alexandro si uita data longior esset, trans Oceanum Macedonum gloria transuolasset. Varie hic unum nomen in commutatione casuum uolutatum est. Plura nomina, casibus commutatis, hoc modo facient annominationem: Ti. Gracchum, remp. administrantem, indigna prohibuit nex diutius in ea commorari. C. Graccho similiter occasio oblata est, quæ reip. uirum amantissimum subito de sinu ciuitatis eripuit, Saturninum, fide captum, malorum perfidia per seculus uita priuauit. Tuus, ò Druse, sanguis domesticos parietes, & uultum parentis aspersit. Sulpitio, cui paulo ante omnia concedebant, cum breui spatio non modo uiuere, sed etiam sepeliri prohibuerunt. Hæc tria genera proxima exornationum, quorum unum in similiter cadentibus, alterum in similiter desinentibus uerbis, tertium in annominationibus positum est, perraro sumenda sunt, cum in ueritate dicemus: propterea quòd non hæc uidentur reperiri posse sine elaboratione & consumptione operæ. Huiusmodi autem studia ad delectationem, quàm ad ueritatem uidentur accommodatiora. Quare fides, & grauitas, & seueritas oratoria minuitur his exornationibus frequenter collocatis: & non modo tollitur auctoritas dicendi, sed offenditur quoque in eiusmodi oratione auditor: propterea quòd est in his lepos, & festiuitas, non dignitas, neque pulchritudo. quare quæ sunt ampla & pulchra; diu placere possunt: quæ lepida & concinna: cito satietate afficiunt aurium sensum fa-

AD HERENNIVM

stidiosissimum. Quo modo igitur, si crebro his generibus utemur, puerili uidebimur elocutione delectari: ita, si raro has interferemus exornationes, Et in causa tota uarie dispergemus, commode luminibus distinctis illustrabimus orationem. Subiectio est, cum interrogamus aduersarios, aut quærimus ipsi quid ab illis, aut quid contra nos dici possit: deinde subijcimus id, quod dici oportet, aut quod non oportet, aut nobis adiumento futurum sit, aut offuturum illis è contrario, hoc modo: Quæro igitur unde iste tam pecuniosus sit factus. Amplum patrimonium relictum est? at patris bona uenierunt. Hereditas aliqua obuenit? non potest dici: sed etiam à necessarijs omnibus exheredatus est. Præmium aliquod ex lite aut iudicio cepit? non modo id non fecit, sed etiam insuper ipse grandi sponsione uictus est. Ergo, si his rationibus, locupletatus non est, sicut omnes uidetis, aut isti domi nascitur aurum, aut unde licitum non est pecunias accepit. Item: Sæpe iudices animaduerti, multos aliqua ex honesta re: quam ne inimici quidem criminari possint, sibi præsidium petere, quorum nihil potest aduersarius facere. Nam utrum ad patris eius uirtutem confugiet? at eum uos iurati capite damnastis. An ad suam reuertetur antiquam uitam alicubi honeste tractatam? non, nam hic quidem ante oculos uestros quo modo uixerit, scitis omnes. An cognatos suos enumerabit, quibus uos conueniat commoueri? at hi quidem nulli sunt. Amicos proferet? at nemo est, qui sibi non putet turpe, istius amicum nominari. Item: Credo inimicum, quem nocetem putabas: in iudicium

adduxi
que id
quidem
monefa
studios
uoluntate
trem cr
tam in
ne; prop
subijctum
ut augen
ad nos
nem: sic
tota Gall
rem? at
quoque in
et neque
neque era
rem? at
at ea uide
sem, inco
Hofium
est nullum
sequen
di uideat
ciandum
sequens
sensum
liberatus
possunt

adduxisti? non: nam indemnatum necasti. Leges, quæ id facere prohibent, ueritus es? at ne scriptas quidem iudicasti. Cum ipse te ueteris amicitiaë com-monefaceret, commotus es? at nihilo minus, sed etiam studiosius occidisti. Quid? cum tibi pueri ad pedes uolutarentur, misericordia motus es? at eorum pa-trem crudelissime sepultura quoque prohibuisti. Mul-tum inest acrimoniæ, & grauitatis in hac exornatio-ne; propterea quod, cum quæsitum est quid oporteat, subiicitur id non esse factum. quare facillime fit, ut augeatur indignitas negotij. Ex eodem genere, ut ad nostram quoque personam referamus subiectio-nem: sic: Nam quid me facere conueniret, cum à tota Gallorum multitudine circumsederer? an dimica-rem? at cum parua manu tum prodiremus, locum quoque inimicissimum habebamus. Sederem in castris? at neque subsidium, quod expectarem, habebamus, neque erat quod uitam produceremus. Castra relinque-rem? at obsidebanur. Vitam militum negligerem? at ea uidebar eos accepisse conditione, ut, quoad pos-sem, incolumes patriæ & parentibus conseruarem. Hostium conditionem repudiarem? at salus antiquior est militum, quàm impedimentorum. Huiusmodi con-sequuntur identidem subiectiones, ut ex omnibus osten-di uideatur, nihil potius, quàm quod factum sit, fa-ciundum fuisse. Gradatio est, in qua non ante ad con-sequens uerbum descenditur, quàm ad superius con-scensum est, hoc modo: Nam quæ reliqua spes manet libertatis, si illis &, quod libet, licet &, quod licet, possunt: &, quod possunt, audent: &, quod audent,

AD HERENNIVM

faciunt : Et quod faciunt , uobis molestum non est ?
 Item : Non sensi hoc , Et non suasi : neque suasi , Et
 non ipse statim facere cœpi : neque facere cœpi , Et
 non perfeci : neque perfeci , Et non probaui . Item :
 Africano industria uirtutem , uirtus gloriam , gloria
 annulos comparauit . Item : Imperium Graciæ fuit pe-
 nes Athenienses , Atheniensium potiti sunt Spartiatae ,
 Spartiatas superauere Thebani , Thebanos Macedones
 uicerunt , qui ad imperium Graciæ breui tempore ad-
 iunxerunt Asiam bello subactam . Habet in se quen-
 dam leporem superioris cuiusque crebra repetitio uerbi ,
 quæ propria est huius exornationis . Definitio est , quæ
 rei aliquius proprias amplectitur potestates breuiter , Et
 absolute , hoc modo : Maiestas reip. est , in qua conti-
 netur dignitas Et amplitudo ciuitatis . Item : Iniuriæ
 sunt , quæ aut pulsatione corpus , aut conuitio aures ,
 aut aliqua turpitudine uitam cuiuspiam uiolant . Item :
 Non est ista diligentia , sed auaritia : ideo quod diligen-
 tia est accurata conseruatio suorum , auaritia iniuriosa
 appetitio alienorum . Item : Non est ista fortitudo , sed
 temeritas : propterea quod fortitudo est contemptio la-
 boris , Et periculi cum ratione utilitatis , Et compensatio
 ne commodorum : temeritas est cum inconsiderata labo-
 rum perpeffione gladiatoria periculorum susceptio . Hæc
 igitur commoda putatur exornatio , quod omnem rei
 cuiuspiam uim Et potestatem ita dilucide proponit , Et
 breuiter explicat , ut neque pluribus uerbis oportuisse
 dici uideatur , neque lucidius potuisse dici putetur .
 Transito uocatur , quæ , cum ostendit breuiter quod di-
 ctum sit , proponit item breui quod consequatur , hoc

modo : I
 parentes
 istum ben
 gratiam
 exornatio
 nes , Et
 est , quæ
 magis id
 iste suos ha
 cile possit
 adeo uicti
 quæ uicti
 O uirtut
 quæ , atq
 animus ad
 tammodo
 Etionem m
 satis esse
 scribis , a
 re ? est , e
 erit demo
 communi
 cum ad le
 Quod si
 uerbi gra
 dicimus
 id , quod
 pueritia
 addixi
 nunc co

modo: In patriam cuiusmodi fuerit, habetis: nunc, in
 parentes qualis extiterit, considerate. Item: Mea in
 istum beneficia cognoscitis: nunc, quo modo iste mihi
 gratiam retulerit, accipite. Proficit hæc aliquantum
 exornatio ad duas res: nam & quid dixerit, commo-
 net, & ad reliquum comparat auditorem. Correctio
 est, quæ tollit id, quod dictum est, & pro eo id, quod
 magis idoneum uidetur, reponit, hoc pacto: Quod si
 iste suos hospites rogasset, immo innuisset modo, hoc fa-
 cile posset. Item: Nam postquam isti uicerunt, atque
 adeo uicti sunt, eam quo modo uictoriam appellem,
 quæ uictoribus plus calamitatis, quam boni dederit?
 O uirtutis comes inuidia, quæ bonos insequeris plerun-
 que, atque adeo insectaris. Commouetur hoc genere
 animus auditoris. res enim communi uerbo elata, tan-
 tummodo dicta uideatur: ea post ipsius oratoris corre-
 ctionem magis idonea fit pronuntiatione. Non igitur
 satius esset, dicet aliquis, ab initio, præsertim cum
 scribas, ad optimum & lectissimum uerbum deueni-
 re? est, cum non est satius, si commutatio uerbi id
 erit demonstratura, eiusmodi rem esse, ut, cum eam
 communi uerbo appellaris, leuius dixisse uidearis;
 cum ad lectius uerbum accedas, insigniorem facias.
 Quod si continuo uenisses ad id uerbum, nec rei, nec
 uerbi gratia animaduersa esset. Occupatio est, cum
 dicimus nos præterire, aut non scire, aut nolle dicere
 id, quod tunc maxime dicimus, hoc modo: Nam de
 pueritia quidem tua, quam tu omni intemperantia
 addixisti, dicerem, si hoc tempus idoneum putarem:
 nunc consulto relinquo. Et illud prætereo, quod rei

AD HERENNIVM

militari te infrequentem tradidisti. Deinde, quod iniuriarum satisfacisti L. Labeoni, nihil ad rem pertinere puto. Horum nihil dico: reuertor ad illud, de quo iudicium est. Item: Non dico te ab socijs pecunias accepisse: non sum in eo occupatus, quod ciuitates, regna, domos omnium depeculatus es: furta, rapinas omnes tuas omitto. Hæc utilis est exornatio, si aut rem, quam non pertineat alijs ostendere, occulte admonuisse prodest; aut si longum est, aut ignobile, aut planum, aut non potest fieri, aut facile potest reprehendi; ut utilius sit occulte fecisse suspicionem, quam huiusmodi intēdisse orationem, quæ redarguitur. Disiunctio est, cum eorum, de quibus dicimus, aut utrumque, aut unumquodque certo concluditur uerbo, sic: Populus R. Numantiam deleuit, Carthaginem sustulit, Corinthum disiecit, Fregellas euertit. Nihil Numantinis uires corporis auxiliatae sunt, nihil Carthaginensibus scientia rei militaris adiumento fuit, nihil Corinthijs erudita calliditas praesidij tulit, nihil Fregellanis morum, et sermonis societas opitulata est. Item: Formæ dignitas, aut morbo deflorescit, aut uetustate extinguatur. Hic utrumque, & in superiore exemplo unaquaque rem certo uerbo concludi uidemus. Coniunctio est, cum interpositione uerbi, & superiores orationis partes comprehenduntur, & inferiores, hoc modo: Formæ dignitas aut morbo deflorescit, aut uetustate. Adiunctio est, cum uerbum, quo res comprehenditur, non interponimus, sed aut primum, aut postremum collocamus: primum, hoc pacto: Deflorescit formæ dignitas aut morbo, aut uetustate: postremum

postremum sic: Aut morbo, aut uetustate formæ dignitas deflorescit. Ad festiuitatem disiunctio est appositā. quare rarius utemur ea, ne satietatem pariat. Ad breuitatem coniunctio. quare sapius adhibenda est. Hæ tres exornationes de simplici genere manant. Conduplicatio est, cum ratione amplificationis, aut commiserationis, eiusdem unius, aut plurium uerborum iteratio, hoc modo: Tumultus C. Gracchi tumultus domesticos & intestinos comparat. Item: Commotus non es, cum tibi mater pedes amplexaretur, non es commotus. Item: Nunc etiam audes in horum conspectum uenire proditor patriæ, proditor inquam patriæ uenire audes in horum conspectum? uehementer auditorem commouet eiusdem redintegratio uerbi, & uulnus maius efficit in contrario causæ, quasi aliquod telum sapius perueniat in eandem partem corporis. Interpretatio est, quæ non iterans idem redintegrat uerbum, sed id commutat, quod positum est, alio uerbo, quod idem ualeat, hoc modo: Remp. radicitus eueristi, ciuitatem funditus deiecisti. Item: Patrem nefarie uerberasti, parenti manus scelerate intulisti. Necesse est eius, qui audit, animum commoueri, cum grauitas prioris dicti renouatur interpretatione uerborum. Commutatio est, cum duæ sententiæ inter se discrepantes ex transiectione ita efferuntur, ut à priore posterior contraria priori proficiatur, hoc modo: Esse oportet ut uiuas, non uiuere, ut edas. Item: Ea re poemata non facio, quia, cuiusmodi uolo, non possum; cuiusmodi possum, nolo. Item: Quæ de illo dicuntur, dici non possunt: quæ dici pos-

H

AD HERENNIVM

sunt, non dicuntur. Item: Si poema, loquens pictura est: pictura, tacitum poema debet esse. Item: Quia stultus es, ea re taces: non tamen, quia taces, ea re stultus es. Non potest dici quin commode fiat, cum contrariae sententiae translatione uerba quoque conuertantur. Plura subiecimus exempla, ut, quoniam difficile est hoc genus exornationis inuentu, dilucidum esset, ut, cum bene esset intellectum, facilius in dicendo inueniretur. Permissio est, cum ostendimus in dicendo nos aliquam rem totam tradere & concedere alicuius uoluntati, sic: Quoniam, omnibus rebus ereptis, solum mihi superest animus, & corpus, haec ipsa, quae mihi de multis sola relictæ sunt, uobis & uestræ condono potestati. uos me, quo pacto uobis uidetur, utamini, atque abutamini licebit impune: in me, quidquid libet, statuite: dicite, atque obtemperabo. Hoc genus tametsi alias quoque nonnunquam tractandum est, tamen ad misericordiam commouendum uehementissime est accommodatum. Dubitatio est, cum querere uidetur orator, utrum de duobus potius, aut quid de pluribus potissimum dicat, hoc modo: Obfuit eo tempore plurimum reip. Consulum, siue stultitiam, siue malitiam dicere oportet, siue utranque. Item: Tu istud ausus es dicere homo omnium mortalium? quero quonam te digno moribus tuis appellem nomine. Expeditio est, cum, rationibus compluribus enumeratis, quibus aliqua res aut fieri, aut non fieri potuerit, ceteræ tolluntur, una relinquitur, quam nos intendimus, hoc modo: Necessè est, cum constet istum nostrum fundum fuis-

se, ostend
fuisse, ad
cum, et
uñ fuisse
fertur: ha
non potuit
dicere
rales argu
risque, ut
ere id non
dabit fieri
bus uerbor
fertur, ha
tis, obsequ
fende in in
fare, da fer
re. Hoc ge
lementiss
Præfatio est
ceptum est
sic: Mihi
pulus R. n
dear: et
Item: Tu
domui? no
me indign
tacta su
clusio est
dicta su
consequa

se, ostendas te aut uacuum possedisse, aut usu tuum fecisse, aut emisse, aut hereditate tibi uenisse. Vacuum, cum ego adessem, possidere non potuisti: tuum usu fecisse etiam num non potes: emptio nulla profertur: hereditate tibi me uiuo mea pecunia uenire non potuit. relinquatur ergo, ut me ui de meo fundo deieceris. Hac exornatio plurimum iuuabit coniecturales argumentationes, sed non erit tanquam in plerisque, ut, cum uelimus, ea possemus uti. nam facere id non poterimus, nisi nobis ipsa negotij natura dabit facultatem. Dissolutio est, quæ, coniunctionibus uerborum, è medio sublatis, partibus separatis effertur, hoc modo: Cere morem parenti, pare cognatis, obsequere amicis, obtempera legibus. Item: Descende in integram defensionem, noli quidquam recusare, da seruos in quæstionem, stude uerum inuenire. Hoc genus & acrimoniam habet in se, & uehementissimum est, & ad breuitatem accommodatum. Precisio est, cum, dictis quibusdam, reliquum, quod cœptum est dici, relinquatur in audientium iudicio, sic: Mihi tecum par certatio non est: ideo quod populus R. me: nolo dicere; ne cui forte arrogans uidear: te autem sæpe ignominia dignum putauit. Item: Tu ista nunc audes dicere, qui nuper alienæ domui? non ausint dicere, ne, cum te digna dixero, me indignum quidpiam dixisse uidear. Hic atrocior tacita suspicio, quàm disertæ explanatio facta est. Conclusio est, quæ breui argumentatione ex ijs, quæ ante dicta sunt, aut facta, conficit id, quod necessario consequatur, hoc modo: Quod si Danaïs datum eras

AD HERENNIVM

oraculum non posse capi Troiam sine Philocteta sagittis: hæ autem nihil aliud fecerunt, nisi Alexandrum perculerunt: hunc extinguere, id nimirum capi fuit Troiam.

REstant etiam decem exornationes uerborum: quas idcirco non uage disperimus, sed à superioribus separauimus, quòd omnes in uno genere positæ sunt. nam earum omnium hoc proprium est, ut ab usitata uerborum potestate recedatur, atque in aliam rationem cum quadam uenustate oratio conferatur. De quibus exornationibus Nominatio est prima: quæ nos admonet, ut, cui rei nomen aut non sit, aut satis idoneum non sit, eam nosmet idoneo uerbo nominemus, aut imitationis, aut significationis causa. Imitationis hoc modo, ut maiores rudere, & uagire, & mugire, & murmurare, & sibillare appellauerunt. Significandæ rei causa, sic: Postquam iste in remp. fecit impetum, fragor ciuitatis in primis est auditus. Hoc genere raro utendum est, ne noui uerbi assiduitas odium pariat: sed si commode quis eo utatur & raro, non modo non offendet nouitate, sed exornabit etiam orationem. Pronominatio est, quæ sicuti cognomine quodam extraneo demonstrat id, quod suo nomine appellari non potest, ut si quis, cum loquatur de Gracchis, At non Africani nepotes, inquit, istiusmodi fuerunt. Item: si quis de aduersario dicat: Videte nunc, inquit, iudices, quemadmodum me Plagiosippus iste tractarit. Hoc pacto non inornate poterimus & in laudando, & in lædendo aut in corpore, aut in animo, aut in extraneis rebus di-

cere, sicut
mus. Den
rebus erat
non suo
conficiat,
solim non
bero uinum
strumaco d
hoc modo:
Aut idem
Italia mare
si, ab eo, q
re aliquid q
cere necess
fi, ut cum
so facit: &
eo, quod con
nominabitur
cia discipula
tinent, nota
quod contin
etur nomin
omnium det
so, quam
quod plect
oratorum,
di denomi
cem assupe
Scipionis p
nifi ornati

cere, sicuti cognomen quod pro certo nomine colloca-
mus. Denominatio est, quæ à propinquis & finitimis
rebus trahit orationem, quæ possit intelligi res, quæ
non suo uocabulo sit appellata. id aut ab inuentore
conficitur, ut si quis de Tarpeio loquens, eum Capi-
tolinum nominet: Aut ab inuento, ut si quis pro Li-
bero uinum, pro Cerere frugem appellet: Aut ab in-
strumento dominum, ut si quis Macedonas appellarit
hoc modo: Non tam cito sarissæ Græcia potitæ sunt.
Aut idem Gallos significans dicat: Nec tam facile ex
Italia materis transalpina depulsa est. Aut id, quod
fit, ab eo, qui facit, ut si quis, cum bello uelit ostende-
re aliquid quempiam fecisse, dicat: Mars istud te fa-
cere necessario coegit. Aut si quod facit, ab eo, quod
fit, ut cum desidiosam artem dicemus, quia desidio-
sos facit: & frigus pigrum, quia pigros facit. Ab
eo, quod continet, id, quod continetur, hoc modo de-
nominabitur: Armis Italia non potest uinci, nec Græ-
cia disciplinis: nam hic pro Græcis & Italis, quæ con-
tinent, notata sunt. Ab eo, quod continetur, id,
quod continet, ut si quis aurum, uel argentum, aut
ebur nominet, cum diuitias uelit nominare. Harum
omnium denominationum magis in præcipiendo diui-
sio, quàm in quærendo difficilis inuentio est: ideo
quod plena consuetudo est non modo poetarum, &
oratorum, sed etiam quotidiani sermonis, huiusmo-
di denominationum. Circuitio est oratio rem simpli-
cem assuptam circumscribens elocutione, hoc pacto;
Scipionis prouidentia Carthaginis opes fregit. Nam hic,
nisi ornandi ratio quædam esset habita, Scipio potuit

AD HERENNIVM

& Charrhago simpliciter appellari. Transgressio est,
 quæ uerborum perturbat ordinem peruersione, aut
 transiectione. Peruersione sic: Hoc uobis deos immor-
 tales arbitror dedisse uirtute pro uestra. Transiectione
 hoc modo: Instabilis in istum plurimum fortuna
 ualuit. Item: Omnes inuidiose eripuit tibi bene ui-
 uendi casus facultates. Huiusmodi transiectione, quæ
 rem non reddit obscuram, multum proderit ad conti-
 nuationes, de quibus ante dictum est: in quibus oportet
 uerba sicuti ad poeticum quendam extruere nume-
 rum, ut perfecte & perpolitissime possint esse abso-
 lutæ. Superlatio est oratio superans ueritatem, alicuius
 augendi, minuendi ue causa. Hæc sumitur separa-
 tim, aut cum comparatione. Separatim sic: Quod
 si concordiam retinebimus in ciuitate, imperij magni-
 tudinem solis ortu, atque occasu metiemur. Cum com-
 paratione, aut à similitudine, aut à præstantia su-
 perlatio sumitur. À similitudine sic: Corpore niueum
 candorem, aspectu igneum ardorem assequebatur.
 À præstantia hoc modo: Cuius ore sermo melle dul-
 cior profluebat. Eodem genere hoc est: Tantus erat
 in armis splendor, ut solis fulgor obscurior uideretur.
 Intellectio est, cum res tota parua de parte co-
 gnoscitur, aut, de toto pars. De parte totum sic in-
 telligitur: Non illæ te nuptiales tibiæ eius matrimonij
 commonebant? Nam hic omnis sanctimonia nuptia-
 rum uno signo tibiæ intelligitur. De toto pars, ut
 si quis ei, qui uestitum, aut ornatum sumptuosum
 ostendet, dicat, Ostentas mihi diuitias, & locupletes
 copias iactas. Ab uno plura intelliguntur, hoc mo-

do : Pœno fuit Hispanus auxilio , fuit immanis ille
 transalpinus , in Italia quoque idem non nemo toga-
 tus sensit. A pluribus unum sic intelligitur. Atrox
 calamitas pectora mœrore pulsabat : itaque anhelans
 ex imis pulmonibus præ cura spiritus ducebatur . Nam
 in superioribus plures Hispani , & Galli , & togati ,
 & hic unum pectus , & unus pulmo intelligitur : &
 erit illic diminutus numerus festiuitatis , hic adau-
 ctus grauitatis gratia . Abusio est , quæ uerbo simi-
 li & propinquo pro certo , & proprio abutitur , hoc
 modo : Vires hominis breues sunt , aut parua statu-
 ra , aut longum in homine consilium , aut oratio ma-
 gna , aut uti pauco sermone . Nam hic facile est in-
 tellectu , finitima uerba rerum dissimilium , ratione
 abusionis esse traducta . Translatio est , cum uerbum
 in quandam rem transfertur ex alia re , quod pro-
 pter similitudinem recte uidetur posse transferri . ea
 utimur rei ante oculos ponendæ causa , sic : Hic
 Italiam tumultus expergefecit terrore subito . Bre-
 uitatis causa , sic : Recens aduentus exercitus subi-
 to ciuitatem extinxit . Obscœnitatis uitandæ cau-
 sa , sic : Cuius mater quotidianis nuptiis delecta-
 tur . Augendi causa , sic : Nullius mœror , & ca-
 lamitas istius explere inimicitias , & nefariam sa-
 turare crudelitatem potuit . Minuendi causa , sic :
 Magno se prædicat auxilio fuisse , quia paulu-
 lum in rebus difficilimis aspirauit . Ornandi cau-
 sa , sic : Aliquando reip. rationes , quæ malitia no-
 centum exaruerunt , uirtute optimatum reuire-
 scunt . Translationem dicunt prudentem esse oportere ,

AD HERENNIVM

ut cum ratione in consimilem rem transeat, ne sine
delectu temere & cupide uideatur in dissimilem trans-
currisse. Permutatio est oratio aliud uerbis, aliud sen-
tentia demonstrans. Ea diuiditur in treis parteis, simi-
litudinem, argumentum, contrarium. Per similitu-
dinem sumitur, cum translationes una, aut plures fre-
quenter ponuntur à simplici ratione ductæ, sic: Nam
cum canes fungantur officijs luporum, cuiam præ-
sidio pecuaria credemus? Per argumentum tracta-
tur, cum à persona, aut à loco, aut à re aliqua simi-
litudinis augendi aut minuendi causa ducitur: ut si
quis Drusum, Gracchum, Numitorem obsoletum di-
cat. Ex contrario ducitur sic, ut si quis hominem pro-
digum, & luxuriosum illudens, parcum, & diligen-
tem appellet. Et in hoc postremo, quod ex contrario
sumitur, & illo primo, quod à similitudine ducitur,
per translationem argumento poterimus uti. Per simi-
litudinem, sic: Quid ait hic Rex atque Agamemnon
noster, siue, ut crudelitas est, potius Atreus? Ex
contrario, si quem impium, qui patrem uerberaue-
rit, Aeneam uocemus: intemperantem, & adulte-
rum, Hippolytum nominemus. Hæc sunt fere, quæ
dicenda uidebantur de uerborum exornationibus.
Nunc res ipsa monet, ut deinceps ad sententiarum
exornationes transeamus.

DISTRIBUTIO est, cum in plures res aut
personas certas negotia quædam dispartuntur, hoc
modo: Qui uestrum iudices nomen senatus diligit,
hunc oderit necesse est: petulantissime enim semper
iste oppugnavit senatum. Qui equestrem locum splen-

didissim
ximas p
dini hom
rentes b
nes imp
exempl
huiusmod
consilio
opera &
puli effi
xime suis
officium
propellat
re. Quo
suo contr
quod scia
ra prosequ
nū comm
bis, reo d
natio con
suum cui
dit plures
rent, aut
nostro di
hi dilige
se uideat
do omni
sem uel
sem p
nate ista

didissimum cupit esse in ciuitate, is oportet istum maximas pœnas dedisse uelit, ne iste sua turpitudine ordini honestissimo maculæ atque dedecori sit. Qui parentes habetis, ostendite istius supplicio uobis homines impios non placere. Quibus liberi sunt, statuite exemplum, quantæ pœnæ in ciuitate sint hominibus huiusmodi comparatæ. Item: Senatus officium est, consilio ciuitatem iuuare. Magistratus officium est, opera & diligentia consequi senatus uoluntatem. Populi officium est, res optimas & homines idoneos maxime suis sententijs eligere, & probare. Accusatoris officium est, inferre crimina: Defensoris, diluere & propulsare. Testis est, dicere quæ scierit, aut audierit. Quæstoris est, unumquemque horum in officio suo continere. Quare L. Cassi, si testem, præterquam quod sciat, aut audierit, argumentari, & coniectura prosequi patieris, ius accusatoris cum iure testimonij commiscebis, testis improbi cupiditatem confirmabis, reo duplicem defensionem parabis. Est hæc exortatio copiosa. comprehendit enim breui multa, & suum cuique tribuens, officium separat, & res diuidit plures. Licentia est, cum apud eos, quos aut uereri, aut metuere debemus, tamen aliquid pro iure nostro dicimus: quod eos minime offendat, aut quos hi diligunt, cum in aliquo errato uere reprehendi posse uideantur, hoc modo: Miramini Quirites, quod ab omnibus uestre rationes deferantur, quod causam uestram nemo suscipiat, quod se nemo uestri defensor profiteatur: id tribuite uestre culpæ, atque desinite istud mirari. quid enim est, quare non omnes

AD HERENNIVM

istam rem fugere ac vitare debeant? Recordamini quos habueritis defensores, studia eorum uobis ante oculos proponite: deinde exitus omnium considerate: tum uobis ueniet in mentem, ut uere dicam, negligentia uestra, siue ignauia potius, illos omnes ante oculos uestros trucidatos esse, inimicos eorum uestris suffragiis in amplissimum locum peruenisse. Item: Nam quid fuit, iudices, quare in sententiis ferendis dubitaueritis, aut istum hominem nefarium ampliaueritis? non apertissima res erant crimini datae? non omnes haec testibus comprobatae? non contra tenuiter, & nugatorie responsum? Hic uos ueriti estis, si primo cœtu condemnassetis, ne crudeles existimaremini. Dum eam uitastis uituperationem, quae longe à uobis erat absutura; eam inuenistis, ut timidi, atque ignaui putaremini. Maximas & priuatas, & publicas calamitates accepistis: cum etiam maiores impendere uideantur, sedetis, & oscitamini. Luce noctem, nocte lucem expectatis. Aliquid quotidie acerbi atque incommodi nuntiatur, & eum, cuius opera uobis haec accidunt, remorari diutius & alitis, ac reip. perniciem retinetis quo ad potestis in ciuitate. Eiusmodi licentia si nimium uidebitur acrimoniae habere, multis mitigationibus lenietur: nam continuo aliquid huiusmodi licebit inferre: Hic ego uirtutem uestram quaero, sapientiam desidero, ueterem consuetudinem requiro, ut, quod erit commotum licentia, id laude mitigetur, ut altera res ab iracundia, & molestia remoueat, altera res ab errore deterreat. Haec res, sicut in amicitia, ita in dicendo, si loco sit, maxime facit, ut & illi, qui audient, à

culpa absint, et nos, qui dicimus, amici eorum, & ueritatis esse uideamur. Est autem quoddam genus licentiae in dicendo, quod astutiore ratione comparatur: cum aut ita obiurgamus eos, qui audiunt, quo modo ipsi se cupiunt obiurgari: aut id, quod scimus facile omnes audituros, dicimus nos timere quo modo accipiant; sed tamen ueritate commoueri, ut nihilo secius dicamus.

Horum amborum generum exempla subiiciemus.

Prioris, huiusmodi: Nimum, Quirites, animis estis simplicibus & mansuetis, nimium creditis unicuique: exstimatis unumquemque eniti, ut perficiat quae uobis pollicitus sit: erratis, & frustra falsa spe iam diu detinemini: stultitia uestra est, quia, quod erat in uestra potestate, ab alijs petere, quam ipsi sumere maluistis. Posterioris licentiae hoc erit exemplum: Mihi cum isto, iudices, fuit amicitia, sed ista tamen amicitia, tametsi uereor quo modo accepturi sitis, uos me priuastis. quid ita? quia, ut uobis essem probatus, eum, qui uos oppugnabat, inimicum, quam amicum habere malui. Ergo haec exornatio, cui licentiae nomen est, sicuti demonstrauimus, duplici ratione tractabitur: acrimonia, quae si nimium fuerit aspera, mitigabitur laude: & assimulatione, de qua superius diximus: quae non indiget mitigationis: propterea quod imitatur licentiam, & sua sponte ad animum auditoris se accommodat. Diminutio est, cum aliquid esse in nobis: aut in ijs, quos defendimus, aut natura, aut fortuna, aut industria dicimus egregium: quod, ne qua significetur arrogans ostentatio, diminuitur, & attenuatur oratione, hoc modo: Nam hoc pro meo

AD HERENNIVM

iure iudices dico, me labore, & industria curasse, ut disciplinam militarem non in postremis tenerem. Hic si quis dixisset, ut optime tenerem, tamen si uere dixisset, tamen arrogans uisus esset: nunc & ad inuidiam uitandam, & ad laudem comparandam satis dictum est. Item: Verum igitur auaritiæ causa, an egestatis accessit ad maleficiū? Auaritiæ? at larghiſſimus fuit in amicos; quod signum liberalitatis est, quæ contraria auaritiæ est. Egestatis? at huic quidem pater, nolo nimium dicere, non tenuiſſimum patrimonium reliquit. Hic quoque uitatum est, ne magnum, aut maximum diceretur. Hoc igitur in nostris, aut eorum, quos defendemus, egregijs commodis proferendis obseruabimus. nam eiusmodi res & inuidiam contrahunt in uita, & odium in oratione, si inconsiderate tractes. Quare, quemadmodum ratione in uiuendo fugitur inuidia, sic in dicendo consilio uitatur odium. Descriptio nominatur, quæ rerum consequentium continet perspicuam & dilucidam cum grauitate expositionem, hoc modo: Quod si istum iudices uestris sententijs liberaueritis: statim, sicut è cauea leo missus, aut aliqua teterrima bellua soluta ex cathenis, uolitat, & uagabitur in foro, acuens dentes multos in cuiusque fortunas, in omnes amicos, atque inimicos, notos, atque ignotos incursans, aliorum famam depeculans, aliorum caput oppugnans, aliorum domum ac omnem familiam perfringens, rempublicam funditus labefactans. Quare iudices eijcite eum de ciuitate, liberate omnes formidine, uobisq; ipsis consulite. nam si istum impunitum dimiseritis; in uosmet ipsos, mihi credite.

feram,
Item:
ritis; u
natu par
leſentia
bebit: fil
deſpectu
huius in
ſanguine
ſultu buri
bis inueh
Quintus
arma qu
dantur: c
rem ferre
uita priu
domus ho
luntis ra
ſtrahunt
piuntur
des conſi
rem con
nem cal
tio, uel m
quentes
primi
d re, u
Cur eg
non me
Quid

feram, & truculentam bestiam iudices immiseritis. Item: Nam si de hoc iudices grauem sententiam tuleritis; uno iudicio simul multos iugulaueritis. grandis natu parens, cuius spes senectutis omnis in huius adolescentia posita est, quare uelit in uita manere non habebit: filij parui priuati patris auxilio, ludibrio, & despectui paternis inimicis erunt oppositi: tota domus huius indigna concidet calamitate: at inimici statim sanguinolenta palma, crudelissima uictoria potiti insultabunt, in horum miseriis superbi re simul, & uerbis inuehantur. Item: Nam neminem uestrum fugit, Quirites, capta urbe quæ miseriæ consequi soleant: arma qui contra tulerint, statim crudelissime eruciantur: ceteri, qui possunt per ætatem & uires laborem ferre, rapiuntur in seruitutem: qui non possunt, uita priuantur: uno denique, atque eodem tempore domus hostili flagrat incendio, & quos natura aut uoluntas necessitudine aut beneuolentia coniunxerit, distrahuntur: liberi partim è gremijs parentum diripiuntur, partim in sinu iugulantur, partim ante pedes constuprantur. nemo iudices est, qui possit satis rem consequi uerbis, nec referre oratione magnitudinem calamitatis. Hoc genere exornationis uel indignatio, uel misericordia potest commoueri, cum res consequentes comprehensa uniuersa perspicua breuiter exprimuntur oratione. Diuisio est, quæ rem semouens à re, utranque absoluit ratione subiecta, hoc modo: Cur ego nunc tibi quidquam obijciam? si probus es, non meruisti: sin improbus, non commoueris. Item: Quid nunc ego de meis proprijs meritis prædicem? si

AD HERENNIVM

meministis, obtundam : sin obliti estis, cum re nihil egerim, quid est, quod uerbis proficere possim? Item : Duæ res sunt, quæ possunt homines ad turpe compendium commouere, inopia, atque auaritia : te auarum in fraterna diuisione cognouimus, inopem atque egentem nunc uidemus : qui potes igitur ostendere causam maleficij non fuisse? Inter hanc diuisionem, & illam, quæ de partibus orationis tertia est, de qua in libro primo diximus secundum narrationem, hoc interest : Illa diuidit per enumerationem, aut per expositionem, quibus de rebus in tota oratione disputatio futura sit : hæc se statim explicat, & breui duabus, aut pluribus partibus subiiciens rationes, exornat orationem. Frequentatio est, cum res in tota causa discessæ coguntur in unum, quo grauior, aut acrior, aut criminiosior oratio sit, hoc pacto : A quo tandem abest iste uitio? quid est iudices, cur uelitis eum liberare? Suae pudicitiae proditor est, insidiator alienæ, cupidus, intemperans, petulans, superbus, impius in parentes, ingratus in amicos, infestus in cognatos, in superiores contumax, in æquos & pares fastidiosus, in inferiores crudelis, denique in omnes intolerabilis. Eiusdem generis est illa frequentatio, quæ plurimum coniecturalibus causis opitulatur, cum suspensiones, quæ separatim dictæ, minutæ, & infirmæ erant, unum in locum coactæ rem uidentur perspicuam facere, non suspiciosam, hoc pacto : Nolite igitur, nolite, iudices, ea, quæ dixi, separatim spectare : sed omnia colligite, & conferte in unum. Si & commodum ad istum ex illius morte ueniebat, & uita ho-

minis est
na fameli
nemari p
aque com
nonibus f
est ab isto
hætum, q
neus maxi
moda, et
conficiendi
xina oco
cereæ, and
eo loco, in
ipso loco
dita est : a
domum re
inconstan
testimonia
na comp
gumentis
iudices est
re scientia
aliquid au
spiciat : n
ueniant
hemens
tatione
generib
da non
manera

minis est turpissima, animus auarissimus, fortuna familiaris rei attenuatissima, & res ista bono nemini præter istum fuit: neque alius quisquam æque commode, neque iste commodioribus alijs rationibus facere potuit: neque præteritum quidquam est ab isto, quod opus fuerit ad maleficium, neque factum, quod opus non fuerit: & cum locus idoneus maxime quaesitus, tum occasio aggrediendi commoda, tempus adeundi opportunissimum, spatium conficiendi longissimum sumptum est, non sine maxima occultandi, & perficiendi maleficii spe: & præterea, ante quam occisus homo is est, iste uisus est in eo loco, in quo est occisio facta, solus: paulo post in ipso loco maleficii, uox illius, qui occidebatur, audita est: deinde post occasionem, istum multa nocte domum rediisse constat, postera die titubanter, & inconstanter de occasione illius locutum: (hæc partim testimonijs, partim questionibus, & argumentis omnia comprobantur, & rumore populi; quem ex argumentis natum, necesse est esse uerum) Vestrum, iudices est, his in unum locum collatis, certam sumere scientiam, non suspensionem maleficii. Nam unum aliquid aut alterum potest in istum casu cecidisse suspiciose: ut omnia inter se à primo ad postremum conueniant maleficia, necesse est casu non posse fieri. Vehemens est hæc exornatio, & in coniecturali constitutione causæ ferme semper necessaria, & in cæteris generibus causarum, & in omni oratione adhibenda nonnunquam. Expolitio est, cum in eodem loco manemus, & aliud atque aliud dicere uidemur. ea

AD HERENNIVM

dupliciter fit, si aut eandem plane dicimus rem, aut
 de eadem re. Eandem rem dicimus, non eodem modo:
 nam id quidem obtundere auditorem est, non rem
 expolire, sed commutare. commutabimus tripliciter,
 uerbis, pronunciando, tractando. Verbis commuta-
 bimus, cum, re semel dicta, iterum, aut sæpius alijs
 uerbis, quæ idem ualeant, eadem res proferetur, hoc
 modo: Nul'um tantum est periculum, quod sapiens
 pro salute patriæ uitandum arbitretur. Cum agetur
 incolumitas perpetua ciuitatis, qui bonis erit ratio-
 nibus præditus, profecto nullum uitæ discrimen sibi
 pro fortune reip. fugiendum putabit; Et erit in ea
 sententia semper, ut pro patria studiose quamuis in
 magnam descendat uitæ dimicationem. Pronuncian-
 do commutabimus, si tum in sermone, tum in acri-
 monia, tum in alio, atque alio genere uocis, atque ge-
 stus, eadem uerbis commutando, pronuntiatione quo-
 que uehementius immutabimus. Hoc neque commo-
 dissime scribi potest, neque parum est æpertum. quare
 non eget exempli. Tertium genus est commutationis,
 quod tractando conficitur, si sententiam traiciemus,
 aut ad sermocinationem, aut ad exuscitationem. Ser-
 mocinatio est, de qua planius paulo post suo loco di-
 cemus. Nunc breuiter, ad hanc rem quod satis sit,
 attingemus, in qua constituetur alicuius personæ ora-
 tio accommodata ad dignitatem, hoc modo, ut, quo
 facilius res cognosci possit, ne ab eadem sententia re-
 cedamus: Sapiens, qui omnia reip. causa suscipien-
 da pericula putabit, sæpe ipse secum loquitur: Non
 mihi soli, sed etiam atque adeo multo potius natus
 sum

sum patri
 potissimu
 neste pro
 rationes bo
 disciplinis
 sa, unde h
 sapiens, sap
 culum fugi
 tur ad exsu
 dicantur, C
 Quis est ta
 eantur ang
 minem sua
 rei qui pro
 us, pro rei
 periculum
 Equidem h
 quam poss
 us uenire.
 mutabitur
 sed tractat
 tatione. See
 muer commu
 mutauit
 inde duplic
 bus prom
 rium. de
 nationibus
 loco plura
 secundo la

sum patriæ: uita, quæ fato debetur, saluti patriæ potissimum soluatur. Aluit hæc me, tute, atque honeste produxit usque ad hanc ætatem, munxit meas rationes bonis legibus, optimis moribus, honestissimis disciplinis. Quid est, quod à me satis ei persolui possit, unde hæc accepta sunt? Quia hæc loquitur secum sapiens, sæpe ego in periculis reip, nullum ipse periculum fugi. Item mutatur res tractando, si traducitur ad exsuscitationem, cum & nos commoti dicere uideamur, & auditoris animum commouemus, sic: Quis est tam tenui cogitatione præditus, cuius animus tantis angustiis inuidiæ continetur, qui non hunc hominem studiosissime laudet, & sapientissimum iudicet? qui pro salute patriæ, pro incolumitate ciuitatis, pro reip. fortunis quamuis magnum, atque atrox periculum studiose suscipiat, & libenter subeat. Equidem hunc hominem magis cupio satis laudare, quàm possum; idemq; hoc certo scio uobis omnibus usu uenire. Eadem res igitur his tribus in dicendo commutabitur rebus, uerbis, pronunciando, tractando: sed tractando dupliciter, sermocinatione, & exsuscitatione. Sed de eadem re cum dicemus, pluribus utemur cōmutationibus. Nam cum rem simpliciter pronunciauerimus, rationem poterimus subiungere. Deinde duplicem, uel sine rationibus, uel cum rationibus pronunciare sententiam. Deinde afferre contrarium. de quibus omnibus diximus in uerborum exornationibus. Deinde simile & exemplum, de quo suo loco plura dicemus. Deinde conclusionem, de qua in secundo libro, quæ opus fuerunt, diximus, demon-

AD HERENNIVM

strantes argumentationem quemadmodum concludere oporteat. in hoc libro docuimus, cuiusmodi esset exornatio uerbi, cui conclusioni nomen est. Ergo huiusmodi uehementer ornata poterit esse expolito, quæ constabit ex frequentibus uerborum exornationibus, et sententiarum. Hoc modo igitur septem partibus tractabitur: sed ab eiusdem sententiæ non recedamus exemplo, ut scire possis quàm facile præceptione rhetorica res simplex multiplici ratione tractetur. Sapiens nullum pro rep. periculum uitabit: ideo quòd saepe fit, ut, cum pro rep. perire noluerit, necessario cum rep. pereat. Et quoniam sunt omnia commoda à patria accepta, nullum incommodum pro patria graue putandum est. ergo qui fugiunt id periculum, quod pro rep. subeundum est, stulte faciunt. nam neque effugere incommoda possunt, et ingrati in ciuitatem reperiuntur. at qui patriæ pericula suo periculo expetunt, hi sapientes putandi sunt: cum et eum, quem debent, honorem reip. reddunt, et pro multis perire malunt, quàm cum multis. Etenim uehementer est iniquum, uitam, quam à natura acceptam propter patriam conseruaueris, naturæ, cum cogat, reddere; patriæ, cum roget, non dare: et cum possis cum summa uirtute, et honore pro patria interire, malle per dedecus, et ignauiam uiuere: et cum pro amicis, et parentibus, et ceteris necessarijs adire periculum uelis, pro republica, in qua et hoc, et illud sanctissimum nomen patriæ continetur, nolle in discrimen uenire. itaque uti contemnendus est, qui in nauigando se, quàm nauim, mauult incolumem:

ita ut p
quàm co
multi in
nus memo
dus inell
gionibus
non perdu
redmte: d
mam, per
dita uerul
rep. debet
stratum e
sunt existi
riculum u
uerfatur:
mus, quod
nat, et
eam exte
conueniet
bere expol
argumene
Commorat
sa continet
reditur. h
ris boni m
ri potest
exemplum
red quod
que mem
fusus est

ita uicuperandus, qui in reip. discrimine, sua plus
quàm communi saluti consulit. Naue enim fracta
multi incolumes fuerunt; ex naufragio patriæ sal-
uus nemo potest enatare. quod mihi bene uidetur De-
cius intellexisse, qui se deuouisse dicitur, & pro le-
gionibus in hostes immisisse medios. amisit uitam, ac
non perdidit: re enim uilissima, & parua maximam
redemit: dedit uitam, accepit patriam: amisit ani-
mam, potitus est gloria; quæ cum summa laude pro-
dita uetustati, quotidie magis enitescit. Quòd si, pro
rep. debere accedere ad periculum, & ratione demon-
stratum est, & exemplo comprobatum: ij sapientes
sunt existimandi, qui nullum pro salute patriæ pe-
riculum uitant. In his igitur generibus expolitio
uersatur: de qua producti sumus ut plura dicere-
mus, quòd non modo, cum causam dicimus, adiu-
uat, & exornat orationem, sed multo maxime per
eam exercemur ad elocutionis facultatem. Quare
conueniet extra causam in exercendo rationes adhi-
bere expolitionis; in dicendo uti, cum exornabimus
argumentationem, de qua diximus in libro secundo.
Commoratio est, cum in loco firmissimo, quo tota cau-
sa continetur, manetur diutius, & eodem sæpius
reditur. hac uti maxime conuenit, & id est orato-
ris boni maxime proprium. non enim datur audito-
ri potestas animum de re firmissima dimouendi. Huic
exemplum satis idoneum subiici non potuit: propte-
rea quòd hic locus non est à tota causa separatus, si-
cut membrum aliquod, sed, tanquam sanguis, per-
fusus est per totum corpus orationis. Contentio est,

AD HERENNIVM

per quam contraria referuntur. ea est in uerborum exornationibus, ut ante docuimus, eiusmodi. Inimicis te placibilem, amicis inexorabilem præbes. In sententiarum, huiusmodi: Vos huius incommodis luge-
tis, iste reip. calamitate letatur. Vos uestris fortune diffiditis, iste solus suis eo magis confidit. Inter hæc duo contentionum genera hoc interest: illud ex uerbis celeriter relatis constat; hic sententiæ contrariæ ex com-
paratione referantur, oportet. Similitudo est oratio tra-
ducens ad rem quampiam aliquid ex re dispari simile. Ea sumitur aut ornandi causa, aut probandi, aut
apertius dicendi, aut ante oculos ponendi. Quo mo-
do igitur quatuor de causis sumitur, ita quatuor mo-
dis dicitur: per contrarium, per negationem, per bre-
uitatem, per collationem. Ad unamquamque sumen-
dæ causam similitudinis accommodabimus singulos mo-
dos pronunciandi. Ornandi causa sumitur per con-
trarium, sic: Non enim, quemadmodum in palastra,
qui tædas candentes accipit, celerior est in cursu conti-
nuo, quàm ille qui tradit; ita melior Imperator no-
uus, qui accipit exercitum, quàm ille qui decedit:
propterea quod defatigatus cursor integro facem, hic
peritus Imperator imperito exercitum tradit. Hoc sine
simili satis plane, & perspicue, & probabiliter dici
potuit, hoc modo: Dicitur, minus bonos Imperatores à
melioribus exercitum accipere solere. sed ornandi cau-
sa simile sumptum est, ut orationi dignitas quædam
comparetur. Dictum est autem per contrarium. Nam
tunc, similitudo sumitur per contrarium, cum ei rei,
quam nos probamus, aliquam rem negamus esse si-

mitem, 1
mus. Per
do: Ne
composu
apud, qu
ctus, quæ
uenire. H
uerisimile
rari; quæ
possit esse
est autem
primo sim
militudo d
ni gerenda
nente exco
sis; sed ne
procurre
tur, mala
uerbi causa
propterea
reor, ut e
beneuolent
possit, pro
militudo est per
bus, res d
& consp
ri causa
Vti cetera
inaurat
narijs ira

milem, ut paulo ante, cum de cursoribus differebamus. Per negationem dicetur probandi causa, hoc modo: Neque equus indomitus, quamuis natura bene compositus sit, idoneus potest esse ad eas utilitates. Et aptus, quæ desiderantur ab equo: neque homo indotus, quamuis sit ingeniosus, ad uirtutem potest peruenire. Hoc probabilius factum est, quod magis est uerisimile, non posse uirtutem sine doctrina, comparari; quoniam nec equus quidem indomitus, idoneus possit esse: ergo sumptum est probandi causa. Dictum est autem per negationem: id enim perspicuum est de primo similitudinis uerbo. Apertius dicendi causa similitudo dicitur per breuitatem, hoc modo: In amicitia gerenda, sicut in certamine currendi, non ita conuenit exerceri, ut, quoad necesse sit, peruenire possis; sed ut productus studio, et uiribus ultra facile procurras. Nam hoc simile est, ut apertius intelligatur, mala ratione facere qui reprehendant eos, qui uerbi causa post mortem amici liberos eius custodiant: propterea quod in cursore tantum uelocitatis esse oporteat, ut efferatur usque ad finem; in amico tantum beneuolentiæ studium, ut ultra, quam amicus sentire possit, procuret amicitiae studio. Dictum autem simile est per breuitatem. Non enim ita, ut in cæteris rebus, res ab re separata est, sed utraque res coniuncte, et confuse pronuntiata. Ante oculos ponendi negotij causa, sumetur similitudo per collocationem, sic: Vti citharædus, cum prodierit optime uestitus, palla inaurata indutus, cum chlamyde purpurea, coloribus uarijs intexta, et cum corona aurea magnis fulgen-

AD HERENNIVM

ribus gemmis illuminata, citharam tenens exornatissimam, auro, & ebore distinctam, ipse praterea forma, & specie sit, & statura apposita ad dignitatem, si, cum magnam populo commoverit his rebus expectationem, repente silentio facto, uocem emittat acerbissimam cum turpissimo corporis motu, quo melius ornatus, & magis fuerit expectatus, eo magis derisus & contemptus eijcitur: ita si quis in excelsa loco, & in magnis ac locupletibus copijs collocatus, fortunæ muneribus, & naturæ commodis omnibus abundabit, si uirtutis & artium, quæ uirtutis magistræ sunt, egebit: quo magis cæteris rebus erit copiosus, & illustris, & expectatus, eo uehementius derisus, & contemptus ex omni conuentu bonorum eijcietur. Hoc simile exornatione utriusque rei, & alterius inscitia artificij, alterius stultitia simili ratione collata, sub aspectu omnium rem subiecit. Dictum autem est per collationem: propterea quod, proposita similitudine, paria sunt omnia relata. In similibus obseruare oportebit diligenter, ut, cum rem afferamus similem, cuius rei causa similitudinem attulerimus, uerba quoque ad similitudinem habeamus accommodata. id est huiusmodi: Ita ut hirundines æstiuo tempore præsto sunt, frigore pulsæ recedunt: ex eadem similitudine nunc per translationem uerba sumimus: ita falsi amici sereno uitæ tempore præsto sunt; simulatque hiemem fortunæ uiderit, deuolant omnes. Sed inuentio similium facilis erit, si quis sibi omnes res animatas, mutas & loquentes, feras & mansuetas, terrestres, & cælestes, & mariti-

mas, atque ita
nate, &
aut ornate
aut potius
rei necesse
reut, sem
dicius fa
nomine pr
similitudo
si dignita
quod sit od
biliorem,
ponit, cum
prope man
singula su
genus effe
sas sumenda
luimus ne
que, re in
cum forma
sumitur ad
dis causa,
simi, impe
ut in odin
adducet
rum medi
uenenato
se quere
re, quere

mas, artificio, casu, natura comparatas, usitatas, atque inusitatas, frequenter ante oculos poterit ponere, & ex his aliquam uenari similitudinem, quæ aut ornare, aut docere, aut apertiore rem facere, aut ponere ante oculos possit. non enim res tota totæ rei necesse est similis sit: sed ad ipsum, ad quod conferetur, similitudinem habeat oportet. Exemplum est alicuius facti, aut dicti præteriti cum certi auctoris nomine propositio. id sumitur iisdem de causis, quibus similitudo. Rem ornatiorem facit, cum nullius rei nisi dignitatis causa sumitur: Apertiore, cum id, quod sit obscurius, magis dilucidum reddit: Probabiliorem, cum magis uerisimilem facit: Ante oculos ponit, cum exprimit omnia perspicue, ut rex dicta prope manu tentari possit. Vniuscuiusque generis singula subiecissimus exempla, nisi, exemplum quod genus esset, in expolitione demonstraßemus, & causas sumendi in similitudine aperuissimus: quare nolimus neque pauca, quo minus intelligeretur, neque, re intellecta, plura conscribere. Imago est, formæ cum forma cum quadam similitudine collocatio. hæc sumitur aut laudis, aut uituperationis causa. Laudis causa, sic: Ibant in prelium corpore tauri ualidissimi, impetu leonis acerrimi similes. Vituperationis, ut in odium, aut in inuidiam, aut in contemtionem adducat. Ut in odium, hoc modo: Iste quotidie per forum medium tanquam iubatus draco serpit, aspectu uenenato, spiritu rabido, circumspectans huc, & illuc, se quem reperiatur, cui aliquid mali faucibus afflare, quem ore attingere, dentibus insecare, lingua

AD HERENNIVM

aspergere possit. Vt in inuidiam adducat, hoc modo: Iste, qui diuitias suas iactat, sicut gallus è Phrygia, autariolus quispiam depressus, & oneratus auro clamat, & deierat. Vt in contemptum adducat, sic: Iste, qui tanquam cochlea abscondens, retentat se se tacitus, quo sit tutus, comeditur cum domo sua, & aufertur. Effictio est, cum exprimitur, & effingitur uerbis corporis cuiuspiam forma, quod satis sit ad intelligendum, hoc modo: Hunc dico iudices rubrum, breuem, incuruum, canum, subcrispum, casium, cui sane magna est in mento cicatrix, si quo modo potest uobis in memoriam redire. Habet hæc exornatio cum utilitatem, si quem uelis ostendere; cum uenustatem, si breuiter & dilucide facta est. Notatio est, cum alicuius natura certis describitur signis, quæ, sicuti notæ quedam, naturæ sunt attributa. Vt si uelis non diuitem, sed ostentatorem pecuniosum describere. Iste, inquires, iudices, qui, se dici diuitem, putat esse præclarum, primum nunc uidete, quo uultu uos intueatur: non ne uobis uidetur dicere, Darem, si mihi molesti non essetis? cum uero sinistra mentum subleuat, existimat se gemmæ nitore, & auri splendore aspectus omnium perstringere. Cum puerum respicit hunc unum, quem ego noui, uos non arbitror nouisse, alio nomine appellat, deinde alio, atque alio: Heus tu, inquit, ueni Sannio, ne quid isti barbari perturbent; ut ignoti, qui audiunt, unum putent eligi de multis. ei dicit in aurem, aut, ut domi lectuli sternantur, aut ab auunculo rogetur Aethiops, qui ad balneas ueniat, aut Asturconi locus ante ostium suum de-

tur; aut
paretur
io, ut di
puer, q
plures m
rari. Age
sane. De
splendide
homo her
tura non
sed recta
Id fecisse
aut istud q
ier mecum
micit om
modi fru
sine, acco
camesi i
isdem fu
nit in a
dem die
ingredie
spicit ar
stratum
re, dom
inquit
illi ob
discedo
decima
periur

tur; aut aliquid fragile falsæ choragium gloriæ com-
paretur. Deinde exclamat, ut omnes audiant: Vide-
to, ut diligenter enumeretur, si potest ante noctem.
Puer, qui iam bene hominis naturam nouit, tu illò
plures mittas oportet, inquit, si hodie uis transnume-
rari. Age, inquit, duc tecum Libanum & Sosiam.
Sane. Deinde casu ueniunt hospites homini, qui istum
splendide, dum peregrinaretur, receperunt. ex ea re
homo hercle sane conturbatur, sed tamen à uitio na-
turæ non recedit. Bene, inquit, facitis, cum uenitis:
sed rectius fecissetis, si ad me domum recta abiissetis.
Id fecissemus, inquiunt illi, si domum nouissemus.
At istud quidem facile fuit undelibet inuenire. uerum
ite mecum. sequuntur illi. sermo interea huius consu-
mitur omnis in ostentatione. quærit, in agris cuius-
modi frumenta sint: negat se, quia uillæ incensæ
sint, accedere posse, nec ædificare etiam nunc audere:
tamen in Tusculano quidem cæpi insanire, & in
ijsdem fundamentis ædificare. Dum hæc loquitur, ue-
nit in ædes quasdam, in quibus sodalitiū erat eo-
dem die futurum, quò iste pro noticia domini ædium
ingreditur cum hospitibus: Hic, inquit, habito: per-
spicit argentum quod erat expositum, uisit triclinium
stratum, probat. accedit seruulus, dicit homini cla-
re, dominum iam uenturum, si uelit exire. Itane,
inquit? Eamus hospites, frater uenit ex Salerno, ego
illi obuiam pergā: uos huc decima uenitote. hospites
discedunt. iste se raptim domum suam conijcit: illi
decima, quò iusserat, ueniunt: quærun hunc: re-
periunt, domus cuiā sit: in diuersorium derisi con se-

AD HERENNIVM

runt sese. uident hominem postera die, narrant, ex-
postulant, accusant. ait iste eos similitudine loci de-
ceptos angiporto toto deerrasse, contra ualitudinem
suam se ad multam noctem expectasse. Sannioni pue-
ro negotium dederat, ut uasa, uestimenta, pueros
corrogaret; seruulus non inurbanus satis strenue, &
concinne comparat, iste hospites domum deducit. Ait
se ædes maximas cuidam amico ad nuptias accommo-
dasse, nunciat interea puer argentum repeti: (perti-
muerat enim qui commodarat) Apagete, inquit, ædes
commodaui, familiam dedi: argentum quoque uult?
tamen si hospites habeo, tamen utatur licet, nos Samijs
delectabimur. Quid ego, quæ deinde efficiat, nar-
rem? eiusmodi est hominis natura, ut, quæ singulis
diebus efficiat gloria atque ostentatione, ea uix an-
nuo sermone enarrare possim. Huiusmodi notationes,
quæ describunt quid consentaneum sit uniuscuiusque
naturæ, uehementer habent magnam delectationem:
totam enim naturam cuiuspiam ponunt ante oculos,
aut gloriosi, ut nos exempli causa cœperamus, aut in-
uidi, aut timidi, aut auari, ambitiosi, amatoris, lu-
xuriosi, furis, quadruplatoris: denique cuiusuis stu-
dium potrahi potest in medium tali notatione. Ser-
mocinatio est, cum alicui personæ sermo attribuitur,
& is exponitur cum ratione dignitatis, hoc pacto;
Cum militibus urbs redundaret, & omnes timore op-
pressi domi continerentur, uenit iste cum sago, gladio
succinctus, tenens iaculum, quinque adolescentes ho-
minem simili ornatu subsequuntur, irrumpit in ædes
subito, deinde magna uoce, Vbi est iste beatus, in-

quit,
tactis
Vxor il
pedes ab
bi, dule
exingua
quoque
ille: Q
opplorat
trea, u
minari
Gorgia
fende, f
Vix hac
quit, d
exple in
sanguine
quit, ne
mecum
mam es
occidar
In extre
neque et
mulier
tu qua
amplex
animu
me dig
ra: tū
sem r

quit, ædium dominus? quin mihi præsto fit? quid
 tacetis? Hic alij omnes stupidi timore obmutuerunt.
 Vxor illius infelicissimi cum maximo fletu ad istius
 pedes abiicit sese. Parce, inquit, & per quæ ti-
 bi, dulcissima sunt in uita, miserere nostri, noli
 extinguere extinctos. Fer mansuete fortunam. nos
 quoque fuimus beati: nosce te esse hominem. At
 ille: Quin illum mihi datis, ac uos auribus meis
 opplorare desinitis? non abibit. Illi nunciatur in-
 terea, uenisse istum, & clamore maximo mortem
 minari. Quod simul ut audiuit, Heus, inquit,
 Gorgia pedisequa puerorum, absconde pueros, de-
 fende, fac ut incolumes ad adolescentiam perducas.
 Vix hæc dixerat, cum ecce iste præsto, Sedes, in-
 quit, audax? non uox mea tibi uitam ademit?
 exple inimicitias meas, & iracundiam satura tuo
 sanguine. Ille cum magno spiritu, Metuebam, in-
 quit, ne plane uictus essem: nunc uideo in iudicio
 mecum contendere non uis, ubi superari turpissi-
 mum est, superare pulcherrimum: interficere me uis:
 occidar equidem, sed uictus non peribo. At ille,
 In extremo uitæ tempore etiam sententiose loqueris,
 neque ei, quem uides dominari, uis supplicare? Tum
 mulier, Immo quidem iste rogat & supplicat: sed
 tu quas commouere, & tu per deos, inquit, hunc
 amplexare. dominus est, uicit hic te, uince tu nunc
 animum. Cur non desinis, inquit, uxor loqui, quæ
 me digna non sunt? tace, & quæ curanda sunt, cu-
 ra: tu cessas mihi uitam, tibi omnem bene uiuendi
 spem mea morte eripere? Iste mulierem reppulit ab se.

AD HERENNIVM

lamentantem: illi nescio quid incipienti dicere, quod dignum uidelicet illius uirtute esset, gladium in latere defixit. Puto in hoc exemplo datos esse unicuique sermones ad dignitatem accommodatos, quod oportet in hoc genere obseruare. Sunt item sermocinationes consequentes hoc genus: Nam quid putamus illos dicturos, si hoc iudicaueritis? non ne hac omnes utentur oratione? deinde subiungere sermonem. Conformatio est, cum aliqua, quæ non adest, persona confingitur quasi adsit, aut cum res muta, aut informis sit eloquens, & formata, & ei oratio attribuitur ad dignitatem accommodata, aut actio quædam, hoc pacto; Quod si nunc hæc urbs inuictissima uocem emittat, non hoc pacto loquatur? Ego illa plurimis trophæis ornata, triumphis ditata certissimis, clarissimis locupletata uictorijs, nunc uestris seditionibus o ciues, uxor. quam dolis malitiosa Carthago, uiribus probata Numantia, disciplinis erudita Corinthus labefactare non potuit, eam patiemini nunc ab homunculis deterrimis proteri, atque conculcari? Item! Quod si nunc L. ille Brutus reuiuiscat, & hic ante pedes uestros adsit, non hac utetur oratione? Ego reges cieci, uos tyrannos introducit: ego libertatem, quæ non erat, peperì, uos partam seruare non uultis: ego capitis mei periculo patriam liberaui, uos liberi sine periculo esse non curatis. Hæc conformatio, licet in plures res mutas, atque inanimatas transferatur, proficit plurimum in amplificationis partibus, & commiseratione. Significatio est, quæ plus in suspitione relinquit, quàm positum est in oratione. ea fit per exuperationem, ambiguum, con-

sequens
rationem
augenda
niam
quæ. De
res ne se
quom no
hæc edita
nis. An
obseruan
quæ con
rientur
borum
quentiam
aliquam
tur in su
fatu, et
dofatione
ditus,
tur suffi
aliene de
cum, al
sed ex e
Noli San
inultu in
inuitate
quidda
Brenie
pedita
Tarsi

sequentiam . abscessionem , similitudinem . Per exuperationem , cum plus dictum est , quàm patitur ueritas , augendæ suspicionis causa , sic : Hic de tanto patrimonio tam cito testam , qua sibi petat ignem , non reliquit . Per ambiguum , cum uerbum potest in duas plures uel sententias accipi ; sed accipitur in eam partem , quam uult is , qui dixit : ut de eo si dicas , qui multas hereditates adierit , Prospice tu , qui plurimum cernis . Ambigua quemadmodum uitanda sunt , quæ obscuram reddunt orationem ; ita hæc consequenda , quæ faciunt huiusmodi significationem . Ea reperiuntur facile , si nouerimus & animaduuerimus uerborum ancipites aut multiplices potestates . Per consequentiam significatio fit , cum res , quæ sequuntur aliquam rem , dicuntur , ex quibus tota res relinquitur in suspicionem , ut si salsamentarij filio dicas : Quiesce tu , cuius pater cubito se emungere solebat . Per abscessionem , si , cum incipimus aliquid dicere , præcidimus , & ex eo , quod iam diximus , satis relinquitur suspicionis , sic : Qui ista forma & ætate in uer alienæ domui , nolo plura dicere . Per similitudinem , cum , aliqua re simili allata , nihil amplius dicimus sed ex ea significamus quid sentiamus , hoc modo : Noli Saturnine nimium populi frequentia fretus esse : inulti iacent Gracchi . Hæc exornatio plurimum festiuitatis habet , interdum & dignitatis . Sinit enim quiddam , tacito oratore , ipsum auditorem suspicari . Breuitas est res ipsa tantummodo uerbis necessarijs expedita , hoc modo : Lemnum præteriens cepit , inde Tarsi præsidium reliquit , post urbem in Bithynia su-

AD HERENNIVM

stulit, inde pulsus in Hellepontum, statim potitur Abydo. Item: Modo Consul, quondam Tribunus, deinde primus erat ciuitatis. Tum proficiscitur in Asiam, deinde exul, & hostis est dictus, post Imperator, postremo Consul factus est. Habet paucis comprehensa breuitas multarum rerum expeditionem. Quare adhibenda sæpe est, cum aut res non egent longæ orationis, aut tempus non sinat commorari. Demonstratio est, cum ita res uerbis exprimitur, ut geri negotium, & res ante oculos esse uideatur. id fieri poterit, si, quæ ante, & post, & in ipsa re facta erunt, comprehendemus, aut à rebus consequentibus, aut à circumstantibus non recedemus, hoc modo: Quod simul atque Gracchus proflexit, fluctuare populum, uerentem ne ipse auctoritate senatus commotus à sententia desisteret, iubet aduocari concionem. Iste interea scelere, & malis cogitationibus redundans, euolat ex templo Iouis, & sudans, oculis ardentibus, erecto capillo, contorta toga, cum pluribus alijs ire celerius cœpit. Illi præco faciebat audientiam, hic subsellium quoddam calceæ premens dextra pedem defringit, & alios hoc idem iubet facere. Cum Gracchus deos inciperet precari, cursim isti impetum faciunt, ex alijs, alijsq; partibus conuolant, atque è populo unus, Fuge, inquit, Tiberi, fuge, non uides? respice inquam. deinde uaga multitudo, subito timore perterrita, fugere cœpit. At iste spumans ex ore scelus, anhelans ex infimo pectore crudelitatem, contorquet brachium, & dubitanti Graccho quid esset, neque tamen locum, in quo constiterat, relinquenti, percutit tempus. Ille

nulla n
iste uir
facinus
bilaris
in temp
plifican
in huius
& pro
stande
renni
dignita
ris, ut
nata m
idem n
nis agi
artis r
cum m
si, cum
aut si
sequi
tates.
amicat
philos
dimus
simus
petim
cendo
deside
prop
toric

nulla uoce delibans insitam uirtutem, concidit tacitus: iste uiri fortissimi miserando sanguine aspersus, quasi facinus præclarissimum fecisset, circumspectans, & hilaris sceleratam gratulantibus manum porrigens, in templum Iouis contulit sese. Hæc exornatio in amplificanda, & commiseranda re plurimum prodest, & in huiusmodi narrationibus: statuit enim totam rem, & prope ponit ante oculos. Omnes rationes honestæ elocutionis studiose collegimus: in quibus Herrenni si te diligenter exercueris, & gravitatem, & dignitatem, & suauitatem habere in dicendo poteris, ut oratorie plane loquaris; ne nuda, atque inornata inuentio uulgarî sermoni efferatur. Nunc identidem nosmet ipsi nobis instemus, res enim communis agitur, ut frequenter, & assidue consequamur artis rationem studio, & exercitatione: quod alij cum molesta tribus de causis maxime faciunt, aut si, cum quibus libenter exerceantur, non habent; aut si sibi diffidunt; aut si nesciunt quam uitam sequi debeant: quæ à nobis absunt omnes difficultates. nam & simul libenter exerceamur propter amicitiam, cuius initium cognatio fecit, cetera philosophiæ ratio confirmauit: & nobis non diffidimus: propterea quod & aliquantulum processimus, & alia meliora sunt, quæ multo intentius petimus in uita, ut, etiam si non peruenimus in dicendo, quod uolumus, parua pars uitæ perfectissimæ desideretur. & uiam, quam sequamur, habemus: propterea quod in his libris nihil præteritum est rhetorica præceptionis. Demonstratum est enim, quo

AD HERENNIVM

modo res in omnibus generibus causarum inueniri oporteat. Dictum est quo pacto eas disponere conueniat. Traditum est, qua ratione esset pronuncian- dum. Præceptum est, qua uia meminisse possemus. Demonstratum est, quibus modis perfecta elocutio com- pararetur. Quæ si sequamur, acute & cito reperie- mus, distincte & ordinate disponemus, grauitate & ue- nuste pronuntiabimus, firme & perpetuo me- minerimus, ornate & suauiter eloquemur.

ergo in arte rhetorica nihil est amplius.

hæc omnia adipiscemur, si rationes

præceptionis diligentia con-

sequemur, & exer-

citatione.

M. TVLLII

M. TVLLII CICERONIS

DE ARTE RHETORICA

LIBER PRIMVS.

AEPE & multum hoc mecum cog-
 tauī, boni ne, an mali plus attule-
 rit hominibus, & ciuitatibus copia di-
 cendi, ac summum eloquentiae stu-
 dium. nam & cum nostrae reip. detri-
 menta considero, & maximarum ciuitatum ueteres
 animo colligo calamitates, non minimam uideo per di-
 sertissimos homines inuectam esse partem incommodor-
 um. cum autem res ab nostra memoria propter uetu-
 statem remotas ex literarum monumentis repetere in-
 stituo, multas urbes constitutas, plurima bella restin-
 cta, firmissimas societates, sanctissimas amicitias in-
 telligo cum animi ratione, tum facilius eloquentia
 comparatas. Ac me quidem diu cogitantem ratio ipsa
 in hanc potissimum sententiam ducit, ut existimem
 sapientiam sine eloquentia parum prodesse ciuitati-
 bus, eloquentiam uero sine sapientia nimium obesse
 plerunque, prodesse nunquam. quare si quis, omīssis
 rectissimis atque honestissimis studiis rationis & offi-
 cij, consumit omnem operam in exercitatione dicendi,
 is inutilis sibi, perniciosus patriae ciuis alitur: qui ue-
 ro ita se se armat eloquentia, ut non oppugnare com-
 moda patriae, sed pro his propugnare possit, is mihi
 uir & suis, & publicis rationibus utilissimus, atque
 amicissimus ciuis fore uidetur. Ac si uolumus huius

k

DE INVENTIONE

rei, quæ uocatur eloquentia, siue artis, siue studiij, siue exercitationis cuiusdam, siue facultatis à natura profectæ considerare principium, reperiemus id ex honestissimis causis natum, atque optimis rationibus profectum. Nam fuit quoddam tempus, cum in agris homines passim bestiarum more uagabantur, & sibi uicta ferino uitam propagabant, nec ratione animi quidquam, sed pleraque uiribus corporis administrabant. nondum diuinæ religionis, non humani officij ratio colebatur: nemo legitimas uiderat nuptias: non certos quisquam inspexerat liberos: non, ius æquabile quid utilitatis haberet, acceperat. ita propter errorem atque inscitiam, cæca ac temeraria dominatrix animi cupiditas ad se explendam uiribus corporis abutebatur perniciosissimis satellitibus. quo tempore quidam, magnus uidelicet uir, & sapiens, cognouit quæ materia esset, & quanta ad maximas res opportunitas in animis inesset hominum, si quis eam posset elicere, & præcipiendo meliorem reddere: qui dispersos homines in agris, & in tectis siluestribus abditos, ratione quadam compulit in unum locum, & congregauit, & eos in unamquamque rem inducens utilem, atque honestam, primo propter insolentiam reclamantes, deinde propter rationem, atque orationem studiosius audientes, ex feris & immanibus mites reddidit, & mansuetos. ac mihi quidem uidetur hoc nec tacita, nec inops dicendi sapientia perficere potuisse, ut homines à consuetudine subito conuerteret, & ad diuersas uitæ rationes traduceret. Age uero, urbibus constitutis, ut fidem cole-

re, & iustitiam retinere discerent, & alijs parere sua uoluntate consuescerent, ac non modo labores excipiendos communis commodi causa, sed etiam uitam amittendam existimarent, qui tandem fieri potuit, nisi homines ea, quæ ratione inuenissent, eloquentia persuadere potuissent? profecto nemo nisi graui ac suauis commotus oratione, cum uiribus plurimum posset, ad ius uoluisset sine ui descendere: ut, inter quos posset excellere, cum ijs se pateretur æquari, & sua uoluntate à iucundissima consuetudine recederet, quæ præsertim iam naturæ uim obtineret propter uetustatem. ac primo quidem sic & nata & progressa longius eloquentia uidetur, & item postea maximis in rebus pacis, & belli cum summis hominum utilitatibus esse uersata. postquam uero commoditas quædam praua uirtutis imitatrix, sine ratione officij dicendi copiam consecuta est: tum ingenio freta malitia, peruertere urbes, & uitas hominum labefactare assuevit. atque huius quoque exordium mali, quoniam principium boni diximus, explicemus. Verisimillimum mihi uidetur, quodam tempore neque in publicis rebus infantes & insipientes homines solitos esse uersari, nec uero ad priuatas causas magnos, ac disertos homines accedere: sed cum à summis uiris maximæ res administrarentur, arbitror alios fuisse non incallidos homines, qui ad paruas controuersias priuatorum accederent. quibus in controuersijs cum sæpe à mendacio contra uerum homines stare consuescerent, dicendi assiduitas aluit audaciam, ut necessario supe-

DE INVENTIONE

riores illi propter iniurias civium resistere audacibus,
 & opitulari suis quisque necessarijs cogeretur. itaque
 cum in dicendo sæpe par, nonnunquam etiam supe-
 rior uisus esset is, qui, omisso studio sapientie, nihil
 sibi præter eloquentiam comparasset, fiebat ut & mul-
 titudinis, & suo iudicio dignus, qui remp. gereret,
 uideretur. hinc nimirum non iniuria, cum ad guber-
 nacula reip. temerarij atque audaces homines acceffe-
 rant, maxima, ac miserrima naufragia fiebant. qui-
 bus rebus tantum odij, atque inuidie suscepit eloquen-
 tia, ut homines ingeniosissimi, quasi ex aliqua turbi-
 da tempestate in portum, sic ex seditiosa, & tumultu-
 osa uita se in studium aliquod traderent quietum.
 quare mihi uidentur postea cætera studia recta atque
 honesta per otium concelebrata ab optimis enituisse;
 hoc uero à plerisque eorum desertum obsoleuisse eo
 tempore, quo multo uehementius erat retinendum, &
 studiosius adaugendum. nam quo indignius rem ho-
 nestissimam & rectissimam uiolabat stultorum, & im-
 proborum temeritas & audacia summo cum reip. de-
 trimento, eo studiosius & illis resistendum fuit, &
 reip. consulendum. quod nostrum illum non fugit Ca-
 tonem, neque Lelium, neque horum, ut uere di-
 cam, discipulum Africanum, neque Gracchos Africa-
 ni nepotes: quibus in hominibus erat summa uirtus,
 & summa uirtute amplificata auctoritas, &, quæ
 his rebus ornamento: & reip. presidio esset, eloquen-
 tia. quare meo quidem animo nihilo minus eloquen-
 tiæ studendum est, etsi ea quidam & priuatim, &
 publice peruerse abutuntur, sed eo quidem uehemen-

cuius
 contra
 præfer
 uat
 honesta
 nam
 detrahe
 ipsos, q
 consue
 tatis
 uident
 firmior
 loqui p
 tur ad
 eam re
 tata m
 etiam
 uidere q
 his reliq
 dicam
 officio
 rebus
 animas
 poetrie
 CI
 gnis ex
 pars est
 cant
 etiam
 cam p

eius, ne mali magno cum detrimento bonorum, & communi omnium perniciē plurimum possint, cum præsertim hoc unum sit, quod ad omnes res & priuatas, & publicas maxime pertineat; hoc tuta, hoc honesta, hoc illustris, hoc eodem uita iucunda fiat. nam hinc ad remp. plurima commoda ueniunt, si moderatrix omnium rerum præsto est sapientia: hinc ad ipsos, qui eam adepti sunt, laus, honor, dignitas confluit: hinc amicis quoque eorum certissimum, ac tutissimum præsidium comparatur. ac mihi quidem uidentur homines, cum multis rebus humiliores & infirmiores sint, hac re maxime bestiis præstare, quod loqui possunt. quare præclarum mihi quiddam uidetur adeptus is, qui, qua re homines bestiis præstent, ea in re hominibus ipsis antecellat. hoc si forte non natura modo, neque exercitatione conficitur, uerum etiam artificio quodam comparatur; non alienum est uidere quæ dicant ij, qui quædam eius rei præcepta nobis reliquerunt. Sed antequam de præceptis oratorijs dicamus, uidetur dicendum de genere ipsius artis, de officio, de fine, de materia, de partibus. nam, his rebus cognitis, facilius, & expeditius uniuscuiusque animus ipsam rationem, ac uiam artis considerare poterit.

CIVILIS quædam ratio est, quæ multis, & magnis ex rebus constat. Eius quædam magna & ampla pars est artificiosa eloquentia, quam Rhetoricam uocant. nam neque cum ijs sentimus, qui civilem scientiam eloquentia non putant indigere: & ab ijs, qui eam putant omnem rhetoris ui, & artificio contineri,

DE INVENTIONE

magnopere dissentimus. quare hanc oratoriam facultatem in eo genere ponemus, ut eam civilis scientiæ partem esse dicamus. Officium autem eius facultatis uidetur esse, dicere apposite ad persuasionem: Finis, persuadere dictione. Inter officium autem, & finem hoc interest, quod in officio, quid fieri, in fine, quid officio conveniat, consideratur: ut medici officium dicimus esse, curare apposite ad sanandum; finem, curatione sanare. Item, oratoris quid officium, & quid finem esse dicamus, intelligemus, cum id, quod facere debet, officium esse dicemus; illud, cuius causa facere debet, finem appellabimus. Materiam artis eam dicimus, in qua omnis ars, & ea facultas, quæ conficitur ex arte, uersatur, ut si medicina materiam dicamus morbos ac uulnera, quod in his omnis medicina uersetur: item, quibus in rebus uersatur ars, & facultas oratoria, eas res materiam artis rhetorice nominamus. Has autem res alij plures, alij pauciores existimauerunt. nam Gorgias Leontinus, antiquissimus fere rhetor, omnibus de rebus oratorem optime posse dicere existimauit. hic infinitam & immensam huic artificio materiam subijcere uidetur. Aristoteles autem, qui huic arti plurima adiumenta, atque ornamenta subministravit, tribus in generibus rerum uersari rhetoris officium putauit, demonstratiuo, deliberatiuo, iudiciali. Demonstratiuum est, quod tribuitur in alicuius certæ personæ laudem, aut uituperationem. Deliberatiuum est, quod positum in disceptatione, & consultatione civili, habet in se sententiæ dictionem. Iudicale est, quod posi-

rum in iudicio habet in se accusationem, & defensionem, aut petitionem, & recusationem. &, quemadmodum nostra quidem fert opinio, oratoris ars, & facultas in hac materia tripertita uersari existimanda est. Nam Hermagoras quidem nec, quid dicat, attendere, nec, quid polliceatur, intelligere uidetur. qui oratoris materiam in causam, & in quaestionem diuidat. Causam esse dicit rem, quæ habeat in se controuersiam in dicendo positam cum personarum certarum interpositione: quam nos quoque oratori dicimus esse attributam. nam ei tres partes, quas ante diximus, supponimus, iudicalem, deliberatiuam, demonstratiuam. Quaestionem autem eam appellat, quæ habeat in se controuersiam in dicendo positam, sine certarum personarum interpositione, ad hunc modum: Ecquid sit bonum præter honestatem: Veri ne sint sensus: Quæ sit mundi forma: Quæ sit solis magnitudo. quas quaestiones procul ab oratoris officio remotas, facile omnes intelligere existimamus. Nam quibus in rebus summa ingenia philosophorum plurimo cum labore consumpta intelligimus, eas sicut aliquas paruas res oratori attribuere, magna amentia uidetur. Quod si magnam in his Hermagoras habuisset facultatem, studio & disciplina comparatam; uideretur fretus sua scientia falsum quoddam constitui de oratoris officio, &, non quid ars, sed quid ipse posset, exposuisse. nunc uero ea uis est in homine, ut ei multo rhetoricam citius quis ademerit, quam philosophiam conceperit. neque eo dico, quod eius ars, quam

DE INVENTIONE

edidit, mihi mendosissime scripta uideatur. (nam satis in ea uidetur ex antiquis artibus ingeniose, & diligenter electas res collocaſſe, & nonnihil ipſe quoque noui protuliſſe) uerum oratori minimum eſt, de arte loqui; quod hic fecit: multo maximum, ex arte dicere; quod eum minime potuiſſe, omnes uidemus.

Quare materia quidem nobis Rhetoricæ uidetur ea, quam Ariſtotele uisam eſſe dicimus. Partes autem hæ ſunt, quas pleriquæ dixerunt, inuentio, diſpoſitio, elocutio, memoria, pronunciatio. Inuentio eſt, excogitatio rerum uerarum, aut ueriſimilium, quæ cauſam probabilem reddant. Diſpoſitio eſt, rerum inuentarum in ordinem diſtributio. Elocutio eſt, idoneorum uerborum, & ſententiarum ad inuentionem accommodatio. Memoria eſt, firma animi rerum, ac uerborum ad intentionem perceptio. Pronunciatio eſt, ex rerum, & uerborum dignitate, uocis, & corporis moderatio. Nunc his rebus breuiter conſtitutis, eas rationes, quibus oſtendere poſſimus genus, & officium, & finem huius artis, aliud in tempus differemus. nam & multorum uerborum indigent, & non tantopere ad artis deſcriptionem, & præcepta tradenda pertinent. Eum autem, qui artem Rhetoricam ſcribat, de duabus reliquis rebus, de materia artis, ac partibus, ſcribere oportere exiſtimamus. Ac mihi quidem uidetur coniuncte agendum de materia, ac partibus. quare inuentio, quæ princeps eſt omnium partium, potiſſimum in omni cauſarum genere, qualis debeat eſſe, conſideretur.

OMNIS res, quæ habet in ſe poſitam in diſtione, aut diſceptatione aliquam controuerſiam; aut fa-

ſti, am
quaſtio
naſcitur
prima
proſecta
Cum ſa
ſa firma
autem m
eſt, con
lis ſe res
ti) coner
cum cau
tur, que
aut non
mine, q
cutio, q
digere m
ſe genera
deris, in
nec cau
controu
& quid
rit ne A
animo
rum ſe
column
peruen
eto con
nomia
minis

Acti, aut nominis, aut generis, aut actionis continet
questionem. Eam igitur questionem, ex qua causa
nascitur; constitutionem appellamus. Constitutio est
prima conflictio causarum, ex depulsione intentionis
profecta, hoc modo: Fecisti, non feci, aut iure feci.
Cum facti controuersia est, quoniam coniecturis cau-
sa firmatur, constitutio coniecturalis appellatur. Cum
autem nominis, quia uis uocabuli definienda uerbis
est, constitutio definitiua nominatur. Cum uero, qua-
lis sit res, queritur, quia & de ui, & de genere nego-
tij controuersia est, constitutio generalis uocatur. At,
cum causa ex eo pendet, quod non aut is agere uide-
tur, quem oportet: aut non cum eo, qui cum oportet;
aut non apud quos, quo tempore, qua lege, quo cri-
mine, qua poena oportet; translatiua dicitur consti-
tutio, quia actio translationis, & commutationis in-
digere uidetur. Atque harum aliquam in omne cau-
sa genus incidere necesse est. nam in quam non inci-
derit, in ea nihil esse poterit controuersia. quare eam
nec causam quidem conuenit putari. Ac facti quidem
controuersia in omnia tempora potest distribui. nam
& quid factum sit, potest queri, hoc modo: Occide-
rit ne Aiace[m] Vlysses. Et quid fiat, hoc modo: Bonó ne
animo sint erga populum R. Fregellani. Et quid futu-
rum sit, hoc modo: Si Carthaginem reliquerimus in-
columnem, num quid sit incommodi ad rempublicam
peruenturum. Nominis controuersia est, cum de fa-
cto conuenit, & queritur id, quod factum est, quo
nomine appelletur. Quo in genere necesse est ideo no-
minis esse controuersiam, non quod de re ipsa non con-

DE INVENTIONE

uentat, non quòd de facto non constet, sed quòd id, quod factum sit, aliud alij uideatur esse, & idcirco alius alio nomine id appellet. Quare in huiusmodi generibus definienda res erit uerbis, & breuiter describenda, ut, si quis sacrum ex priuato surripuerit, utrum fur, an sacrilegus sit iudicandus. Nam id cum quæritur, necesse erit definire utrumque, quid sit fur, quid sacrilegus, & sua descriptione ostendere alio nomine illam rem, de qua agitur, appellari oportere, atque aduersarij dicunt. Generis est controuersia, cum &, quid factum sit, conuenit, &, quo id factum nomine appellari oporteat, constat, & tamen, quantum, & cuiusmodi, & omnino quale sit, quæritur, hoc modo: Iustum, an iniustum, utile, an inutile, & omnia, in quibus, quale sit id, quod factum est, quæritur, sine ulla nominis controuersia. Huic generi Hermagoras partes quatuor supposuit, deliberatiuam, demonstratiuam, iuridicalem, negotialem. quod eius, ut nos putamus, non mediocre peccatum reprehendendum uidetur, uerum breui; ne aut, si taciti præterierimus, sine causa non secuti eum putemur; aut, si diutius in hoc constiterimus, moram atque impedimentum reliquis præceptis intulisse uidemur. Si deliberatio, & demonstratio genera sunt causarum, non possunt recte partes alicuius generis causæ putari. eadem enim res alij genus esse, alij pars potest, eidem genus esse & pars non potest. Deliberatio autem, & demonstratio, genera sunt causarum. nam aut nullum causæ genus est, aut iudiciale solum, aut & iudiciale, & demonstratiuum,

delib
cum cau
amencia
possi
similes
disfide
ferri de
ra sine
tio non
uari.
esse dix
recte pa
puerum
Non enim
causam
ratio gen
quod ip
partes cau
de si con
qualibet
pulsio no
nis est.
constituit
& delib
nis est.
tentioni
neque
Placer
caus igit
tam co

DE INVENTIONE

siue constitutionem primam causæ accusatoris confir-
 mationem dixerit, siue defensoris primam deprecatio-
 nem. nam eum eadem omnia incommoda sequentur.
 Deinde coniecturalis causa non potest simul ex eadem
 parte, eodem in genere & coniecturalis esse, & defi-
 nitiva. Rursus nec definitiva causa potest simul ex
 eadem parte eodem in genere & definitiva esse &
 translativa. Et omnino nulla constitutio, nec pars con-
 stitutionis potest simul & suam habere, & alterius
 in se uim continere: ideo quod unaquæque ex se, &
 ex sua natura simpliciter consideratur. Altera assum-
 pta, numerus constitutionum duplicatur, non uis
 constitutionis augetur. At deliberatiua causa simul
 ex eadem parte, eodem in genere & coniecturalem,
 & generalem, & definitiuam, & translatiuam so-
 let habere constitutionem, & unam aliquam, &
 plures nonnunquam: ergo ipsa nec constitutio est, nec
 pars constitutionis. Idem in demonstratione solet usu
 euenire. Genera igitur, ut ante diximus, hæc cau-
 sarum putanda sunt, non partes alicuius constitu-
 tionis. Hæc ergo constitutio, quam generalem nomi-
 namus, partes nobis uidetur duas habere, iuridicia-
 lem, & negotialem. Iuridicialis, est, in qua æqui &
 recti natura, aut præmij, aut pœnæ ratio quaeritur.
 Negotialis est, in qua, quid iuris ex civili more, &
 æquitate sic, consideratur: cui diligentia præesse apud
 nos iurisperiti existimantur. Ac iuridicialis quidem
 ipsa in duas tribuitur partes, absolutam, & assumpti-
 uam. Absoluta est, quæ ipsa in se continet iuris, &
 iniuriæ quæstionem. Assumptiua est, quæ ipsa ex se

nihil firmi dat ad recusationem, foris autem aliquid defensionis assumit. Eius partes sunt quatuor, concessio, remotio criminis, relatio criminis, comparatio. Concessio est, cum reus non id, quod factum est, defendit, sed, ut ignoscatur, postulat. hæc in duas partes diuiditur, purgationem, & deprecationem. Purgatio est, cum factum conceditur, culpa remouetur. Hæc partes habet tres, imprudentiam, casum, necessitatem. Deprecatio est, cum & peccasse, & consulto peccasse reus se confitetur, & tamen, ut ignoscatur, postulat: quod genus perituro potest accidere. Remotio criminis est, cum id crimen, quod infertur, ab se, & ab sua culpa ui & potestate in alium reus remouere conatur. Id dupliciter fieri poterit, si aut causa, aut factum in alium transferetur. Causa transferetur, cum aliena dicitur ui, & potestate factum. Factum autem, cum alius aut debuisse, aut potuisse facere dicitur. Relatio criminis est, quod ideo iure factum dicitur, quod aliquis ante iniuria laceßierit. Comparatio est, cum aliud aliquod factum rectum, aut utile contenditur: quod ut fieret, illud, quod arguitur, dicitur esse commissum. In quarta constitutione, quam translationem nominamus, eius constitutionis est controuersia, cum aut quem, aut quicum, aut quo modo, aut apud quos, aut quo iure, aut quo tempore agere oporteat, queritur, aut omnino aliquid de commutatione, aut infirmatione actionis agitur. Huius constitutionis Hermagoras inuentor esse existimatur, non quo non usi sint ea ueteres oratores sæpe multi, sed

DE INVENTIONE

quia non animaduerterint artis scriptores eam superiores, nec retulerint in numerum constitutionum. Post autem ab hoc inuentam multi reprehenderunt, quos non tam imprudentia falli putamus, (res enim perspicua est) quàm inuidia atque obtrectatione quadam impediri. Et constitutiones quidem, & earum partes exposuimus: exempla autem cuiusque generis tum commodius exposituri uidemur, cum in unumquodque eorum argumentorum copiam dabimus. Nam argumentandi ratio dilucidior erit, cum & ad genus, & ad exemplum causæ statim poterit accommodari. Constitutione causæ reperta, statim placet considerare, utrum causa sit simplex an, coniuncta; & si coniuncta erit, utrum sit ex pluribus quæstionibus iuncta, an ex aliqua comparatione. Simplex est, quæ absolutam in se continet unam quæstionem, hoc modo: Corinthiis bellum indicamus, an non? Coniuncta ex pluribus quæstionibus, in qua plura quærentur, hoc pacto: Vtrum Carthago diruatur, an Carthaginensibus reddatur, an eò colonia deducatur. Ex comparatione, in qua per contentionem, utrum potius, aut quid potissimum sit, quæritur, ad hunc modum: Vtrum exercitus in Macedoniam contra Philippum mittatur, qui socijs sit auxilio, an teneatur in Italia, ut quàm maximæ contra Annibalem copiæ sint. Deinde considerandum est, in oratione, an in scripto sit controuersia. Nam scripti controuersia est ea, quæ ex scriptionis genere nascitur. Eius autem genera, quæ sunt separata à constitutionibus, quinque sunt. Nam tum uerba ipsa uidentur cum sententia scriptoris dissidere, tum

inter se
scripserunt
co, quod
est, inuen
fontione
genus de
legibus
num, q
ancum, e
aliqua a
genere a
an conia
beat com
qua quæ
mentum
ciscantur
causatur
re fecit
etio, in
controu
Iure ne
qua, si
quetur
nulgato
matric
memm
ta, on
causæ
Iudic
ration

inter sedue leges, aut plures discrepare, tum id, quod scriptum est, duas, aut plures res significare: tum ex eo, quod scriptum est, aliud quoque, quod non scriptum est, inueniri: tum uis uerbi quasi in diffinitiva constitutione, in quo posita sit, queri. Quare primum genus de scripto & sententia, secundum ex contrariis legibus, tertium ambiguum, quartum ratiocinatum, quintum diffinitiuum nominamus. Ratio est autem, cum omnis quaestio non in scriptione, sed in aliqua argumentatione consistit. Ac tum considerato genere causae, & cognita constitutione, cum, simplex ne, an coniuncta sit, intellexeris, & scripti an rationis habeat controuersiam, uideris, deinceps erit uidendum, quae quaestio, quae ratio, quae iudicatio, quod firmitamentum causae sit: quae omnia a constitutione proficiantur oportet. Quaestio est ea, quae ex conflictione causarum gignitur controuersia, hoc modo: Non iure fecisti, iure feci. Causarum autem haec est conflictio, in qua constitutio constat. Ex ea igitur nascitur controuersia, quam quaestionem dicimus, hoc modo: Iure ne fecerit. Ratio est ea, quae continet causam; quae, si sublata sit, nihil in causa controuersiae relinquetur; hoc modo: ut docendi causa in facili, & per uulgato exemplo consistamus: Orestes si accusetur matricidij, nisi hoc dicat, Iure feci, illa enim patrem meum occiderat, non habet defensionem: qua sublata, omnis quoque controuersia sublata sit. ergo eius causae ratio est, quod illa Agamemnonem occiderit. Iudicatio est, quae ex infirmatione, & confirmatione rationis nascitur controuersia. nam sit ea nobis ex-

DE INVENTIONE

posita ratio, quam paulo ante exposuimus. Illa enim, inquit, patrem occiderat. At non, inquit aduersarius, abs te filio matrem necari oportuit. potuit enim sine tuo scelere illius factum puniri. Ex hac deductione rationis, illa summa nascitur controuersia, quam iudicationem appellamus. Ea est huiusmodi: Rectum ne fuerit ab Oreste matrem occidi, cum illa Orestis patrem occidisset. Firmamentum est, firmissima argumentatio defensoris, & aptissima ad iudicationem, ut si uelit, Orestes dicere, eiusmodi animum matris suae fuisse in patrem suum, in se ipsum, in sorores, in regnum, in famam generis, & familiae, ut ab ea poenas liberi sui potissimum petere debuerint. Et in ceteris quidem constitutionibus ad hunc modum iudicationes reperiuntur: in coniecturali autem constitutione, quia ratio non est, (factum enim non conceditur) non potest ex deductione rationis nasci iudicatio. Quare necesse est eandem esse quaestionem, & iudicationem, ut factum est, non est, factum ne sit. Quot autem in causa constitutiones aut eorum partes erunt, totidem necesse erit quaestiones, rationes, iudicationes, firmamenta reperiri. His omnibus in causa repertis, tunc denique singulae partes totius causae consideranda sunt. nam non, ut quidque dicendum primum, ita primum animaduertendum uidetur: ideo quod illa, quae prima dicuntur, si uehementer uelis congruere & coherere cum causa, ex eis ducas oportet, quae post dicenda sunt. Quare cum iudicatio, & ea, quae ad iudicationem oportet inueniri argumenta, diligenter erunt artificio reperta, cura & cogitatione pertractata

tractata, tum denique ordinandæ sunt ceteræ partes orationis. Hæ partes sex omnino nobis videntur, exordium, narratio, partitio, confirmatio, reprehensio, conclusio. Nunc, quoniam exordium princeps omnium esse debet, nos quoque primum in ratione exordienti præcepta dabimus.

EXORDIUM est oratio animum auditoris idonee comparans ad reliquam dictionem: quod eueniet, si cum beneuolum, attentum, docilem fecerit. Quare qui bene exordiri causam uolet, cum necesse est genus suæ causæ diligenter ante cognoscere. Genera causarum sunt quinque, honestum, admirabile, humile, anceps, obscurum. Honestum genus est, cui statim sine oratione nostra auditoris fauet animus. Admirabile, à quo alienatus est animus eorum, qui audituri sunt. Humile, quod negligitur ab auditore, & non magnopere attendendum uidetur. Anceps, in quo aut iudicatio dubia est, aut causa & honestatis, & turpitudinis particeps, ut beneuolentiam pariat, & offensionem. Obscurum, in quo aut tardi auditores sunt, aut difficilioribus ad cognoscendum negotijs causa implicita est. Quare, cum diuersa sint genera causarum, exordiri quoque dispari ratione in unoquoque genere necesse est. Igitur exordium in duas partes diuiditur, in principium, & insinuationem. Principium est oratio perspicue & protinus perficiens auditorem beneuolum, aut docilem, aut attentum. Insinuatio est oratio quadam dissimulatione, & circuitione obscure subiens auditoris animum. In admirabili genere causæ, si non omnino infesti audi-

DE INVENTIONE

tores erunt, principio benevolentiam comparare licebit: sin erunt uehementer abalienati, confugere necesse erit ad insinuationem. nam ab iratis si perspicue pax, & benevolentia petitur, non modo ea non inuenitur, sed augetur, atque inflammatur odium. In humili autem genere cause, contemptionis tollende causa, necesse erit attentum efficere auditorem. Anceps genus cause si dubiam iudicationem habebit, ab ipsa iudicatione exordiendum est: sin autem partem turpitudinis, & partem honestatis habebit, benevolentiam captare oportebit, ut in genus honestum causa translata uideatur. cum autem erit honestum cause genus, uel prateriri principium poterit, & si commodum fuerit, aut à narratione incipiemus, aut à lege, aut ab aliqua firmissima ratione nostræ dictionis: uel, si uti principio placebit, benevolentie partibus utendum est, ut id, quod est, augeatur. In obscuro cause genere, per principium dociles auditores efficere oportebit. Nunc, quoniam, quas res exordio conficere oporteat, dictum est; reliquum est, ut ostendatur quibus quæque res rationibus confici possit. Benevolentia quatuor ex locis comparatur, ab nostra, ab aduersariorum, ab iudicum persona, à causa. Ab nostra, si de nostris factis & officiis sine arrogantia dicemus: si crimina illata, & aliquas minus honestas suspensiones iniectas diluemus: si, quæ incommoda acciderunt, aut quæ insistent difficultates, proferemus: si prece & obsecratione humili ac supplici utemur. Ab aduersariorum autem, si eos aut in odium, aut in inuidiam, aut in contemptionem adducemus. In odium

adducen
lier, ma
corum,
tur, atq
his rebu
re. In
negligen
riori a
nevolent
ter, ma
tio nunt
firmatio
estatio
sam laud
concompe
mus, si
gna, no
aliquos
ad sum
breui no
mus inu
Dociles
mam
trouer
attent
qui atte
tiones
cendun
cum
ximus

adducentur, si quid eorum sturce, superbe, crudeliter, malitiose factum proferetur. In inuidiam, si uis eorum, potentia, diuitiæ, cognatio, pecunia proferentur, atque eorum usus arrogans & intolerabilis; ut his rebus magis uideantur, quàm causæ suæ confidere. In contemptionem adducentur, si eorum inertia, negligentia, ignauia, desidiosum studium, & luxuriosum otium proferetur. Ad auditorum persona beneuolentia captabitur, si res ab his fortiter, sapienter, mansuete gestæ proferentur, ut ne qua assentatio nimia significetur: & si, de his quàm honesta existimatio, quantaq; eorum iudicij, & auctoritatis expectatio sit, ostendetur. Ab ipsis rebus, si nostram causam laudando extollemus, aduersariorum causam per contemptionem deprimemus. Attentos autem faciemus, si demonstrabimus ea, quæ dicturi erimus, magna, noua, incredibilia esse, aut ad omnes, aut ad aliquos illustres homines, aut ad deos immortales, aut ad summam reip. pertinere: & si pollicebimur nos breui nostram causam demonstraturos, atque exponemus iudicationem, aut iudicationes, si plures erunt. Dociles auditores faciemus, si aperte & breuiter summam causæ exponemus, hoc est, in hoc consistit controuersia. nam &, cum docilem uelis facere, simul attentum facias oportet. nam is maxime docilis est, qui attentissime est paratus audire. Nunc, insinuationes quemadmodum tractari conueniat, deinceps dicendum uidetur. Insinuatione igitur utendum est, cum admirabile genus causæ est, hoc est, ut ante diximus, cum animus auditoris infestus est. id autem

DE INVENTIONE

tribus ex causis sit maxime: si aut inest in ipsa causa quedam turpitudine, aut si ab ijs, qui ante dixerunt, iam quiddam auditori persuasum uidetur, aut eo tempore locus dicendi datur, cum iam illi, quos audire oportet, defessi sunt audiendo. nam ex hac quoque re non minus, quam ex primis duabus, in oratione nonnunquam animus auditoris offenditur. Si cause turpitudine contrahet offensionem; aut pro eo homine, in quo offenditur, alium hominem, qui diligitur, interponi oportet; aut pro re, in qua offenditur, aliam rem, que probatur; aut pro re hominem, aut pro homine rem, ut ab eo, quod odit, ad id, quod diligit, auditoris animus traducatur; Et dissimulare id te defensurum, quod existimeris defensurus. Deinde, cum iam mitior factus erit auditor, ingredi pedetentim in defensionem, Et dicere, ea, que indignantur aduersarij, tibi quoque indigna uideri. Deinde, demonstrare nihil eorum ad te pertinere, Et negare te quidquam de aduersarijs esse dicturum, neque hoc, neque illud, ut neque aperte lades eos, qui diliguntur, Et tamen id obscure faciens, quoad possis alienes ab eis auditorum uoluntatem; Et aliquorum iudicium simili de re, aut auctoritatem proferre, imitatione dignam. Deinde, aut eandem, aut consimilem, aut maiorem, aut minorem agi rem in presentia, demonstrare. Sin oratio aduersariorum fidem uidebitur auditoribus fecisse, id quod ei, qui intelligit quibus rebus fides fiat, facile erit cognitu: oportet aut de eo, quod aduersarij sibi firmissimum putarint, Et maxime ij, qui audierint, probarint, primum te dicturum polliceri: aut ab ad-

uersarijs dicto exordiri, & ab eo potissimum, quod ille nuperrime dixerit; aut dubitatione uti, quid primum dicas, aut cui potissimum loco respondeas cum admiratione. nam auditor cum eum, quem aduersarij perturbatum putant oratione, uidet animo firmissimo contradicere paratum; plerunque se potius temere assensisse, quam illum sine causa credere arbitratur. Sin auditoris studium defatigatio abalienauit à causa: te breuius, quam paratus fueris, esse dicturum, commodum est polliceri, non imitaturum aduersarium. Sin res dabit, non inutile est ab aliqua re noua, aut ridicula incipere, aut ex tempore quæ nata sit, quod genus, strepitum, acclamationem; aut iam parata, quæ uel apologum, uel fabulam; uel aliquam contineat irrisiōem: aut, si rei dignitas adimet iocandi facultatem, aliquid triste, nouum, horribile, statim non incommodum est iniicere. nam ut cibi satietas & fastidium, aut subamara aliqua re releuatur, aut dulci mitigatur: sic animus defessus audiendo, aut admiratione integratur, aut risu renouatur. Ac separatim quidem, quæ de principio, & insinuatione dicenda uidebantur, hæc fere sunt. nunc quiddam breuiter & communiter de utroque præcipiendum uidetur. Exordium sententiarum, & grauitatis plurimum debet habere, & omnino omnia, quæ pertinent ad dignitatem, continere in se; propterea quòd id optime faciendum est, quod oratorem auditori maxime commendat: splendoris, & festiuitatis, & concinnitudinis minimum; propterea quòd ex his suspicio quadam apparationis, atque artificiosæ

DE INVENTIONE

diligentia nascitur, quæ maxime orationi fidem, oratori adimit auctoritatem. Vicia uero hæc sunt certissima exordiorum, quæ summopere uitare oportebit, vulgare, commune, commutabile, longum, separatum, translatum, contra præcepta. Vulgare est, quod in plures causas potest accommodari, ut conuenire uideatur. Commune est, quod nihilo minus in hanc, quàm in contrariam partem causæ potest conuenire. Commutabile, quod ab aduersario potest leuiter mutatum ex contraria parte dici. Longum est, quod pluribus uerbis, aut sententijs ultra quàm satis est producit. Separatum, quod non ex ipsa causa ductum est, nec, sicut aliquo membrum, annexum orationi. Translatum est, quod aliud conficit, quàm causa genus postulat: ut, si quis docilem faciat auditorem, cum beneuolentiam causa desiderat: aut si principio uctur, cum insinuationem res postulat. Contra præcepta est, quod nihil eorum efficit, quorum causa de exordijs præcepta traduntur; hoc est, quod eum, qui audit, neque beneuolum, neque attentum, neque docilem efficit; aut, quo profecto nihil peius est, ut contra sit, facit. Ac de exordio quidem satis dictum est.

NARRATIO est, rerum gestarum, aut ut gestarum expositio. Narrationum tria sunt genera. Vnum genus est, in quo ipsa causa, et omnis ratio controuersia continetur. Alterum, in quo digressio aliqua extra causam, aut criminationis, aut similitudinis, aut delectationis non alienæ ab eo negotio, quo de agitur, aut amplificationis causa interponitur. Tertium genus est remotum à civilibus causis, quod delectationis cau-

sa non inuiti cum exercitatione dicitur, & scribitur. Eius partes sunt duæ, quarum altera in negotiis, altera in personis maxime uersatur. Ea, quæ in negotiorum expositione posita est, tres habet partes, fabulam, historiam, argumentum. Fabula est, in qua nec ueræ, nec uerisimiles res continentur. cuiusmodi est: Angues ingentes alites iuncti iugo. Historia est gesta res, ab ætatis nostræ memoria remota. quod genus, Appius indixit Carthaginensibus bellum. Argumentum est ficta res, quæ tamen fieri potuit. huiusmodi apud Terentium:

Nam is postquam excessit ex ephebis Sofia.

Illa autem narratio, quæ uersatur in personis, eiusmodi est, ut in ea simul cum rebus ipsis personarum sermones, & animi perspicui possint, hoc modo:

Venit ad me sæpe clamicans, Quid agis Mitio?

Cur perdis adolescentem nobis? cur amat?

Cur potat? cur tu his rebus sumptus suggeris?

Vestitu nimio indulges: nimium ineptus es,

Nimium ipse durus est, præter æquum & bonum.

Hoc in genere narrationis multa inesse debet festiuitas, confecta ex rerum uarietate, animorum dissimilitudine, grauitate, lenitate, spe, metu, suspitione, desiderio, dissimulatione, errore, misericordia, fortunæ commutatione, insperato incommodo, subita letitia, iucundo exitu rerum. Verum hæc ex iis, quæ postea de elocutione præcipientur, ornamenta sumuntur. Nunc de narratione ea, quæ causam continet expositionem, dicendum uidetur. Oportet igitur eam tres habere res, ut breuis, ut aperta, ut probabilis sit.

L. iij

DE INVENTIONE

Brevis erit, si, unde necesse est, inde initium sumetur, & non ab ultimo repetetur, & si, cuius rei satis erit summam dixisse, eius partes non dicentur: nam sæpe satis est quod factum sit dicere, non ut enarres quemadmodum sit factum: & si non longius quàm quod scitu opus est, in narrando procedetur: & si nullam in rem aliam transibitur: & si ita dicitur, ut nonnunquam ex eo, quod dictum sit, id, quod dictum non sit, intelligatur: & si non modo id, quod obest, uerum etiam id, quod nec obest, nec adiuvat, præteribitur: & si semel unumquodque dicitur: & si non ab eo, in quo proxime desitum erit, deinceps incipitur. Ac multos imitatio decipit breuitatis, ut, cum se breues putent esse, longhissimi sint: cum dent operam, ut res multas breuiter dicant, non ut omnino paucas res dicant, & non plures quàm necesse sit. nam plerisque breuiter dicere uidetur, qui ita dicit: Accessi ad ædes, puerum euocaui: respondit: Quæsiui dominum, domi negauit esse. Hic tametsi tot res breuius non potuit dicere, tamen, quia satis fuit dixisse, Domi negauit esse, sit rerum multitudine longus. Quare hac quoque in genere uitanda est breuitatis imitatio, & non minus rerum non necessariarum, quàm uerborum multitudine supersedendum. Aperta autem narratio poterit esse, si, ut quidque primum gestum erit, ita primum exponetur, & rerum, ac temporum ordo seruabitur, ut ita narrentur, ut gestæ res erunt, aut ut potuisse geri uidebuntur. Hic considerandum erit, ne quid perturbate, ne quid contorte dicatur, ne quam in aliam rem transeat, ne ab ultimo repetatur, ne

ad exar
tineat,
breuitat
da. na
magis,
que dilu
in prece
ca uideb
tate, si
factoru
debuter
opportu
fuisse o
tineant,
diant, o
finitis ex
terea con
ant curm
co, aut
Obest ta
cipit off
agendo
bratim o
ad u
re, ut a
statim
cum, a
itertum
audire
sit eos a

ad extremum prodeatur, ne quid, quod ad rem pertineat, prateratur: & omnino, quæ præcepta de breuitate sunt, hoc quoque in genere sunt conseruanda. nam sæpe res parum est intellecta longitudine magis, quàm obscuritate narrationis. Ac uerbis quoque dilucidis utendum est: quo de genere dicendum est in præceptis elocutionis. Probabilis erit narratio, si in ea uidebuntur inesse ea, quæ solent apparere in ueritate, si personarum dignitates seruabuntur, si causæ factorum extabunt, si fuisse facultates faciundi uidebuntur, si tempus idoneum, si spatij satis, si locus opportunus ad eandem rem, qua de re narrabitur, fuisse ostendetur: si res & ad eorum, qui agent, naturam, & ad uulgi morem, & ad eorum, qui audiunt, opinionem accommodabitur. ac ueri quidem similis ex his rationibus esse poterit. Illud autem præterea considerare oportebit, ne, aut cum obsit, narratio, aut cum nihil prosit, tunc interponatur; aut non loco, aut non quemadmodum causa postulat, narretur. Obest tum, cum ipsius rei gestæ expositio magnam excipit offensionem: quam argumentando, & causam agendo lenire oportebit. quod cum acciderit, membratim oportebit partes rei gestæ dispergere in causam, & ad unamquamque consistim rationem accommodare, ut uulneri præsto medicamentum sit, & odium statim defensio mitiget. Nihil prodest narratio tunc, cum, ad aduersarijs re exposita, nostra nihil interest iterum, aut alio modo narrare: aut cum ab ijs, qui audiunt, ita tenetur negotium, ut nostra nihil intersit eos alio pacto docere. quod cum acciderit, omnino

DE INVENTIONE

narratione supersedendum est. Non loco dicitur, cum non in ea parte orationis collocatur, in qua res postulat: quo de genere agemus tum, cum de dispositione dicemus: nam hoc ad dispositionem pertinet. Non quemadmodum causa postulat, narratur, cum aut id, quod aduersario prodest, dilucide & ornate exponitur, aut id, quod ipsum adiuvat, obscure dicitur, & negligenter. Quare, ut hoc vitium vitetur, omnia torquenda sunt ad commodum suæ causæ, contraria, quæ præteriri poterunt, præterundo; quæ illius erunt, leuiter attingendo; sua diligenter, & enodate narrando. Ac de narratione quidem satis dictum uidetur. deinceps ad partitionem transeamus.

RECTE habita in causa partitio, illustrem & perspicuam totam efficit orationem. Eius partes duæ sunt, quarum utraque magnopere ad aperiendam causam, & constituendam pertinet controuersiam. Vna pars est, quæ, quid cum aduersarijs conueniat, & quid in controuersia relinquatur, ostendit: ex qua certum quiddam designatur auditori, in quo animum debeat habere occupatum. Altera est, in qua rerum earum, de quibus erimus dicturi, breuiter expositio ponitur distributa: ex qua conficitur, ut certas animo res teneat auditor; quibus dictis, intelligat fore peroratum. Nunc, utroque genere partitionis quemadmodum conueniat uti, breuiter dicendum uidetur. Quæ partitio, quid conueniat, aut quid non conueniat, ostendit, hæc debet illud, quod conuenit, inclinare ad suæ causæ commodum, hoc modo: Interfectam matrem esse à filio, conuenit mihi cum aduer-

sarijs.
Agam
fuit, q
confusa
est in i
inuenit
retro
relebe
nitas q
uerbum
rimus i
extram
et sol
fari, ge
in qua
ma uel
id, quod
Pauca
rum po
catur
fietur,
equus.
homo,
Hæc id
intellect
partiti
dam p
etiam a
peruer
to gen

sarijs : Item contra : Interfectum esse à Clytemnestra Agamemnonem, conuenit . Nam hic uterque & id posuit, quod conueniebat ; & tamen suæ causæ comodo consuluit . Deinde , quid controuersia sit , ponendum est in iudicationis expositione : quæ quemadmodum inueniretur , ante dictum est . Quæ autem partitio rerum distributam continet expositionem , hæc habere debet breuitatem , absolutionem , paucitatem : Breuitas est , cum nisi necessarium nullum assumitur uerbum . Hac in hoc genere idcirco utilis est , quod reus ipsis , & partibus causæ , non uerbis , neque extraneis ornamentis animus auditoris tenendus est . Absolutio est , per quam omnia , quæ inelidunt in causam , genera , de quibus dicendum est : amplius mittit . in qua partitione sciendum est , ne aut aliquod genus utile relinquatur , aut sero extra partitionem , id , quod uitiosissimum ac turpissimum est , inferatur . Paucitas in partitione seruatur , si genera ipsa rerum ponuntur , neque permiste cum partibus implcantur . nam genus est , quod plures partes amplectitur , ut animal : pars est , quæ subest generi , ut equus . Sed sæpe eadē res alijs genus , alijs pars est . nam homo , animalis pars est ; Thebani , aut Troiani , genus . Hæc ideo diligentius inducitur præscriptio , ut , aperte intellecta generali partitione , paucitas generum in partitione seruari possit . nam qui ita partitur , ostendam propter cupiditatem , & audaciam , & auaritiā aduersariorum omnia incommoda ad remp . peruenisse ; is non intellexit , in partitione , exposito genere , partem se generis admiscuisse . nam ge-

DE INVENTIONE

nus est omnium nimirum libidinum cupiditas: eius autem generis sine dubio pars est auaritia. Hoc igitur uitandum est, ne, cuius genus posueris, eius se-cum aliquam, diuersam ac dissimilem, partem ponas in eadem partitione. Quod si quod in genus plures incidens partes, id cum in prima partitione causæ erit simpliciter expositum, distribuetur eo tempore com-modissime, cum ad ipsum uentum erit explicandum in causæ dictione post partitionem. Atque illud quo-que pertinet ad paucitatem, ne aut plura, quàm sa-tis est, demonstraturos nos dicamus, hoc modo: Osten-dam aduersarios, quod arguimus, & potuisse face-re, & uoluisse, & fecisse: nam, fecisse, ostendere sa-tis est. Aut cum in causa partitio nulla sit, & cum simplex quiddam agatur, tamen utamur distributio-ne, idq; perraro potest accidere. Ac sunt alia quoque præcepta partitionum, quæ ad hunc usum oratorium non tantopere pertinent, quæ uersantur in philoso-phia, ex quibus hæc ipsa transtulimus, quæ conueni-re uidebantur, quorum nihil in cæteris artibus inue-niebamus. Atque his de partitione præceptis, in omni dictione meminisse oportebit, ut & prima quæque pars, ut exposita est in partitione, sic ordine transiga-tur; &, omnibus explicatis, peroratum sit, hoc mo-do, ut ne quid posterius præter conclusionem infera-tur. Partitur apud Terentium breuiter, & commode senex in Andria, quæ cognoscere libertum uelit: Eo pacto & gnati uitam, & consilium meum Cognosces, & quid facere in hac re te uelim. itaque quemadmodum in partitione proposuit, ita

narrat primum gnati uitam :

Nam is postquam excessit ex ephebis Sofia,
Liberius uiuendi fuit potestas.

Deinde suum consilium,
Et nunc id operam do.

Deinde quid Sofiam uelit facere, id quod postre-
mum posuit in partitione, postremum dicit :
Nunc tuum est officium.

Quemadmodum igitur hic & ad primam quan-
que partem primum accessit, & omnibus absolutis,
finem dicendi fecit : sic nobis placet & ad singulas
partes accedere, & omnibus absolutis perorare. Nunc
de confirmatione deinceps, ita ut ordo ipse postulat,
præcipiendum uidetur.

CONFIRMATIO est, per quam argumen-
tando nostræ causæ fidem, & auctoritatem, & fir-
mamentum adiungit oratio. Huius partis certæ sunt
præcepta, quæ in singula causarum genera diuidentur.
Veruntamen non incommodum uidetur, quan-
dam syluam, atque materiam uniuersam ante per-
mistam, & confusam exponere omnium argumen-
tationum : post autem tradere quemadmodum unum-
quodque genus causæ, hinc omnibus argumentandi
rationibus tractis, confirmare oporteat. Omnes res
argumentando confirmantur, aut ex eo, quod perso-
nis, aut ex eo, quod negotiis est attributum. Ac per-
sonis has res attributas putamus, nomen, naturam,
uictum, fortunam, habitum, affectionem, studia,
consilia, facta, casus, orationes. Nomen est, quod
unicuique personæ datur, quo suo quæque proprio,

DE INVENTIONE

Et certo uocabulo appellatur. Naturam ipsam de-
 finire difficile est. partes autem eius enumerare eas,
 quarum indigemus ad hanc praeceptionem, facilius est.
 Haec autem partim diuino, partim mortali in genere
 uersantur. Mortalium autem pars in hominum, pars
 in bestiarum genere enumeratur. Atque hominum
 genus et in sexu consideratur, uirile, an muliebre sit;
 et in natione, patria, cognatione, et etate: natio-
 ne, Grauius, an barbarus: patria, Atheniensis, an La-
 cedemonius: cognatione, quibus maioribus, quibus
 consanguineis: etate, puer, an adolescens, natu
 grandior, an senex. Praeterea commoda, et incom-
 moda considerantur ab natura data animo, aut cor-
 pori, hoc modo: ualens, an imbecillus, longus, an bre-
 uis, formosus, an deformis, uelox, an tardus sit, acu-
 tus, an hebetior, memor, an obliuiosus, comis, officio-
 sus, pupens, patiens, an contra. Et omnino quae à
 natura data animo, et corpori considerabuntur, in
 natura consideranda sunt. Nam quae industria com-
 parantur, ad habitum pertinent, de quo posterius di-
 cendum est. In uictu considerare oportet, apud quem,
 et quo more, et cuius arbitratu sit educatus; quos
 habuerit artium liberalium magistros, quos uiuendi
 praeceptores; quibus amicis utatur; quo in negotio,
 quaestu, artificio sit occupatus; quo modo rem fami-
 liarem administret; qua consuetudine domestica sit.
 In fortuna queritur, seruus sit an liber, pecuniosus
 an tenuis, priuatus an cum potestate: si cum potesta-
 te, iure an iniuria, felix, clarus, an contra; quales
 liberos habeat. Aut, si de non uiuo queretur, etiam

quali morte sit affectus, erit considerandum. Habitum autem hunc appellamus, animi, aut corporis constantem & absolutam aliqua in re perfectionem, ut uirtutis, aut artis perceptionem alicuius, aut quamuis scientiam. Et item corporis aliquam commoditatem, non natura datam, sed studio & industria partam. Affectio est, animi, aut corporis ex tempore aliqua de causa commutatio, ut letitia, cupiditas, metus, molestia, morbus, debilitas, & alia, quæ genere in eodem reperiuntur. Studium autem est, animi assidua, & uehemens ad aliquam rem applicata magna cum uoluntate occupatio, ut philosophiæ, poetriæ, geometriæ, literarum. Consilium est aliquid faciendi, aut non faciendi uere excogitata ratio. Facta autem, & casus, & orationes tribus ex temporibus considerabuntur, quid fecerit, aut quid ipsi acciderit, aut quid dixerit, aut quid faciat, quid ipsi accidat, quid dicat, aut quid factururus sit, quid ipsi casurum sit, quæ sit usus oratione. Ac personis quidem hæc uidentur esse attributa. Negotijs autem quæ sunt attributa, partim sunt continentia cum ipso negotio, partim in gestione negotij considerantur, partim adiuncta negotio sunt, partim gestum negotium consequuntur. Continentia cum ipso negotio sunt ea, quæ semper affixa esse uidentur ad rem, neque ab ea possunt separari. Ex his prima est breuis complexio totius negotij, quæ summam continet facti, hoc modo: Parentis occasio, patriæ proditio. Deinde causa eius summæ, per quam, & quamobrem, & cuius rei causa factum sit, queritur. Deinde ante rem gestam, quæ

DE INVENTIONE

facta sunt, continenter usque ad ipsum negotium. Deinde in ipso gerendo negotio quid actum sit. Deinde quid postea factum sit. In gestione autem negotij, qui locus secundus erat de ijs, quæ negotijs attributa sunt, quærat^{ur} locus, tempus, modus, occasio, facultas, Locus consideratur, in quo res gesta sit, ex opportunitate, quam uideatur habuisse ad negotium administrandum. Ea autem opportunitas queritur ex magnitudine, intervallo, longinquitate, propinquitate, solitudine, celebritate, natura ipsius loci, & uicinitate totius regionis. Ex his etiam attributionibus, sacer, an profanus; publicus, an priuatus; alienus, an ipsius, de quo agitur, locus sit, an fuerit. Tempus autem est id, quo nunc utimur, (nam ipsum quidem generaliter definire difficile est) pars quedam eternitatis cum alicuius annui, mensuri, diurni, nocturni uel spatij certa significatione. In hoc & quæ præterierunt, considerantur, & eorum ipsorum, quæ propter uetustatem obsoleuerunt, ut incredibilia uideantur, & iam in fabularum numero reponantur: & quæ iandiu gesta, & à memoria nostra remotæ, tamen faciant fidem, uere tradita esse, quod eorum monumenta certa in literis extent: & quæ nuper gesta sint, quæ scire plerique possint: & item quæ insint in præsentia, & quæ maxime fiant, & quæ consequantur. In quibus potest considerari, quid ocysus, & quid serius futurum sit. Et item communiter in tempore perspicendo longinquitas eius est consideranda. nam sæpe oportet commetiri cum tempore negotium, & uidere potuerit ne aut magnitudo

tudo negotij, aut multitudo rerum in eo transigi tempore. Consideratur autem tempus & anni, & mensis, & diei, & noctis, & uigilia, & horæ, & in aliqua parte alicuius horum. Occasio autem est pars temporis, habens in se alicuius rei idoneam faciendi, aut non faciendi opportunitatem. quare cum tempore hoc differt. nam genere quidem utrumque idem esse intelligitur: uerum in tempore spatium quodam modo declaratur, quod in annis, aut in anno, aut in aliqua anni parte spectatur: in occasione ad spatium temporis faciendi quædam opportunitas intelligitur adiuncta. Quare, cum genere idem sit, fit aliud, quod parte quadam, & specie, ut diximus, differat. Hæc distribuitur in tria genera, publicum, commune, singulare. Publicum est, quod ciuitas uniuersa aliqua de causa frequentat, ut ludi, dies festus, bellum. Commune, quod accidit omnibus eodem fere tempore, ut messis, uindemia, calor, frigus. Singulare autem est, quod aliqua de causa priuatim solet alicui accidere, ut nuptiæ, sacrificium, funus, conuiuium, somnus. Modus autem est, in quo, quemadmodum, & quo animo factum sit, queritur. Eius partes sunt, prudentia, & imprudentia. Prudentiæ autem ratio queritur ex ijs, quæ clam, palam, ui, persuasione fecerit. Imprudentia autem in purgationem confertur; cuius partes sunt, inscientia, casus, necessitas; & in affectionem animi, hoc est, molestant, iracundiam, amorem, & cætera, quæ in simili genere uersantur. Facultates sunt, aut quibus facilius fit, aut sine quibus aliquid

M

DE INVENTIONE

confici non potest. Adiunctum autem negotio id intelligitur, quod maius, & quod minus, & quod simile erit ei negotio, quo de agitur, & quod æque magnum, & quod contrarium, & quod disparatum, & genus, & pars, & euentus. Maius, & minus, & æque magnum, ex vi, & ex numero, & ex figura negotij, sicut ex statura corporis, consideratur. Simile autem ex specie comparabili, comparabile autem ex conferenda atque assimulanda natura iudicatur. Contrarium est, quod positum in genere diuerso, ab eodem, cui contrarium esse dicitur, plurimum distat, ut frigus calori, uita mors. Disparatum autem est id, quod ab aliqua re per oppositionem negationis separatur, hoc modo, sapere, & non sapere. Genus est, quod partes aliquas amplectitur, ut cupiditas. Pars est, quæ subest generi, ut amor, auaritia. Euentus est, alicuius exitus negotij, in quo queri solet, quid ex quaque re euenerit, eueniat, euenturumq; sit. Quare hoc in genere, ut commodius, quid euenturum sit, ante animo colligi possit, quid quaque ex re soleat euenire, considerandum est, hoc modo: Ex arrogancia odium, ex insolentia arrogancia. Quarta autem pars est, ex ijs, quas negotijs dicebamus esse attributas, consecutio. In hac hæres queruntur, quæ gestum negotium consequuntur. Primum, quod factum est, quo id nomine appellari conueniat. Deinde eius facti qui sunt principes & inuectores, qui denique auctoritatis eius & inuentionis comprobatores atque æmuli. Deinde ecquæ ea de re, aut eius rei sit lex, consuetudo, actio, iudicium,

scientia
go sola
auctori
rime, &
sum, ad
mo dicit
sunt po
sequant
disting
ca, quæ
autem d
rauitur
debetur
mentat
aliquam
monstra
ac dicunt
do: Si p
mentat
tur, ma
xionem
conclu
ris, rep
cur ut
in qua
una re
se est,
aut m
si hor
causa

scientia, artificium. Deinde natura eius euenire uulgo soleat, an insolenter ac raro. Postea, homines id sua auctoritate comprobare, an offendi in his consueverint, & cetera, quæ factum aliquod similiter confestim, aut ex intervallo solent consequi. Deinde postremo attendendum est, num. quæ res ex ijs rebus, quæ sunt posita in partibus honestatis, aut utilitatis, consequantur, de quibus in deliberatio genere causæ distinctius erit dicendum. Ac negotijs quidem fere res eæ, quas commemorauimus, sunt attributa. Omnis autem argumentatio, quæ ex ijs locis, quos commemorauimus, sumetur, aut probabilis, aut necessaria debet esse. Etenim ut breuiter describamus, argumentatio uidetur esse inuentum ex aliquo genere, rem aliquam aut probabiliter ostendens, aut necessaria demonstrans. Necessarie demonstrantur ea, quæ aliter, ac dicuntur, nec fieri, nec probari possunt, hoc modo: Si peperit, cum uiro concubuit. Hoc genus argumentandi, quod in necessaria demonstratione uersatur, maxime tractatur in dicendo, aut per complexionem, aut per enumerationem, aut per simplicem conclusionem. Complexio est, in qua utrum concesseris, reprehendetur, ad hunc modum: Si improbus est, cur uteris? si probus, cur accusas? Enumeratio est, in qua, pluribus rebus expositis, & ceteris infirmatis, una reliqua necessario confirmatur, hoc pacto: Necessesse est, aut inimicitiarum causa ab hoc esse occisum, aut metus, aut spei, aut alicuius amici gratia, aut, si horum nihil est, ab hoc non esse occisum. nam sine causa maleficium susceptum esse non potest. Sed neque

M ij

DE INVENTIONE

inimicitia fuerunt, nec metus ullus, nec spes ex morte illius alicuius commodi, neque ad amicum huius aliquem mors eius pertinebat: relinquitur igitur, ut ab hoc non sit occisus. Simplex autem conclusio ex necessaria consecutione conficitur, hoc modo: Si uos me istud eo tempore fecisse dicitis, ego autem eo ipso tempore trans mare fui; relinquitur, ut id, quod dicitis, non modo non fecerim, sed ne potuerim quidem facere. Atque hoc diligenter uidere oportebit, ne quo pacto genus hoc refelli possit, & ne confirmatio modum in se argumentationis solum habeat, & quandam similitudinem necessariae conclusionis, uerum ipsa argumentatio ex necessaria ratione consistat. Probabile autem est id, quod fere fieri solet, aut quod in opinione positum est, aut quod habet in se ad hæc quandam similitudinem, siue id falsum est, siue uerum. Verum in eo genere, quod fere solet fieri, probabile huiusmodi est: Si mater est, diligit filium: si auarus est, negligit iusiurandum. In eo autem, quod in opinione positum est, huiusmodi sunt probabilia: Impiis apud inferos pœnas esse preparatas: Eos, qui philosophia dent operam, non arbitrari deos esse. Similitudo autem in contrariis, & paribus, & in ijs rebus, quæ sub eandem cadunt rationem, maxime spectatur. In contrariis hoc modo: Nam si ijs, qui imprudentes læserunt, ignosci conuenit, ijs, qui necessario profuerunt, haberi gratiam non oportet. Ex pari, sic: Nam uel locus sine portu, nauibus esse non potest tutus: sic animus sine fide, stabilis amicis non potest esse. In ijs rebus, quæ sub eandem rationem cadunt, hoc modo

probabile consideratur : Nam si Rhodijs turpe non est portorium locare , ne Hermacreonti quidem turpe est conducere. Hæc tum uera sunt hoc pacto : Quoniam cicatrix est , fuit uulnus . Tum uerisimilia , hoc modo : si multus erat in calceis puluis , ex itinere cum uenire oportebat . Omne autem , ut certas quasdam in partes distribuamus , probabile quod sumitur ad argumentationem , aut signum est , aut credibile , aut indicatum , aut comparabile . Signum est , quod sub sensum aliquem cadit , & quiddam significat , quod ex ipso profectum uidetur , quod aut ante fuerit , aut in ipso negotio , aut post sit consecutum , & tamen indiget testimonij , & grauioris confirmationis , ut cruor , fuga , pallor , puluis , & quæ his sunt similia . Credibile est , quod sine ullo teste auditoris opinione firmatur , hoc modo : Nemo est , qui non liberos suos incolumes , & beatos esse cupiat . Iudicatum est res assensione , aut auctoritate , aut iudicio alicuius , aut aliquorum comprobata . Id tribus in generibus spectatur , religioso , communi , approbato . Religiosum est , quod iurati legibus indicarunt . Commune est , quod omnes uulgo probarunt , & secuti sunt , huiusmodi : ut maioribus natu assurgatur , ut supplicum misereatur . Approbatum est , quod homines , cum dubium esset , quale haberi oporteret , sua constituerunt auctoritate , uelut Gracchi patris factum , quem populus R. ob id factum , quod insciente collega in Censura nihil gessit , post Censuram Consulem fecit . Comparabile autem est , quod in rebus diuersis similem aliquam rationem continet . Eius sunt partes tres , imago , collocatio ,

M ij

DE INVENTIONE

exemplum. Imago est oratio demonstrans corporum, aut naturarum similitudinem. Collatio est oratio rem cum re ex similitudine conferens. Exemplum est, quod rem auctoritate, aut casu alicuius hominis, aut negotij confirmat, aut infirmat. Horum exempla, & descriptiones in praeceptis elocutionis cognoscuntur. Ac fons quidem confirmationis, ut facultas tulit, apertus est, nec minus dilucide, quam rei natura ferebat, demonstratus est. Quemadmodum autem quaque constitutio, & pars constitutionis, & omnis controuersia, siue in ratione, siue in scripto uersetur, tractari debeat, & quae in quasque argumentationes conueniant, singillatim in secundo libro de unoquoque genere dicemus. In praesentia tantummodo numeros, & modos, & partes argumentandi confuse & permiste dispersimus: post descripte & electe in genus quodque causae, quid cuique conueniat, ex hac copia digeremus. Atque inueniri quidem omnis ex his locis argumentatio poterit: inuentam exornari, & certas in partes distinguere, & suauissimum est, & summe necessarium, & ab artis scriptoribus maxime neglectum. Quare & de ea praeceptione nobis & in hoc loco dicendum uisum est, ut ad inuentionem argumenti absolutio quoque argumentandi adiungeretur. Et magna cum cura & diligentia locus hic omnis considerandus est: quod non rei solum magna utilitas est, sed praecipendi quoque summa difficultas.

OMNIS igitur argumentatio aut per inductionem tractanda est, aut per ratiocinationem. Inductio est oratio, quae rebus non dubijs capiat assen-

*sonem et
facit, ut
eatum re
Socraticu
mophonis
locum.
natura me
illius, an
& ceteri
beat, qua
lius uero
rem habe
lius malis
ipso Xeno
Xenophont
quam tuu
lius, in qua
tu habes:
inquit, m
habeat, q
hic Xenop
niam uero
spondit,
dicam, q
mum uir
habere le
ceritis, u
terris sit
tis esse,
sis quam*

sionem eius, quicum instituta est: quibus assensionibus facit, ut illi dubia quadam res, propter similitudinem earum rerum, quibus assensit, probetur: uelut apud Socraticum Aeschinem demonstrat Socrates, cum Xenophontis uxore, & cum ipso Xenophonte Aspasiā locutam. Dic mihi, quæso, Xenophontis uxor, si uicina tua melius habeat aurum, quā tu habes; utrum illius, an tuum malis? Illius, inquit. Quod si uestem & ceterum ornatum muliebrem pretij maioris habeat, quā tu habes; tuum ne, an illius malis? Illius uero, respondit. Age, inquit, si uirum illa meliorem habeat, quā tu habes; utrum ne tuum, an illius malis? Hic mulier erubuit. Aspasia autem cum ipso Xenophonte sermonem instituit. Quæso, inquit, Xenophon, si uicinus tuus meliorem equum habeat, quā tuus est; tuum ne equum malis, an illius? Illius, inquit. Quod si fundum meliorem habeat, quā tu habes: utrum tandem fundum habere malis? Illum, inquit, meliorem scilicet. Quod si uxorem meliorem habeat, quā tu habes; utrum illius malis? Atque hic Xenophon quoque ipse tacuit. Post Aspasia: Quoniam uterque uestrum, inquit, id mihi solum non respondit, quod ego solum audire uoluera; egomet dicam, quid uterque cogitet. Nam & tu mulier optimum uirum malis habere, & tu Xenophon uxorem habere lectissimā maxime uis. Quare, nisi hoc perferitis, ut neque uir melior, neque fœmina lectior in terris sit; profecto id semper, quod optimum putabitis esse, multo maxime requiretis, & tu ut maritus sis quamoptima mulieris, & hæc quamoptimo uiro

M iij

DE INVENTIONE

nupta sit. Hic cum rebus non dubijs esset assensum, factum est propter similitudinem, ut etiam illud, quod dubium uidebatur, si quis separatim quæreretur, id pro certo propter rationem rogandi concederetur. Hoc modo sermonis plurimum Socrates usus est, propterea quod nihil ipse afferre ad persuadendum uolebat, sed ex eo, quod sibi ille dederat, quicum disputabat, aliquid conficere malebat, quod ille ex eo, quod iam concessisset, necessario approbare deberet. Hoc in genere præcipiendum nobis uidetur: Primum, ut illud, quod inducemus per similitudinem, eiusmodi sit, ut sit necesse concedi. nam ex quo postulabimus nobis illud, quod dubium sit, concedi; dubium esse id ipsum, non oportebit. Deinde illud, cuius confirmandi causa fiet inductio, uidendum est, ut simile ijs rebus sit, quas res quasi non dubias ante induxerimus. nam ante aliquid nobis concessum esse nihil proderit, si ei dissimile erit id, cuius causa illud concedi primum uoluerimus. Deinde non intelligatur, quò spectent illæ primæ inductiones, & ad quem sint exitum peruenturæ. nam qui uidet, si ei rei, quæ primo rogetur, recte assenserit, illam quoque rem, quæ sibi displiceat, esse necessario concedendam, plerunque aut non respondendo, aut male respondendo longius procedere rogationem non sinit. quare ratione rogationis imprudens ab eo, quod concessit, ad id, quod non uult concedere, deducendus est. Extremum autem aut taceatur oportet, aut concedatur, aut negetur. Si negabitur, aut ostendenda est similitudo earum rerum, quæ ante concessæ sunt; aut alia uten-

dum in
gumen
aut, q
eo, ac
ratione
tam.
ritus ne
ius cau
disson
ex ea co
bitur
civili
cetur h
præcep
in dicen
tæstæ,
consi d
in hac c
Epamin
lege Pra
pauco
cedemo
tatione
tra sen
id quo
scribo
quam
tiem
sira
noris

dum inductione. Si concedetur, concludenda est argumentatio. Si tacebitur, aut elicienda est responsio; aut, quoniam taciturnitas imitatur confessionem, pro eo, ac si concessum sit, concludere oportebit argumentationem. ita fit hoc genus argumentandi tripertitum. Prima pars constat ex similitudine una pluribusue. Altera ex eo, quod concedi uolumus, cuius causa similitudines adhibitæ sunt. Tertia ex conclusione, quæ aut confirmat concessionem, aut, quod ex ea conficiatur, ostendit. Sed quia non satis uidebitur alicui dilucide demonstratum, nisi quod ex civili causarum genere exemplum subiecerimus; uideatur huiusmodi quoque utendum exemplo; non quo præceptio differat, aut aliter hoc in sermone, atque in dicendo sit utendum; sed ut eorum uoluntati satisfiat, qui, quod aliquo in loco uiderint, alio in loco, nisi demonstratum est, nequeunt agnoscere. Ergo in hac causa, quæ apud Gracos est peruagata, quod Epaminondas Thebanorum Imperator ei, qui sibi ex lege Prætor successerat, exercitum non tradidit, & cum paucos ipse dies contra legem exercitum tenuisset, Lacedæmonios funditus uicit, poterit accusator argumentatione uti per inductionem, cum scriptum legis contra sententiam defendat, ad hunc modum: Si iudices, id quod Epaminondas ait legis scriptorem sensisse, adscribat ad legem, & addat exceptionem hanc, extra quam si quis reip. causâ exercitum non tradiderit, patiemini? non opinor. Quod si uosmet ipsi, quod à uestra religione & sapientia remotissimum est, istius honoris causa hanc eandem exceptionem, iniussu popu-

DE INVENTIONE

li ad legem adscribi iubeatis, populus Thebanus patietur ne id fieri? profecto non patietur. Quod ergo adscribi ad legem nefas est; id sequi, quasi adscriptum sit, rectum uobis uideatur? Noui uestram intelligentiam. non potest ita uideri, iudices. Quod si literis corrigi neque ab illo, neque à uobis scriptoris uoluntas potest; uidete, ne multo indignius sit id re & iudicio uestro mutari, quod ne uerbo quidem commutari potest. Ac de inductione quidem satis in praesentia dictum uidetur. Nunc deinceps ratiocinationis uim & naturam consideremus. Ratiocinatio est oratio ex ipsa re probabile aliquid eliciens, quod expositum & per se cognitum sua se ui & ratione confirmet. Hoc de genere qui diligentius considerandum putauerunt, cum idem usu dicendi sequerentur, paulum in praecipiendo ratione dissenserunt. nam partim quinque eius partes esse dixerunt, partim non plus quam in tres partes posse distribui putauerunt. eorum controuersiam non incommodum uidetur cum utrorumque ratione exponere, nam et breuis est, & non eiusmodi, ut alteri prorsus nihil dicere putentur: & locus hic nobis in dicendo minime negligendus uidetur. Qui putant in quinque distribui partes oportere, aiunt primum conuenire exponere summam argumentationis, ad hunc modum: Melius accurantur quae consilio geruntur, quam quae sine consilio administrantur. Hanc primam partem numerant: eam deinceps rationibus uarijs, & quamcopiosissimis uerbis approbari putant oportere, hoc modo: Domus ea, quae ratione regitur, omnibus instructior est rebus, & apparatus, quam

ea, quae
citus is
rator, &
qui fructu
dem na
ficie ea
proposit
suerint
ostendit
mere, ha
quam o
pionis
tionem
definitu
commu
pereode
retum o
eterna
quidque
mediocr
strari.
aut id
tur, ho
tur: ea
proposu
ex his c
gerunt
ministr
quam
mund

ea, quæ temere & nullo consilio administratur. Exercitus is, cui præpositus est sapiens & callidus imperator, omnibus partibus commodius regitur, quàm is, qui stultitia, & temeritate alicuius administratur. Eadem nauigij ratio est. nam nauis optime cursum conficit ea, quæ scientissimo gubernatore utitur. Cum propositio sit hoc pacto approbata, & dux partes transierint ratiocinationis, tertia in parte aiunt, quod ostendere uelis, id ex ui propositionis oportere assumere, hoc pacto: nihil autem omnium rerum melius, quàm omnis mundus, administratur. Huius assumptionis quarto in loco aliam porro inducunt approbationem, hoc modo: Nam & signorum ortus, et obitus definitum quendam ordinem seruant; & annuæ commutationes non modo quadam ex necessitate semper eodem modo fiunt, uerum ad utilitates quoque rerum omnium sunt accommodatæ; & diurnæ nocturnæq; uicissitudines nulla in re unquam mutatae quidquam nocuerunt. quæ signo sunt omnia, non mediocri quodam consilio naturam mundi administrari. Quinto inducunt loco complexionem eam, quæ aut id infert solum, quod ex omnibus partibus cogitur, hoc modo: Consilio igitur mundus administratur: aut unum in locum cum conduxerit breuiter propositionem, & assumptionem, id adiungit, quod ex his conficiatur, ad hunc modum: Quod si melius geruntur ea, quæ consilio, quàm quæ sine consilio administrantur: nihil autem omnium rerum melius, quàm omnis mundus, administratur: consilio igitur mundus administratur. Quinque partitam igitur hoc

DE INVENTIONE

pacto putant esse argumentationem. Qui autem tri-
 pertitam esse dicunt, ij non aliter putant tractari
 oportere argumentationem, sed partitionem horum
 reprehendunt. negant enim neque à propositione,
 neque ab assumptione approbationes earum separari
 oportere, neque propositionem absolutam, neque as-
 sumptionem sibi perfectam uideri, quæ approbatione
 confirmata non sit. quare, quas illi duas partes nu-
 merant, propositionem & approbationem, sibi unam
 partem uideri propositionem: quæ si approbata non
 sit, propositio non sit argumentationis. item, quæ
 ab illis assumptio, & assumptionis approbatio dici-
 tur, eandem sibi assumptionem solam uideri. Ita fit,
 ut eadem ratione argumentatio tractata, alijs tri-
 pertita, alijs quinquepartita uideatur. Quare eue-
 nit, ut res non tam ad usum dicendi pertineat, quàm
 ad rationem præceptionis. Nobis autem commodior il-
 la partitio uidetur esse, quæ in quinque partes di-
 stributa est, quam omnes ab Aristotele, & Theophras-
 to profecti, maxime secuti sunt. nam quemadmo-
 dum illud superius genus argumentandi: quod per
 inductionem sumitur, maxime Socrates & Socrati-
 ci tractauerunt: sic hoc, quod per ratiocinationem
 expolitur, summe est ab Aristotele, atque Peripateti-
 cis, & Theophrasto frequentatum, deinde à rhetori-
 bus ijs, qui elegantissimi, atque artificiosissimi puta-
 ti sunt. Quare autem nobis illa magis partitio pro-
 betur, dicendum uidetur, ne temere secuti putemur:
 & breuiter dicendum, ne in huiusmodi rebus diu-
 tius, quàm ratio præcipiendi postulat, commoremur.

si quid
 ne, &
 stioni;
 est propo
 tam quæ
 enim ad
 poffi ide
 à quo sep
 in qua p
 dam, in
 denus.
 Ostend
 do: Qu
 eum, &
 hanc uell
 est huius
 ego Arhe
 tai. Hoc
 probari.
 Fui autem
 diger app
 quetur:
 tar quid
 ne: nam
 attinet of
 Quod si
 mus, hoc
 sitione d
 non esse
 nem. Si

Si quædam in argumentatione satis est uti propositione, & non oportet adiungere approbationem propositioni; quædam autem in argumentatione infirma est propositio, nisi adiuncta sit approbatio: separatim quiddam est à propositione approbatio. quod enim adiungi & separari ab aliquo potest, id non potest idem esse, quod est id, ad quod adiungitur, & à quo separatur. Est autem quædam argumentatio, in qua propositio non indiget approbatione, & quædam, in qua nihil ualet absque approbatione, ut ostendimus. separata est igitur à propositione approbatio. Ostendimus autem id, quod polliciti sumus, hoc modo: Quæ propositio in se quiddam continet perspicuum, & quod constare inter omnes necesse est, hanc uelle approbare & firmare nihil attinet. Ea est huiusmodi: Si, quo die ista cædes Romæ facta est, ego Athenis eo die fui, interesse in cæde non potui. Hoc quia perspicue uerum est, nihil attinet approbari. Quare assumi statim oportet, hoc modo: Fui autem Athenis eo die. hoc si non constat, indiget approbationis: qua inducta, complexio consequetur: igitur in cæde interesse non potui: Est igitur quædam propositio, quæ non indiget approbatione: nam esse quidem quandam, quæ indigeat, quid attinet ostendere, quod cuius facile perspicuum est? Quod si ita est; ex hoc, & ex eo, quod proposueramus, hoc conficitur, separatim esse quiddam à propositione approbationem. Si autem ita est; falsum est non esse plus, quàm tripartitam argumentationem. Simili modo liquet, alteram quoque approbatio-

DE INVENTIONE

nem separatam esse ab assumptione . nam si quadam in argumentatione satis est uti assumptione, & non oportet adiungere approbationem assumptioni; quadam autem in argumentatione infirma est assumptio, nisi udiuncta sit approbatio : separatum quiddam est extra assumptionem approbatio . est autem argumentatio quadam, in qua assumptio non indiget approbationis; quadam autem, in qua nihil ualet sine approbatione, ut ostendemus . separata est igitur ab assumptione approbatio . Ostendemus autem quod polliciti sumus, hoc modo . Quæ perspicuam omnibus ueritatem continet assumptio, nihil indiget approbationis . ea est huiusmodi . Si oportet sapere, dare operam philosophiæ conuenit . hæc propositio indiget approbationis . non enim perspicua est, neque constat inter omnes : propterea quòd multi nihil prodesse philosophiam, plerique etiam obesse arbitrantur . Assumptio perspicua est hæc : Oportet autem sapere . hoc autem quia ipsum ex re perspicitur, & uerum esse intelligitur, nihil attinet approbari . Quare statim concludenda est argumentatio : Igitur dare operam philosophiæ conuenit . Est ergo assumptio quadam, quæ approbationis non indiget . nam, quandam indigere, perspicuum est . separata est igitur ab assumptione approbatio . Falsum ergo est, non esse plus quàm triperitam argumentationem . Atque ex his illud iam perspicuum est, esse quandam argumentationem, in qua neque propositio, neque assumptio indigeat approbationis, huiusmodi, ut certum quiddam & breue exempli causa ponamus : Summo autem opere sa-

pietate
tunda
igitur
pio, &
que in
sticuum
adiung
neque
ueran
tam &
partiti
argume
argume
tur : Pro
ex quo
positionis
possum
apertus
sione
sumption
est, ratio
quod co
exponit
tes, ea
quadrip
in con
uideri
tur, q
dubia
gumer

piencia petenda est ; summo igitur opere stultitia uitanda est : summopere autem sapientia petenda est ; igitur summopere stultitia uitanda est . Hic & assumptio , & propositio perspicua est : quare neutra quæ indiget approbatione . Ex his omnibus illud perspicuum est , approbationem tum adiungi , tum non adiungi . Ex quo cognoscitur , neque in propositione , neque in assumptione contineri approbationem , sed utranque , suo loco positam , uim suam tanquam certam & propriam obtinere . Quod si ita est , commode partiti sunt illi , qui in quinque partes distribuerunt argumentationem . Quinque sunt igitur partes eius argumentationis , quæ per ratiocinationem tractatur : Propositio , per quam breuiter locus is exponitur , ex quo omnis uis oportet emanet ratiocinationis . Propositionis approbatio , per quam id , quod breuiter expositum est , rationibus affirmatum , probabilius & apertius fit . Assumptio , per quam id , quod ex propositione ad ostendendum pertinet , assumitur . Assumptionis approbatio , per quam id quod assumptum est , rationibus firmatur . Complexio , per quam id , quod conficitur ex omni argumentatione , breuiter exponitur . Quæ plurimas habet argumentatio partes , ea constat ex his quinque partibus . Secunda est quadripertita . Tertia tripertita . Dein bipertita , quod in controuersia est . De unaquaque parte potest alicui uideri posse argumentationem consistere . Eorum igitur , quæ consistant , exempla ponemus : horum , quæ dubia sunt , rationes afferemus . Quinquepertita argumentatio est huiusmodi : Omnes leges iudices ad

DE INVENTIONE

commodum reip. referri oportet, & eas ex utilitate communi, non ex scriptione, quæ in literis est, interpretari. ea enim uirtute & sapientia maiores nostri fuerunt, ut in legibus scribendis, nisi salutem, atque utilitatem reip. sibi aliud nihil proponerent. neque enim ipsi, quod obesset, scribere uolebant, & si scripsissent, cum esset intellectum, repudiatum iri legem intelligebant. nemo enim leges legum causa saluas esse uult, sed reip. quòd ex legibus omneis respublicas optime putant administrari. Quam ob rem igitur leges seruari oportet, ad eam causam scripta omnia interpretari conuenit: hoc est, quoniam reip. seruimus, ex reip. comodo atque utilitate leges interpretemur. Nam ut ex medicina nihil oportet putare proficisci, nisi quod ad corporis utilitatem spectat, quoniam eius causa est instituta: sic à legibus nihil conuenit arbitrari, nisi quod reip. conducatur, proficisci, quoniam eius causa sunt comparata. Ergo in hoc quoque iudicio desinite literas legis perscrutari, & legem, ut æquum est, ex utilitate reip. considerate, quod hic fecit. Quid enim magis utile Thebanis fuit, quàm Lacedæmonios opprimi? Quid magis Epaminondam, Thebanorum Imperatorem, quàm uictoriæ Thebanorum consulere deuit? Quid hunc tanta Thebanorum gloria, tam claro atque exornato trophæo charius atque antiquius habere conuenit? Scripto uidelicet legis omisso, scriptoris sententiam considerare debebat. Atque hoc quidem satis consideratum est, nullam esse legem, nisi reip. causa scriptam. Summam igitur amentiam esse existimabat, quod scriptum esset reip.

reip. salutis causa, id non ex reip. salute interpretari. Quod si leges omnes ad utilitatem reip. referri conuenit, hic autem saluti reip. profuit, profecto non potest eodem facto, et communibus fortunis consuluisse, et legibus non obtemperasse. Quatuor autem partibus constat argumentatio, cum aut proponimus, aut assumimus sine approbatione. Id facere oportet, cum aut propositio ex se intelligitur, aut assumptio perspicua est, et nullius approbationis indiget. Propositionis approbatione præterita, quatuor ex partibus argumentatio tractatur ad hunc modum: Iudices, qui ex lege iurati iudicatis, legibus obtemperare debetis. Obtemperare autem legibus non potestis, nisi, quod scriptum est in lege, sequamini. quod enim certius legis scriptor testimonium uoluntatis suæ relinquere potuit, quam quod ipse magna cum cura atque diligentia scripsit? Quod si literæ non extarent, magnopere eas requireremus, ut ex his scriptoris uoluntas cognosceretur: nec tamen Epaminondæ permitteremus, ne si extra iudicium quidem esset, ut is nobis sententiam legis interpretaretur: nedum nunc istud patiamur, cum præsto lex sit, non ex eo, quod apertissime scriptum est, sed ex eo, quod suæ causæ conuenit, scriptoris uoluntatem interpretari. Quod si uos iudices legibus obtemperare debetis, et id facere non potestis, nisi quod scriptum est in lege sequamini: quid causæ est, quin istum contra legem fecisse iudicetis? Assumptionis autem approbatione præterita, quadripartita sic fiet argumentatio: Qui sæpenumero nos per fidem fefellerunt, eorum orationi fidem habere non debemus.

N

DE INVENTIONE

Si quidem perfidia illorum detrimenti acceperimus, nemo erit præter nosmet ipsos, quem iure accusare possimus. Ac primum quidem decipi incommodum est, iterum stultum, tertium turpe. Carthaginienses autem persæpe iam nos fefellerunt. Summa igitur amentia est in eorum fide spem habere, quorum perfidia toties deceptus sis. Vtraque approbatione præterita, tripertita sit hoc pacto: Aut metuamus Carthaginienses oportet, si incolumes eos reliquerimus: aut eorum urbem diruamus. ac metuere quidem non oportet. restat igitur, ut urbem diruamus. Sunt autem, qui putant nonnunquam posse complexione & oportere supersederi, cum id perspicuum sit, quod conficiatur ex ratiocinatione. Quod si fiat, bipertitam quoque fieri argumentationem, hoc modo: Si peperit, uirgo non est: peperit autem. hic satis esse dicunt proponere & assumere; quoniam perspicuum sit, quod conficiatur: complexionis rem non indigere. Nobis autem uidetur & omnis ratiocinatio concludenda esse: & illud uitium, quod illis displicet, magnopere uitandum est, ne, quod perspicuum sit, id in complexione inferamus. Hoc autem fieri poterit, si complexionum genera intelligantur. Nam aut ita complectemur, ut in unum conducamus propositionem, et assumptionem, hoc modo: Quod si leges omnes ad utilitatem reip. referri conuenit, hic autem saluti reip. profuit: profecto non potest eodem facto & saluti communi consuluisse, & legibus non obtemperasse: Aut ita, ut ex contrario sententia conficiatur, hoc modo: Summa igitur amentia est, in eorum fide spem habere, quo-

rum
lum,
urbem
qua co
si pepe
ficiat
inferre
estum
nam
mentat
comple
tur, ex
consec
putab
sape fa
Quoni
lius ne
re. sed
Nam
ideo q
aut ne
n artu
huius
inuena
de ex
hanc
alia q
prop
toll
habet

rum perfidia toties deceptus sis: Aut ita, ut id solum, quod conficitur, inferatur, ad hunc modum: Urbem igitur diruamus: Aut ut id, quod eam rem, quæ conficitur, sequatur necesse est: id est huiusmodi: Si peperit, cum uiro concubuit: peperit autem. Conficitur hoc: Concubuit igitur cum uiro. Hoc si nolis inferre, & inferas id, quod sequitur, Fecit igitur incestum, & concluderis argumentationem, & perspicuam fugeris complexionem. Quare in longis argumentationibus, ex conductionibus, aut ex contrario complecti oportet: in breuibus id solum, quod conficitur, exponere: in ijs, in quibus exitus perspicuus est, consecutione uti. Si qui autem ex una quoque parte putabunt constare argumentationem, poterunt dicere, sæpe satis esse hoc modo argumentationem facere: Quoniam peperit, cum uiro concubuit: nam hoc nullius neque approbationis, neque complexionis indigere. sed nobis ambiguitate nominis uidentur errare. Nam argumentatio nomine uno res duas significat, ideo quod & inuentum aliquam in rem probabile, aut necessarium argumentatio uocatur, & eius inuenti artificiosa expolitio. quando igitur proferent aliquid huiusmodi: Quoniam peperit, cum uiro concubuit: inuentum proferent, non expolitionem. nos autem de expolitionis partibus loquimur. nihil igitur ad hanc rem ratio illa pertinebit. atque hac distinctione alia quoque, quæ uidebuntur officere huic partitioni, propulsabimus, si qui aut assumptionem aliquando tolli posse putent, aut propositionem. quæ si quid habet probabile, aut necessarium, quoquo modo com-

DE INVENTIONE

moueat auditorem necesse est. quod si solum spectaretur, ac nihil, quo pacto tractaretur id, quod esset excogitatum, referret, nequaquam tantum inter summos oratores, & mediocres interesse existimaretur. Variare autem orationem magnopere oportebit. nam omnibus in rebus similitudo est satietatis mater. Id fieri poterit si non similiter semper ingrediamur in argumentationem. Nam primum omnium generibus ipsis distinguere conuenit orationem, hoc est tum inductione uti, tum rationatione. Deinde in ipsa argumentatione non semper à propositione incipere, nec semper quinque partibus abuti, neque eadem ratione expolire partitiones, sed tum ab assumptione incipere licet, tum ab approbatione alterutra, tum utraque, tum hoc, tum illo genere complexionis uti. Id ut perspiciatur, aut scribamus ipsi, aut in quolibet exemplo de ijs, quæ proposita sunt, hoc idem exerceamus, ut quamfacile sit factu. Ac de partibus quidem argumentationis satis nobis dictum uidetur. Illud autem uolumus intelligi nos probe tenere, alijs quoque rationibus tractari argumentationes in philosophia multis, & obscuris, de quibus certum est artificium constitutum. Verum illa nobis abhorreere ab usu oratorio uidentur. Quæ pertinere autem ad dicendum putamus, ea nos commodius, quàm cæteros, attendisse non affirmamus, sed perquisitiuis & diligentius conscripsisse pollicemur. Nunc, ut instituimus, proficisci ordine ad reliqua pergemus.

REPREHENSIO est, per quam argumentando aduersariorum confirmatio diluitur, aut infir-

*mar
uatur
bus ex
ex locis
omnib
negot
mentat
pra sum
oportet
huius
quos q
tur, d
mentat
sunt, n
his con
genus
aut si co
ma, d
quid m
cunt, n
putat
partem
tur: d
cuiusmo
ex ut
falsa o
contine
argum
rio, n
mus*

matur, aut alleuatur. Hæc fonte inuentionis eodem utetur, quo utitur confirmatio: propterea quòd quibus ex locis aliqua res confirmari potest, iisdem potest ex locis infirmari. nihil enim considerandum est in his omnibus inuentionibus, nisi id, quod personis, aut negotijs attributum est. Quare inuentionem, & argumentationum expolitionem ex illis, quæ ante præcepta sunt, hanc quoque in partem orationis transferri oportebit. Veruntamen, ut quædam præceptio detur huius quoque partis, exponemus modos reprehensionis: quos qui obseruabunt, facilius ea, quæ contra dicentur, diluere aut infirmare poterunt. Omnis argumentatio reprehenditur, si aut ex ijs quæ sumpta sunt, non conceditur aliquod unum pluræue: aut, his concessis, complexio confici ex his negatur: aut si genus ipsum argumentationis uitiosum ostenditur: aut si contra firmam argumentationem alia æque firma, aut firmior ponitur. Ex ijs, quæ sumuntur, aliquid non conceditur, cum aut id, quod credibile dicunt, negatur esse eiusmodi: aut, quod comparabile putant, dissimile ostenditur: aut iudicatum aliam in partem traducitur: aut omnino iudicatum improbat: aut, quod signum esse aduersarij dixerunt, id eiusmodi negatur esse: aut si complexio aut una; aut ex utraque parte reprehenditur: aut si enumeratio falsa ostenditur: aut si simplex conclusio falsi aliquid continere demonstratur. Nam omne, quod sumitur ad argumentandum: siue pro probabili, siue pro necessario, necesse est sumatur ex his locis, ut ante ostendimus. Quod pro credibili sumptum erit, id infirmabi-

DE INVENTIONE

tur, si aut perspicue falsum erit, hoc modo: Nemo est qui non pecuniam quàm sapientiam malit. aut ex contrario quoque credibile aliquid habebit, hoc modo; Quis est, qui non officij cupidior sit, quàm pecunie? Aut erit omnino incredibile, ut si quis quem constet esse auarum, dicat alicuius mediocris officij causa se maximam pecuniam neglexisse. Aut si, quod in quibusdam rebus aut hominibus accidit, id omnibus dicatur usu euenire, hoc pacto: Qui pauperes sunt, ijs antiquior officio pecunia est. Qui locus desertus est, in eo eadem factam esse oportet. In loco celebri homo occidi qui potuit? Aut si id, quod raro fit, fieri omnino negatur: ut Curio pro Fulvio: Nemo potest uno aspectu, neque prateriens in amorem incidere. Quod autem pro signo sumetur, id ex iisdem locis, quibus confirmatur, infirmabitur. Nam in signo, primum uerum esse ostendi oportet. Deinde eius esse rei signum proprium, qua de re agitur, ut cruorem cædis. Deinde factum esse, quod non oportuerit: aut non factum, quod oportuerit. Postremo scisse eum, de qua queritur, eius rei legem & consuetudinem. nam ex res sunt signo attributæ, quas diligentius aperiemus, cum separatim de ipsa coniecturali constitutione dicemus. Ergo horum unumquodque in reprehensione, aut non esse signo, aut parum magno esse, aut à se potius, quàm ab aduersarijs stare, aut omnino falso dici, aut in aliam quoque suspicionem duci posse, demonstrabitur. Cum autem pro comparabili aliquid inducetur, quoniam id per similitudinem maxime tractatur, in reprehendendo conueniet, simile id negare esse quod

confer
monstr
gnitua
quo in
tur, &
haberi
re diffi
de eo q
rabitu
xime i
per in
indica
cis ma
similit
qua de
esse rep
um, &
indica
contra
ter, in
ligent
quod
ferat
rie, i
uerre
aliqu
bus
que
mut
sicut

conferetur ei, quicum conferetur. Id fieri poterit, si demonstrabitur diuersum esse genere, natura, ui, magnitudine, tempore, loco, persona, opinione: ac si quo in numero illud, quod per similitudinem affertur, & quo in loco hoc genus, cuius causa affertur, haberi conueniat, ostendetur. Deinde, quid res cum re differat, demonstrabitur, ex quo docebimus aliud de eo quod comparabitur, & de eo quicum comparabitur, existimari oportere. Huius facultatis maxime indigemus, cum ea ipsa argumentatio, quæ per inductionem tractatur, erit reprehendenda. Si iudicatum aliquod inferetur, quoniam id ex his locis maxime firmatur, laude eorum, qui iudicarunt, similitudine eius rei, qua de agitur, ad eam rem, qua de iudicatum est, commemorando non modo non esse reprehensum iudicium, sed ab omnibus approbatum; & demonstrando difficilius & maius fuisse id iudicatum, quod affertur, quàm id, quod instet. Ex contrarijs locis, si res aut uera, aut uerisimilis permittet, infirmari oportebit: atque erit obseruandum diligenter, ne nihil ad id, quod agatur, pertineat id, quod iudicatum sit: & uidendum est, ne ea res proferatur, in qua sit offensum, ut de ipso, qui iudicauit, iudicium fieri uideatur. Oportet autem animaduertere, ne, cum aliter multa sint iudicata, solitarium aliquod, aut rarum iudicatum affertur. nam his rebus auctoritas iudicati maxime potest infirmari. Atque ea quidem argumenta, quæ quasi probabilia sumuntur, ad hunc modum tentari oportebit. Quæ uero sicuti necessaria inducentur, ea si forte imitabuntur

DE INVENTIONE

modo necessariam argumentationem, neque erunt
eiusmodi, sic reprehendentur. Primum complexio,
quæ, utrum concesseris, debet tollere, si uera est, nun-
quam reprehendetur: si falsa, duobus modis, aut
conuersione, aut alterius partis infirmatione. Conuer-
sione, hoc modo:

Nam si ueretur, quid eum accuses, qui est probus?

Sin inuerecundum animi ingenium possidet,

Quid eum accuses, quid id parui auditu æstimet?

Hic siue uereri dixeris, siue non uereri, concludendum
hoc puta, ut neges esse accusandum. Quod conuer-
sione sic reprehendetur: Imo uero accusandus est.

Nam si ueretur, accuses: non enim parui auditu æsti-
mabit. Sin inuerecundum animi ingenium possidet,
tamen accuses: non enim probus est. Alterius autem
partis infirmatione, hoc modo reprehendetur. Verum
si ueretur, accusatione tua correctus, ab errato rece-
det. Enumeratio uitiosa intelligitur, si aut præteri-
tum quiddam dicemus, quod uelimus concedere; aut
infirmum aliquid annumeratum, quod aut contra
dici possit, aut causa non sit quare non honeste possi-
mus concedere. Præteritur quiddam in eiusmodi enu-
merationibus: Quoniam habes istum equum, aut
emeris oportet, aut hereditate possideas, aut munere
acceperis, aut domi tibi natus sit: aut, si horum nihil
est: surripueris necesse est. sed neque emisisti, neque hæ-
reditate uenit, neque domi natus est, neque donatus
est necesse est ergo surripueris. Hoc commode repre-
henditur, si dici possit ex hostibus equus esse captus:
cuius prædæ sectione uenierit. quo illato, infirmatur

enumeratio; quoniam id sit inductum, quod præteritum sit in enumeratione. Altero autem modo reprehendetur, si aut contra aliquid dicetur: hoc est, si exempli causa, ut in eodem uersetur, poterit ostendi hereditate uenisse: aut si extremum illud non erit turpe concedere: ut si quis, cum dixerint aduersarij, Aut insidias facere uoluisti, aut amico morem gessisti, aut cupiditate elatus es, amico se morem gessisse fateatur. Simplex autem conclusio reprehenditur, si id, quod sequitur, non uideatur necessario cum eo, quod antecessit, coherere. Nam hoc quidem, si spiritum ducit, uiuit: si dies est, lucet: eiusmodi est, ut cum priore necessario posterius coherere uideatur. Hoc autem, si mater est, diligit: si aliquando peccauit, nunquam corrigetur: sic conueniet reprehendi, ut demonstretur non necessario cum priore posterius coherere. Hoc genus & cætera necessaria, & omnino omnis argumentatio, & eius reprehensio maiorem quandam uim continet, & latius patet, quàm hic exponitur: sed eius artificij cognitio huiusmodi est, ut non ad huius artis partem aliquam adiungi possit, sed ipsa separatim longi temporis, & magnæ, atque arduæ cognitionis indigeat. Quare illa nobis alio tempore, atque ad aliud institutum, si facultas erit, explicabuntur. nunc his præceptionibus rhetorum ad usum oratorium contentos nos esse oportebit. Cum igitur ex ijs, quæ sumuntur, aliquid non conceditur, sic infirmabitur. cum autem, hic concessis, complexio ex his non conficitur, hæc erunt consideranda, num aliud conficiatur, aliud dicatur, hoc modo: Si cum

DE INVENTIONE

aliquis dicat se profectum esse ad exercitum, contrāq;
eum quis uelit hac argumentatione uti: Si uenisses
ad exercitum, à Tribunis militaribus uisus esses: non
es autem uisus ab his, non es igitur profectus ad exer-
citum. Hic cum concesseris propositionem, & assum-
ptionem, complexio est infirmanda. aliud enim,
quàm cogeatur, illatum est. Ac nunc quidem, quo
facilius res cognosceretur, perspicuo & grandi uitio
præditum posuimus exemplum: sed sæpe obscurius
positum uitium pro uero probatur, cum aut parum
memineris quod concesseris, aut ambiguum aliquod
pro certo concesseris. Ambiguum si concesseris, ex ea
parte, quam ipse intellexeris, eam partem si aduersa-
rius ad aliam partem per complexionem uelit accom-
modare, demonstrare oportebit non ex eo, quod ipse
concesseris, sed ex eo, quod ille sumpserit, confici com-
plexionem, ad hunc modum: Si pecuniæ indigetis,
pecuniam non habetis: Si pecuniam non habetis, pau-
peres estis. Indigetis autem pecunia: mercaturæ enim,
nisi ita esset, operam non daretis: pauperes igitur
estis. Hoc sic reprehenditur: Cum dicebas, Si indige-
tis pecuniæ, pecuniam non habetis: hoc intelligebam,
Si propter inopiam in egestate estis, pecuniam non
habetis: & idcirco concedebam. Cum autem hoc su-
mebas, Indigetis autem pecuniæ: illud accipiebam,
Vultis autem pecuniæ plus habere. Ex quibus con-
cessionibus non conficitur hoc, Pauperes igitur estis:
conficeretur autem, si tibi primo quoque hoc conces-
sissem, Qui pecuniam maiorem uellet habere, eum
pecuniam non habere. Sæpe autem oblitum putant

quid
quasi
Si ad
esse
post
deinde
pferant
oportet
tur.
his de
si non
que in
mane,
nicio,
sum, si
fians, si
mendac
qui pecu
gligebat
nihil
modo:
breui pe
rem non
ri possit
nobis se
post ter
set: ne
regere
Cum
Regna

quid concesseris, & idcirco id, quod non conficitur, quasi conficiatur, in conclusione infertur, hoc modo: Si ad illum hereditas ueniebat, uerisimile est ab illo esse necatum. Deinde hoc approbant plurimis uerbis, post assumunt, Ad illum autem hereditas ueniebat: deinde infertur, ille igitur occidit. Id ex ijs, quæ sumptuerant, non conficitur. Quare obseruare diligenter oportet, & quid sumatur, & quid ex his conficiatur. Ipsum autem genus argumentationis uiciosum his de causis ostendetur, si aut in ipso uitium erit, aut si non ad id, quod instituitur, accommodabitur. Atque in ipso uitium erit, si omnino falsum erit, si commune, si uulgare, si leue, si remotum, si mala definitio, si controuersum, si perspicuum, si non concessum, si turpe, si offensum, si contrarium, si inconstans, si aduersum. Falsum est, in quo perspicue mendacium est, hoc modo: Non potest esse sapiens, qui pecuniam negligit: Socrates autem pecuniam negligebat, non igitur sapiens erat. Commune est, quod nihilo magis ab aduersarijs, quam à nobis facit, hoc modo: Idcirco iudices, quia ueram causam habebam, breui perorauit. Vulgare est, quod in aliam quoque rem non probabilem, si nunc concessum sit, transferri possit, hoc modo: Si ueram causam non haberet, uobis se iudices non commisisset. Leue est, quod aut post tempus dicitur, hoc modo: Si in mentem uenisset: non commisisset: aut perspicue rem turpem leui tegere uult defensione, hoc modo: Cum te expetebant omnes, florentissimo Regno, reliqui: nunc desertum ab omnibus,

DE INVENTIONE

Summo periclo sola ut restituam paro.

Remotum est, quod, ultra quàm satis est petitur, hoc modo: Quòd si non P. Scipio Corneliam filiam Tiberio Graccho collocasset, atque ex ea duos Gracchos procreasset, tantæ seditiones natæ non essent. quare hoc incommodum Scipioni ascribendum uidetur. Huiusmodi est illa quoque conquestio:

Vtinam ne in nemore Pelio securibus
Cæsa cecidisset abieгна ad terram trabes.

longius enim repetita est, quàm res postulabat.

Mala definitio est, cum aut communia describit, hoc modo: Seditiosus est is, qui malus, atque inutilis est ciuis. Nam hoc non magis seditiosi, quàm ambitiosi, quàm calumniatoris, quàm alicuius improbi hominis uim describit. Aut falsum quiddam dicit, hoc pacto: Sapientia est pecuniæ acquirendæ intelligentia. Aut aliquid non graue, nec magnum continens, sic: Stultitia est immensæ gloriæ cupiditas. est hæc quidem stultitia, sed ex parte quadam, non ex omni genere definita. Controuersum est, in quo ad dubium demonstrandum dubia causa affertur, hoc modo:

Eho tu, di, quibus est potestas motus superum; atque inferum,

Pacem inter sese conciliant, conferunt concordiam.

Perspicuum est, de quo non est controuersia: ut si quis, cum Orestem accuset, planum faciat ab eo matrem esse occisam. Non concessum est, cum id, quod augetur, in controuersia est, ut si quis, cum Vlysssem accuset, in hoc maxime commoretur: Indignum esse ab homine ignauissimo uirum fortissimum Aiacem

necatum. Turpe est, quod aut eo loco, in quo dicitur, aut eo homine, qui dicat, aut eo tempore, quo dicitur, aut ijs, qui audiunt, aut ea re, de qua agitur, indignum propter inhonestam rem uidetur. Offensum est, quod eorum, qui audiunt, uoluntatem lædit: ut si quis apud equites Romanos cupidos iudicandi Cæpionis legem iudiciariam laudet. Contrarium est, quod contra ea dicitur, quæ ij, qui audiunt, fecerunt, ut si quis apud Alexandrum Macedonem contra aliquem urbis expugnatorem diceret nihil esse crudelius, quàm urbes diruere, cum ipse Alexander Thebas diruisset. Inconstans est, quod ab eodem de eadem re diuerse dicitur: ut si quis, cum dixerit, qui uirtutem habeat, eum nullius rei ad bene uiuendum indigere, neget postea sine bona uoletudine posse bene uiuere. Aut se amico adesse propter beneuolentiam: sperare enim aliquid commodi ad se peruenturum. Aduersum est, quod ipsi causæ aliqua ex parte officit, ut si quis hostium uim, & copias, & felicitatem augeat, cum ad pugnam milites hortetur. Si non ad id, quod instituitur, accommodabitur aliqua pars argumentationis, horum aliquo in uitio reperietur. Si plura pollicitus, pauciora demonstrabit: aut si, cum totum debet ostendere, de parte aliqua loquatur, hoc modo: Mulierum genus auarum est: nam Eriphyle auro uiri uitam uendidit. Aut si non id, quod accusabitur, defendet: ut si quis, cum ambitus accusabitur, manu se fortem esse defendet, ut Amphion apud Euripidem. item apud Pacuuium, qui, uituperata musica, sapientiam laudat. Aut si res ex hominis uitio uitu-

DE INVENTIONE

perabitur, ut si quis doctrinam ex alicuius docti uitijs reprehendat. Aut si quis, cum aliquem uolet laudare, de felicitate eius, non de uirtute dicat. Aut si quis rem cum re ita comparabit, ut alteram se non putet laudare, nisi alteram uituperarit: aut si alteram ita laudet, ut alterius non faciat mentionem: ut si quis, cum aliqui deliberent, bellum geratur, an non pacem laudet omnino, non illud bellum inutile esse demonstret. Aut si, cum de certa re quaeretur, de communi instituetur oratio. Aut si ratio alicuius rei reddetur falsa, hoc modo: Pecunia bonum est, propterea quod ea maxime uitam beatam efficiat. Aut si infirma, ut Plautus:

Amicum castigare ob meritam noxiam,
Immane est facinus, uerum in etate utile
Et conducibile: nam ego amicum hodie meum
Concastigabo pro commerita noxia.

Aut eadem, hoc modo: Maximum malum est auaritia: multos enim magnis incommodis efficit pecunie cupiditas. Aut parum idonea, hoc modo: Maximum bonum est amicitia: plurimae enim delectationes sunt in amicitia. Quartus modus erat reprehensionis, per quem contra firmam argumentationem aequae firma aut firmior ponebatur. Hoc genus in deliberationibus maxime uersatur, cum aliquid, quod contra dicatur, aequum essi concedimus; sed id, quod nos defendimus, necessarium esse demonstramus. Aut cum id, quod illi defendant, utile esse fateamur: quod nos dicamus, demonstremus esse honestum. Ac de reprehensione hac quidem existimauimus esse dicenda. Deinceps nunc de

conclusio
de, cum p
tem digre
rationem
que aut
contineat
ficial aliq
argument
tionem. H
tur libet
tuperandi
suo loco d
tem in m
per locum
sterius est
tiones non
gumentati
sione dicem
CON
tius oratio
indignatio
quam res a
guntur, e
subiuncta
perspicue
getur: su
tem uita
ut pleriq
namque
breuiter

conclusionem ponemus. Hermagoras digressionem deinde, tum postremam conclusionem ponit. In hac autem digressionem ille putat oportere quandam inferri orationem à causa atque à indicatione ipsa remotam, quæ aut sui laudem, aut aduersarij uituperationem contineat, aut in aliam causam deducat, ex qua conficiat aliquid confirmationis, aut reprehensionis, non argumentando, sed augendo per quandam amplificationem. Hanc si quis partem putarit orationis, sequatur licebit. nam & augendi, & laudandi, & uituperandi præcepta à nobis partim data sunt, partim suo loco dabuntur. nobis autem non placet hanc partem in numero reponi: quòd de causa digredi, nisi per locum communem, displicet: quo de genere posterius est dicendum. Laudes autem & uituperationes non separatim placet tractari, sed in ipsis argumentationibus esse implicitas. Nunc de conclusione dicemus.

CONCLUSIO est exitus & determinatio totius orationis. Hæc habet partes tres, enumerationem, indignationem, conquestionem. Enumeratio est, per quam res disperse & diffuse dictæ, unum in locum coguntur, & reminiscendi causa unum sub aspectum subiiciuntur. Hæc si semper eodem modo tractabitur, perspicue ab omnibus artificio quodam tractari intelligetur: sin uarie fiet, & hanc suspensionem, & satietatem uitare poterit. Quare tum oportebit ita facere, ut plerique faciunt propter facilitatem, singillatim unamquamque rem attingere, & ita omnes transire breuiter argumentationes: tum autem, id quod diffi-

DE INVENTIONE

alius est, dicere quas partes exposueris in partitione, de quibus te pollicitus sis dicturum, & reducere in memoriam, quibus rationibus unamquamque partem confirmaris: tum ab ijs, qui audiunt, quærere quid sit quod sibi uelle debeant demonstrari, hoc modo: Docuimus hoc, illud planum fecimus: ita simul & in memoriam redibit auditor, & putabit nihil esse præterea, quod debeat desiderare. Atque in his generis, ut ante dictum est, tum tuas argumentationes transire separatim, tum, id quod artificiosius est, cum tuis contrarias coniungere: & cum tuam argumentationem dixeris, tum, contra eam quod afferebatur, quemadmodum dilueris, ostendere. Ita per breuem comparisonem, auditoris memoria & de confirmatione, & de reprehensione redintegrabitur. Atque hæc alijs actionis quoque modis uariare oportebit. Nam tum ex tua persona enumerare possis, ut, quid, & quo quidque loco dixeris, admoneas: tum uero personam, aut rem aliquam inducere, & enumerationem ei totam attribuere. Personam, hoc modo: Nam si legis scriptor existat, & quærat à uobis quid dubitetis, quid possitis dicere, cum uobis hoc, & hoc sit demonstratum. Atque hic item ut in nostra persona licebit alias singillatim transire omnes argumentationes, alias ad partitionis singula genera referre, alias ab auditore, quid desideret, quærere, alias hæc facere per comparisonem suarum & contrariarum argumentationum. Res autem inducetur, si alicui rei huiusmodi, legi, loco, urbi, monumeto attribuetur oratio per enumerationem, hoc modo: Quid si le-

es loqui

ges loqui possent, non ne hæc apud uos quererentur?
Quidnam amplius desideratis, iudices, cum uobis hoc
et hoc planum factum sit? In hoc quoque genere
omnibus eisdem modis uti licebit. Commune autem
præceptum hoc datur ad enumerationem, ut ex una-
quaque argumentatione, quoniam tota iterum dici
non potest, id eligatur, quod erit grauissimum; et
unumquodque quam breuissime transeat, ut memo-
ria, non oratio, renouata uideatur. Indignatio est
oratio, per quam conficitur ut in aliquem hominem
magnum odium, aut in rem grauis offensio concite-
tur. In hoc genere illud primum intelligi uolumus,
posse omnibus ex locis ijs, quos in confirmandi præce-
ptis posuimus, tractari indignationem. nam ex ijs
rebus, quæ personis, atque negotijs attributæ sunt,
quæuis amplificationes, et indignationes nasci possunt:
sed tamen ea, quæ separatim de indignatione præcipi
possunt, consideremus. Primus locus sumitur ab au-
thoritate, cum commemoramus quantæ curæ res ea
fuerit eis, quorum auctoritas grauissima debeat esse,
Dijs immortalibus: qui locus sumetur ex sortibus, ex
oraculis, uatibus, ostentis, prodigijs, responsis, simi-
libus rebus: item maioribus nostris, regibus, ciui-
tatibus, gentibus, hominibus sapientissimis, senatu,
populo, legum scriptoribus. Secundus locus est, per
quem illa res, ad quos pertineat, cum amplificatione
per indignationem ostenditur, an ad omnes, an ad ma-
iorem partem, quod atrocissimum est; an ad supe-
riores, quales sunt ij, quorum ex auctoritate indigna-
tio sumitur, quod indignissimum est; an ad pares

○

DE INVENTIONE

animo, fortuna, corpore, quod iniquissimum est; an ad inferiores, quod superbissimum est. Tercius locus est, per quem querimus quidnam sit euenturum, si idem ceteri faciant: & simul ostendimus, huic si concessum sit, multos amulos eiusdem audaciae futuros: ex quo quid mali sit euenturum, demonstrabimus. Quartus locus est, per quem demonstramus multos alacres expectare quid statuatur, ut ex eo, quod uni concessum sit, sibi quoque tali de re quid liceat, intelligere possint. Quintus locus est, per quem ostendimus ceteras res perperam constitutas, intellecta ueritate commutatas corrigi posse: hanc esse rem, quæ si sit semel iudicata, neque alio commutari iudicio, neque ulla potestate corrigi possit. Sextus locus est, per quem consulto, & de industria factum esse demonstratur, & illud adiungitur, uoluntario maleficio ueniam dari non oportere, imprudentia concedi nonnunquam conuenire. Septimus locus est, per quem indignamur, quod tetrum, crudele, nefarium, tyrannicum factum esse dicamus, per uim, manum, opulentiam, quæ res ab legibus, ab æquabili iure remotissima sit. Octauus locus est, per quem demonstramus non uulgare, neque factitatum esse, ne ab audacissimis quidem hominibus, id maleficio, de quo agitur; atque id à feris quoque hominibus, & à barbaris gentibus, & immanibus bestiis remotum esse. Hæc erunt, quæ in parentes, liberos, coniuges, consanguineos, supplices crudeliter facta dicentur: & deinceps, si qua proferantur in maiores natu, in hospites, in uicinos, in amicos; in eos, quibuscum uitam

egeris
bus et
dignos
eos, qu
runt,
acriter
laris ha
nus loc
peccata
per con
lud, d
quem
post
que in
uerbis
citur,
illi uide
sens u
mus ab
quo,
mus lo
primis
eius de
Et de
arrog
cus est
suas
nebie
ribu
est lo

egeris; in eos, apud quos educatus sis; in eos, à quibus eruditus; in mortuos, in miseros, & misericordia dignos, in homines claros, nobiles, & honore usos; in eos, qui neque ledere alium, nec se defendere potuerunt, ut in pueros, senes, mulieres: quibus omnibus acriter excitata indignatio summum in eum, qui uio-
larit horum aliquid, odium commouere poterit. Nonus locus est, per quem cum alijs, quæ constant esse peccata, hoc, quo de quæstio est, comparatur; & ita per contentionem, quanto atrocius, & indignius sit illud, de quo agitur, ostenditur. Decimus locus est, per quem omnia, quæ in negotio gerendo acta sunt, quæq; post negotium consecuta sunt, cum uniuscuiusque indignatione, & criminatione, colligimus, & rem uerbis quammaxime ante oculos eius, apud quem dicitur, ponimus, ut id, quod indignum est, perinde illi uideatur indignum, ac si ipse interfuerit, ac præsens uiderit. Undecimus locus est, per quem ostendimus ab eo factum, à quo minime oportuerit, & à quo, si alius faceret, prohiberi conueniret. Duodecimus locus est, per quem indignamur quòd nobis hoc primis acciderit, nec alicui unquam usu euenerit. Tertiusedecimus locus est, si cum iniuria contumelia iuncta demonstratur, per quem locum in superbiam & arrogantia odium concitatur. Quartusedecimus locus est, per quem petimus ab ijs, qui audiunt, ut ad suas res nostras iniurias referant; si ad pueros pertinebit, de liberis suis cogitent; si ad mulieres, de uxoribus; si ad senes, de parentibus. Quintusedecimus est locus, per quem dicimus inimicis quoque & hosti-

DE INVENTIONE

bus ea, quæ nobis aciderint, indigna uideri sole-
re. Et indignatio quidem his fere de locis grauissi-
me sumetur. Conquestionis autem huiusmodi de re-
bus partes petere oportebit. Conquestio est oratio au-
ditorum misericordiam captans. hac primum ani-
mum auditoris mitem & misericordem conficere o-
portet, quo facilius conquestione commoueri possit.
Id locis communibus efficere oportebit, per quos for-
tunæ uis in omnes, & hominum infirmitas osten-
ditur. qua ratione habita grauiter & sententiose,
maxime demittitur animus hominum, & ad mi-
sericordiam comparatur, cum in alieno malo suam
infirmitatem considerabit. Deinde primus locus est
misericordie, per quem, quibus in bonis fuerint, &
nunc quibus in malis sint, ostenditur. Secundus, qui
in tempora tribuitur, per quem, quibus in malis fue-
rint, & sint, & futuri sint, demonstratur. Tertius,
per quem unumquodque deploratur incommodum, ut
in morte filij, pueritiæ delectatio, amor, spes, sola-
tium, educatio, & si qua simili in genere quolibet de
incommodo per conquestionem dici poterunt. Quar-
tus, per quem res turpes, & humiles, & illiberales
proferuntur, & indignæ etate, genere, fortuna, pri-
stino honore, beneficijs, quas passi perpeffuri ue sint.
Quintus est, per quem omnia ante oculos singillatim
incommoda ponentur, ut uideatur is, qui audit, ui-
dere, & re quoque ipsa, quasi adsit, non uerbis so-
lum ad misericordiam ducatur. Sextus, per quæ præ-
ter spem in miserijs demonstratur esse, & cum aliquid
expectaret, non modo id non adeptum esse, sed in

summa
iplos,
petim
quo, q
cordem
factum
uidi, n
mum e
nibus n
sepulc
nore in
mutas
domum
quibus
lexerum
quem in
decimus
sui corp
mendat
ploratu
benefici
liari.
conqu
nias, m
ne fecer
a quib
supplic
summa
mili e
cimur

summas miseras incidisse. Septimus, per quem ad ipsos, qui audiunt, similem casum conuertimus & petimus ut de suis liberis, aut parentibus, aut aliquo, qui illis charus debeat esse, nos cum uideant, recordentur. Octauus, per quem aliquid dicitur esse factum, quod oportuerit, hoc modo: Non affui, non uidi, non postremam eius uocem audiui, non extremum eius spiritum excepi. Item, inimicorum in manibus mortuus est, hostili in terra turpiter iacuit insepultus; à feris diu uexatus, communi quoque honore in morte caruit. Nonus, per quem oratio ad mutas & expertes animi res refertur: ut si ad equum; domum, uestem, sermonem alicuius accommodes, quibus animus eorum, qui audiunt, & aliquem dilexerunt, uehementer commouetur. Decimus, per quem inopia, infirmitas, solitudo demonstratur. Undecimus, per quem aut liberorum, aut parentum, aut sui corporis sepeliendi, aut alicuius eiusmodi rei commendatio fit. Duodecimus, per quem disiunctio deploratur ab aliquo, cum deducaris ab eo, qui cum libentissime uixeris, ut à parente, filio, fratre, familiari. Tertiusdecimus, per quem cum indignatione conquerimur, quòd ab ijs, à quibus minime conueniat, male tractemur, propinquis, amicis, quibus bene fecerimus, quos adiutores fore putauerimus, aut à quibus indignum est, ut seruis, libertis; clientibus, supplicibus. Quartusdecimus, qui per obsecrationem sumitur: in quo orantur modo illi, qui audiunt, humili & supplici oratione, ut misereatur. Quintusdecimus, per quem non nostras, sed eorum, qui chari

DE INVENTIONE

nobis debent esse, fortunas conqueri nos demonstra-
mus. Sextusdecimus est, per quem animum nostrum
in alios misericordem esse ostendimus, & tamen am-
plum & excelsum, & patientem incommodorum esse,
& futurum, si quid acciderit, demonstramus. nam
sepe uirtus, & magnificentia, in qua grauitas, &
auctoritas est, plus proficit ad misericordiam commo-
uendam, quam humilitas & obsecratio. Commo-
tis autem animis, diutius in conquestione mo-
rari non oportebit. Quemadmodum
enim dixit rhetor Apollonius, La-
cryma nihil citius arescit.

Sed quoniam & satis,
ut uidemur, de om-
nibus partibus

orationis

dixi-

mus, & huius uolumi-

nis magnitudo longius

processit; quæ se-

quuntur deinceps,

in secundo li-

bro dice-

mus.

inaque
cellere
Etum
pinxit
memor
excellen
sele inna
uelle di
corpore
cepiffen
si, quo
re elab
Eturum
Zeuiss
habere
paleste
prada
e am
bus a
am

M. TVLLII CICERONIS

DE ARTE RHETORICA

LIBER II.

CROTONIATAE quondam, cum
 florerent omnibus copijs, & in Italia cum
 in primis beati numerarentur, templum
 Iunonis, quod religiosissime colebant, e-
 gregijs picturis locupletare uoluerunt.

itaque Heracleoten Zeusim, qui tum longe ceteris ex-
 cellere pictoribus existimabatur, magno pretio condu-
 ctum adhibuerunt. is & ceteras tabulas complures
 pinxit; (quarum nonnulla pars usque ad nostram
 memoriam propter fani religionem remansit) & ut
 excellentem muliebris formæ pulchritudinem muta in
 sese imago contineret, Helenæ se pingere simulacrum
 uelle dixit. quod Crotoniatæ, qui cum muliebri in
 corpore pingendo plurimum alijs præstare sæpe ac-
 cepissent, libenter audierunt. putauerunt enim eum,
 si, quo in genere plurimum posset, in eo magnope-
 re elaborasset, egregium sibi opus illo in fano reli-
 cturum. neque tamen eos illa opinio fefellit, nam
 Zeusis illico quasiuit ab eis, quas nā uirgines formosas
 haberent. illi autem statim hominem deduxerunt in
 palæstram, atque ei pueros ostenderunt multos magna
 præditos dignitate. etenim quodam tempore Crotonia-
 tæ multum omnibus corporum uiribus, & dignitati-
 bus antesteterunt, atque honestissimas ex gymnico cer-
 tamine uictorias domum cum maxima laude re-

O iiij

DE INVENTIONE

rulerunt. Cum puerorum igitur formas, & corpora
magno hic opere miraretur: Horum, inquiunt illi, so-
rores sunt apud nos uirgines. quare, qua sint illæ di-
gnitate, potes ex his suspicari. Præbete igitur mihi
quæso, inquit, ex istis uirginibus formosissimas, dum
pingo id, quod pollicitus sum uobis, ut mutum in si-
mulacrum ex animali exemplo ueritas transferatur.
Tunc Crotoniatæ publico de consilio uirgines unum in
locum conduxerunt, & pictori quas uellet eligendi
potestatem dederunt. ille autem quinque delegit, qua-
rum nomina multi poetæ memoriæ tradiderunt, quod
eius essent iudicio probatæ, qui uerissimum pulchritu-
dinis habere iudicium debuisset. neque enim putauit
omnia, quæ quæreret ad uenustatem, uno in corpo-
re se reperire posse, ideo quod nihil simplici in genere
omnibus ex partibus perfectum natura expoliuit. ita-
que, tanquam cæteris non sit habitura quod largia-
tur, si uni cuncta concesserit, aliud alij commodi ali-
quo adiuncto incommodo muneratur. quod quoniam
nobis quoque uoluntatis accidit, ut artem dicendi per-
scriberemus; non unum aliquod proposuimus exem-
plum, cuius omnes partes, quocunque essent in gene-
re, exprimendæ nobis necessario uiderentur; sed, om-
nibus unum in locum coactis scriptoribus, quod quis-
que commodissime præcipere uidebatur, excerpsumus,
& ex uarijs ingenijs excellentissima quæque libauimus.
ex ijs enim, qui nomine, & memoria digni sunt,
nec nihil optime, nec omnia præclarissime quisquam
dicere nobis uidebatur. quapropter stultitia nobis ui-
sa est, aut à bene inuentis alicuius recedere, si quo in

nicio et
cedere,
si in ca
commo
uelleret
non tam
scitia le
tis, acq
gis hoc
pictura
quam i
ex urbe
eligere
ultimo p
pus, exp
potestas
ab princ
in locum
præcept
que enod
ribus ip
nemo ill
sed omne
ad hunc
plicatore
ipsum n
posuit,
ab hoc
mis phi
runt,

uitio eius offenderemur; aut ad uitia quoque eius accedere, cuius aliquo bene præcepto duceremur. Quòd si in cæteris quoque studijs à multis eligere homines commodissimum quodque, quàm sese uni alicui certo uellent addicere; minus in arrogantiam offenderent, non tantopere in uitijs perseverarent, aliquanto ex inscitia leuius laborarent. Ac si pars in nobis huius artis, atque in illo picturæ, scientia fuisset; fortasse magis hoc suo in genere opus nostrum, quàm ille in sua pictura nobilis eniteret. ex maiore enim copia nobis, quàm illi, fuit exemplorum eligendi potestas. ille una ex urbe, & ex eo numero uirginum, quæ tum erant, eligere potuit: nobis omnium, quicunque fuerunt ab ultimo principio huius præceptionis usque ad hoc tempus, expositis copijs, quodcunque placeret, eligendi potestas fuit. Ac ueteres quidem scriptores artis, usque ab principe illo atque inuentore Tisia repetitos, unum in locum conduxit Aristoteles, & nominatim cuiusque præcepta magna conquisita cura perspicue scripsit, atque enodata diligenter exposuit; ac tantum inuentoribus ipsis suauitate & breuitate dicendi præstitit, ut nemo illorum præcepta ex ipsorum libris cognoscat, sed omnes, qui quod illi præcipiant, uelint intelligere, ad hunc, quasi ad quendam multo commodiorem explicatorem reuertantur. Atque hic quidem ipse & sese ipsum nobis, & eos, qui ante se fuerant, in medio posuit, ut cæteros, & se ipsum per se cognosceremus. Ab hoc autem, qui profecti sunt, quanquam in maximis philosophiæ partibus operæ plurimum consumpserunt, sicut & ipse, cuius instituta sequebantur, se-

DE INVENTIONE

cerat: tamen permulta nobis præcepta dicendi reliquerunt. Atque alij quoque alio ex fonte præceptores dicendi emanauerunt, qui item permultum ad dicendum, si quid ars proficit, opitulati sunt. nam fuit tempore eodem, quo Aristoteles, magnus & nobilis rhetor Isocrates: cuius ipsius quam constet esse artem, non inuenimus. Discipulorum autem, atque eorum, qui protinus ab hac sunt disciplina profecti, multa de arte præcepta reperimus. Ex his duabus diuersis sicuti familijs, quarum altera cum uersaretur in philosophia, nonnullam rhetoricæ quoque artis sibi curam assumebat, altera uero omnis in dicendi erat studio & præceptione occupata; unum quoddam est conflatum genus à posterioribus, qui ab utrisque ea, quæ commodè dici uidebantur, in suas artes contulerunt: quos ipsos simul atque illos superiores nos nobis omnes, quoad facultas tulit, proposuimus, & ex nostro quoque nonnihil in commune contulimus. Quod si ea, quæ in his libris exponuntur, tantopere eligenda fuerunt, quanto studio electa sunt: profecto neque nos, neque alios industriæ nostræ poenitebit. sin autem temere aliquid alicuius præterisse, aut non satis eleganter secuti uidebimur; docti ab aliquo, facile, & libenter sententiam commutabimus. non enim parum cognosse, sed in parum cognito stulte, & diu perseuerasse turpe est: propterea quod alterum communi hominum infirmitati, alterum singulari uniuscuiusque uitio est attributum. Quare nos quidem sine ulla affirmatione simul quærentes dubitanter unumquodque dicemus, ne, dum paruulum hoc consequimur, ut satis comimo-

de hæc
maxim
assense
pore,
consequ
su uide
se, dice
ius am
nobis,
consequ
in eas
ris de
consequ
firmam
nata loc
tractari
non in
uentu
sine ul
periore
hæc, q
reprebe
ON
iudici
exposi
uer fer
niter
quoq
pitone
contin

de hac perscripsisse uideamur, illud amittamus, quod maximum est, ut ne cui rei temere, atque arroganter assenserimus. Verum hoc quidem nos & in hoc tempore, & in omni uita studiose, quoad facultas feret, consequemur: nunc autem, ne longius oratio progressa uideatur, de reliquis, quæ præcipienda uidentur esse, dicemus. Igitur primus liber exposito genere huius artis, & officio, & fine, & materia, & partibus, genera controuersiarum, & inuentiones, & constitutiones continebat; deinde partes orationis, & in eas omnes omnia præcepta. Quare cum in eo ceteris de rebus distinctius dictum sit, disperse autem de confirmatione, & de reprehensione: nunc certos confirmandi, & reprehendendi in singula causarum genera locos tradendos arbitramur. Et quia, quo pacto tractari conueniret argumentationes, in libro primo non indiligenter expositum est; hic tantum ipsa inuenta unamquamque in rem exponentur simpliciter sine ulla exornatione, ut ex hoc inuenta ipsa, ex superiore autem expolitio inuentorum petatur. Quare hæc, quæ nunc præcipientur, ad confirmationis, & reprehensionis partes referre oportebit.

OMNIS & demonstratiua, & deliberatiua, & iudicialis causa necesse est in aliquo eorum, quæ ante exposita sunt, constitutionis genere uno pluribus uersetur. Hoc quanquam ita est, tamen, cum communiter quædam de omnibus præcipi possint, separatim quoque aliæ sunt cuiusque generis & diuersæ præceptiones. aliud enim laus, aut uituperatio, aliud sententiæ dictio, aliud accusatio, aut recusatio conficere

DE INVENTIONE

debet. In iudicijs, quid æquum sit, quæritur. In demonstrationibus, quid honestum. In deliberationibus, ut nos arbitramur, quid honestum sit, & quid utile. Nam ceteri utilitatis modo finem in suadendo, & in dissuadendo exponi oportere arbitrati sunt. Quorum igitur generum fines & exitus diuersi sunt, eorum præcepta eadem esse non possunt. Neque nunc hoc dicimus, non easdem incidere constitutiones: ueruntamen oratio quædam ex ipso fine & genere causæ nascitur, quæ pertineat ad uitæ alicuius demonstrationem, aut ad sententiæ dictionem. Quare nunc in exponendis controuersijs in iudiciali genere causarum & præceptorum uersabimur. Ex quo pleraque in cætera quoque causarum genera simili implicita controuersia nulla cum difficultate transferentur: post autem separatim de reliquis dicemus. Nunc à coniecturali constitutione proficiscemur, cuius exemplum sit hoc expositum. In itinere quidam proficiscentem ad mercatum quendam, & secum aliquantum nummorum ferentem est comitatus: cum hoc, ut fere fit, in uia sermonem contulit: ex quo factum est, ut illud iter familiarius facere uellent. Quare cum in quandam tabernam diuertissent, simul cœnare, & in eodem loco somnum capere uoluerunt. Cœnati discubuerunt ibidem. Caupo autem (nam ita dicitur post inuentum, cum in alio maleficio deprehensus esset) cum illum alterum, uidelicet qui nummos haberet, animaduertisset, noctu, postquam illos arctius, ut sit, iam ex lassitudine dormire sensit, accessit, & alterius eorum, qui sine nummis erat, gladium propter apposi-

tum è uagina eduxit, & illum alterum occidit, num-
 mos abstulit, gladium cruentum in uaginam recondi-
 dit, ipse sese in lectum suum recepit. Ille autem, cu-
 ius gladio occisio erat facta, nullo ante lucem surre-
 xit, comitem illum suum inclamauit semel, & sæpius,
 illum somno impeditum non respondere existimauit,
 ipse gladium, & cætera, quæ secum attulerat, su-
 stulit, solus profectus est. Caupo non multo post con-
 clamauit hominem esse occisum, & cum quibusdam
 diuersoribus illum, qui ante exierat, consequitur: in
 itinere hominem comprehendit, gladium eius è uagi-
 na educit, reperit cruentum: homo in urbem ab illis
 deducitur, ac reus fit. In hac intentio est criminis, Oc-
 cidisti. Depulsio, Non occidit. Ex quibus constitutio
 est. Quæstio eadem in coniecturali, quæ iudicatio,
 Occiderit ne. Nunc exponemus locos, quorum pars
 aliqua in omnem coniecturalem incidit controuersiam.
 Hoc autem & in horum locorum expositione, & in
 cæterorum oportebit attendere, non omnes in omnem
 causam conuenire. ut enim omne nomen ex aliqui-
 bus, non ex omnibus literis scribitur: sic omnem in
 causam non omnis argumentorum copia, sed eorum
 necessaria pars aliqua conueniet. Omnis igitur ex
 causa, ex persona, ex facto ipso coniectura capienda
 est. Causa distribuitur in impulsionem, & in ratio-
 cinationem. Impulsio est, quæ sine cogitatione per quan-
 dam affectionem animi facere aliquid hortatur, ut
 amor, iracundia, ægritudo, uiolentia, & omnino
 omnia; in quibus animus ita uidetur affectus fuisse,
 ut rem perspicere cum consilio & cura non potuerit

DE INVENTIONE

et id, quod fecit, impetu quodam animi potius, quàm cogitatione fecerit. Ratiocinatio autem est diligens & considerata faciendi aliquid, aut non faciendi excogitatio. Ea dicitur tum interfuisse, cum aliquid faciendum, aut non faciendum certa de causa vitasse, aut secutus esse animus uidetur, ut si amicitiae quid causa factum dicetur, si inimici ulciscendi, si metus, si gloriae, si pecuniae, si denique, ut omnia generatim amplectamur, alicuius retinendi, augendi, adipiscendi ue commodi, aut contra reiijciendi, diminuendi, deuitandi ue incommodi causa. Nam horum in genus alterutrum illa quoque incident, in quibus aut incommodum aliquod, maioris uitadi incommodi causa, aut maioris adipiscendi commodi, suscipitur: aut commodum aliquod, maioris adipiscendi commodi, aut maioris uitandi incommodi, praeteritur. Hic locus sicut aliquod fundamentum est huius constitutionis: nam nihil factum esse cuiquam probatur, nisi aliquid, quare factum sit, ostenditur. Ergo accusator, cum aliquid impulsione factum esse dicet, illum impetum & quandam commotionem animi, affectionemq; uerbis, & sententijs amplificare debet, & ostendere quanta uis amoris sit, quanta animi perturbatio ex iracundia fiat, aut ex aliqua causa eorum, qua impulsus aliquem id fecisse dicet. Hic & exemplorum commemoratione, qui simili impulsu aliquid commiserint, & similitudinem collatione, & ipsius animi affectionis explicatione curandum est, ut non mirum uideatur, si quod ad facinus tali perturbatione commotus animus accesserit. Cum autem non

impulsu
quid dicitur
modi fuit
nime po
quam
si gloria
stimulatio
tia, si
causa fuit
cum ma
ueritate
opinionem
non fuit
modi fuit
opinio dicitur
di est, ac
trati sunt
bonum est
est, bonum
malum
nec malum
bit uelut
denique
erit hoc
summa
& pie
illi non
personam
autem
tur, &

impulsione, uerum ratiocinatione aliquem commisisse quid dicet, quid commodi sit secutus, aut quid incommodi fugerit, demonstrabit, & id augebit quammaxime poterit, ut, quoad eius fieri possit, idonea quammaxime causa ad peccandum hortata uideatur. Si gloria causa, quantum gloriam consecuturam existimarit. Item si dominationis, si pecunie, si amicitiae, si inimicitiarum, & omnino quidquid erit, quod causae fuisse dicet, id summe augere debebit. Et hoc cum magnopere considerare oportebit, non quid in ueritate modo, uerum etiam uehementius, quid in opinione eius, quem arguet, fuerit. nihil enim refert non fuisse, aut non esse aliquid commodi, aut incommodi, si ostendi potest ei uisum esse, qui arguatur. nam opinio dupliciter fallit homines; cum aut res aliusmodi est, ac putatur; aut non is euentus est, quem arbitrati sunt. Res aliusmodi est tum, cum aut id, quod bonum est, malum putant: aut contra, quod malum est, bonum: aut quod nec malum est, nec bonum, malum, aut bonum: aut quod malum, aut bonum est, nec malum, nec bonum. Hoc intellecto, si quis negabit ullam esse pecuniam fratris, aut amici uita, aut denique officio suo antiquiorem, aut suauiore, non erit hoc accusatori negandum. nam in eum culpa & summum odium transferetur, qui id, quod tam uere & pie dicetur, negabit. Verum illud dicendum erit, illi non esse ita uisum: quod sumi oportet ex ijs, quae ad personam pertinent: de quo post dicendum est. Euentus autem tum fallit, cum aliter accidit, atque ij, qui arguuntur, arbitrati esse dicuntur: ut si quis dicatur alium

DE INVENTIONE

occidisse, ac uoluerit; quod aut similitudine, aut suspi-
 cione, aut demonstratione falsa deceptus sit: aut cum
 necasse, cuius testamento non sit hæres; quod eius te-
 stamento se hæredem arbitratus sit. non enim ex euen-
 tu cogitationem spectari oportere, sed, qua cogitatione,
 & sse ad maleficium profectus sit, considerare: &
 quo animo quid quisque faciat, non quo casu utatur,
 ad rem pertinere. In hoc autem loco, caput illud erit
 accusatori, si demonstrare poterit, alij nemini causam
 fuisse faciendi. Secundarium, si tantam, aut tam
 idoneam nemini. Sin fuisse alijs quoque causa facien-
 di uidebitur: aut potestas alijs defuisse demonstranda
 est, aut facultas, aut uoluntas. Potestas, si aut ne-
 scisse, aut non affuisse, aut conficere aliquid non po-
 tuisse dicetur. Facultas, si ratio, adiutores, adiu-
 menta, & cetera, quæ ad rem pertinebunt, defuisse
 alicui demonstrabuntur. Voluntas, si animus à tali-
 bus factis uacuis & integer esse dicetur. Postremo,
 quas ad defensionem rationes reo dabimus, ijs accusa-
 tor ad alios ex culpa eximendos abutetur. Verum id
 breui faciendum est, & in unum multa sunt condu-
 cenda, ut ne alterius defendendi causa hunc accusare,
 sed huius accusandi causa defendere alterum uidea-
 tur. Atque accusatori quidem hæc fere sunt in causa
 facienda, & considerata. Defensor autem ex contra-
 rio primum impulsionem aut nullam fuisse dicet, aut,
 si fuisse concedet, extenuabit, & paruulam quan-
 dam fuisse demonstrabit, aut non ex ea solere huius-
 modi facta nasci docebit. Quo erit in loco demon-
 strandum, quæ uis, & natura eius sit affectionis, quæ
 impulsus

impulsi
 exempla
 diligente
 nissimam
 eto crudel
 quilius
 eius, q
 sensum
 aiores in
 aut par
 magis q
 commo
 di, quæ
 incom
 quod su
 incom
 calitor d
 se comm
 commo
 monstra
 tate, qui
 si id com
 se quiden
 sum fue
 rum pre
 fuisse am
 calum
 fater, co
 utetur:
 reus, ca

impulsus aliquid reus commississe dicetur; in quo & exempla & similitudines erunt proferendæ, & ipsa diligenter natura eius affectionis quamleuissime quietissimam ad partem explicanda, ut & res ipsa à facto crudeli & turbulento ad quoddam mitius & tranquillius traducatur, & oratio tamen ad animum eius, qui audiet, & ad animi quendam intimum sensum accommodetur. Ratiocinationis autem suspensiones infirmabit, si aut commodum nullum fuisse, aut paruum, aut alijs magis fuisse, aut nihilo sibi magis quàm alijs, aut incommodum sibi maius quàm commodum dicet, ut nequaquam fuerit illius commodi, quod expetitur dicatur, magnitudo aut cum eo incommodo, quod acciderit, aut cum illo periculo, quod subeatur, comparanda; qui omnes loci similiter incommodi quoque uitatione tractabuntur. Sin accusator dixerit, eum id esse secutum, quod ei uisum sit commodum, aut id fugisse, quod putarit esse incommodum, quanquam in falsa fuerit opinione: demonstrandum erit defensori, neminem tantæ esse stultitiæ, qui tali in re possit ueritatem ignorare. Quod si id concedatur, illud non concessum iri, nec dubitasse quidem hunc quid eius iuris esset, sed id, quod falsum fuerit, sine ulla dubitatione pro falso, quod uerum pro uero probasse. Quod si dubitauerit, summæ fuisse amentiae, dubia spe impulsus certum in periculum se committere. Quemadmodum autem accusator, cum ab alijs culpam dimouebit, defensoris locis utetur: sic ijs locis, qui accusatori dati sunt, utetur reus, cum in alios ab se crimen uolet transferre. Ex

DE INVENTIONE

persona autem coniectura capietur; si ea res, quae
 personis attributa sunt, diligenter considerabuntur:
 quas omnis in primo libro exposuimus. nam & de
 nomine nonnunquam aliquid suspicionis nascitur.
 nomen autem cum dicimus, cognomen quoque intel-
 ligatur oportet. de hominis enim certo, & proprio vo-
 cabulo agitur: ut si dicamus idcirco aliquem Caldum
 uocari, quod temerario, & repentino consilio sit: aut
 si ea de re hominibus Græcos imperitis uerba dedisse,
 quod Clodius, aut Cæcilius, aut Mutius uocarentur.
 Et de natura licet aliquantulum ducere suspicionis.
 omnia enim hæc, uir an mulier, huius an illius ci-
 uitatis sit, quibus sit maioribus, quibus consangui-
 neis, qua ætate, quo animo, quo corpore, quæ natu-
 ra sunt attributa, ad aliquam coniecturam facien-
 dam pertinebunt. Et ex uictu multe trahuntur su-
 spiciones, cum, quemadmodum, & apud quos, &
 a quibus educatus, & eruditus sit, queritur, & qui-
 buscum uiuat, qua ratione uite, quo more domesti-
 co uiuat. Et ex fortuna sepe argumentatio nascitur,
 cum, seruus, an liber, pecuniosus, an pauper, nobilis, an
 ignobilis, felix, an infelix, priuatus, an cum potestate
 sit, aut fuerit, aut futurus sit, consideratur: aut
 denique aliquid eorum queritur, quæ fortunæ esse
 attributa intelliguntur. Habitus autem, quoniam in
 aliqua perfecta & constanti animi, aut corporis ab-
 solutione consistit, quo in genere est uirtus, scientia,
 & quæ contraria sunt, res ipsa causa posita docebit
 ecquid hic quoque locus suspicionis ostendat. Nam af-
 fectionis quidem ratio perspicuam solet præ se gerere

coniect
 rea que
 rum al
 studi
 ed aliq
 cupatio
 res ip
 tur ali
 cendi
 sta, &
 confir
 ra dist
 coniect
 quidem
 unum
 ne hom
 nis hab
 suspicio
 abhorra
 bil anim
 offerre
 mus na
 Quare
 sator in
 ante p
 in sim
 fieri p
 aliqua
 aut in
 cat in

coniecturam, ut amor, iracundia, molestia: propterea quod & ipsorum uis intelligitur, & quæ res harum aliquam rem consequantur, faciles cogniti sunt. Studium autem quoniam est assidua & uehemens ad aliquam rem applicata magna cum uoluntate occupatio, facile ex eo ducetur argumentatio, quam res ipsa desiderabit in causa. Item ex consilio sumitur aliquid suspicionis. nam consilium est aliquid faciendi, non faciendi uel excoitata ratio. Item facta, & casus, & orationes, quæ sunt omnia, ut in confirmationis præceptis dictum est, in tria tempora distributa, facile erit uidere, ecquid afferant ad coniecturam confirmandam suspicionis. Ac personis quidem res eæ sunt attributæ, ex quibus omnibus unum in locum coactis, accusatoris erit improbatione hominis uti. Nam causa facti parum firmitudinis habet, nisi animus eius, qui insinulatur, in eam suspicionem adducatur, ut à tali culpa non uideatur abhorruisse. Vt enim animum alicuius improbare nihil attinet, cum causa, quare peccauerit, non intercesserit: sic causam peccati intercedere leue est, si animus nulli minus honestæ rationi affinis ostenditur. Quare uitam eius, quem arguit, ex ante factis accusator improbare debet, & ostendere, si quo in pari ante peccato conuictus sit. Si id non poterit, si quam in similem ante suspicionem uenerit, ac maxime si fieri poterit, simili aliquo in genere eiusmodi causa aliqua commotum peccasse, aut in æque magna re, aut in maiore, aut in minore: ut si quis pecunia dicat inductum fecisse, possit demonstrare, aliqua in re

DE INVENTIONE

eius aliquod factum avarum. Item in omni causa naturam, aut uictum, aut studium, aut fortunam, aut aliquid eorum, quæ personis attributa sunt, ad eam causam, qua commotum peccasse dicet, adiungere, atque ex diffari quoque genere culparum, si ex pari sumendi facultas non erit, improbare animum aduersarij oportebit: si avaritia inductum arguas fecisse, & avarum eum, quem accuses, demonstrare non possis, alijs affinem esse uitijs doceas, & ex ea re non esse mirandum, qui in illa re turpis, aut cupidus, aut petulans fuerit, hac quoque in re eum deliquisse. Quantum enim de honestate, & auctoritate eius, qui arguitur, detractum est, tantum de facultate totius est defensionis diminutum. Si nulli affinis poterit uitio reus ante admissio demonstrari, locus inducetur ille, per quem hortandi iudices erunt, ut ueterem famam hominis nihil ad rem putent pertinere: nam eum ante celasse, nunc manifesto teneri: quare non oportere hanc rem ex superiori uita spectari, sed superiorem uitam ex hac re improbari, & aut potestatem ante peccandi non fuisse, aut causam. Aut, si hæc dici non poterunt, dicendum erit illud extremum, non esse mirum, si nunc primum deliquerit. nam necesse est eum, qui uelit peccare, aliquando primum delinquere. Sin uita ante acta ignorabitur, hoc loco præterito, & cur prætereatur demonstrato, argumentis accusationem statim confirmare oportebit. Defensor autem primum, si poterit, debebit uitam eius, qui insimulabitur, quam honestissimam demonstrare. Id faciet, si ostendet aliqua eius nota

et con
nos, am
ra & e
aut per
officiu
quos co
Dinde
ab offic
potestas
dicetur
Hoc ad
genere
strabita
minime
Hic illa
iuncta c
& indi
uia fue
re, que
castissim
impeller
ciosissim
quampl
que con
neque a
possi, si
aliqua
existim
aut obe
cia, me

Et communia officia, quod genus in parentes, cognatos, amicos, affines, necessarios: etiam quæ magis rara et eximia sunt, si ab eo cum magno aliquo labore, aut periculo, aut utraque re, cum necesse non esset, officij causa, aut in remp. aut in parentes, aut in aliquos eorum, qui modo expositi sunt, facta esse dicet. Deinde si nihil deliquisse, nulla cupiditate impeditum ab officio recessisse. Quod eo confirmatius erit, si, cum potestas impune aliquid faciendi minus honeste fuisse dicetur, uoluntas ei faciendi demonstrabitur abfuisse. Hoc autem ipsum genus erit eo firmitus, si eo ipso in genere, quo arguetur, integer antea fuisse demonstrabitur: ut si, cum auaritiæ causa fecisse arguatur, minime omni in uita pecuniæ cupidus fuisse doceatur. Hic illa magna cum grauitate inducetur indignatio, iuncta conuersioni, per quam miserum facinus esse, et indignum demonstrabitur, cum animus omni in uita fuerit à uitij remotissimus, eam causam putare, quæ homines audaces in fraudem rapere soleat, castissimum quoque hominem ad peccandum potuisse impellere: aut iniquum esse, et optimo cuique perniciosissimum, non uitam honeste actam tali in tempore quamplurimum prodesse, sed subita ex criminatione, quæ confingi facile possit, non ex ante acta uita, quæ neque ad tempus fingi, neque ullo modo immutari possit, facere iudicium. Sin autem in ante acta uita aliquæ turpitudines erunt, aut falso uenisse in eam existimationem dicetur, aut ex aliquorum inuidia, aut obrectatione, aut falsa opinione; aut imprudentiæ, necessitudini, aut persuasioni, adolescentiæ, aut

DE INVENTIONE

alicui non malitiøse animi affectioni attribuentur, aut dissimili in genere uitiorum, ut animus non omnino integer, sed à tali culpa remotus esse uideatur. Ac si nullo modo uitæ, turpitude, aut infamia leniri poterit oratione, negare oportebit de uita eius, & moribus quæri, sed de eo crimine, quo de arguatur: quare, ante factis omisis, illud, quod inster, agi oportere. Ex facto autem ipso suspensiones ducentur, si totius administratio negotij ex omnibus partibus pertinebitur: atque hæ suspensiones partim ex negotio separatiim, partim communiter ex personis, atque ex negotio proficiuntur. Ex negotio duci poterunt, si eas res, quæ negotijs attributæ sunt, diligenter considerabimus. Ex ijs igitur in hanc constitutionem conuenire uidentur genera eorum omnia, partes generum pleraque. Videre igitur primum oportebit, quæ sint continentia cum ipso negotio, hoc est, quæ ab re separari non possunt. Quo in loco satis erit diligenter considerare, quid sit ante rem factum, ex quo spes perficiendi nata, & faciendi facultas quæsitæ uideatur: quid in ipsa re gerenda, quid postea consecutum sit. Deinde ipsius est negotij gestio pertractanda. nam hoc genus earum rerum, quæ negotio attributæ sunt, secundo in loco nobis est expositum. Hoc ergo in genere spectabitur locus, tempus, occasio, facultas: quorum uniuscuiusque uis diligenter in confirmationis præceptis explicata est. Quare, ne aut hic non admonuisse, aut ne eadem iterum dixisse uideamur, breuiter demonstrabimus, quid quaque in parte considerari oporteat. In loco igitur opportunitas, in tempo-

re long
dum a
rerum
bus om
inde u
est, qu
sa, qu
eur, si
magna
eur. C
hoc est
pere co
Quar
mus est
que ge
consequ
se, ecqu
se, aut
batio, et
quid sit
commu
tributio
tura, &
confilio
tueret
dibilem
eur. M
Primu
alio po
Deind

re longinquitas, in occasione commoditas ad faciendum idonea, in facultate copia, & potestas earum rerum, propter quas aliquid facilius fit, aut sine quibus omnino confici non potest, considerata est. Deinde uidendum est, quid adiunctum sit negotio, hoc est, quid maius, quid minus, quid aequè magnum sit, quid simile: ex quibus coniectura quædam ducitur, si, quemadmodum res maiores, minores, aequè magnæ, similesq; agi soleant, diligenter considerabitur. Quo in genere euentus quoque uidendus erit: hoc est, quid ex unaquaque re soleat euenire, magnopere considerandum est, ut metus, latitia, titubatio. Quarta autem pars erat ex ijs, quas negotijs dicebamus esse attributas, consecutio. in ea quaruntur ea, quæ gestum negotium confestim, aut ex interuallo consequuntur. in qua uidebimus ecquæ consuetudo sit, ecquæ lex, ecquæ actio, ecquod eius rei artificium sit, aut usus, aut exercitatio hominum, aut approbatio, aut offensio: ex quibus nonnunquâ elicitur aliquid suspicionis. Sunt autem aliquæ suspensiones, quæ communiter & ex negotiorum, & ex personarum attributionibus sumuntur. Nam ex fortuna, & ex natura, & ex uictu, studio, factis, casu, orationibus, consilio, et ex habitu animi, aut corporis pleraque pertinent ad easdem res, quæ rem credibilem, aut incredibilem facere possunt, & cum facti suspensione iunguntur. Maxime enim quæri oportet in hac constitutione, Primum potuerit ne aliquid fieri. Deinde ecquo ab alio potuerit. Deinde facultas, de qua ante diximus. Deinde utrum id facinus sit, quod pœnitere fue-

DE INVENTIONE

rit necesse. Item quod spem celandi haberet. Deinde necessitudo, in qua, num necesse fuerit id aut fieri, aut ita fieri, quæritur. Quorum pars ad consilium pertinet, quod personis attributum est, ut in ea causa quam exposuimus. Ante rem erit, quod in itinere se tam familiariter applicauerit, quod sermonis causam quæsiuerit, quod simul diuerterit, dehinc cœnabit. In re, nox, somnus. Post rem, quod solus exierit, quod illum tam familiarem comitatum tam æquo animo reliquerit, quod cruentum gladium habuerit. Horum pars ad consilium pertinet. quæritur enim, utrum uideatur diligenter ratio faciendi esse habita & excogitata, an ita temere, ut non uerisimile sit quenquam tam temere ad maleficiū accessisse. In quo quæritur, num quo alio modo commodius potuerit fieri, uel à fortuna administrari. Nam sæpe si pecuniæ adiumenta, si adiutores desint, facultas fuisse faciendi non uidetur. Hoc modo si diligenter attendamus, apta inter se esse intelligimus hæc, quæ negotijs, & illa, quæ personis sunt attributa. Hic neque facile est, neque necessarium distinguere, ut in superioribus partibus, quo pacto quidque accusatorem, & quo modo defensorem tractare oporteat. Non necessarium, propterea quod causa posita, quid in quamque conueniat, res ipsa docebit eos, qui non omnia hic se inuenturos putabunt, sed ad ea, quæ præcepta sunt, comparationis modo quandam in commune mediocrem intelligentiam conferent. Non facile autem, quod & infinitum est tot de rebus utranque in partem singillatim de unaquaque explicare, et alias aliter hæc in utranque

partem
hac, q
inuent
& ad
tractat
eliciens
perfici
quam
adiutor
se, an
ante fa
post na
quid r
currere
an illis
factum
oportet
negotio
conferat
& cu
certa u
babili
autem
rursum
propterea
Nam
& co
expe
& i
tificat

partem causæ solent conuenire. Quare considerare hæc, quæ exposuimus, oportebit. Facilius autem ad inuentionem animus incedet, si gesti negotij & suam, & aduersarij narrationem sæpe, & diligenter pertrahabit, & quid quæque pars suspicionis habebit, eliciens considerabit. Quare, quo consilio, qua spe perficiendi quidque factum sit: cur hoc modo potius, quàm illo: cur ab hoc potius, quàm ab illo: cur nullo adiutore, aut cur hoc: cur nemo sit conscius, aut cur sit, aut cur hic sit: cur hoc ante factum sit, cur hoc ante factum non sit: cur hoc in ipso negotio, cur hoc post negotium: aut quid factum de industria, aut quid rem ipsam consecutum sit: constet ne oratio aut cum re, aut ipsa secum: hoc huius ne rei sit signum, an illius, an huius & illius, & utrius potius: quid factum sit quod non oportuerit, aut non factum quod oportuerit. Cum animus hac intentione omnes totius negotij partes considerabit, tum illi ipsi in medium conseruati loci procedent, de quibus ante dictum est: & cum ex singulis, tum ex coniunctis argumenta certa nascentur. Quorum argumentorum pars probabilis, pars necessario in genere uersabitur. Accedunt autem ad coniecturam sæpe questiones, testimonia, rumores, quæ contra omnia uterque simili uia preceptorum torquere ad suæ causæ commodum debet. Nam & ex questione suspicionem, & ex testimonio, & ex rumore aliquo pariratione, ut ex causa, & ex persona, & ex facto duci oportebit. Quare nobis & ij uidentur errare, qui hoc genus suspicionum artificij non putant indigere, & ij, qui aliter hoc de ge-

DE INVENTIONE

nere, ac de omni coniectura præcipiendum putant.
 Omnis enim iisdem ex locis coniectura sumenda est.
 Nam & eius, qui in questione aliquid dixerit, & eius,
 qui in testimonio, & ipsius rumoris causa, & ueritas
 ex iisdem attributionibus reperietur. Omni autem in
 causa pars argumentorum est adiuncta ei causæ so-
 lum, quæ dicitur, & ab ipsa ita ducta, ut ab ea sepa-
 ratim in omnes eiusdem generis causas transferri non
 satis commode possit. Pars autem est peruagatior, &
 aut in omnes eiusdem generis, aut in plerasque cau-
 sas accommodata. Hæc ergo argumenta, quæ trans-
 ferri in multas causas possunt, locos communes nomi-
 namus. Nam locus communis aut certa rei quandam
 continet amplificationem; ut si quis hoc uelit ostende-
 re, cum, qui parentem necarit, maximo supplicio es-
 se dignum; quo loco, nisi perorata, & probata cau-
 sa, non est utendum: aut dubiæ, quæ ex contrario
 quoque habeat probabiles rationes argumentandi: ut
 suspicionibus credi oportere, & contra, suspicionibus
 credi non oportere. Ac pars locorum communium aut
 per indignationem, aut per conquestionem inducitur,
 de quibus ante dictum est: pars per aliquam probabi-
 lem utraque ex parte rationem. Distinguitur autem
 oratio, atque illustratur maxime raro inducendis lo-
 cis communibus, & aliquo loco, iam certioribus illis ar-
 gumentis confirmatis. Nam & tum conceditur com-
 mune quiddam dicere, cum diligenter aliquid pro-
 prius causæ locus tractatus est, & auditoris animus
 aut renouatur ad ea, quæ restant, aut, omnibus iam di-
 ctis exuscitatur. Omnia enim ornamenta elocutionis,

in qui
 sistis,
 reuoluit
 eos com
 uerum
 nisi ab
 & uerit
 rini, et
 admodu
 nobis di
 commu
 confut
 suffici
 motio
 credi op
 diopon
 elari op
 la re po
 eiusdem
 oportet
 prio de
 rias pa
 toris, p
 quem
 quem
 dicitur,
 placet
 præce
 nes:
 tar,

in quibus & suauitatis, & grauitatis plurimum consistit, & omnia, quæ in inuentione uerborum, & sententiarum aliquid habent dignitatis, in communes locos conferuntur. Quare non, ut causarum, sic oratorum quoque multorum communes loci sunt. Nam nisi ab ijs, qui multa exrcitatione magnam sibi & uerborum, & sententiarum copiam comparaauerint, tractari non poterunt ornate, & grauiter, quemadmodum natura ipsorum desiderat. Atque hoc sit nobis dictum communiter de omni genere locorum communium. Nunc exponemus, in coniecturalem constitutionem qui loci communes incidere soleant. Suspicionibus credi oportere, & non oportere. Rumoribus credi oportere, & non oportere. Testibus credi oportere, & non oportere. Questionibus credi oportere, & non oportere. Vitam ante dictam spectari oportere, & non oportere. Eiusdem esse, qui in illa re peccarit, & hoc quoque admisisse, & non esse eiusdem. Maxime spectari causam oportere, & non oportere. Atque hi quidem, & si qui eiusmodi ex proprio argumento communes loci nascentur, in contrarias partes diducentur. Certus autem locus est accusatoris, per quem auget facti atrocitatem; & alter, per quem negat malorum misereri oportere. Defensoris, per quem calumnia accusatorum cum indignatione ostenditur, & per quem cum conuestione misericordia capitur. Hi, & ceteri omnes loci communes ex iisdem præceptis sumuntur, quibus cetera argumentationes: sed illa tenuius, & acutius, & subtilius tractantur, hi autem grauius & ornatiùs, & cum uer-

DE INVENTIONE

bis, tum etiam sententijs excellentibus. in illis enim finis est, ut id, quod dicitur, uerum esse uideatur: in his tamen hoc quoque uideri oportet, tamen finis est amplitudo. Nunc ad aliam constitutionem transeamus.

CUM est nominis controuersia, quia uis uocabuli definienda uerbis est, constitutio definitiua dicitur. Eius generis exemplo nobis posita sit hac causa. C. Flaminus, is, qui Consul remp. male gessit bello punico secundo, cum Tribunus pl. esset, inuito senatu, & omnino contra uoluntatem omnium optimatum per seditionem ad populum legem agrariam ferebat. hunc pater suus concilium plebis habentem de templo deduxit. accrescitur maiestatis. Intentio est, Maiestatem minuiisti, quod Tribunum pl. de templo deduxisti. Depulsio est, Non minui maiestatem. Quæstio est, Maiestatem ne minuerit. Ratio, In filium enim quam habebam potestatem, ea usus sum. Rationis infirmatio, At enim qui patria potestate, hoc est priuata quadam, tribunitiam potestatem, hoc est populi potestatem infirmat, minuit is maiestatem. Iudicatio est, Minuat ne is maiestatem, qui in tribunitiam potestatem patria potestate utatur. Ad hanc iudicationem argumentationes omnes afferri oportebit. Ac ne quis forte arbitretur nos non intelligere aliam quoque incidere constitutionem in hanc causam, eam nos pariter solam sumimus, in qua præcepta nobis danda sunt. omnibus autem partibus hoc in libro explicatis, qui uis omni in causa, si diligenter attendet, omnes uidebit constitutiones, & earum partes, & con-

trouersias, si quæ forte in eas incident. nam de omnibus perscribemus. Primus ergo accusatoris locus est, eius nominis, cuius de ui quæritur, breuis, & aperta, & ex hominum opinione definitio, hoc modo: Maiestatem minuere, est de dignitate, aut amplitudine, aut potestate populi, aut eorum, quibus populus potestatem dedit, aliquid derogare. hoc sic breuiter expositum, pluribus uerbis est, & rationibus confirmandum, & ita esse, ut descripseris, ostendendum. Postea ad id, quod definieris, factum eius, qui accusabitur, adiungere oportebit, & ex eo, quod ostenderis esse, uerbi causa, Maiestatem minuere, docere aduersarium maiestatem minuisse, & hunc locum totum communi loco confirmare, per quem ipsius facti atrocitas, aut indignitas, aut omnino culpa cum indignatione augeatur. Post erit infirmanda aduersariorum descriptio. Ea autem infirmabitur, si falsa demonstrabitur. hoc ex opinione hominum sumetur, cum, quemadmodum, & quibus in rebus homines in consuetudine scribendi, aut sermocinandi eo uerbo uti soleant, considerabitur. Item infirmabitur, si turpis, aut inutilis esse ostendetur eius descriptionis approbatio; & si, quæ incommoda consecutura sint eo concessio, ostendetur. id autem ex honestatis, & utilitatis partibus sumetur, de quibus in deliberationis preceptis exponemus. & si cum definitione nostra aduersarium definitionem conferemus, & nostram ueram, honestam, utilem esse demonstrabimus, illorum contra. Quærenus autem res aut maiori, aut minori, aut pari in negotio similes, ex quibus affirmetur no-

DE INVENTIONE

stra descriptio. Iam si res plures erunt definienda, ut si queratur, fur sit, an sacrilegus; qui uasa ex privato sacra surripuerit, erit utendum pluribus definitionibus. Deinde simili ratione causa tractanda. Locus autem communis in eius malitiam, qui non modo rerum, uerum etiam uerborum potestatem sibi arrogare conetur, ut et faciat quod uelit, et id, quod fecerit, quo uelit nomine appellet. Deinde defensoris primus locus est, item nominis breuis, et aperta, et ex opinione hominum descriptio, hoc modo: Maiestatem minuere, est aliquid de rep. cum potestatem non habeas, administrare. Deinde huius confirmatio est similibus et exemplis, et rationibus. Postea sui facti ab illa definitione separatio. Deinde locus communis, per quem facti utilitas, aut honestas adaugetur. Deinde sequitur aduersariorum definitionis reprehensio, quæ iisdem ex locis omnibus, quos accusatori præscripsimus, conficitur: et cætera post eadem præter communem locum inducentur. Locus autem communis erit defensoris is, per quem indignabitur, accusatorem sui periculi causa, non res solum conuertere, uerum etiam uerba commutare conari. Nam illi quidem communes loci, qui aut calumnie accusatorum demonstranda, aut misericordie captanda, aut facti indignandi, aut à misericordia deterrendi causa sumuntur, ex periculi magnitudine, non ex causæ genere ducuntur. quare non in omnem causam, sed in omne causæ genus incidunt. eorum mentionem in coniecturali constitutione fecimus. Inductione autem eorum, cum causa postulabit, utemur.

C
noris
oportet
quale
res, co
exempl
num
similis
est. A
causis
prætor
et ita
is, qui
iure pl
fidelita
et om
natus
tamen
minus
sumptu
alio, c
quia p
esset ad
mina
cidia
ipso m
renis
ea pa
Id ad
nam

CVM autem actio translationis, aut commutationis indigere uidetur, quod non aut is agit, quem oportet, aut cum eo, quicum oportet, aut apud quos qua lege, qua poena, quo crimine, quo tempore oportet, constitutio translatina appellatur. Huius nobis exempla permulta opus sunt, si singula translationum genera queramus: sed quia ratio praeceptorum similis est, exemplorum multitudine supersedendum est. Atque in nostra quidem consuetudine multis de causis fit, ut rarius incidant translationes. Nam & praeceptoribus multa excluduntur actiones, & ita ius civile habemus constitutum, ut causa cadat is, qui non, quemadmodum oportet, egerit. quare in iure plerumque uersantur. ibi enim & exceptiones postulatur, & quodammodo agendi potestas datur, & omnis conceptio priuatorum iudiciorum constituitur. In ipsis autem iudicii rarius incidunt, & tamen, si quando incidunt, eiusmodi sunt, ut per se minus habeant firmitudinis, confirmentur autem assumpta alia aliqua constitutione. Ut in quodam iudicio, cum uenefici cuiusdam nomen esset delatum, & quia parricidii causa subscripta esset, extra ordinem esset acceptum, cum in accusatione aliqua quaedam crimina testibus, & argumentis confirmarentur, parricidii autem solum mentio facta esset, defensor in hoc ipso multum oportet, & diu consistat, cum de nece parentis nihil demonstratum sit, indignum facinus esse ea poena afficere eum, qua parricide afficiuntur. Id autem, si damnaretur, fieri necesse esset, quoniam & id causae subscriptum, & ex ea re nomen

DE INVENTIONE

extra ordinem sit acceptum. Ea igitur pœna si affici reum non oporteat, damnari quoque non oportere, quoniam ea pœna damnationem necessario consequatur. Hic defensor pœnæ commutationem ex translationis genere inducendo, totam infirmabit accusationem. Veruntamen ceteris quoque criminibus defendendis coniecturali constitutione translationem confirmabit. Exemplum autem translationis in causa nobis positum sit huiusmodi: Cum ad uim faciendam quidam armati uenissent, armati contra præsto fuerunt, & quidam equiti Romano quidam ex armatis resistenti gladio manum præcidit. Agit is, cui manus præcisa est, iniuriarum: postulat is, quicum agitur, à Præ-tore exceptionem, extra quam in reum capitis præiudicium fiat. Hic is, qui agit, iudicium purum postulat: ille, quicum agitur, exceptionem addi ait oportere. Quæstio est, Excipiendum sit, an non. Ratio, Non enim oportet in recuperatorio iudicio eius maleficij, de quo inter sicarios quæritur, præiudicium fieri. Infirmitas rationis, Eiusmodi sunt iniuriæ, ut de his indignum sit non primo quoque tempore iudicari. Iudicatio, Atrocitas iniuriarum satis ne causæ sit, quare, dum de ea iudicetur, de aliquo maiore maleficio, de quo iudicium comparatum sit, præiudicetur. atque exemplum quidem hoc est. in omni autem causa ab utroque quæri oportebit, à quo, & per quos, & quo modo, & quo tempore aut agi, aut iudicari, aut quid statui de ea re conueniat. Id ex partibus iuris, de quibus post dicendum est, sumi oportebit: & ratiocinari quid in similibus rebus fieri soleat: & uide-
re utrum

re utrum malitia quid aliud agatur, aliud simuletur, an stultitia, an necessitudine, quod alio modo agi non possit, an occasione agendi sic sit iudicium, aut actio constituta, an recte sine ulla re eiusmodi res agatur. Locus autem communis contra eum, qui translationem inducet, fugere iudicium ac poenam, quia causæ diffidat. A translatione autem, omnium fore perturbationem, si non ita res agatur, & in iudicium ueniat, quo pacto oporteat: hoc est, si aut cum eo agatur, quicum non oporteat, aut alia poena, alio crimine, alio tempore: atque hanc rationem ad perturbationem iudiciorum omnium pertinere. Tres igitur eæ constitutiones. quæ partes non habent, ad hunc modum tractabuntur. Nunc generalem constitutionem, & partes eius consideremus.

CVM, & facti, & facti nomine concessio, neque ulla actionis illata controuersia, uis, & natura, & genus negotij ipsius queritur, constitutionem generalem appellamus. Huius primas esse partes duas nobis uideri diximus, negotialem, & iuridicalem. Negotialis est, quæ in ipso negotio iuris civilis habet implicitam controuersiam. ea est huiusmodi: Quidam pupillum heredem fecit: pupillus autem ante mortuus est, quàm in suam tutelam ueniret. de hereditate ea, quæ pupillo uenit, inter eos, qui patris pupilli heredes secundi sunt, & inter agnatos pupilli controuersia est. possessio heredum secundorum est. Intentio est agnatorum, Nostra pecunia est, de qua is, cuius agnati sumus, testatus non est. Depulsio est, Immo nostra, qui heredes secundi testamento patris sumus. Quæstio

Q

DE INVENTIONE

est, Vtrorum sit: Ratio est, Pater enim & sibi, & filio testamentum scripsit, dum is pupillus esset. Quare, quæ filij fuerunt, testamento patris nostra fieri necesse est. Infirmatio est rationis, Immo pater sibi scripsit, & secundum heredem non filio, sed sibi iussit esse. Quare præterquam quod ipsius fuit in testamento, ullius uestrum esse non potest. Iudicatio, Possit ne quisquam de filij pupilli re testari: An heredes secundi ipsius patrisfamilias, non filij quoque eius pupilli heredes sint. Atque hoc non alienum est, quod ad multa pertineat, ne aut nusquam, aut usquequaque dicatur, hic admonere. Sunt causæ, quæ plures habent rationes in simplici constitutione: quod fit, cum id, quod factum est, aut quod defenditur, pluribus de causis rectum, aut probabile videri potest, ut in hac ipsa causa. Supponatur enim ab heredibus hæc ratio, Vnius enim pecuniæ plures dissimilibus de causis heredes esse non possunt: nec unquam factum est, ut eiusdem pecuniæ alius testamento, alius lege hæres esset. Infirmatio autem hæc erit, Non est una pecunia, propterea quod altera iam erat pupilli aduentitia, cuius hæres non illo in tempore in testamento quisquam scriptus erat, si quid pupillo accidisset: & de altera patris etiam nunc mortui voluntas plurimum ualebat, quæ iam mortuo pupillo suis heredibus concedebat. Iudicatio est, Vnâ ne pecunia fuerit. ac si hac erunt usi infirmatione, Possent plures esse unius heredes pecuniæ dissimilibus de causis; de eo ipso iudicatio nascitur, Possint ne eiusdem pecuniæ plures dissimilibus generibus esse heredes.

Ergo
ratione
dication
nideam
ambige
dam. I
quadam
bis, aut
approba
lia nisa
est, quo
ferat, u
nem, o
que m
Pietatem
os sang
Gratiam
rum, e
teneat.
liam d
bis, &
quam
atque
tate an
per q
firma
Ac m
hanc
santa
ad si

Ergo una in constitutione intellectum est, quo modo & rationes, & rationum infirmationes, & praterea iudicationes plures fiant. Nunc huius generis praecepta uideamus. Vtrisque, aut etiam omnibus, si plures ambigent, ius ex quibus rebus constet, est considerandum. Initium ergo eius ab natura ductum uidetur: quaedam autem ex utilitatis ratione, aut perspicua nobis, aut obscura in consuetudinem uenisse: post autem approbata quaedam aut à consuetudine, aut uero utilia uisa, legibus esse firmata. Ac naturæ quidem ius est, quod nobis non opinio, sed quaedam innata uis asferat, ut religionem, pietatem, gratiam, uindicationem, obseruantiam, ueritatem. Religionem, eam, quæ in metu & cærimonia deorum sit, appellant. Pietatem, quæ erga patriam, aut parentes, aut alios sanguine coniunctos officium conseruare moneat. Gratiam, quæ in memoria, & remuneratione officiorum, & honorum, & amicitiarum obseruantiam teneat. Vindicationem, per quam uim, & contumeliam defendendo, aut ulciscendo propulsamus à nobis, & à nostris, qui nobis esse chari debent, & per quam peccata punimus. Obseruantiam, per quam ætate, aut sapientia, aut honore, aut aliqua dignitate antecedentis reueremur, & colimus. Veritatem, per quam damus operam, ne quid aliter, quàm confirmauerimus, fiat, aut factum, aut futurum sit. Ac naturæ quidem iura minus ipsa queruntur ad hanc controuersiam, quòd neque in hoc civili iure uersantur, & à uulgari intelligentia remotiora sunt: ad similitudinem uero aliquam, aut ad rem amplifi-

Q ij

DE INVENTIONE

candam saepe sunt inferenda. Consuetudinis autem ius esse putatur id, quod uoluntate omnium sine lege uetustas comprobarit. In ea autem iura sunt quaedam ipsa iam certa propter uetustatem. quo in genere & alia sunt multa, & eorum multo maxima pars, quae Praetores edicere consueuerunt. Quaedam autem genera iuris iam certa consuetudine facta sunt. quod genus, pactum, par, iudicatum. Pactum est, quod inter aliquos conuenit: quod iam ita iustum putatur, ut iuri praestare dicatur. Par, quod in omnes aequabile est. Iudicatum, de quo iam ante sententia alicuius, aut aliquorum constitutum est. Iam iura legitima ex legibus cognosci oportebit. His ergo ex partibus iuris quidquid aut ex ipsa re, aut ex simili, aut ex maiore, aut ex minore nasci uidebitur, quenque attendere, atque elicere pertentando unamquamque partem iuris oportebit. Locorum autem communium, quoniam, ut ante dictum est, duo sunt genera, quorum alterum dubiae rei, alterum certa continet amplificationem, quid ipsa causa det, & quid augeri per communem locum possit, & oporteat, considerabitur. nam certi, qui in omnes incidant, loci praescribi non possunt: in plerisque fortasse ab auctoritate iurisconsultorum, & contra auctoritatem dici oportebit. Attendendum est autem in hac, & in omnibus, num quos locos communes, praeter eos, quos exposuimus, ipsa res ostendat. Nunc iuridicialis genus, & partes eius consideremus.

IURIDICIALIS est, in qua aequi, et iniqui natura, & praemij, aut poenae ratio quaeritur. Huius

partes sunt duæ, quarum alteram absolutam, alteram assumptiuam nominamus. Absoluta est, quæ ipsa in se, non, ut negotialis, implicite, & abscondite, sed patentius, & expeditius recti, & non recti quæstionem continet. Ea est huiusmodi: Cum Thebani Lacedæmonios bello superauissent, & fere mos esset Graiis, cum inter se bellum gessissent, ut ij, qui uicissent, trophæum aliquod in finibus statuerent uictoriæ modo in præsentia declarandæ causæ, non ut in perpetuum belli memoria maneret, æneum statuerunt trophæum. Accusantur apud Amphictyonas, id est, apud commune Græciæ concilium. Intentio est, Non oportuit: Depulsio est, Oportuit. Quæstio est, Oportuerit ne. Ratio est, Eam enim ex bello gloriam uirtute peperimus, ut eius æterna insignia posteris nostris relinquere uellemus. Infirmatio est, Attamen æternum inimicitiarum monumentum Graios de Graiis statuere non oportet. Iudicatio est, Cum summæ uirtutis celebrandæ causæ Graiij de Graiis æternum inimicitiarum monumentum statuerint, recte ne, an contra fecerint. Hanc ideo rationem subiecimus, ut hęc causæ genus ipsum, de quo agimus, cognosceretur. Nam si eam supposuissemus, quæ fortasse usi sunt, Non enim iuste, neque pie bellum gessistis; in relationem criminis dilaberemur, de qua post loquemur. Vtrunque autem causæ genus in hanc causam incidere perspicuum est. In hanc argumentationes ex iisdem locis sumendæ sunt, atque in causam negotialem, de qua ante dictum est. Locos autem communes & ex causa ipsa, si quid incrit indignationis, aut conquestio-

Q ij

DE INVENTIONE

nis, & ex iuris utilitate, & natura multos, & graues
sumere licebit, & oportebit, si causæ dignitas uidebi-
tur postulare. Nunc assumptiuam partem iuridicia-
lis consideremus. Assumptiua igitur tunc dicitur,
cum ipsum ex se factum probari non potest, aliquo
autem foris adiuncto argumento defenditur. Eius
partes sunt quatuor, comparatio, relatio criminis,
remotio criminis, concessio. Comparatio est, cum ali-
quod factum, quod per se ipsum non sit probandū, ex
eo, cuius id causa factum est, defenditur. ea est huius-
modi: Quidam Imperator, cum ab hostibus circumside-
retur, neque effugere ullo modo posset, de pactus est cū
eis, ut arma & impedimenta relinqueret, milites edu-
ceret: itaq; fecit: armis & impedimentis amissis, præ-
ter spem milites conseruauit accusatur maiestatis. In-
currit huc definitio, quid sit lædere maiestatem: sed
nos hunc locum, de quo agimus, consideremus. Inten-
tio est, Non oportuit arma & impedimenta relinque-
re. Depulsio est, Oportuit. Quæstio est, Oportuerit ne.
Ratio est, Milites enim omnes periissent. Infirmatio
est, aut coniecturalis, Non periissent: aut altera
coniecturalis, Non ideo fecisti. Ex quibus sunt iudi-
cationes, Periissent ne: &, Ideo ne fecerit. aut hæc
comparatiua, cuius nunc indigemus, At enim satius
fuit amittere milites, quàm arma & impedimenta
hostibus concedere. Ex qua iudicatio nascitur: Cum
omnes perituri milites essent, nisi ad hanc pactionem
uenissent, utrum satius fuerit amittere milites, an
ad hanc conditionem uenire. Hoc causæ genus ex his
locis tractari conueniet. Oportebit adhibere cæterarum

quoque constitutionum rationem atque praecepta, ac maxime coniecturis faciendis infirmare illud, quod cum eo, quod crimini dabitur, ij, qui accusabuntur, comparabunt. Id fiet, si aut id, quod dicent defensores futurum fuisse, nisi id factum esset, quo de facto iudicium est, futurum fuisse negabitur: aut si alia ratione, & aliam ob causam, ac dicet se reus fecisse, demonstrabitur esse factum. Eius rei confirmatio, & item contraria de parte infirmatio ex coniecturali constitutione sumetur. Sin autem certo nomine maleficij uocabitur in iudicium, sicut in hac causa, (nam maiestatis accersitur) definitione, & definitionis praeceptis uti oportebit. Atque haec quidem plerumque in hoc genere incidunt, ut coniectura, & definitione utendum sit. Sin aliud quoque aliquod genus incidet, eius generis praecepta licebit huc pari ratione transferre. Nam accusatori maxime est in hoc elaborandum, ut id ipsum factum, propter quod sibi reus concedi putat oportere, quamplurimis infirmet rationibus. Quod facile est, si quamplurimis constitutionibus aggrediatur id improbare. Ipsa autem comparatio separata à ceteris generibus controuersiarum sic ex sua ui considerabitur, si illud, quod comparabitur, aut non honestum, aut non utile, aut non necessarium fuisse, aut non tantopere utile, aut non tantopere honestum, aut non tantopere necessarium fuisse demonstrabitur. Deinde oportet accusatorem illud, quod ipse arguat, ab eo, quod defensor comparat, separare. Id autem faciet, si demonstrabit non ita fieri solere, neque oportere, neque esse rationem,

Q iij

DE INVENTIONE

quare hoc propter hoc fiat, ut propter salutem militum ea, quæ salutis causa comparata sunt, hostibus tradantur. Postea comparare oportebit cum beneficio maleficium, & omnino id, quod arguitur, cum eo, quod factum ab defensore laudatur, aut faciendum fuisse demonstratur, contendere, & hoc extenuando, maleficij magnitudinem simul adaugere. Id fieri poterit, si demonstrabitur, honestius, utilius, magis necessarium fuisse illud, quod uitarit reus, quàm illud, quod fecerit. Honesti autem, & utilis, & necessarij uis & natura in deliberationis præceptis cognoscetur. Deinde oportebit ipsam illam comparatiuam iudicationem exponere tanquam causam deliberatiuam, & de ea ex deliberationis præceptis deinceps dicere. Sit enim hæc iudicatio, quam ante exposuimus: Cum omnes perituri milites essent, nisi ad hanc pactionem uenissent, utrum satius fuerit perire milites, an ad hanc pactionem uenire. Hoc ex locis deliberationis, quasi aliquam in consultationem res ueniat, tractari oportebit. Defensor autem, quibus in locis ab accusatore alia constitutiones erunt inducæ, in ijs ipse quoque ex ijsdem constitutionibus defensionem comparabit. ceteros autem omnes locos, qui ad ipsam comparationem pertinebunt, ex contrario tractabit. Loci autem communes erunt accusatoris, in eum, qui, cum de facto turpi aliquo, aut inutiles, aut utroque fateatur, quarat tamen aliquam defensionem, & facti inutilitatem, aut turpitudinem cum indignatione proferre. Defensoris est, nullum factum inutile, neque turpe, neque item utile, neque hone-

sum p
qua de
commu
gno ad
ut locu
fici ma
necessi
expres
nietur
conuen
idem tem
reus id
flum po
inmodi
bus am
animadu
liberatio
idem Co
passus
iuria for
suo q
mactem
R. uici
fratre i
cacio sic
hostium
non ga
tam ne
ex cete
sicut in

stum putari oportere, nisi, quo animo, quo tempore, qua de causa factum sit, intelligatur. Qui locus ita communis est, ut bene tractatus in hac causa, magno ad persuadendum momento futurus sit. Et alter locus, per quem magna cum amplificatione beneficii magnitudo ex utilitate, aut honestate, aut facti necessitudine demonstratur. Et tertius, per quem res expressa uerbis, ante oculos eorum, qui audiunt, ponitur, ut ipsi se quoque idem facturos fuisse arbitrentur, si sibi illa res atque ea faciendi causa per idem tempus accidisset. Relatio criminis est, cum reus id, quod arguitur, confessus, alterius se indutum peccato, iure fecisse demonstrat. Ea est huiusmodi. Horatius, occisis tribus Curiatibus, & duobus amissis fratribus, domum se uictor recepit. is animaduertit sororem suam de fratrum morte non laborantem, sponsi autem nomen appellantem identidem Curiatibus cum gemitu & lamentatione. indigne passus, uirginem occidit: accusatur. Intentio est, Iniuria sororem occidisti. Depulsio est, Iure occidi. Questio est, Iure ne occiderit. Ratio est, Illa enim hostium mortem lugebat, fratrum negligebat, me, & populum R. uicisse moleste ferebat. Infirmatio est, Tamen à fratre indemnata necari non oportuit. ex qua iudicatio fit, Cum Horatia fratrum mortem negligeret, hostium lugeret, de fratris, & populi R. uictoria non gauderet, oportuerit ne eam à fratre indemnata necari. Hoc in genere causæ, primum si quid ex cæteris dabitur constitutionibus sumi oportebit, sicut in comparatione præceptum est. Postea si qua

DE INVENTIONE

facultas erit, per aliquam constitutionem illum, in quem crimen transfertur, defendere. Deinde leuius esse illud, quod in alterum peccatum reus transferat, quàm quod ipse susceperit. Postea translationis partibus uti, & ostendere à quo, & per quos, & quo modo, & quo tempore aut agi, aut iudicari, aut statui de ea re conuenerit: ac simul ostendere non oportuisse ante supplicium, quàm iudicium interponere. Tum leges quoque & iudicia demonstranda sunt, per quæ potuerit id peccatum, quod sponte sua reus punitus sit, moribus, & iudicio uindictari. Deinde negare debet, audiri oportere id, quod in eum criminis conferatur, de quo is ipse, qui conferat, iudicium fieri noluerit: & id, quod iudicatum non sit, pro infecto haberi oportere. Postea impudentiam demonstrare eorum, qui eum nunc apud iudices accusent, quem sine iudicibus ipsi condemnarint: & de eo iudicium faciant, de quo iam ipsi supplicium sumpserint. Postea perturbationem iudicij futuram dicemus, & iudices longius, quàm potestatem habeant, progressuros, si simul & de reo, & de eo, quem reus arguat, iudicarent. Deinde hoc si constitutum sit, ut peccata homines peccatis, & iniurias iniurijs ulciscantur, quantum incommodorum consequatur. Ac si idem facere ipse, qui nunc accusat, uoluisset, ne hoc quidem ipso quidquam opus fuisset iudicio: si uero cæteri quoque idem faciant, omnino iudicium nullum futurum. Postea demonstrabitur, ne si iudicio quidem illa damnata esset, in quam id crimen ab reo conferatur, potuisse hunc ipsum de illa supplicium sumere. Quare

esse in
nas si
que m
frulabi
de que
ut illuc
facore
culpam
malific
demon
hoc fier
ne, affi
nem ex
rem, q
locis, q
lationem
quem r
maxima
questio
strando
suum si
de oport
Etati,
possi
rationi
ram c
niam
plicij
cuiusm
bono

esse indignum, eum, qui ne de damnata quidem pœnas sumere potuisset, de ea supplicium sumpsisse, quæ ne adducta quidem sit in iudicium. Deinde postulabit, ut legem, qua lege fecerit, proferat. Deinde quemadmodum in comparatione præcipiebamus, ut illud, quod comparabatur, extenuaretur ab accusatore quammaxime: sic in hoc genere oportebit illius culpam, in quem crimen transferetur, cum huius maleficio, qui se iure fecisse dicat, comparare. Postea demonstrandum est, non esse illud eiusmodi, ut ob id hoc fieri conueniret. Extrema est, ut in comparatione, assumptio iudicationis, & de ea per amplificationem ex deliberationis præceptis dictio. Defensor autem, quæ per alias constitutiones inducentur, ex ijs locis, qui traditi sunt, infirmabit. Ipsam autem relationem comprobabit, primum augendo eius, in quem refert crimen, culpam & audaciam, & quammaxime per indignationem, si res feret, iuncta conquestione, ante oculos ponendo. Postea leuius demonstrando reum punitum, quàm sit ille promeritus, & suum supplicium cum illius iniuria conferendo. Deinde oportebit eos locos, qui ita erunt ab accusatore tractati, ut refelli, & contrariam in partem conuerti possint, quo in genere sunt tres extremi, contrarijs rationibus infirmare. Illa autem acerrima accusationum criminatio, per quam perturbationem fore omnium iudiciorum demonstrant, si de indemnato supplicij sumendi potestas data sit, leuabitur. Primum si eiusmodi demonstrabitur iniuria, ut non modo uiro bono, uerum etiam homini libero uideatur non fuisse

DE INVENTIONE

toleranda. Deinde ita perspicua, ut ne ab ipso quidem, qui fecisset, in dubium uocaretur. Deinde eiusmodi, ut in eam is maxime debuerit animaduertere, qui animaduertit, ut non tam rectum, non tam fuerit honestum in iudicium illam rem peruenire, quam eo modo, atque ab eo uindicari, quo modo, et à quo sit uindicata. Postea sic rem fuisse apertam, ut iudicium de ea re fieri nihil attinuerit. Atque hic demonstrandum est rationibus, & rebus similibus, permultas ita atroces, & perspicuas res esse, ut de his non modo non necesse sit, sed ne utile quidem, quin mox iudicium fiat, expectare. Locus communis accusatoris in eum, qui cum id, quod arguitur, negare non possit, tamen aliquid sibi spei comparet ex iudiciorum perturbatione. Atque hic utilitatis iudiciorum demonstratio, & de eo conquestio, qui supplicium dederit indemnatus: in eius autem, qui sumpserit, audaciam, & crudelitatem indignatio. Ab defensore, in eius, quem ultus sit, audaciam sui conquestione, rem non ex nomine ipsius negotij, sed ex consilio eius, qui fecerit, & causa, & tempore considerari oportere: quid mali futurum sit, aut ex iniuria, aut ex scelere alicuius, nisi tanta & tam perspicua audacia ab eo, ad cuius famam, aut ad parentes, aut ad liberos pertinuerit, aut ad aliquam rem, quam charam esse omnibus aut necesse est, aut oportet esse, fuerit uindicata. Remotio criminis est, cum eius intentio facti, quod ab aduersario inferitur, in alium, aut in aliud dimouetur. Id fit bipertito. Nam tum causa, tum res ipsa remouetur. Causæ remotionis hoc nobis exemplo sit:

Rhodi
res sum
Legati
Profici
Qua ho
qui de p
tus. In
bis dact
est, Cum
bito debe
ere nihil
sua in c
alia const
inde pler
minus in
Accusator
dicit, pri
negabit a
accuset,
officio co
oportuisse
tum illam
huius de
fensor ad
suntionem
gumentum
strabit.
der se ad
quod ad
rit, ex

Rhodij quosdam legarunt Athenas . Legatis Quæstores sumptum, quem oportebat dari, non dederunt . Legati profecti non sunt : accusantur . Intentio est, Proficisci oportuit . Depulsio est, Non oportuit . Quæstio est, Oportuerit ne . Ratio est, Sumptus enim, qui de publico dari solet, is ab Quæstore non est datus . Infirmatio est, Vos tamen id, quod publice vobis datum erat negotij, conficere oportebat . Indicatio est, Cum ijs, qui legati erant, sumptus, qui de publico debebatur, non daretur, oportuerit ne eos conficere nihilo minus legationem . Hoc in genere primum, sicut in cæteris, si quid aut ex coniecturali, aut ex alia constitutione sumi possit, uideri oportebit . Deinde pleraque ex comparatione, & ex relatione criminis in hanc quoque causam conuenire poterunt . Accusator autem illum, cuius culpa id factum prius dicet, primum defendet, si poterit : sin minus poterit, negabit ad hoc iudicium illius, sed huius, quem ipse accuset, culpam pertinere . Postea dicet suo quenque officio consulere oportere : nec, si ille peccasset, hunc oportuisse peccare . Deinde, si ille deliquerit, separatim illum, sicut hunc, accusari oportere, & non cum huius defensione coniungi illius accusationem . Defensor autem, cum cætera, si qua ex alijs incident constitutionibus, pertractarit, de ipsa remotione sic argumentabitur . Primum, cuius acciderit culpa, demonstrabit . Deinde, cum id aliena culpa accidisset, ostendet se aut non potuisse, aut non debuisse id facere, quod accusator dicat oportuisse . Quod non potuerit, ex utilitatis partibus, in quibus est necessitudi-

DE INVENTIONE

nis uis implicata, demonstrabit. Quòd non debuerit, ex honestate considerabitur. De utroque distinctius in deliberatio genere dicetur. Deinde omnia facta esse ab reo, quæ in ipsius fuerint potestate: quod minus quàm conuenerit factum sit, culpa id alterius accidisse. Deinde in alterius culpa exponenda demonstrandum est, quantum uoluntatis, & studij fuerit in ipso: & id signis confirmandum huiusmodi, ex cætera diligentia, ex ante factis, aut dictis, atque hoc ipsi utile fuisse facere, inutile autem non facere, & cum cætera uita magis hoc fuisse consentaneum, quàm quod propter alterius culpam non fecerit. Sin autem non in hominem certum, sed in rem aliquam causa dimouebitur, ut in hac eadem re, si Quæstor mortuus esset, & idcirco Legatis pecunia data non esset, accusatione alterius, & culpæ depulsione dempta, cæteris similiter uti locis oportebit, & ex concessionis partibus, quæ conuenient, assumere, de quibus post nobis dicendum erit. Loci autem communes iidem utrisque fere, qui superioribus assumptiuis incident: hi tamen certissimi. Accusatoris, facti indignatio. Defensoris, cum in alio culpa sit, aut in ipso non sit, supplicio reum affici non oportere. Ipsius autem rei sit remotio, cum id, quod datur crimini, negat neque ad se, neque ad officium suum reus pertinuisse: nec, si quod in eo sit delictum, sibi attribui oportere. Id genus causæ est huiusmodi: In eo fœdere, quod factum est quondam cum Samnitibus, quidam adolescens nobilis poream sustinuit iussu Imperatoris. Fœdere autem ab senatu improbatum, & Imperatore Sam-

nibus
qui por
oportet.
Oportet
nec mea
sem, &
Imperato
retur. Im
factus es
dix conu
hil habue
ta religio
nec re. F
in illo co
dicit acc
causam a
mento sin
dam mat
hoc autem
lium et ad
ad se, &
pertinuit
adit non
crimine
cum Pr
uocari
exempl
uebat:
satur,
ratione

nitibus dedito, quidam in senatu eum quoque dicit, qui porcam tenuerit, dedi oportere. Intentio est, Dedi oportet. Depulsio est, Non oportet. Quæstio est, Oporteat ne. Ratio est, Non enim meum fuit officium, nec mea potestas, cum & id ætatis & priuatus essem, & esset summa cum auctoritate & potestate Imperator, qui uideret ut satis honestum fœdus feriretur. Infirmatio est, Attamen, quoniam tu particeps factus es in turpissimo fœdere summæ religionis, dedite conuenit. Iudicatio est, Cum is, qui potestatis nihil habuerit, iussu Imperatoris in fœdere, & in tanta religione interfuerit, dedendus ne sit hostibus, nec ne. Hoc genus causæ à superiore hoc differt, quòd in illo concedit se reus oportuisse facere id, quod fieri dicat accusator oportuisse, sed alicui rei, aut homini causam attribuit, quæ uoluntati suæ fuerit impedimento sine concessionis partibus. Nam earum quædam maior uis est, quòd paulo post, intelligitur. In hoc autem non accusare alterum, nec culpam in alium transferre debet, sed demonstrare eam rem nec ad se, nec ad potestatem, neque ad officium suum pertinuisse aut pertinere. Atque in hoc genere hoc accidit noui, quòd accusator quoque sæpe ex remotione criminationem conficit. Vt si quis eum accuset, qui cum Prætor esset, in expeditionem ad arma populum uocarit, cum Consules adessent. Nam ut in superiore exemplo reus ab suo officio ac potestate factum dimouebat: sic in hoc ab eius officio ac potestate, qui accusatur, ipse accusator factum remouendo, hac ipsa ratione confirmat accusationem. In hac ab utroque

DE INVENTIONE

ex omnibus partibus honestatis, & omnibus utilita-
tis partibus, exemplis, signis, ratiocinando, quid cu-
iusque officij, iuris, potestatis sit, quæri oportebit, &
fuerit ne ei, de quo agitur, id iuris, officij, potestatis
attributum, nec ne. Locos autem communes ex ipsa
re, si quid indignationis, ac conquestionis habebit, su-
mi oportebit. Concessio est, per quam non factum ip-
sum improbat ab reo, sed, ut ignoscatur, id petitur.
Cuius partes sunt duæ, purgatio, & deprecatio. Pur-
gatio est, per quam eius, qui accusatur, non factum
ipsum, sed uoluntas defenditur. Ea habet partes tres,
imprudentiam, casum, necessitudinem. Impruden-
tia est, cum scisse aliquid is, qui arguitur, negat: ut
apud quosdam lex erat, Ne quis Dianæ uitulum im-
molaret. Nautæ quidam, cum aduersa tempestate in
alto iactarentur, uouerunt, si eo portu, quem con-
spiciebant, potiti essent, ei deo, qui ibi esset, se uitu-
lum immolatu-ros. Casu erat in eo portu sanum Dia-
næ eius, cui uitulum immolari non licebat. Impru-
dentes legis, cum exissent, uitulum immolauerunt.
Accusantur. Intentio est, Vitulum immolastis ei deo,
cui non licebat. Depulsio est in concessione posita. Ra-
tio est, Nesciui non licere. Infirmatio est, Tamen,
quoniam fecisti quod non licebat ex lege supplicio di-
gnus es. Iudicatio est, Cum id fecerit, quod non opor-
tuerit, & id non oportere, nescierit, sis ne supplicio di-
gnus. Casus autem inferetur in concessionem, cum de-
monstrabitur aliqua fortunæ uis uoluntati obstisse,
ut in hac: Cum Lacedæmonijs lex esset, ut, hostias
nisi ad sacrificium quoddam redemptor præbuisset,
capitale

capitale esset: hostias ij, qui redemerat, cum sacrificij dies instaret, in urbem ex agro cœpit agere: tum subito magnis commotus tempestatibus fluvius Eurotas is, qui propter Lacedæmonem fluit, ita magnus & uehemens factus est, ut eo traduci uictimæ nullo modo possent. Redemptor suæ uoluntatis ostendendæ causa hostias constituit omnes in litore, ut, qui trans flumen essent, uidere possent. Cum omnes studio eius subitam fluminis magnitudinem scirent fuisse impedimento, tamen quidam capitis accersierunt. Intentio est, Hostiæ, quas debuisti, ad sacrificium præsto non fuerunt. Depulsio est concessio. Ratio, flumen enim subito accreuit, & ea re traduci non potuerunt. Infirmatio est, Tamen, quoniam, quod lex iubet, factum non est, supplicio dignus es. Iudicatio est, Cum in ea re redemptor contra legem aliquid fecerit, qua in re studio eius subita fluminis obstiterit magnitudo, supplicio ne dignus sit. Necessitudo autem infertur, cum ui quadam reus id, quod fecerit, fecisse defenditur, hoc modo: Lex est apud Rhodios, ut, si qua rostrata in portu nauis deprehensa sit, publicetur. Cum magna in alto tempestis esset, uis uentorum, inuitis nautis, Rhodiorum in portum nauim coegit. Quæstor nauim populi uocat. Nauis dominus negat publicari oportere. Intentio est, Rostrata nauis in portu deprehensa est. Depulsio est concessio. Ratio, Vi & necessario sumus in portum coacti. Infirmatio est, Nauim ex lege tamen populi esse oportet. Iudicatio est, Cum rostratam nauim in portu deprehensam lex publicarit, cumq; hæc nauis, inuitis nautis, ui tempestatis in portum coniecta

R

DE INVENTIONE

sit, oporteat ne eam publicari. Horum trium generum idcirco unum in locum contulimus exempla, quod similis in ea præceptio argumentorum traditur. Nam in his omnibus primum, si quid res ipsa dabit facultatis, coniecturam ab accusatore induci oportebit, ut id, quod uoluntate factum negabitur, consulto factum suspitione aliqua demonstretur. Deinde inducere definitionem necessitudinis, aut casus, aut imprudentiæ, & exempla ad eam definitionem adiungere, in quibus imprudentia fuisse uideatur, aut casus, aut necessitudo, & ab his id, quod reus inferat, separare, id est ostendere dissimile, quod leuius, facilius, non ignorabile, non fortuitum, non necessarium fuerit. Postea demonstrare, potuisse euitari, & hac ratione prouideri potuisse, si hoc aut illud fecisset, aut, nisi fecisset, præcaueri, & definitionibus ostendere non hanc imprudentiam, aut casum, aut necessitudinem, sed inertiam, negligentiam, fatuitatem nominari oportere. Ac si qua necessitudo turpitudinem uidebitur habere, oportebit per locorum communium implicationem redarguentem demonstrare, quiduis perpeti, mori denique satius fuisse, quam eiusmodi necessitudini obtemperare. Atque tum ex his locis, de quibus in negotiali parte dictum est, iuris & æquitatis naturam oportebit querere, & quasi in absoluta iuridicali per se hoc ipsum ab rebus omnibus separatim considerare. Atque hoc in loco, si facultas erit, exemplis uti oportebit, quibus in simili excusatione non sit ignotum: & contentione, magis illis ignoscendum fuisse: & ex deliberationis partibus, turpe, aut inutile esse concedi

eam rem, quæ ab aduersario commissa sit: permagnum esse, & magno futurum detrimento, si ea res ab ijs, qui potestatem habent iudicandi, neglecta sit. Defensor autem conuersis omnibus his partibus poterit uti. maxime autem in uoluntate defendenda commorabitur, & in ea re adaugenda, quæ uoluntati fuerit impedimento, & se plus, quàm fecerit, facere non potuisse, & in omnibus rebus uoluntatem spectari oportere: & se conuinci non posse, quòd non absit à culpa: & ex suo nomine communem hominum infirmitatem posse damnari. Deinde nihil indignius esse, quàm eum, qui culpa careat, supplicio non carere. Loci autem communes accusatoris, unus in confessione, & alter, quanta potestas peccandi relinquatur, si semel institutum sit, ut non de facto, sed de facti causa queratur. Defensoris autem, conquestio calamitatis eius, quæ non culpa, sed uì maiore quadam acciderit, & de fortunæ potestate, & hominum infirmitate, & uti suum animum non euentum considerent. In quibus omnibus conquestionem suarum ærumnarum, & crudelitatis aduersariorum indignationem inesse oportebit. Ac neminem mirari conueniet, si aut in ijs, aut in alijs exemplis scripti quoque controuersiam adiunctam uidebit. Quò de genere post erit nobis separatim dicendum: propterea quòd quædam genera causarum simpliciter & ex sua uì considerantur; quædam autem sibi aliud quoque aliquod controuersię genus assumunt. Quare omnibus cognitis, non erit difficile in unamquamque causam transferre, quod ex eo quoque genere conueniat: ut in

R ij

DE INVENTIONE

his exemplis concessione inest omnibus scripti contro-
uersa ea, quæ ex scripto & sententia nominatur: sed
quia de concessione loquebamur, in eam præcepta de-
dimus. Alio autem loco de scripto, & sententia dice-
mus. Nunc in alteram concessione partem considera-
tionem intendemus. Deprecatio est, in qua non defen-
sio facti, sed ignoscendi postulatio continetur. Hoc ge-
nus uix in iudicio probari potest: ideo quod, concessio
peccato, difficile est ab eo, qui peccatorum uindex es-
se debet, ut ignoscat impetrare. Quare parte eius ge-
neris, cum causam non in eo constitueris, uti licebit.
ut si pro aliquo claro, aut forti uiro, cuius in remp.
multa sint beneficia, dixeris, possis, cum uidearis non
uti deprecatione, uti tamen, ad hunc modum: Quod
si iudices hic pro suis beneficijs, pro suo studio, quod in
uos habuit semper, tali suo tempore multorum suo-
rum recte factorum causa uni delicto ut ignosceretis,
postularet, tamen dictum uestra mansuetudine, di-
gnum uirtute huius esset, iudices, à uobis hanc rem hoc
postulante impetrari. Deinde augere beneficia licebit, &
iudices per locum communem ad ignoscendi uolunta-
tem ducere. Quare hoc genus, quanquam in iudicijs
non uersatur, nisi quadam ex parte: tamen, quia &
pars ipsa inducenda nonnunquam est, & in senatu,
aut concilio saepe omni in genere tractanda, in id quo-
que præcepta ponemus. nam in senatu, & in consi-
lio de Siphace diu deliberatum est, & de Q. Numi-
torio Pullo apud L. Opimium, & eius consilium diu
dictum est. Et magis in hoc quidem ignoscendi, quàm
cognoscendi, postulatio ualuit. nam semper animo

bono se
cum e
propter
precati
qui, si
qua sua
maiora
boni, q
maiora
re. De
esse qua
cuius, d
ea polle
& bene
tum, on
de spem
bi conce
se aut co
mis, am
uoluntat
num ue
qua per
attritione
esse dem
lo suppl
ferre, q
tum pr
per, su
illud
mum

bono se in populum R. fuisse non tam facile probabat, cum coniecturali constitutione uteretur, quàm ut propter posterius beneficium sibi ignosceretur, cum deprecationis partes adiungeret. Oportebit igitur eum, qui, sibi ut ignoscatur, postulabit, commemorare si qua sua poterit beneficia, & si poterit, ostendere ea maiora esse, quàm hac, quæ deliquerit; ut plus ab eo boni, quàm mali profectum esse uideatur. Deinde maiorum suorum beneficia, si qua extabunt, proferre. Deinde, ostendere, non odio, neque crudelitate fecisse quod fecerit, sed aut stultitia, aut impulsu aliquius, aut aliqua honesta, aut probabili causa. Postea polliceri & confirmare, se & hoc peccato doctum, & beneficio eorum, qui sibi ignouerint, confirmatum, omni tempore à tali ratione abfuturum. Deinde spem ostendere, aliquo se in loco, magno ijs, qui sibi concesserint, usui futurum. Postea, si facultas erit, se aut consanguineum, aut iam à maioribus in primis amicum esse demonstrabit, & amplitudinem suæ uoluntatis, & nobilitatem generis eorum, qui se saluum uelint, & dignitatem ostendere, & cætera ea, quæ personis ad honestatem, & amplitudinem sunt attributa, cum conquestione, sine arrogantia in se esse demonstrabit; ut honore potius aliquo, quàm ullo supplicio dignus esse uideatur. Deinde cæteros proferre, quibus maiora delicta concessa sunt. Ac multum proficiet, si se misericordem in potestate, & propensum ad ignoscendum fuisse ostendet. Atque ipsum illud peccatum erit extenuandum, ut quam minimum fuisse uideatur, & aut turpe, aut inutile de-

DE INVENTIONE

monstrandum tali de homine supplicium sumere. Deinde locis communibus misericordiam captare oportebit ex ijs præceptis, quæ in primo libro sunt exposita. Aduersarius autem malefacta augebit, nihil imprudenter, sed omnia ex crudelitate, & malitia facta dicet: ipsum immisericordem, superbum fuisse: & si poterit, ostendet semper inimicum fuisse, & amicum fieri nullo modo posse. Si beneficia proferet, aut aliqua de causa facta, non propter benevolentiam, demonstrabit, aut postea odium esse acre suscepum, aut illa omnia maleficijs esse deleta, aut leuiora beneficia quàm maleficia, aut, cum beneficijs honos habitus sit, pro maleficio pœnam sumi oportere. Deinde turpe esse, aut inutile ignosci. Deinde, de quo ut potestas esset, sæpe optarint, in eum potestate non uti, summam esse stultitiam: & cogitare oportere, quem animum in eum, uel quare odium habuerint. Locus autem communis erit indignatio maleficij: & alter, eorum misereri oportere, qui propter fortunam, non propter malitiam in miserijs sint. Quoniam igitur in generali constitutione tandiu propter eius partium multitudinem commoramur, ne forte uarietate, & dissimilitudine rerum deductus alicuius animus in quendam errorem deferatur, quid etiam nobis ex eo genere restet, & quare restet, admonendum uidetur. Iuridicalem causam esse dicebamus, in qua æqui, & iniqui natura, præmij, aut pœnæ ratio quæretur. Eas causas, in quibus de æquo, & iniquo quæritur, exposuimus. Nunc restat ut de præmio, & de pœna explicemus. Sunt enim multe causæ, quæ ex præmij ali-

cius pe
mio
concilio
conuenie
narius,
exemplu
bando, a
nem se
nem, si p
di; sed,
dum. O
rum uir
mo, uir
autem pa
dum
remus. L
re Calli
mure, ne
stes popu
nibus &
confectat
phum ab
ne, nubi
nibus ra
ture: pr
tio, aut
in qua
modi,
Oportet
saonem

cuius petitione constant. Nam & apud iudices de præ-
 mio sæpe actorum quæritur, & à senatu, aut
 concilio aliquod præmium sæpe petitur. Ac neminem
 conueniet arbitrari nos, cum aliquod exemplum po-
 namus, quod in senatu agatur, ab iudiciali genere
 exemplorum recedere. Quidquid enim de homine pro-
 bando, aut improbando dicitur, cum ad eam dictio-
 nem sententiarum quoque ratio accommodetur, id
 non, si per sententiæ dictionem agitur, deliberatiuum
 est; sed, quia de homine statuitur, iudiciale est haben-
 dum. Omnino autem qui diligenter omnium causa-
 rum uim, & naturam cognouerit, cum genere pri-
 mo, tum etiam forma eas intelliget dissidere: ceteris
 autem partibus aptas inter se omnes, & aliam in
 aliam implicatam uidebit. Nunc de præmijs conside-
 remus. L. Licinius Crassus Consul quosdam in citerio-
 re Gallia nullo illustri, neque certo duce, neque eo no-
 mine, neque numero præditos, ut digni essent qui ho-
 stes populi R. esse dicerentur; quod tamen excursio-
 nibus & latrocijs infestam prouinciam redderent,
 confectatus est, & confecit. Romam redijt, trium-
 phum ab senatu postulat. Hic, ut & in deprecatio-
 ne, nihil ad nos attinet; rationibus, & infirmatio-
 nibus rationum supponendis ad iudicationem perue-
 nire: propterea quod, nisi alia quoque incidet constitu-
 tio, aut pars constitutionis, simplex erit iudicatio, &
 in quæstione ipsa continebitur. In deprecatione huius-
 modi, Oporteat ne pœna affici. In hac huiusmodi,
 Oporteat ne præmium dari. Nunc ad præmiij quæ-
 stionem appositos locos exponemus. Ratio igitur præ-

R. iiij

DE INVENTIONE

mij quattuor est in partes distributa; in beneficia, in
 hominem, in præmij genus, in facultates. Beneficia
 ex sua ui; ex tempore, ex animo eius, qui fecerit, ex
 causa considerantur. Ex sua ui quærentur, hoc mo-
 do: Magna, an parua, facilia, an difficilia, singula-
 ria sint, an uulgaria, uera, an falsa quadam ex ora-
 tione honestentur. Ex tempore autem, Si tum cum
 indigeremus, cum ceteri non posset, aut nollent opi-
 tulari, si tum cum spes deseruisset, opitulatus sit. Ex
 animo, Si non sui commodi causa, sed eo consilio fe-
 cit omnia, ut hoc conficere posset. Ex casu, Si non
 fortuna, sed industria factum uidebitur, aut si in-
 dustriæ fortuna obstitisset. In hominem autem, Qui-
 bus rationibus uixerit, quid sumptus in eam rem,
 aut laboris insumpserit, & si quid aliquando tale fe-
 cerit, num alieni laboris, aut deorum bonitatis præ-
 mium sibi postulet: num aliquando ipse talem ob
 causam allquem præmio affici negarit oportere: aut
 num iam satis pro eo, quod fecerit, honos habitus
 sit: aut num necesse fuerit ei facere id, quod fecerit:
 aut num huiusmodi sit factum, ut, nisi fecisset, sup-
 plicio dignus esset, non, quia fecerit, præmio: aut
 num ante tempus præmium petat, & spem incer-
 tam certo uenditet pretio: aut num, quo supplicium
 aliquod uiter, eo præmium postulet, uti de se præiu-
 dicium factum esse uideatur. In præmij autem gene-
 re, quid, & quantum, & quamobrem postuletur,
 & quo, & quanto quæque res præmio digna sit, con-
 siderabitur. Deinde apud maiores quibus hominibus,
 & quibus de causis talis honos sui habitus, quæretur,

Deinde ne is honos nimium peruagetur. Atque hic eius, qui contra aliquem præmium postulantem dicet, locus erit communis, præmia uirtutis, & officij sancta & casta esse oportere, neque ea aut cum improbis communicari, aut in mediocribus hominibus peruulgari. Et alter, minus homines uirtutis cupidos fore uirtutis præmio peruulgato. Quæ enim rara & ardua sint, ea ex præmio pulchra, & iucunda hominibus uideri. Et tertius, si existant qui apud maiores nostros ob egregiam uirtutem tali honore dignati sunt, non ne de sua gloria, cum pari præmio tales homines affici uideant, deliberari putent? & eorum enumeratio, & cum eis, quos contra dicat, comparatio. Eius autem, qui præmiū petet, facti sui amplificatio, & eorum, qui præmio affecti sunt, cum suis factis contentio. Deinde ceteros à uirtutis studio repulsum iri, si ipse præmio non sit affectus. Facultates autem considerantur, cum aliquod pecuniarum præmium postulatur, in quo, utrum copia ne sit agri, uetigalium, pecuniæ, an penuria, consideratur. Loci communes, facultates augere, non minuere oportere; & impudentem esse, qui pro beneficio non gratiam, uerum mercedem postulet: contra autem, de pecunia ratiocinari, sordidum esse, cum de gratia referēda deliberetur: & se non pretium pro facto, sed honorem. ita ut factitatum sit, pro beneficio postulare. Ac de constitutionibus quidem satis dictum est: nunc de ijs controuersijs, quæ in scripto uersantur, dicendum uidetur.

IN scripto uersatur controuersia, cum ex scriptio-
nis ratione aliquid dubij nascitur. Id fiet ex ambiguo

DE INVENTIONE

ex scripto, & sententia, ex contrarijs legibus, ex ratiocinatione, ex definitione. Ex ambiguo autem nascitur controuersia, cum, quid senserit scriptor, obscurum est, quod scriptum duas pluresue res significat, ad hunc modum: Paterfamilias, cum filium heredem faceret, uasorum argenteorum centum pondo uxori suæ sic legauit: Hæres meus uxori meæ uasorum argenteorum pondo centum, quæ uolet, dato. Post mortem eius uasa magnifica, & pretiose calata petit à filio mater: ille se, quæ ipse uellet, debere dicit. Primum, si fieri poterit, demonstrandum est non esse ambigue scriptum, propterea quod omnes in consuetudine sermonis sic uti solent eo uerbo uno, pluribusue in ea sententia, in qua is, qui dicet, accipiendum esse demonstrabit. Deinde ex superiore, & ex inferiore scriptura docendum id, quod quærat, fieri perspicuum. Quare si ipsa separatim ex se uerba considerentur, omnia, aut pleraque ambigua uisum iri. Quæ autem ex omni considerata scriptura perspicua fiant, hæc ambigua non oportere existimari. Deinde qua in sententia scriptor fuerit, ex ceteris eius scriptis, & factis, dictis, animo, atque uita eius sumi oportebit, & eam ipsam scripturam, in qua inerat illud ambiguum, de quo quæritur, totam omnibus ex partibus pertentare, si quid aut ad id appositum sit, quod nos interpretemur, aut ei, quod aduersarius intelligat, aduersetur. Nam facile, quid uerisimile sit eum uoluisse qui scripsit, ex omni scriptura, & ex persona scriptoris, atque ijs rebus, quæ personis attributæ sunt, considerabitur. Deinde erit demonst-

dum, si quid ex ipsa re dabitur facultatis, id, quod aduersarius intelligat, multo minus commode fieri posse, quàm id, quod nos accipimus; quòd illius rei neque administratio, neque exitus ullus extet: nos quod dicamus, facile, & commode transigi posse: ut in hac lege (nihil enim prohibet fictam exempli loco ponere, quo facilius res intelligatur) Meretrix coronam auream ne habeto: si habuerit, publica esto. Contra eum, qui meretricem publicari dicat ex lege oportere, posset dici, neque administrationem esse ullam publica meretricis, neque exitum legis in meretrice publicanda: at in auro publicando & administrationem, & exitum facilem esse, & incommodi nihil inesse. Ac diligenter illud quoque attendere oportebit, num illo probato, quod aduersarius intelligat, utilior res, aut honestior, aut magis necessaria, à scriptore neglecta uideatur. Id fiet, si id, quod nos demonstrabimus, honestum, aut utile, aut necessarium demonstrabimus: & si id, quod ab aduersarijs dicetur, minime eiusmodi dicemus esse. Deinde si in lege erit ex ambiguo controuersia, dare operam oportebit, ut de eo, quod aduersarius intelligat, alia in lege cautum esse doceatur. Permultum autem proficiet illud demonstrare, quemadmodum scripsisset, si id, quod aduersarius accipiat, fieri aut intelligi uoluisset: ut in hac causa, in qua de uasis argenteis queritur, possit mulier dicere, nihil attinuisse, ascribi, quæ uolet, si hæredis uoluntati permetteret: eo enim non ascripto, nihil inesse dubitationis, quin hæres, quæ ipse uellet, daret. Amentia igitur fuisse, cum hæredi uellet cauere,

DE INVENTIONE

id ascribere, quo non ascripto nihilo minus heredi ca-
ueretur. Quare hoc genere magnopere talibus in cau-
sis uti oportebit: si hoc modo scripsisset, isto uerbo usus
non esset, non isto loco uerbum istud collocasset. Nam
ex his sententia scriptoris maxime perspicitur. Dein-
de, quo tempore scriptum sit, quærendum est, ut,
quod eum uoluisse in eiusmodi tempore uerisimile sit,
intelligatur. Post ex deliberationis partibus, quid uti-
lius, & quid honestius, & illi ad scribendum, & his
ad comprobandum sit, demonstrandum: & ex his si
quid amplificationis dabitur, communibus utrunque
locis uti oportebit. Ex scripto, & sententia controuer-
sia consistit, cum alter uerbis ipsis, quæ scripta sunt,
utitur: alter ad id, quod scriptorem sensisse dicet, o-
mnem adiungit dictionem. Scriptoris autem senten-
tia ab eo, qui sententia se defendet, tum semper ad
idem spectare, & idem uelle demonstrabitur: tum ex
facto, aut ex euentu aliquo ad tempus id, quod insti-
tuit, accommodatur. Semper ad idem spectare, hoc
modo: Paterfamilias cum liberorum nihil haberet,
uxorem autem haberet, in testamento ita scripsit: Si
mihi filius genitus fuerit unus, plures uero, is mihi hæ-
res esto. Deinde quæ assolent, Postea, Si filius ante
moritur, quàm in tutelam suam uenerit, tu mihi,
dicebat, secundus hæres esto. Filius non est natus. am-
bigunt agnati cum eo, qui est hæres, si filius ante,
quàm in tutelam ueniat, mortuus sit. In hoc genere
non potest hoc dici, ad tempus, aut ad euentum ali-
quem sententiam scriptoris oportere accommodari:
propterea quòd ea sola demonstratur, qua fretus il-

le, qui
defendit
sententiam
propter
factum
tu ad tem
ridicula
inductum
riti pora
& auxil
bus oppri
citra ho
eo, qui
reueret
inferre co
in eo, qui
ficeretur
Quæstio
gationem
lutione
sum, me
aut in se
luisse scri
re & ea
scriptum
re autem
ris colla
dicere,
& hoc
id est,

le, qui contra scriptum dicet, suam esse hereditatem defendit. Alterum autem genus est eorum, qui sententiam inducunt: in quo non simplex uoluntas scriptoris ostenditur, quæ in omne tempus, & in omne factum idem ualeat; sed ex quodam facto, aut euentu ad tempus interpretanda dicitur. Ea partibus iuridicalis assumptiue maxime sustinetur. Nam cum inducitur comparatio, ut in eum, qui, cum lex aperiri portas noctu uetaret, aperuit quodam in bello, & auxilia quadam in oppidum recepit, ne ab hostibus opprimerentur, si foris essent, quod prope muros castra hostes haberent. Tum relatio criminis, ut in eo, qui, cum communis lex omnium hominem occidere uetaret, Tribunum militum suum, qui uim sibi inferre conaretur, occidit. Tum remotio criminis, ut in eo, qui cum lex, quibus diebus in legationem proficisceretur, præstitueret, quia sumptum non dedie Quæstor, profectus non est. Tum concessio per purgationem, & per imprudentiam, ut in uituli immolatione & per uim, ut in naui rostrata: & per casum, ut in Eurotæ fluminis magnitudine. Quare aut ita sententia inducetur, ut unum quoddam uoluisse scriptor demonstretur: aut sic, ut in eiusmodi re & tempore hoc uoluisse doceatur. Ergo is, qui scriptum defendit, his locis plerunque omnibus, maiore autem parte semper poterit uti. Primum scriptoris collaudatione, & loco communi, nihil eos, qui iudicent, nisi id, quod scriptum sit, spectare oportere: & hoc eo magis, si legitimum scriptum proferetur, id est, aut lex ipsa, aut ex lege aliquid. Postea, quod

DE INVENTIONE

uehementissimum est, facti aut intentionis aduersariorum cum ipso scripto contentione, quid scriptum sit, quid factum, quid iuratus iudex. quem locum multis modis uariare oportebit. Tum ipsum secum admirantem quidnam contra dici possit, tum ad iudicis officium reuertentem, & ab eo querentem quid præterea audire, aut expectare debeat; tum ipsum aduersarium quasi intentantis loco producendo, hoc interrogando, utrum scriptum neget esse eo modo, an ab se contra factum esse, aut contra contendere neget: utrum negare ausus sit, se dicere desitutum. Si neutrum neget, & contra tamen dicat, nihil esse quo hominem impudentiorem quisquam, se uisurum arbitretur. In hoc ita commorari conueniet, quasi præterea nihil dicendum sit, & quasi contradici nihil possit, sæpe id, quod scriptum est, recitando, sæpe cum scripto factum aduersarij confligendo, atque interdum acriter ad iudicem ipsum reuertendo. Quo in loco iudici demonstrandum est, quid iuratus sit, quid sequi debeat: duabus de causis iudicem dubitare oportere, si aut scriptum sit obscure, aut neget aliquid aduersarius. Cum & scriptum sit aperte, & aduersarius omnia confiteatur, tum iudicem legi parere, non interpretari legem oportere. Hoc loco confirmato, tum diluere ea, quæ contra dici poterant, oportebit. Contra autem dicetur, si aut prorsus aliud sensisse scriptor, & scripsisse aliud demonstrabitur, ut in illa de testamento quam posuimus controuersia: aut causa assumptiua inferetur, quamobrem scripto non potuerit, aut non oportuerit obtemperari. Si aliud

sensisse
pro uer
nos arg
cium no
da conse
nam
rosid
iudicem
semel a
tas scrip
luntate
scriptoris
interpret
non ex i
quasi ima
bus perfo
tia stabie
dum non
rit, causa
nia esse
dere, aff
tur; causa
lisse: no
querit.
singulas
Primum
accipi
nia, be
nat.
quidem

sensisse scriptor, aliud scripsisse dicetur, is, qui scripto utetur, hoc dicet, non oportere de eius uoluntate nos argumentari, qui, ne id facere possemus, indicium nobis reliquerit suæ uoluntatis: multa incommoda consequi, si instituat, ut à scripto recedatur. nam & eos, qui aliquid scribant, non existimatos id, quod scripserint, ratum futurum: & eos, qui iudicent, certum, quod sequantur, nihil habituros, si semel à scripto recedere consueuerint. Quod si uoluntas scriptoris conseruanda sit, se non aduersarios à uoluntate eius stare. Nam multo propius accedere ad scriptoris uoluntatem eum, qui ex ipsius eam literis interpretetur, quàm illum, qui sententiam scriptoris non ex ipsius scripto spectet, quod ille suæ uoluntatis quasi imaginem relinquerit, sed domesticis suspicionibus perscrutetur. Sin causam afferet is, qui à sententia stabit; primum erit contradicendum, quàm absurdum non negare contra legem fecisse, sed, quare fecerit, causam aliquam inuenire. Deinde conuersa omnia esse: ante solitos esse accusatores iudicibus persuadere, affinem esse alicuius culpæ eum, qui accusaretur; causam proferre, quæ eum ad peccandum impulisset: nunc ipsum reum causam afferre, quare delinquerit. Deinde hanc inducere partitionem, cuius in singulas partes multæ conuenient argumentationes. Primum nulla in lege ullam causam contra scriptum accipi conuenire. Deinde si in cæteris legibus conueniat, hanc esse huiusmodi legem, ut in ea non oporteat. Postremo si in hac quoque lege oporteat, hanc quidem causam accipi minime oportere. Prima pars

DE INVENTIONE

his fere locis confirmabitur, scriptori neque ingenium, neque operam, neque ullam facultatem defuisse, quo minus posset aperte perscribere id, quod cogitaret: non fuisse ei graue, nec difficile, eam causam excipere, quam aduersarij proferant, si quidquam excipiendum putasset: consueuisse eos, qui leges scribant, exceptionibus uti. Deinde oportet recitare leges cum exceptionibus scriptas, & maxime uidere, si quæ in ea ipsa lege, qua de agitur, sit exceptio aliquo in capite, aut apud eundem legis scriptorem, quo magis eum probetur fuisse excepturum, si quid excipiendum putaret; & ostendere, causam accipere, nihil aliud esse; nisi legem tollere: ideo quod, cum semel causa consideretur, nihil attineat eam ex lege considerare, quippe quæ in lege scripta non sit. quod si sit institutum, omnibus causam dari, & potestatem peccandi, cum intellexerint uos ex ingenio eius, qui contra legem fecerit, non ex lege, in quam iurati sitis, rem iudicare. Deinde & ipsis iudicibus iudicandi; & cæteris ciuibus uiuendi rationes perturbatum iri, si semel à legibus recessum sit, Nam & iudices neque quid sequantur habituros, si ab eo, quod scriptum sit, recedant; neque quo pacto alijs improbare possint, quod contra legem iudicauerint: & cæteros ciues quid agant ignoraturos. si ex suo quisque consilio, & ex ea ratione, quæ in mentem aut in libidinem uenerit, non ex communi præscripto ciuitatis unamquamque rem administrabit. Postea querere à iudicibus ipsis, quare in alienis detineantur negotijs, cur reip. munere impediatur, cum sæpius suis rebus & commodis seruire possint,

possint
conueni
causa,
qua cau
in tantu
nostros le
ab iudici
contra le
ad scriba
indigna
Age por
furus ne
rem uerb
& iudici
de lege ali
qua ex p
& proba
ipsis iudi
locum eff
apud po
quod si
qui sine
uelle.
turpiſſim
conferue
rigi con
gnopere
lum qu
ſie, am
legis ip

possint, cur in certa uerba iurent, cur certo tempore conueniant, certo discedant; nihil quisquam asserat causæ, quo minus frequenter operam reip. det, nisi quæ causa in lege excepta sit: an se legibus obstrictos in tantis molestiis esse æquum censeant, aduersarios nostros leges negligere concedant. Deinde item quærere ab iudicibus, si eius rei causam, propter quam se reus contra legem fecisse dicat, exceptionem ipse in lege adscribat, passuri ne sint. Postea hoc, quod faciat, indignius, & impudentius esse, quàm si adscribat. Age porro, quid si ipsi uelint iudices adscribere, passuri ne sit populus? atque hoc esse indignius, quam rem uerbo, & literis mutare non possint, eam re ipsa, & iudicio maxime commutare. Deinde indignius esse de lege aliquid derogari, aut legem abrogari, aut aliqua ex parte commutari, cum populo cognoscendi, & probandi, aut improbandi potestas nulla fiat, hoc ipsis iudicibus inuidiosissimum futurum. Non hunc locum esse, neque hoc tempus legum corrigendarum, apud populum hoc, & per populum agi conuenire: quòd si nunc id agant, uelle se scire qui lator sit, qui sint accepturi, se actiones uidere, & dissuadere uelle. Quòd si hæc cum summe inutilia, tum multo turpissima sint, legem, cuiuscumque sit, in presentia conseruari à iudicibus, post, si displiceat, à populo corrigi conuenire. Deinde si scriptum non extaret, magnopere quæreremus: neque isti, ne si extra periculum quidem esset, crederemus: nunc cum scriptum sit, amentiam esse eius rei, qui petarit, potius, quàm legis ipsius uerba cognoscere. His & huiusmodi ratio-

DE INVENTIONE

nibus ostenditur causam extra scriptum accipi non oportere. Secunda pars est, in qua est ostendendum, si in cæteris legibus oporteat, in hac non oportere. Hoc demonstrabitur, si lex aut ad res maximas, utilissimas, honestissimas, religiosissimas uidebitur pertinere: aut inutile, aut turpe, aut nefas esse tali in re non diligentissime legi obtemperare: aut ita lex diligenter perscripta demonstrabitur, ita cautum unaquaque de re, ita quod oportuerit exceptum, ut minime conueniat quidquam in tam diligenti scriptura præteritum arbitrari. Tertius locus est ei, qui pro scripto dicet, maxime necessarius, per quem ostendat oportet, si eò ueniat, causam contra scriptum accipi, eam tamen minime oportere, quæ ab aduersarijs afferatur. qui locus idcirco est huic necessarius, quod semper is, qui contra scriptum dicit, æquitatis aliquid afferat oportet. Nam summa imprudentia est, eum, qui, contra quod scriptum sit, aliquid probare uelit, non æquitatis præsidio id facere conari. Si quid igitur ex hac ipsa accusator derogat, omnibus partibus iustius, & probabilius accusare uideatur. Nam superior oratio hoc omnis faciebat, uti iudices, etiam si nollent, necesse esset; hac autem, etiam si necesse non esset, ut uellent contra iudicare. Id autem fiet, si quibus ex locis culpa demonstrabitur non esse in eo, qui comparisone, aut remotione, aut relatione criminis, aut concessionis partibus se defendit, de quibus ante, ut potuimus, diligenter perscripsimus, si de his locis, quæ res postulabit, ad causam aduersariorum improbandam transferemus: aut causæ & rationes afferentur,

quare & quo consilio ita sit in lege, aut in testamen-
to scriptum, ut sententia quoque, & uoluntate scri-
ptoris, non ipsa solum scripturæ causa confirmatum
esse uideatur: aut alijs quoque constitutionibus fa-
ctum coarguetur. Contra scriptum autem qui dicit,
primum eum inducet locum, per quem æquitas cau-
sæ demonstratur: aut ostendet quo animo, quo consi-
lio, qua de causa fecerit: & quamcunque causam
assumet, assumptionis partibus se defendet, de qui-
bus ante dictum est. Atque hoc in loco, cum diutius
commoratus fui facti rationem, & æquitatem cau-
sæ exornauerit, tum ex his locis fere contra aduersa-
rios dicit, oportere causas accipi: demonstrabit nullam
esse legem, quæ aliquam rem inutilem, aut iniquam
fieri uelit: omnia supplicia, quæ à legibus proficiſcan-
tur, culpæ ac malitiæ uindicandæ causa constituta
esse. Scriptorem ipsum, si existat, factum hoc proba-
turum: & idem ipsum, si ei talis res accidisset, fa-
cturum fuisse: & ea re legis scriptorem certo ex ordi-
ne iudices, certa ætate præditos constituisse, ut essent,
non qui scriptum suum recitarent, quod quiuis puer
facere posset, sed qui cogitationem assequi possent, &
uoluntatem interpretari. Deinde illum scriptorem, si
scripta sua stultis hominibus, & barbaris iudicibus
committeret, omnia summa diligentia perscripturum
fuisse: nunc uero, quod intelligeret quales uiri iudi-
caturi essent, idcirco eum, quæ perspicua uideret esse,
non ascripsisse, neque enim uos scripti sui recitatores,
sed uoluntatis interpretes fore putauit. Postea quæ-
rere ab aduersarijs, quid si hoc fecissem? quid si hoc

DE INVENTIONE

accidisset? eorum aliquid, in quibus aut causa sit honestissima, aut necessitudo certissima, tum ne accusaretis? Atqui lex nusquam excepit. Non ergo omnia scriptis, sed quedam, quæ perspicua sunt, tacitis exceptionibus cauere. Deinde nullam rem neque legibus, neque scriptura ulla, denique ne in sermone quidem quotidiano atque imperijs domesticis recte posse administrari, si unusquisque uelit uerba spectare, & non ad uoluntatem eius, qui uerba habuerit, accedere. Deinde ex utilitatis, & honestatis partibus ostendere, quàm inutile, aut quàm turpe sit id, quod aduersarij dicant fieri oportuisse, aut oportere; & id, quod nos fecerimus, aut postulemus, quàm utile, aut quàm honestum sit. Deinde leges nobis charas esse non propter literas, quæ tenues, & obscuræ notæ sint uoluntatis, sed propter earum rerum, quibus de scriptum est, utilitatem, & eorum, qui scripserint, sapientiam, & diligentiam. Postea, quid sit lex, describere, ut ea uideatur in sententijs, non in uerbis consistere: & iudex is uideatur legi obtemperare, qui sententiam eius, non qui scripturam sequatur. Deinde quàm indignum sit eodem affici supplicio eum, qui propter aliquod scelus, & audaciam contra legem fecerit, & eum, qui honesta, aut necessaria de causa, non ab sententia, sed ab literis legis recesserit: atque his & huiusmodi rationibus & accipi causam, & in hac lege accipi, & eam causam, quàm ipse afferat, oportere accipi demonstrabit. Et quemadmodum ei dicebamus, qui à scripto diceret hoc fore utilissimum, si quid de æquitate ea, quæ cum aduersario staret, derogasset:

sic huius
derit, et
uerere,
Deinde
defender
uerbi uir
modum
quod in
mus. Qu
habili sc
causa ab
quod si i
xerit, om
ad ducere
nis parti
utra eius
qui conet
legibus an
peam, leg
ni, non
aqui
scripserit
conterone
ges, aut
rarium
pito, &
& mag
no occi
stratus
Thesal

sic huic, qui contra scriptum dicet, plurimum proderit, ex ipsa scriptura aliquid ad suam causam conuertere, aut ambigue aliquid scriptum ostendere. Deinde ex illo ambiguo eam partem, quæ sibi profit, defendere, aut uerbi definitionem inducere, & illius uerbi uim, quo urgeri uideatur, ad suæ causæ commodum traducere, aut ex scripto non scriptum aliquid inducere per ratiocinationem, de qua post dicemus. Quacunque autem in re, quamuis leuiter probabiliter scripto ipso se defenderit, etiam cum æquitate causa abundabit, necessario multum proficiet: ideo quod si id, quo nitiur aduersariorum causa, subduxerit, omnem illam eius uim, & acrimoniam lenierit ac diluerit. Loci autem communes certi ex assumptionis partibus in utranque partem conuenient. Præterea eius, qui à scripto dicet, leges ex se non ex eius, qui contra commiserit, utilitate spectari oportere, & legibus antiquius haberi nihil oportere. Contra scriptum, leges in consilio scriptoris, & utilitate communi, non in uerbis consistere. Quam indignum sit æquitatem literis urgeri, quæ uoluntate eius, qui scripserit, defendatur. Ex contrarijs autem legibus controuersia nascitur, cum inter se duæ uideantur leges, aut plures discrepare, hoc modo: Lex, Qui tyrannum occiderit, Olympionicarum præmium capito, & quam uolet sibi rem à magistratu poscito, & magistratus ei concedito. Et altera lex, Tyranno occiso quinque eius proximos cognatione magistratus necato. Alexandrum, qui apud Phæreos in Thessalia tyrannidem occuparat, uxor sua, cui Thebe

DE INVENTIONE

nomen fuit, noctu, cum simul cubaret, occidit. Hæc
 filium suum, quem ex tyranno habebat, sibi præmij
 loco deposcit. Sunt qui ex lege puerum occidi dicant
 oportere. Res in iudicio est. In hoc genere utranque
 in partem idem loci, atque eadem præcepta conue-
 nient, ideo quod uterque suam legem confirmare,
 contrariam infirmare debet. Primum igitur leges
 oportet contendere, considerando utra lex ad maio-
 res, hoc est ad utiliores, ad honestiores ac magis neces-
 sarias res pertineat. Ex quo conficitur, ut, si leges
 duæ, aut si plures, aut quotquot erunt, conservari
 non possint, quia discrepent inter se; ea maxime con-
 servanda putetur, quæ ad maximas res pertinere
 videatur. Deinde utra lex posterius lata sit. nam
 postrema quæque gravissima est. Deinde utra lex iu-
 beat aliquid, utra permittat. nam id, quod impera-
 tur, necessarium: illud, quod permittitur, voluntari-
 um est. Deinde in utra lege, si non obtemperatum
 sit, pœna afficiatur, aut in utra maior pœna sta-
 tuatur. nam maxime conservanda est ea, quæ dili-
 gentissime sancta est. Deinde utra lex iubeat, utra
 uetet. nam sæpe ea, quæ uetat, quasi exceptione
 quadam corrigere videtur illam, quæ iubet. Deinde
 utra lex de genere omni, utra de parte quadam, utra
 communiter in plures, utra in aliquam certam rem
 scripta videatur. nam quæ in partem aliquam, &
 quæ in certam quandam rem scripta est, propius ad
 causam accedere videtur, & ad iudicium magis per-
 tinere. Deinde ex lege utrum statim fieri necesse sit,
 utrum habeat aliquam moram, & sustentationem.

nam id, quod statim faciendum sit, perfici prius oportet. Deinde operam dare: ut sua lex ipso scripto uideatur niti. Contraria autem aut per ambiguum, aut per ratiocinationem, aut per definitionem induci, quo sanctius, & firmitus id uideatur esse, quod apertius descriptum sit. Deinde suæ legis ad scriptum ipsam sententiam quoque adiungere, contrariam legem item ad aliam sententiam traducere, ut, si fieri poterit, ne discrepare quidem uideantur inter se. Postremo facere, si causa dabit facultatem, ut nostra ratione utraque lex conseruari uideatur, & aduersariorum ratione altera sit necessario negligenda. Locos autem communes, & quos ipsa causa det, uidere oportebit, & ex utilitatis, & honestatis amplissimis partibus sumere, demonstrantem per amplificationem ad utram potius legem accedere oporteat. Ex ratiocinatione nascitur controuersia, cum ex eo, quod uspiam est, ad id, quod nusquam scriptum est, peruenitur, hoc pacto: Lex, Si furiosus est, agnatorum, gentiliūq; in eo pecuniāq; eius potestas esto. Et lex, Paterfamilias uti super familia pecuniāq; sua legauerit, ita ius esto. Et lex, Si paterfamilias intestato moritur, familia pecuniāq; eius agnatorum, gentiliūq; esto. Quidam iudicatus est parentem occidisse, & statim, quod effugiendi potestas non fuit, lignæ soleæ in pedes inductæ sunt: os autem obuolutum est folliculo, & præligatum: deinde est in carcerem deductus, ut ibi esset tantisper, dum culeus, in quem coniectus in profluentem deferretur, compararetur. Interea quidam eius familiares in carcerem tabulas afferunt, &

DE INVENTIONE

testes adducunt. heredes, quos ipse iubet, scribunt: tabulae obsignantur: de illo post supplicium sumitur. Inter eos, qui heredes in tabuli scripti sunt, & inter agnatos de hereditate controuersa est. Hic certa lex, quae testamenti faciendi iis, qui in eo loco sint, adimat potestatem, nulla profertur. Ex ceteris legibus, & quae hunc ipsum supplicio huiusmodi afficiunt, & quae ad testamenti faciendi potestatem pertinent, per ratiocinationem ueniendum est ad eiusmodi rationem, ut quaeratur, habuerit ne testamenti faciendi potestatem. Locos autem in hoc genere argumentandi hos, & huiusmodi quosdam esse arbitramur. Primum eius scripti, quod proferas, laudationem, & confirmationem. Deinde eius rei, quae de quaeratur, cum eo, de quo constat, collationem eiusmodi, ut id, de quo quaeritur rei, de qua constet, simile esse uideatur. Postea admirationem percontatione, qui fieri possit, ut, qui hoc aequum esse concedat, illud neget, quod aut aequius, aut eodem sit in genere. Deinde idcirco de hac re nihil esse scriptum, quod, cum de illa esset scriptum, de hac re is, qui scribebat, neminem dubitaturum arbitratus sit. Postea multis in legibus multa esse praeterita, quae idcirco praeterita nemo arbitretur, quod ex ceteris, de quibus scriptum sit, intelligi possint. Deinde aequitas rei demonstranda est, ut in iudiciali absoluta. Contra autem qui dicet, similitudinem infirmare debet: quod facit, si demonstrabit illud, quod conferatur, ab eo, cui conferatur, diuersum esse genere, natura, ui, magnitudine, tempore, loco, persona, opinione: si quo in numero illud, quod

per simi
ius casu
Deinde
non idem
Ac si ipse
ratiocina
si non pos
scriptum
similitudi
deteri simi
in unam
omnia pos
frari. Lo
actura ex
scriptum
scriptum an
qui curat
Contra r
dilatatio
omnibus
cum in si
ni quatuor
stare nate
us, & on
dam, cui
natus, al
tatem, &
miserico
homines
for quos

per similitudinem asferetur, & quo in loco illud, cuius causa asferetur, haberi conueniat, ostendetur.

Deinde quid res cum re differat, demonstrabitur; ut non idem uideatur de utraque existimari oportere.

Ac si ipse quoque poterit ratiocinationibus uti, iisdem ratiocinationibus, quibus ante prædictum est, utetur: si non poterit, negabit oportere quidquam, nisi quod scriptum sit, considerare: periclitari omnia iura, si similitudines accipiantur: nihil esse pene, quod non alteri simile esse uideatur: multis dissimilibus rebus, in unamquamque rem tantum singulas esse leges: omnia posse inter se uel similia, uel dissimilia demonstrari. Loci communes à ratiocinatione, oportere coniectura ex eo, quod scriptum sit, ad id, quod non sit scriptum, peruenire: & neminem posse omnes res per scripturam amplecti, sed eum commodissime scribere, qui curet ut quedam ex quibusdam intelligantur.

Contra ratiocinationem, huiusmodi coniecturam diuinationem esse, & stulti scriptoris esse non posse omnibus de rebus cauere quibus uelis. Definitio est, cum in scripto uerbum aliquod est positum, cuius de ui queritur, hoc modo: Lex, Qui in aduersa tempestate nauim reliquerint, omnia amittunto: eorum nauis, & onera sumto, qui in nauí remanserint. Duo quidam, cum iam in alto nauigarent, & eorum alterius nauis, alterius onus esset, naufragum quendam natantem, & manus ad se tendentem animaduertuerunt: misericordia commoti, nauim ad eum applicauerunt, hominem ad se sustulerunt. Postea aliquanto ipsos quoque tempestas uehementius iactare coepit, us-

DE INVENTIONE

que adeo ut dominus navis, cum idem gubernator esset, in schapham confugeret, & inde funiculo, qui à puppi religatus schapham annexam trahebat, navis, quoad posset, moderaretur; ille autem, cuius merces erant, in gladium in navi ibidem incumberet. Hic ille naufragus ad gubernaculum accessit, & navi, quoad potuit, est opitulatus. Sedatis autem fluctibus, & tempestate iam commutata, navis in portum prouehitur. Ille autem, qui in gladium incubuerat, leuiter saucius facile est ex uulnere recreatus. Nauim cum onere horum trium suam quisque esse dicit. Hic omnes scripto ad causam accedunt, & ex nominis uinascitur controuersia. Nam & relinquere nauem, & remanere in navi; denique navis ipsa quid sit, definitionibus quæritur. Iisdem autem ex locis omnibus, quibus definitiua constitutio, tractabitur. Nunc expositis ijs argumentationibus, quæ in iudiciale causarum genus, accommodantur, deinceps in deliberatiuum genus & demonstratiuum argumentandi locos, & præcepta dabimus, non quo non in aliqua constitutione omnis semper causa uersetur, sed quia proprii tantum harum causarum quidam loci sunt, non à constitutione separati, sed ad fines horum generum accommodati. Nam placet in iudicali genere finem esse æquitatem, hoc est partem quandam honestatis: in deliberatiuo autem Aristoteli placet utilitatem, nobis & honestatem, & utilitatem: in demonstratiuo autem, honestatem. Quare in hoc quoque genere causæ quædam argumentationes, communiter ac similiter tractabuntur: quædam separatius ad finem, quò re-

fertur
unius
non gra
dum res
peras ob
nis præce
R E B
item nam
est quidd
enoluer
re quod
autem no
per fract
nia est.
etiam, q
ducit, &
giu expe
ex his non
gentur.
pessimu
re qua
cundo, n
statis con
sta res a
meliores
nomines
rerum
tur pita
res gra
quar

ferri omnem rationem oportet, adiungentur. Atque uniuscuiusque constitutionis exemplum supponere non grauaremur, nisi illud uideremus, quemadmodum res obscuræ dicendo fierent apertiores, sic res apertas obscuriores fieri oratione. Nunc ad deliberationis præcepta pergamus.

RERVM expetendarum tria genera sunt. par item numerus uitandarum ex contraria parte. Nam est quiddam, quod sua ui nos allicitat ad sese, non emolumento captans aliquo, sed trahens sua dignitate: quod genus, uirtus, scientia, ueritas est. Aliud autem non propter suam uim & naturam, sed propter fructum atque utilitatem petendum: quod pecunia est. Est porro quiddam ex horum partibus iunctum, quod & sua ui, & dignitate nos inductos ducit, & præ se gerit quandam utilitatem, quo magis expetatur, ut amicitia, bona existimatio. Atque ex his horum contraria facile tacentibus nobis intelligentur. Sed, ut expeditius ratio tradatur, ea, quæ posuimus, breui nominabuntur. Nam in primo genere quæ sunt, honesta appellabuntur: quæ autem in secundo, utilia. Hac autem tertia, quia partem honestatis continent, & quia maior est uis honestatis, iunctæ res omnino ex duplici genere intelligentur: sed in meliorem partem uocabuli conferantur, & honesta nominentur. Ex his illud conficitur, ut appetendarum rerum partes sint honestas, & utilitas, uitandarum turpitudine, & inutilitas. His igitur duabus rebus duæ res grandes sunt attributæ, necessitudo, & affectio: quarum altera ex ui, altera ex re, & personis consi-

DE INVENTIONE

deratur. De utraque post apertius perscribemus. Nunc honestatis rationes primum explicemus. Quod autem totum, aut aliqua ex parte propter se petitur, honestum nominabimus. Quare cum eius duæ partes sint, quarum altera simplex, altera iuncta sit, simplicem prius consideremus. Est igitur in eo genere omnes res una ui, atque uno nomine amplexa uirtus. Nam uirtus est animi habitus naturæ modo rationi consentaneus. Quamobrem omnibus eius partibus cognitis, tota uis erit simplicis honestatis considerata. Habet igitur partes quatuor, prudentiam, iustitiam, fortitudinem, temperantiam. Prudentia est rerum bonarum, & malarum, & utrarumque scientia. Partes eius memoria, intelligentia, providentia. Memoria est, per quam animus repetit illa, quæ fuerunt. Intelligentia est, per quam ea perspicit, quæ sunt. Providentia est, per quam futurum aliquid uidetur ante quàm factum sit. Iustitia est habitus animi communi utilitate conseruata, suam cuique tribuens dignitatem. Eius initium est ab natura profectum: deinde quædam in consuetudinem ex utilitatis ratione uenerunt: postea res & ab natura profectas, & ab consuetudine probatas, legum metus, & religio sanxit. Natura ius est, quod non opinio genuit, sed quædam innata uis inseruit, ut religionem, pietatem, gratiam, uindicationem, obseruantiam, ueritatem. Religio est, quæ superioris cuiusdam naturæ, quam diuinam uocant, curam cæremoniamq; affert. Pietas, per quam sanguine coniunctis, patriæq; beneuolis officium, & diligens tribuitur cultus. Gra-

tal, in
morla
tur. V
nito om
ciscendo
mores al
honore d
ea, qua
dicatur
natura tr
gionem:
nra prop
nem uider
probatom
dicatum.
Par, quo
dicimus a
Legis ius
tum est, n
rata per
partes, n
rantia.
alserum
positione
per qua
nimus
est hone
ac diff
Perseu
& per

tia, in qua amicitiarum, & officiorum alterius me-
 moria, & alterius remunerandi uoluntas contine-
 tur. Vindicatio est, per quamuis & iniuria, & om-
 nino omne, quod obfuturum est, defendendo, aut ul-
 ciscendo propulsatur. Observantia est, per quam ho-
 mines aliqua dignitate antecedentes cultu quodam &
 honore dignantur. Veritas est, per quam immutata
 ea, quæ sunt, aut ante fuerunt, aut futura sunt,
 dicuntur. Consuetudine ius est, quod aut leuiter à
 natura tractum aluit, & maius fecit usus, ut reli-
 gionem: aut si quide eorum, quæ ante diximus, ab na-
 tura profectum, maius factum propter consuetudi-
 nem uidemus, aut quod in morem uetustas ulgi ap-
 probatione perduxit: quod genus, pactum, par, iu-
 dicatum. Pactum est, quod inter aliquos conuenit.
 Par, quod in omnes æquabile est. Iudicatum, de quo
 alicuius aut aliquorum iam sententijs constitutum est.
 Lege ius est, quod in eo scripto, quod populo exposi-
 tum est, ut obseruet, continetur. Fortitudo est conside-
 rata periculorum susceptio, & laborum perpeßio. Eius
 partes, magnificencia, fidentia, patientia, perseue-
 rantia. Magnificencia est rerum magnarum, & ex-
 celsarum cum animi ampla quadam & splendida pro-
 positione agitatio, atque administratio. Fidentia est,
 per quam magnis, & honestis in rebus multum ipse a-
 nimus in se fiducia certa cum spe collocauit. Patientia
 est honestatis, aut utilitatis causa rerum arduarum,
 ac difficilium uoluntaria ac diuturna perpeßio.
 Perseuerantia est in ratione bene considerata stabilis,
 & perpetua permansio. Temperantia est rationis in

DE INVENTIONE

libidinem, atque in alios non rectos impetus animi fir-
ma, & moderata dominatio. Eius partes sunt, conti-
nencia, clementia, modestia. Continentia est, per quam
cupiditas consilij gubernatione regitur. Clementia, per
quam animi temere in odium alicuius inuectionis con-
citati comitate retinentur. Modestia, per quam pudor
honestus claram, & stabilem comparat auctoritatem.
Atque hæc omnia propter se solum, ut nihil adiunga-
tur emolumentum, petenda sunt. Quod ut demonstre-
tur, neque ad hoc nostrum institutum pertinet, & à
breuitate præcipiendi remotum est. Propter se autem
uitanda sunt, non ea modo, quæ his contraria sunt,
ut fortitudini ignavia, & iustitiæ iniustitia; uerum
etiam illa, quæ propinqua uidentur & finitima es-
se, absunt autem longissime: quod genus, fidentia con-
trarium est diffidentia, & ea re uitium est. Audacia
non contrarium, sed appositum est, ac propin-
quum, & tamen uitium est. Sic unicuique uirtuti
finitimum uitium reperietur, aut certo iam nomine
appellatum: ut audacia, quæ fidentia: pertinacia,
quæ perseuerantia finitima est: superstitio, quæ reli-
gioni propinqua est, aut sine ullo certo nomine. quæ
omnia item uti contraria rerum bonarum in rebus ui-
tandis reponamus. Ac de eo quidem genere honestatis,
quod omni ex parte propter se petitur, satis dictum
est. Nunc de eo, in quo utilitas quoque adiungitur,
quod tamen honestum uocamus, dicendum uidetur.
Sunt igitur multa, quæ nos cum dignitate, tum fru-
ctu quoque suo ducunt ad se: quo in genere est glo-
ria, dignitas, amplitudo, amicitia. Gloria est fre-

quens
honestas
auctori-
aliquam
uoluntate
causa, &
quia de
eiam ad
da uideat
existima-
qui prop-
citionem,
se & ne-
cur, ad
usum ore
amicitia
tio, quod
non sunt
ue, parte
fecta, p-
sarum e-
ex officio
utilitas
rijs reb-
ad corp-
sunt, q-
tis, ut
tes, so-
retiner
ampla

quens de aliquo fama cum laude. Dignitas, alicuius honesta, & cultu, & honore, & uerecundia digna auctoritas. Amplitudo, potentix, aut maiestatis, aut aliquarum copiarum magna abundantia. Amicitia, uoluntas erga aliquem rerum bonarum illius ipsius causa, quem diligit, cum eius pari uoluntate. Hic, quia de ciuilibus causis loquimur, fructus ad amicitiam adiungimus, ut eorum quoque causa petenda uideatur: ne forte qui nos de omni amicitia dicere existimant, reprehendere incipiant: quanquam sunt qui propter utilitatem modo petendam putant amicitiam, sunt qui propter se solum, sunt qui propter se & utilitatem: quorum quid uerissime constitutur, alius locus erit considerandi. nunc hoc sic ad usum oratorium relinquatur, utranque propter rem amicitiam esse expetendam. Amicitiarum autem ratio, quoniam partim sunt religionibus iunctæ, partim non sunt, & quia partim ueteres sunt, partim nouæ, partim ab illorum, partim ab nostro beneficio profectæ, partim utiliores, partim minus utiles, ex causarum dignitatibus, ex temporum opportunitatibus, ex officijs, ex religionibus, ex uerustatibus habebitur. Utilitas autem aut in corpore posita est, aut in extrarijs rebus: quarum tamen rerum multo maxima pars ad corporis commodum reuertitur, ut in rep. quædam sunt, quæ, ut sic dicam, ad corpus pertinent ciuitatis, ut agri, portus, pecunia, classes, nautæ, milites, socij: quibus rebus incolumitatem, ac libertatem retinent ciuitates. Alia uero: quæ iam quiddam magis amplum, & minus necessarium conficiunt, ut urbis

DE INVENTIONE

egregia exornatio, atque amplitudo, ut quædam excellens pecuniæ magnitudo, amicitiarum ac societatum multitudo. quibus rebus non illud solum conficitur, ut saluæ & incolumes, uerum etiam ut ample, atque potentes sunt ciuitates. Quare utilitatis due partes uidentur esse, incolumitas, & potentia. Incolumitas est, salutis tuta atque integra conseruatio. Potentia est, ad sua conseruanda, & alterius obtinenda, idonearum rerum facultas. Atque in ijs omnibus, quæ ante dicta sunt, quid difficulter fieri, & quid facile fieri possit, oportet considerare. Facile id dicimus, quod sine magno, aut sine ullo labore, sumptu, molestia, quambreuissimo tempore confici potest. Difficile autem fieri, quod quanquam laboris, sumptus, molestia, longinquitatis indiget, atque aut omnes, aut plurimas, aut maximas causas habet difficultatis; tamen, his susceptis difficultatibus, completi, atque ad exitum perducì potest. Quoniam ergo de honestate, & de utilitate diximus, nunc restat ut de ijs rebus, quas his attributas esse dicebamus, necessitudine, & affectione perscribamus. Puto igitur esse hanc necessitudinem, cui nulla uì resisti potest, quæ neque mutari, neque leniri potest. Atque ut apertius hoc sit, exemplis licet uim rei, qualis & quanta sit, cognoscamus. Vri posse flamma ligneam materiam necesse est. Corpus mortale aliquo tempore interire necesse est, atque ita necesse, ut uis ea postulat, quam modo describebamus, necessitudinis: cui nulla uì resisti potest, quæ neque leniri potest. Huiusmodi necessitudines, cum in dicendi rationes incident, recte necessitudines

resistendi
difficiles
considera
esse quas
dam sim
mus, nec
et autem
potestatem
maline fi
esse. hoc
luc Castil
ita perire
potestatem
indinis di
locus nec
supplex e
mus, que
autem in
si uelimo
dus quid
lis attend
riat ad
quam f
sam, q
tem esse
infectio
tales ne
ut uideat
extra q
lud, q

cessitudines appellabuntur. Sin aliqua res incident
 difficiles, in illa superiori, possit ne fieri, quaestione
 considerabimus. Atque etiam hoc mihi uideor uidere,
 esse quasdam cum adiunctione necessitudines, quas-
 dam simplices & absolutas. Nam aliter dicere sole-
 mus, necesse est Caſilinenſes se dedere Annibali: ali-
 ter autem, necesse est Caſilinum uenire in Annibalis
 potestatem. illic in superiore adiunctio est hæc, nisi
 malint fame perire: si enim id malunt, non est ne-
 cesse. hoc inferius non item: propterea quod, siue ue-
 lint Caſilinenſes se dedere, siue famem perpeti, atque
 ita perire, necesse est Caſilinum uenire in Annibalis
 potestatem. Quid igitur perficere potest hæc neces-
 situdinis distributio? prope dicam, plurimum, cum is
 locus necessitudinis uidebitur incurrere. Nam cum
 supplex erit necessitudo, nihil erit quod multa dica-
 mus, cum eam nulla ratione lenire possimus. cum
 autem ita necesse erit, ut aliquid effugere, aut adipi-
 ſci uelimus, tum, adiunctio illa quid habeat utilitatis,
 aut quid honestatis, erit considerandum. Nam si ue-
 lis attendere, ita tamen, ut id quaeras, quod conue-
 niat ad usum ciuitatis, reperiās nullam esse rem,
 quam facere necesse sit, nisi propter aliquam cau-
 sam, quam adiunctionem nominamus: pariter au-
 tem esse multas res necessitudinis, ad quas similis ad-
 iunctio non accedit. Quod genus, ut homines mor-
 tales necesse est interire, sine adiunctione: ut cibo
 utantur, non necesse est, nisi cum illa exceptione,
 extra quam si nolint fame perire. Ergo, ut dixi, il-
 lud, quod adiungitur, semper, cuiusmodi sit, erit con-

DE INVENTIONE

siderandum. Nam omni tempore id pertinebit, ut aut ad honestatem hoc modo exponenda necessitudo sit, Necesse est hoc faciamus, si honeste uolumus uiuere: aut ad incolumitatem hoc modo, Necesse est, si incolumes uolumus esse: aut ad commoditatem hoc modo, Necesse est, si sine incommodo uolumus uiuere. Ac summa quidem necessitudo uidetur esse honestatis, huic proxima incolumitatis, tertia ac leuissima commoditatis: quæ cum his duabus nunquam poterit contendere. Hasce autem inter se sæpe necesse est comparari, ut, quanquam præstet honestas incolumitati, tamen, utri potissimum consulendum sit, deliberetur. Cuius rei certum quiddam præscriptum uidetur in perpetuum dari posse. Nam qua in re fieri poterit, ut, cum incolumitati consuluerimus, quod sit in præsentia de honestate delibatum, uirtute aliquando & industria recuperetur, incolumitatis ratio uidebitur habenda: cum autem id non poterit, honestatis. Ita in eiusmodi quoque re, cum incolumitati uidebimur consulere, uere poterimus dicere, nos honestatis rationem habere, quoniam sine incolumitate eam nullo tempore possumus adipisci. Qua in re uel concedere alteri, uel ad conditionem alterius descendere, & in præsentia quiescere, atque aliud tempus expectare oportebit. In commoditatis uero ratione, modo illud attendatur, digna ne causa uideatur ea, quæ ad utilitatem pertinebit, quare aut de magnificentia, aut de honestate quiddam derogetur. Atque in hoc loco mihi caput illud uidetur esse, ut queramus quid sit illud, quod si adipisci, aut effugere uelimus, aliqua

res nobis
proinde
finem
inducere
negotiorum
hominum
ante haberi
benda uide
detur esse
periculis
quo Ari
pore. Et
de: quid
quid per
quid, se
quandam
sententia
muit. L
memor
ente dicit
particulari
abit.
te dicta
uolentia
nus, et
esse in
omnia
Et q
autem
non e

res nobis sit necessaria, hoc est, quæ sit adiunctio, ut
 proinde, uti quæque res erit, laboremus, & grauif-
 simam quanque causam uehementissime necessariam
 iudicemus. Affectio est, quadam ex tempore, aut ex
 negotiorum euentu, aut administratione, aut studio
 hominum commutatio rerum, ut non tales, quales
 ante habita sint, aut plerunque haberi soleant, ha-
 bendæ uideantur esse: ut ad hostes transire turpe ui-
 detur esse, at non illo animo, quo Vlysses transijt: &
 pecuniam in mare deiçere inutile, at non eo consilio,
 quo Aristippus fecit. Sunt igitur res quadam ex tem-
 pore, & ex consilio, non ex sua natura consideran-
 dæ: quibus in omnibus, quid tempora petant, aut
 quid personis dignum sit, considerandum est: & non
 quid, sed quo quidque animo, quicum, quo tempore,
 quandiu fiat, attendendum est. His ex partibus ad
 sententiam dicendam locos sumi oportere arbitra-
 mur. Laudes autem, & uituperationes ex ijs locis su-
 mentur, qui loci personis sunt attributi, de quibus
 ante dictum est. Sin distributius tractare quis uolet,
 partiatur in animum, & corpus & extrarias res li-
 cebit. Animi est uirtus, cuius de partibus paulo an-
 te dictum est. Corporis, ualetudo, dignitas, uires,
 uelocitas. Extrariae, honos, pecunia, affinitas, ge-
 nus, amici, patria, potentia, & cætera, quæ simili
 esse in genere intelligentur. Atque in his id, quod in
 omnia ualet, ualere oportebit contraria quoque,
 & quæ, & qualia sint, intelligentur. Videre
 autem in laudando, & in uituperando oportebit,
 non tam quæ in corpore, aut in extrarijs rebus ha-

DE INVENTIONE

buerit is, de quo agetur, quàm quo pacto his rebus
usus sit. Nam fortunam quidem, & laudare stul-
ticia, & uituperare, superbia est. Animi autem &
laus honesta, & uituperatio uehemens est. Nunc
quoniam omne in causæ genus argumentandi ratio
tradita est, de inuentione, prima ac maxima parte rhe-
toricæ, satis dictum uidetur. quare quoniam
& una pars ad exitum hunc ab supe-
riore libro perducta est, & hic li-
ber non parum continet lite-
rarum; quæ restant,
in reliquis di-
cemus.

M. TVLLII CICERONIS

A D C. TREBATIVM

T O P I C A.

m AIORES nos res scribere ingressos
 C. Trebati, & ijs libris, quos breui
 tempore satis multos edidimus, dignio-
 res, è cursu ipso renocavit uoluntas
 tua. cum enim mecum in Tusculano
 esses, & in bibliotheca separatim uterque nostrum ad
 suum studium libellos, quos uellet, euolueret, incidi-
 sti in Aristotelis Topica quadam, quæ sunt ab illo
 pluribus libris explicata. qua inscriptione commotus,
 continuo à me eorum librorum sententiam requisi-
 sti. Quam tibi cum exposuissem, disciplinam inue-
 niendorum argumentorum, ut sine ullo errore ad
 eam rationem uia perueniremus ab Aristotele inuen-
 ta, libris illis contineri: uerecunde tu quidem, ut om-
 nia, sed tamen ut facile cernerem te ardere studio,
 mecum, ut tibi illa traderem, egisti. Cum autem ego
 te non tam uitandi laboris mei causa, quàm quòd in-
 teresse tua arbitrarer, uel ut eos, per te ipse legeres,
 uel ut totam rationem à doctissimo quodam rhetore
 acciperes, hortatus essem: utrunque, ut à te audiebā,
 es expertus. sed à libris te obscuritas reiecit. rhetor
 autem ille magnus, ut opinor, Aristotelica se ignora-
 re respondit. quod quidem minime sum admiratus,
 eum philosophum rhetori non esse cognitum, qui ab
 ipsis philosophis, præter admodum paucos, ignoretur.

T. iij

AD TREBATIVM

Quibus eo minus ignoscendum est, quod non modo rebus ijs, quæ ab illo dictæ, & inuentæ sunt, allici debuerunt; sed dicendi quoque incredibili quadam cum copia, tum etiam suauitate. Non potui igitur tibi sæpius hoc roganti, & tamen uerenti ne mihi grauis esses, (facile enim id cernebam) debere diutius, ne ipsi iuris interpreti fieri uideretur iniuria. Etenim cum tu mihi, meisq; multa sæpe cauisses, ueritus sum, ne, si ego grauarer, aut ingratum id, aut superbum uideretur. Sed dum fuimus una, tu optimus es testis, quàm fuerim occupatus. Ut autem à te discessi in Græciam proficiscens, cum opera mea nec resp. nec amici uterentur, nec honeste inter arma uersari possem, ne si tuto id quidem mihi liceret; ut ueni Veliam, tuâq; & tuos uidi, admonitus huius æris alieni, nolui deesse ne tacita quidem flagitationi tuæ. itaque hæc, cum mecum libros non haberem, memoria repetita in ipsa navigatione conscripsi, tibiq; ex itinere misi: ut mea diligentia mandatorum tuorum, te quoque, etsi admonitore non eges, ad memoriam nostrarum rerum excitarem. Sed iam tempus est ad id, quod instituimus, accedere.

CVM omnis ratio diligens differendi duas habeat partes, unam inueniendi, alteram iudicandi; utriusque princeps, ut mihi quidem uidetur, Aristoteles fuit. Stoici autem in altera elaborauerunt. Iudicandi enim uias diligenter persecuti sunt, ea scientia, quam Dialecticen appellant. Inueniendi uero artem, quæ Topice dicitur, quæ & ad usum potior erat, & ordine naturæ certe prior, totam reliquerunt. Nos autem,

quoniam
que, si
prior est,
(condita
uenio est
uoluntatis
Aristoteles
promouit
menti
rei dubia
pauca
hærent
ex toto, et
prieus
quo quæ
dicitur, lo
quo differ
uoluntatem
rati est fo
qui cōfide
Eius autem
iuris cū
tractare
nec testat
est uia
notatio
citur, h
dicem
pleti
pellam

quoniam in utraque summa utilitas est, & utranque, si erit otium, persequi cogitamus, ab ea, quæ prior est, ordiemur. Ut igitur earum rerum, quæ absconditæ sunt, demonstrato & notato loco facilis inventio est: sic, cum peruestigare argumentum aliquod uolumus, locos nosse debemus. Sic enim appellata ab Aristotele sunt hæc quasi sedes, è quibus argumenta promuntur. itaque licet definire, Locum esse argumenti sedem: Argumentum autem, rationem, quæ rei dubiæ faciat fidem. Sed ex his locis, in quibus argumenta inclusa sunt, alij in eo ipso, de quo agitur, hærent: alij assumuntur extrinsecus. In ipso, tum ex toto, tum ex partibus eius, tum ex nota, tum ex ijs rebus, quæ quodam modo affectæ sunt ad id, de quo queritur. Extrinsecus autem ea dicuntur, quæ absunt, longèq; disiuncta sunt. Sed ad id totum, de quo differitur, tum definitio adhibetur, quæ quasi involutum euoluit id, de quo queritur. Eius argumenti talis est formula: Ius civile est, æquitas constituta ijs, qui eiusdem ciuitatis sunt, ad res suas obtinendas. Eius autem æquitatis utilis est cognitio, utilis est ergo iuris civilis scientia. Tum partium enumeratio, quæ tractatur hoc modo: Si neque censu, neque uindicta, nec testamento liber factus est, non est liber: neque est ulla earum rerum, non est igitur liber. Tum notatio, cum ex ui uerbi argumentum aliquod elicitur, hoc modo: Cum lex Aelia Sentia assiduo uindicem assiduum esse iubeat, locupletem iubet locupleti: locuples enim assiduus, ut ait Aelius, appellatus ab ære dando. Ducuntur etiam argu-

T iiij

AD TREBATIVM

menta ex ijs rebus, quæ quodammodo affectæ sunt ad id, de quo queritur. Sed hoc genus in plures partes distributum est. Nam alia coniugata appellamus, alia ex genere, alia ex formula, alia ex similitudine, alia ex differentia, alia ex contrario, alia ex adiunctis, alia ex antecedentibus, alia ex consequentibus, alia ex repugnantibus, alia ex causis, alia ex effectis, alia ex comparatione maiorum, aut parium, aut minorum. Coniugata dicuntur, quæ sunt ex uerbis generis eiusdem. Eiusdem autem generis uerba sunt, quæ orta ab uno uarie commutantur, ut sapiens, sapienter, sapientia. hæc uerborum coniugatio συζυγία dicitur, ex qua huiusmodi est argumentum: Si compascuus ager est, ius est compascere. A genere sic ducitur: Quoniam argentum omne mulieri legatum est, non potest ea pecunia, quæ numerata domi relicta est, non esse legata. Forma enim à genere, quoad suum nomen retinet, nunquam seingitur. Numerata autem pecunia nomen argenti retinet. legata igitur uidetur. A forma generis, quam interdum, quo planius accipiat, partem licet nominare, hoc modo: Si ita Fabiæ pecunia legata est à uiro, si ei uiro materfamilias esset, si ea in manum non conuenerat, nihil debetur. Genus est uxor: eius duæ formæ, una matrumfamilias, earum, quæ in manum conuenerunt: altera earum, quæ tantummodo uxores habentur. Quia in parte cum fuerit Fabia, legatum ei non uidetur. A similitudine, hoc modo. Si ædes eæ corruerunt, uitium'ue fecerunt, quarum ususfructus legatus est, hæres restituere non debet,

nec reficere, non magis quàm seruum restituere, si is, cuius ususfructus legatus est, deperisset. A' differentia: Non, si uxori uir legauit omne argentum, quod suum esset; idcirco, quæ in nominibus fuerunt, legata sunt. Multum enim differt, in arcâ ne positum sit argentum, an in tabulis debeat. Ex contrario autem sic: Non debet ea mulier, cui uir bonorum suorum usumfructum legauit, cellis uinarijs, & olearijs plenis relictis, putare id ad se pertinere. usus enim non abusus legatus est. Ea sunt inter se contraria. Ab adiunctis: Si ea mulier testamentum fecit, quæ se capite nunquam diminuit, non uidetur ex edicto Prætoris secundum eas tabulas possessio dari: adiungitur enim, ut secundum seruorum, secundum exulum, secundum puerulorum tabulas possessio uideatur ex edicto dari. Ab antecedentibus autem, & consequentibus, & repugnantibus, hoc modo: Ab antecedentibus, Si uiri culpa factum est diuortium, etsi mulier nuncium remisit, tamen pro liberis manere nihil oportet. A' consequentibus: Si mulier cum fuisset nupta cum eo, quicum connubium non esset, nuncium remisit, quoniam qui nati sunt, patrem non sequuntur, pro liberis manere nihil oportet. A' repugnantibus: Si paterfamilias uxori ancillarum usumfructum legauit à filio, neque à secundo hærede legauit, mortuo filio mulier usumfructum non amitteret. Quod enim semel testamento alicui datum est, id ab eo inuito, cui datum est, auferri non potest: repugnat enim recte accipere, & inuitum reddere. Ab efficientibus, causis, hoc modo: Omnibus est ius pa-

AD TREBATIVM

rietem directum ad parietem communem adiungere, uel solidum, uel fornicatum. At si quis in pariete communi demoliendo damni infecti promiserit, non debet prestare, quod fornix uitij fecerit. Non enim eius uitio, qui demolitus est, damnum factum est, sed eius operis uitio, quod ita edificatum est, ut suspendi non possit. Ab effectis rebus, hoc modo: cum mulier uiro in manum conuenit, omnia, quæ mulieris fuerunt, uiri fiunt dotis nomine. Ex comparatione autem omnia ualent, quæ sunt eiusmodi. Quod in re maiore ualet, ualeat in minore: ut si in urbe fines non reguntur, neque aqua in urbe arceatur. Item contra: Quod in minore ualet, ualeat in maiore, licet idem exemplum conuertere. Item: Quod in re pariri ualet, ualeat in hac, quæ par est: ut, quoniam usus auctoritas fundi biennium est, sit etiam ædium. At in lege ædes non appellantur, & sunt cæterarum omnium, quarum annuus est usus: ualeat æquitas, quæ paribus in causis paria iura desiderat. Quæ autem extrinsecus assumuntur, ea maxime ex auctoritate ducuntur. itaque Græci tales argumentationes ἀπὸ τοῦ ἔργου uocant, id est artis expertes: ut si ita respondeas: Quoniam P. Scauola id solum esse ambitus ædium dixerit, quod parietis communis tegendi causa tectum proijceretur, ex quo in tectum eius, ædeis qui protexisset, aqua deflueret, id tibi ius uideri. His igitur locis, qui sunt expositi, ad omne argumentum reperiendum tanquam elementis quibusdam significatio & demonstratio datur. Vtrum igitur hæcenus satis est? tibi quidem tam acuto, & tam

occupato puto. Sed quoniam avidum hominem ad has discendi epulas recepi, sic accipiam, ut reliquiarum sit potius aliquid, quam te hinc pariar non satiatum discedere. Quando ergo unusquisque eorum locorum, quos exposui, sua quedam membra habet, ea quam subtilissime persequamur, & primum de ipsa definitione dicatur. Definitio est oratio, quæ id, quod definitur, explicat quid sit. Definitionum autem duo sunt genera prima: unum earum rerum, quæ sunt: alterum earum, quæ intelliguntur. Esse ea dico, quæ cerni, tangi uel possunt, ut fundum, ades, parietem, stillicidium, mancipium, pecudem, supellectilem, penus, cetera, quo ex genere quedam interdum nobis definienda sunt. Non esse rursus ea dico, quæ tangi, demonstrari uel non possunt, cerni tamen animo atque intelligi possunt: ut si usucapionem, si tutelam; si gentem, si agnationem definias, quarum rerum nullum subest quasi corpus, est tamen quedam conformatio insignita, & impressa in intelligentia, quam notionem uoco: ea saepe in argumentando definitione explicanda sunt. Atque etiam definitiones aliæ sunt partitionum, aliæ divisionum. Partitionum, cum res ea, quæ proposita est, quasi in membra discerpitur: ut si quis ius civile dicat id esse, quod in legibus, senatusconsultis, rebus iudicatis, iurisperitorum auctoritate, edictis magistratuum, more, æquitate consistat. Divisionum autem definitio formas omnes complectitur, quæ sub eo genere sunt, quod definitur, hoc modo: Ab alienatio est eius rei, quæ mancipi est, aut traditio alteri nexu, aut in iure cessio, in-

AD TREBATIVM

ter quos ea iure civili fieri possunt. Sunt & alia genera definitionum, sed ad huius libri institutum illa nihil pertinent: tantum est dicendum, qui sit definitionis modus. Sic igitur ueteres præcipiunt, cum sumptis ea, quæ sunt ei rei, quam definire uelis, cum alijs communia, usque eò persequi, dum proprium efficiatur, quod nullam in aliam rem transferri possit. Ut hoc, Hereditas est pecunia: commune adhuc, multa enim genera sunt pecuniæ. Adde quod sequitur, quæ morte alicuius ad quempiam peruenit: nondum est definitio: multis enim modis sine hereditate teneri mortuorum pecuniæ possunt. Vnum adde uerbum, iure: iam à communitate res disuncta uidebitur, ut sit explicata definitio, sic: Hereditas est pecunia, quæ, morte alicuius ad quempiam peruenit iure. Nondum est satis: adde, nec ea aut legata testamentis, aut possessione retenta: confectum est. Itemq; ut illud, Gentiles sunt, qui inter se eodem nomine sunt. Non est satis. Qui ab ingenuis oriundi sunt. Ne id quidem satis est. Quorum maiorum nemo seruitutem seruauit. Abest etiam nunc. Qui capite non sunt diminuti. Hos fecisse satis est. Nihil enim uideo Scæuolam Pontificem ad hanc definitionem addidisse. Atque hæc ratio ualet in utroque genere definitionum, siue id, quod est, siue id, quod intelligitur, definiendum est. Partitionum autem, & diuisionum genus quale esset, ostendimus: sed quid inter se differant, planius dicendum est. In partitione quasi membra sunt, ut corporis, caput, humeri, manus, latera, crura, pedes, & cætera. In diuisione

ne form
qui hæc
id quide
do. nol
ciam e
dum est
utroque
dicendo
nam defi
differen
rentia ad
Notionem
propter
inque fa
igitur su
sione diu
tatem diu
ter, conf
turbatus
stinguit
te per t
dam su
sario no
familia
nia po
pertine
cludere
tis, ser
tione a
Quod

ne formæ sunt, quas Greci ἰδέας uocant: nostri, si qui hæc forte tractant, species appellant: non pessime id quidem, sed inutiliter ad mutandos casus in dicendo. nolim enim, ne si Latine quidem dici possit, specierum & speciebus dicere, & sæpe his casibus utendum est: at formis & formarum uelim. cum autem utroque uerbo idem significetur, commoditatem in dicendo non arbitror negligendam. Genus, & formam definiunt hoc modo. Genus est notio ad plures differentias pertinens. Formæ est notio, cuius differentia ad caput generis, quasi fontem referri potest. Notionem appello, quod Greci τὸ ἐννοεῖν, τὸ πρόληψιν dicunt. Ea est insita, & ante percepta cuiusque formæ cognitio enodationis indigens. Formæ igitur sunt ea, in quas genus sine ullius prætermissione diuiditur: ut si quis ius in legem, morem, æquitatem diuidat, Formas qui putat idem esse quod partes, confundit artem: & similitudine quadam conturbatus non satis acute, quæ sunt secernenda, distinguit. Sæpe etiam definiunt & oratores, & poetæ per translationem uerbi ex similitudine cum quadam suauitate. sed ego à uestris exemplis nisi necessario non recedam. Sollebat igitur Aquilius collega & familiaris meus, cum de litoribus ageretur, quæ omnia publica esse uultis, quærentibus ijs, ad quos id pertinebat, quid esset litus, ita definire, quâ fluētus eluderet. hoc est, quasi qui adolescentiam florem ætatis, senectutem occasum uitæ uelit definire. Translatione utens discedebat à uerbis proprijs rerum ac suis. Quod ad definitiones, attinet, hætenus: reliqua ui-

AD TREBATIVM

deamus. Partitione autem sic utendum est; nullam
ut partem relinquant: ut si partiri uelis tutelas, in-
scienter facias, si ullam pratermittas: at si stipula-
tionum, aut iudiciorum formulas partiare, non est ui-
tiosum in re infinita pratermittere aliquid: quod idem
in diuisione uitiosum est. Formarum enim certus est
numerus, quæ cuique generi subiiciantur. Partium
distributio sæpe est infinitior, tanquam riuorum à
fonte deductio. Itaque in oratorijs artibus quæstionis
genere proposito, quot eius formæ sint, subiungitur
absolute: at cum de ornamentis uerborum, senten-
tiarumq; præcipitur, quæ uocantur σχήματα, non
fit idem. Res enim est infinitior, ut ex hoc quoque in-
telligatur, quod uelimus inter partitionem, & diui-
sionem interesse. Quanquam enim uocabula prope
idem ualere uideantur: tamen, quia res differebant,
nomina rerum distare uoluerunt. Multa etiam ex
notatione sumuntur: ea est autem, cum ex ui nomi-
nis argumentum elicitur, quam Græci ἑτυμολο-
γία uocant, id est, uerbum ex uerbo, ueriloquium.
Nos autem nouitatem uerbi non satis apti fugientes,
genus hoc notationem appellamus, quia sunt uerba
rerum notæ. itaque hoc idem Aristoteles σύμβολον
appellat, quod Latine est nota. Sed cum intelligitur
quid significetur, minus laborandum est de nomine.
Multa igitur in disputando notatione eliciuntur ex
uerbo, ut cum quaeritur, postliminium quid sit, non
dico quæ sine postliminii. nam id caderet in diuio-
nem, quæ talis est: Postliminio redeunt hæc, ho-
mo, nauis, mulus clitellarius, equus, equa, quæ

fræna recipere solet. Sed cum ipsius postliminiij uis
 queritur, & uerbum ipsum notatur, in quo Seruius
 noster, ut opinor, nihil putat esse notandum, nisi
 post, & liminium illud productionem esse uerbi uult,
 ut in finitimo, legitimo, æditimo non plus inesse ti-
 mum, quàm in meditullio tullium. Scauola autem
 Publij filius inuictum putat esse uerbum, ut sit in eo
 & post, & limen: ut, quæ à nobis alienata sunt, cum
 ad hostem peruenerint, & ex suo tanquam limine exie-
 rint, dein cum rederint post ad idem limen, postlimi-
 nio uideantur rediisse. Quo in genere etiam Mancini
 causa defendi potest, postliminio rediisse; deditum non
 esse, quoniam non sit receptus: nam neque deditionem,
 neque donationem sine acceptione intelligi posse. Se-
 quitur is locus, qui constat ex ijs rebus, quæ quodam
 modo afficte sunt ad id, de quo ambigitur, quem mo-
 do dixi in plures partes distributum. Cuius primus est
 locus ex coniugatione, quam Græci συζυγίαν uocant,
 finitimus notationi, de qua modo dictum est: ut, si
 aquam pluuiam eam modo intelligeremus, quam im-
 bri collectam uideremus, ueniret Mutius, qui, quia
 coniugata uerba essent pluuiæ & pluendo, diceret om-
 nem aquam oportere arceri, quæ pluendo creuisset.
 Cum autem à genere ducetur argumentum, non erit
 necesse id usque à capite arcessere. sæpe etiam citra li-
 cet, dummodo supra sit quod sumitur, quàm id, ad
 quod sumitur: ut aqua pluuiæ ultimo genere ea est,
 quæ de cœlo ueniens crescit imbri: sed propiore loco, in
 quo quasi ius arcendi continetur, genus est, aqua plu-
 uia nocens: eius generis formæ, loca uitio, & manus no-

AD TREBATIVM

cens : quarum altera iubetur ab arbitrio coerceri , altera non iubetur . Commode etiam tractatur hæc argumentatio , quæ ex genere sumitur , cum ex toto persequare partes , hoc modo : Si dolus malus est , cum aliud agitur , aliud simulatur , enumerare licet quibus id modis fiat : deinde in eorum aliquem id , quod arguas dolo malo factum , includere : quod genus argumenti in primis firmum uideri solet . Similitudo sequitur , quæ late patet : sed oratoribus , & philosophis magis , quàm uobis . Etsi enim omnes loci sunt omnium disputationum ad argumenta suppeditanda , tamen alijs disputationibus abundantius occurrunt , alijs angustius . Ita que genera tibi nota sint : ubi autem his utare , quæstiones ipsæ te admonebunt . Sunt enim similitudines , quæ ex pluribus collationibus perueniunt quò uolunt , hoc modo : Si tutor fidem præstare debet , si socius , si cui mandaris , si qui fiduciam acceperit , debet etiam procurator . Hæc ex pluribus perueniens quò uult , appellatur inductio , quæ Græcè ἐπαγωγὴ nominatur , quæ plurimum est usus in sermonibus Socrates . Alterum similitudinis genus collatione sumitur , cum una res uni , par pari comparatur , hoc modo : Quemadmodum si in urbe de finibus controuersia est , quia fines magis agrorum uidentur esse quàm urbis , finibus regendis adigere arbitrum non possis : sic , si aqua pluuia in urbe nocet , quoniam res tota magis agrorum est , aquæ pluuie arcendæ adigere non possis arbitrum . Ex eodem similitudinis loco etiam exempla sumuntur , ut Crassus in Curiana causa exemplis plurimis usus est , agens de eo , qui

eo, qui testamento sic heredem instituisset, ut, si filius natus esset in decem mensibus, isq; mortuus prius quam in suam tutelam uenisset, secundus heres hereditatem obtineret: quæ commemoratio exemplorum ualuit, eaq; uos in respondendo uti multum soletis. Ficta etiam exempla similitudinis habent uim: sed ea oratoria magis sunt, quam uestra: quanquam uti etiam uos soletis, sed hoc modo: Finge mancipio aliquem dedisse id, quod mancipio dari non potest, num idcirco id eius factum est, qui accepit? aut num is, qui mancipio dedit, ob eam rem se ulla re obligauit? In hoc genere oratoribus & philosophis concessum est, ut multa etiam loquantur, ut mortui ab inferis existerentur, aut aliquid, quod fieri nullo modo possit, augendæ rei gratia dicatur, aut minuendæ, quæ hyperbole dicatur, & multa mirabilia alia. Sed latior est campus illorum, eisdem tamen ex locis (ut ante dixi) & in maximis, & in minimis questionibus argumenta ducuntur. Sequitur similitudinem differentia, rei maxime contraria superiori: sed est eiusdem dissimile, & simile inuenire. eius generis hæc sunt: Non, quemadmodum, quod mulieri debeas, recte ipsi mulieri sine tutore, auctore soluas; ita, quod aut pupillæ, aut pupillo debeas, recte possis eodem modo soluere. Deinceps locus est, qui à contrario ducitur. Contrariorum autem genera sunt plura. Vnum eorum, quæ in eodem genere plurimum differunt, ut sapientia, & stultitia. Eodem autem genere dicuntur, quibus propositis occurrunt tanquam è regione quædam contraria, ut celeritati tarditas, non debilitas,

v

AD TREBATIVM

ex quibus contrarijs argumenta talia existunt: Si stultitiam fugimus, sapientiam sequamur: & bonitatem, si malitiam. hæc, quæ, ex eodem genere contraria sunt, appellantur aduersa. Sunt enim alia contraria, quæ priuantia licet appellemus Latine, Græce appellantur *σεντήναι*. Præpositio enim IN, priuat uerbum ea ui, quam haberet, si IN præpositum non fuisset: ut dignitas, indignitas, humanitas, inhumanitas, & cætera generis eiusdem, quorum tractatio est eadem, quæ superiorum: quæ aduersa dixi. Nam alia quoque sunt contrariorum genera, uelut ea, quæ cum aliquo conferuntur, ut duplum, simplex; multa, pauca: longum, breue; maius, minus. Sunt etiam ualde contraria alia, quæ appellantur negantia. ea *ἀποφατικὰ* Græci, contraria aientibus: ut, Si hoc est. illud non est. quid enim opus exemplo est? tantum intelligatur argumento quærendo, contrarijs omnibus contraria non conuenire. Ab adiunctis autem posui equidem exemplum paulo ante, multa scilicet adiungi, quæ suscipienda essent, si statuissimus ex edicto secundum eas tabulas possessionem dari, quas is instituisse, cui testamenti factio nulla esset. Sed locus hic magis ad coniecturales causas, quæ uersantur in iudicijs, ualet: cum quæritur quid aut sit, aut euenerit, aut futurum sit, aut quid omnino fieri possit. Ac loci quidem ipsius forma talis est. Admonet autem hic locus, ut quærat quid ante rem, quid cum re, quid post rem euenerit. Nihil hoc ad ius, ad Ciceronem inquit Gallus noster, si quis ad eum tale quid retulerat, ut de facto quærere-

tur. Tu tamen patiere nullum à me artis institutæ locum præteriri, ne, si nihil, nisi quod ad te pertineat, scribendum putaris, nimium te amare uideare. Est igitur magna ex parte locus hic oratorius, non modo non iurisperitorum, sed ne philosophorum quidem. Ante rem enim quærentur, quæ talia sunt, apparatus, colloquia, locus, constitutum conuiuium. Cum re autem, pedum crepitus, strepitus hominum, corporum umbræ, & si quid eiusmodi. At post rem, rubor, pallor, titubatio, si qua alia signa conturbationis, & conscientia: præterea restinctus ignis, gladius cruentus, ceteraq; quæ suspicionem facti possunt mouere. Deinceps est locus dialecticorum proprius ex consequentibus, & antecedentibus, & repugnantibus, qui etiam ab adiunctis longe diuersus est. Nam adiuncta, de quibus paulo ante dictum est, non semper eueniunt, consequentia autem semper. ea enim dico consequentia, quæ rem necessario consequuntur. Itemq; & antecedentia, & repugnantia, quidquid enim antecedit quanque rem, id coheret cum re necessario: & quidquid repugnat, id eiusmodi est; ut coherere nunquam possit. Cum tripertito igitur distribuatur locus hic, in consecutionem, antecessionem, repugnantiam, reperiendi argumenti locus simplex est, tractandi triplex. Nam quid interest, cum hoc sumpseris, pecuniam numeratam mulieri deberi, cui sit omne argentum legatum, utrum hoc modo concludas argumentum? Si pecunia signata argentum est, legata est mulieri: est autem pecunia signata argentum, legata igitur. an illo modo? Si numerata pe-

AD TREBATIVM

*cunia non est legata, non est numerata pecunia ar-
 gentum: est autem numerata pecunia argentum, le-
 gata igitur est. An illo modo: Non & legatum argen-
 tum est, & non est legata numerata pecunia: lega-
 tum autem argentum est, legata igitur numerata pe-
 cunia est. Appellant autem dialectici eam conclusio-
 nem argumenti, in qua cum primum assumpseris,
 consequitur id, quod annexum est, primum conclu-
 sionis modum. Cum id, quod annexum est, negaris,
 ut id quoque, cui fuerit annexum, negandum sit;
 secundus appellatur concludendi modus. Cum autem
 aliqua coniuncta negaris, & his alia negatio rursus
 adiungitur, & ex his primum sumpseris, ut, quod
 relinquatur, tollendum sit; is tertius appellatur con-
 clusionis modus. Ex hoc illa rhetorum sunt ex contra-
 riijs conclusa, quæ ipsi Enthymemata appellant: non
 quod omnis sententia proprio nomine Enthymema di-
 catur: sed ut Homerus propter excellentiam commu-
 ne poetarum nomen efficit apud Græcos suum; sic,
 cum omnis sententia Enthymema dicatur, quia ui-
 detur ea, quæ ex contrariis conficiatur, acutissima,
 sola propria nomen commune possidet. Eius generis
 hæc sunt:*

Hunc metuere, alterum in metu non ponere:

Eam, quam nihil accusas, damnas:

Bene quam meritam esse autumas, dicis male mereri.

Id, quod scis, prodest: nihil id, quod nescis, obest.

*Hoc differendi genus attingit omnino uestras quo-
 que in respondendo disputationes, sed philosophorum
 magis, quibus est cum oratoribus illa ex repugnanti-*

bus sententijs communis conclusio, quæ à dialecticis tertius modus, à rhetoribus Enthymema nuncupatur. Reliqui dialecticorum modi plures sunt, qui ex disiunctionibus constant: aut hoc, aut illud: hoc autem, non igitur illud. Itemq; aut hoc, aut illud: non autem hoc, illud igitur. Quæ conclusiones idcirco rate sunt, quòd in disiunctione plus uno uerum esse non potest. Atque ex ijs conclusionibus, quas supra scripsi, prior quartus, posterior quintus à dialecticis modus appellatur. Deinde addunt coniunctionum negantiam, sic: Non & hoc est, & illud: hoc autem, non igitur illud. hic modus est sextus. Septimus autem, Non & hoc, & illud: non autem hoc, illud igitur. Ex his modis conclusiones innumerabiles nascuntur, in quo est fere tota dialectica. Sed ne eæ quidem, quas exposui, ad hanc institutionem necessariae. Proximus est locus rerum efficientium, quæ causæ appellantur: deinde rerum effectarum ab efficientibus causis. Harum exempla, ut reliquorum locorum, paulo ante posui, & quidem ex iure civili: sed hæc patent latius. Causarum igitur genera duo sunt. Vnum, quod ui sua id, quod sub ea subiectum est, certe efficit, ut ignis accendit: Alterum, quod naturam efficiendi non habeat, sed sine quo effici non possit: ut si quis æs causam statuæ uelit dicere, quòd sine eo non possit effici. Huius generis causarum, sine quo non efficitur, alia sunt quæta, nihil agentia, stolidæ quodam modo, ut locus, tempus, materia, ferramenta, & cætera generis eiusdem: alia autem præcursionem quandam adhibent ad effi-

AD TREBATIVM

ciendum, & quaedam afferunt per se adiuvantia, etsi non necessaria, ut amor congressio causam attulerit, amor flagitio. Ex hoc genere causarum, ex aeternitate pendentium, fatum à Stoicis nectitur. Atque ut earum causarum, sine quibus effici non potest, genera divisi, sic etiam efficientium dividi possunt. Sunt enim aliae causae, quae plane efficiant nulla re adiuvante; aliae, quae adiuvari velint: ut sapientia efficit sapientes sola per se: beatos efficiat necne sola per se, quaestio est. Quare cum in disputationem inciderit causa efficiens aliquid necessario, sine dubitatione licebit quod efficitur ab ea causa concludere. Cum autem erit talis causa, ut in ea non sit efficiendi necessitas; necessaria conclusio non sequitur. Atque illud quidem genus causarum, quod habet vim efficiendi necessariam, errorem asferre, non fere solet: hoc autem, sine quo non efficitur, saepe conturbat. Non enim, si sine parentibus filij esse non possunt, propterea causa fuit in parentibus gignendi necessaria. Hoc igitur, sine quo non fit, ab eo, in quo certe fit, diligenter est separandum. Illud enim est tanquam, Utinam ne in nemore Pelio securibus Cæsa cecidisset abiegnæ ad terram trabes. nisi enim cecidissent abiegnæ ad terram trabes, Argo illa facta non esset: nec tamen fuit in his trabibus efficiendi vis necessaria. At cum in Aiæcis navim crispisulæns igneum fulmen iniectum est, inflammatur navis necessario. Atque etiam est causarum dissimilitudo; quod aliae sunt, ut sine ulla appetitione animi, sine voluntate, sine opinione suum quasi opus

efficientem
autem
ne animi
causa.
perturbat
tam tunc
Natura,
pingat.
ne causa
se non me
inest consi
ari consi
tam caus
perficiat
tionem
subiecta
fiat, hoc
qua later
partim
ta, quae
consilio.
luntaria
re quere
tur in tu
gis, qu
in impr
quam
moniti
tus, a
interda

efficiant, uelut omne intereat, quod ortum est. alia
autem aut uoluntate efficiuntur, aut perturbatio-
ne animi, aut habitu, aut natura, aut arte, aut
casu. Voluntate, ut tu cum hunc libellum legis.
Perturbatione, ut si quis euentum horum tempo-
rum timeat. Habitu, ut facile, & cito irascatur.
Natura, ut uitium in dies crescat. Arte, ut bene
pingat. Casu, ut prospere nauiget. nihil horum si-
ne causa, nec quidquam omnino, sed huiusmodi cau-
sæ non necessariae. Omnium autem causarum in alijs
inest constantia, in alijs non inest. In natura, & in
arte constantia est, in ceteris nulla. Sed tamen ea-
rum causarum, quæ non sunt constantes, alia sunt
perspicuæ, alia latent. Perspicuæ sunt, quæ appe-
titionem animi, iudiciūq; tangunt. Latent, quæ
subiectæ sunt fortunæ. cum enim nihil sine causa
fiat, hoc ipsum est fortunæ, euentus obscura causa,
quæ latenter efficit. Efficitur etiam ut ea, quæ fiunt,
partim sint ignorata, partim uoluntaria: Ignora-
ta, quæ necessitate effecta sunt: Voluntaria, quæ
consilio. Quæ autem fortuna, uel ignorata, uel uo-
luntaria. Nam iacere telum, uoluntatis est: feri-
re quem nolueris, fortunæ. Ex quo aries ille subijci-
tur in uestris actionibus: Si telum manu fugit ma-
gis, quàm iecit. Cadunt enim in ignorationem, atque
in imprudentiam perturbationes animi, quæ quan-
quam sint uoluntariæ (obiurgatione enim, & ad-
monitione deiiciuntur) tamen habent tantos mo-
tus, ut ea, quæ uoluntaria sunt, aut necessaria
interdum, aut certe ignorata uideantur. Toto igi-

AD TREBATIVM

tur loco causarum explicatio, ex earum differentia in magnis quidem causis uel oratorum, uel philosophorum magna argumentorum suppetit copia: in uestris autem, si non uberior, at fortasse subtilior. priuata enim iudicia maximarum quidem rerum, in iurisconsultorum mihi uidentur esse prudentia. nam & adsunt multum, & adhibentur in consilio, & patronis diligentibus ad eorum prudentiam confugientibus hastas ministrant. In omnibus igitur ijs iudicijs, in quibus, ex fide bona, est additum; ubi uero etiam, ut inter bonos bene agere oportet; in primisq; in arbitrio rei uxorie, in quo est, Quid equius, melius, parati esse debent. illi enim dolum malum, illi fidem bonam, illi æquum bonum, illi quid socium socio, quid eum, qui negotia aliena curasset, ei, cuius ea negotia fuissent, quid eum, qui mandasset, cum uel, cui mandatum esset, alterum alteri præstare oporteret, quid uirum uxori, quid uxorem uiro, tradiderunt. Licebit igitur, diligenter cognitis argumentorum locis, non modo oratoribus, & philosophis, sed iuris etiam peritis copiose de consultationibus suis disputare. Coniunctus huic causarum loco locus ille est, qui efficitur ex causis. Ut enim causa effectum indicat, sic, quod effectum est, quæ fuerit causa, demonstrat. Hic locus suppeditare solet oratoribus, & poetis, sæpe etiam philosophis, sed ijs, qui ornate, & copiose loqui possunt, mirabilem copiam dicendi, cum denunciant quid ex quaque re sit futurum. causarum enim cognitio cognitionem euentorum facit. Reliquus est comparationis locus, cuius genus, & exemplum supra posi-

eum est, ut cæterorum: nunc explicanda tractatio est. Comparantur igitur ea, quæ aut maiora, aut minora, aut paria dicuntur, in quibus spectantur hæc, numerus, species, uis, quedam etiam ad res aliquas affectio. Numero sic comparabuntur, ut plura bona paucioribus bonis anteponantur, pauciora mala malis pluribus, diuturniora bona breuioribus, longe, & late peruagata angustis, ex quibus plura bona propagentur, quæq; plures imitentur, & faciant. Specie autem comparantur, ut anteponantur quæ propter se expetenda sunt, ijs, quæ propter aliud: & ut innata, atque insita, assumptis, & aduentitijs: integra, contaminatis: iucunda, minus iucundis: honesta, ipsis etiam utilibus: procliuia, laboriosis: necessaria, non necessarijs: sua, alienis: rara, uulgariibus: desiderabilia, ijs, quibus facile carere possis: perfecta, inchoatis: tota, partibus: ratione utentia, rationis expertibus: uoluntaria, necessarijs: animata, inanimatis: naturalia, non naturalibus: artificiosa, non artificiosis. Vis autem in comparatione sic cernitur, efficiens causa grauior, quàm non efficiens: quæ se ipsis contenta sunt, meliora, quàm quæ egent alijs: quæ in uostra, quàm quæ in aliorum potestate sunt: stabilia, incertis: quæ eripi non possunt, ijs, quæ possunt. Affectio autem ad res aliquas est huiusmodi. principum commoda maiora, quàm reliquorum, itemq; quæ iucundiora, quæ pluribus probata, quæ ab optimo quoque laudata. Atque ut hæc in comparatione meliora, sic deteriora quæ ijs sunt contraria. Parium autem comparatio nec elationem ha-

AD TREBATIVM

bet, nec submissionem: est enim æqualis. Multa autem sunt, quæ æqualitate ipsa comparantur, quæ ita fere concluduntur: Si, consilio iuvare ciues & auxilio, æqua in laude ponendum est, pari gloria debent esse ij, qui consulunt, & ij, qui defendunt: at quod primum est: quod sequitur igitur. Perfecta est omnis argumentorum inveniendorum præceptio, ut cum profectus sis à definitione, à partitione, à notatione, à coniugatis, à genere, à forma, à similitudine, à differentia, à contrarijs, ab adiunctis, à consequentibus, ab antecedentibus, à repugnantibus, à causis, ab effectis, à comparatione maiorum, minorum, parium, nulla præterea sedes argumenti quærenda sit. Sed quoniam ita à principio divisimus, ut alios locos diceremus in eo ipso, de quo ambigitur, hæere, de quibus satis est dictum; alios assumi extrinsecus; de his pauca dicamus: etsi ea nihil omnino ad uestras dissertationes pertinent, sed tamen totam rem perficiamus, quandoquidem cepimus. neque enim tu is es, quem nihil nisi ius civile delectet: & quoniam ad te hæc ita scribuntur, ut etiam in aliorum manus sint ventura, detur opera, ut quamplurimum ijs, quos recta studia delectant, prodesse possimus. Hæc ergo argumentatio, quæ dicitur artis expert, in testimonio posita est. Testimoniū autem nunc dicimus, omne quod ab aliqua re externa sumitur ad faciendum fidem. Persona autem non qualiscunque testimonij pondus habet: ad faciendam enim fidem auctoritas quæritur. sed auctoritatem aut naturæ, aut temporis affert. Naturæ auctoritas in uirtute inest maxime. In tempore

autem multa sunt, quæ afferant auctoritatem, ingenium, opes, ætas, fortuna, ars, usus, necessitas, concursio etiam non nunquam rerum fortuitarum. Nam & ingeniosos, & opulentos, & ætatis spatio probatos, dignos, quibus credatur, putant: non recte fortasse: sed vulgi opinio mutari uix potest, ad eamque omnia dirigunt & qui iudicant, & qui existimant. Qui enim his rebus, quas dixi, excellunt, ipsa uirtute uidentur excellere. Sed reliquis quoque rebus, quas modo enumeravi, quanquam in ijs nulla species uirtutis est, tamen interdum confirmatur fides, si aut ars quædam adhibetur, magna enim est uis ad persuadendum scientiæ; aut usus; plerunque enim creditur ijs, qui experti sunt. Facit etiam necessitas fidem, quæ cum à corporibus, tum ab animis nascitur. Nam & uerberibus, tormentis, igni fatigati quæ dicunt, ea uidentur ueritas ipsa dicere: & quæ à perturbationibus animi sunt, dolore, cupiditate, iracundia, metu, quia necessitatis uim habent, afferunt auctoritatem & fidem. Cuius generis etiam illa sunt, ex quibus nonnunquam uerum inuenitur, pueritia, somnus, imprudentia, uinolentia, insania. Nam & pueri sæpe indicauerunt aliquid, ad quod pertineret, ignari: & per somnum, uinum, insaniam multa sæpe patefacta sunt. Multa etiam in res odiosas imprudentes inciderunt, ut Staleno nuper accidit: qui ea locutus est bonis uiris subauscultantibus pariete interposito, quibus patefactis, in iudiciumque prolatis, rei capitalis iure damnatus est. huic simile quiddam de Lacedæmonio Pausania accepimus. Concursio autem fortuitarum

AD TREBATIVM

talis est, ut si interuentum est casu, cum aut agere-
 tur aliquid, quod proferendum non esset, aut dice-
 retur. In hoc genere etiam illa est in Palamedem con-
 iecta suspicionum prodicionis multitudo: quod genus
 refutare interdum ueritas uix potest. Huius etiam ge-
 neris est fama uulgi quoddam multitudinis testimo-
 nium. Quæ autem uirtute fidem faciunt, ea biperti-
 ta sunt. Ex quibus alterum natura ualet, alteram
 industria. Deorum enim uirtus natura excellit, ho-
 minum autem industria. Diuina hæc fere sunt te-
 stimonia: Primum orationis: oracula enim ex eo ipsa
 appellata sunt, quod inest in his deorum oratio. De-
 inde rerum, in quibus insunt quasi opera diuina quæ-
 dam. Primum ipse mundus, eiusque omnis ordo, et or-
 natus: deinceps ærei uolatus auium, atque cantus:
 deinde eiusdem aeris sonitus, et ardores: multarumque
 rerum in terra portenta, atque etiam per exta in-
 uenita præsensio. A dormientibus quoque multa si-
 gnificata uisis: quibus ex locis sumi interdum solent
 ad fidem faciendam testimonia deorum. In homine
 uirtutis opinio ualet plurimum. Opinio autem est,
 non modo eos uirtutem habere, qui habeant, sed eos
 etiam, qui habere uideantur. itaque quos ingenio,
 quos studio, quos doctrina præditos uident, quorumque
 uitam constantem, et probatam, ut Catonis, Lælij,
 Scipionis, aliorumque plurimum, rentur eos esse, quales
 se ipsi uelint. Nec solum eos censent tales esse, qui in
 honoribus populi, atque in rep. uersantur, sed et
 oratores, et philosophos, et poetas, et historicos,
 ex quorum et dictis, et scriptis sæpe auctoritas pe-

titur ad faciendam fidem . Expositis omnibus argu-
mentandi locis, illud primum intelligendum est, nec
ullam esse disputationem, in quam non aliquis locus
incurrat, nec fere omnes locos incidere in omnem quæ-
stionem, & quibusdam quæstionibus alios, quibus-
dam esse alios aptiores locos. Quæstionum duo sunt
genera: alterum infinitum, alterum definitum. De-
finitum est, quod ὑπόθεσις Græci, nos causam. In-
finitum, quod διέσις illi appellant, nos propositum
possumus nominare. Causa certis personis, locis, tem-
poribus, actionibus, negotiis cernitur, aut in omni-
bus, aut in plerisque eorum. Propositum autem in
aliquo eorum, aut in pluribus, nec tamen in maxi-
mis. Itaque propositum pars causæ est. Sed omnis
quæstio earum aliqua de re est, quibus causæ conti-
nentur, aut una, aut pluribus, aut nonnunquam
omnibus. Quæstionum autem, quacunque de re
sint; duo sunt genera, unum cognitionis, alterum
actionis. Cognitionis sunt eæ, quarum finis est scien-
tia: ut si quærat, à naturâ ne ius profectum sit,
an ab aliqua quasi conditione hominum, & pactio-
ne. Actionis autem huiusmodi exempla sunt: Sic ne
sapientis ad remp. accedere. Cognitionis quæstiones
tripertitæ sunt, cum, an sit, aut quid sit, aut qua-
le sit, quæritur. Horum primum coniectura, secun-
dum definitione, tertium iuris, & iniuriæ distinc-
tione explicatur. Coniecturæ ratio in quatuor partes di-
stributa est. Quarum una est, cum quæritur, sit ne
aliquid. Altera, unde ortum sit. Tertia, quæ id
causa effeceris. Quarta, in qua de mutatione rei

AD TREBATIVM

quæritur, sit, nec ne sit: Ecquidnam honestum sit, ec-
quid æquum: re uera, aut hæc tantum opinione sint:
Vnde autem sit ortum, ut cum quæritur, natura an
doctrina possit effici uirtus. Causa autem efficiens sic,
ut cum quæritur, quibus rebus eloquentia efficiatur.
De commutatione sic: Possit ne eloquentia commuta-
tione aliqua conuerti in infantiam. Cum autem quid
sit quæritur, notio explicanda est, & proprietates, & di-
uisio, & partitio. hæc enim sunt definitioni attribu-
ta: additur etiã descriptio, quam Græci χαρακτήρ
uocant. Notio sic quæritur, sit ne id æquum, quod
ei, qui plus potest, utile est. Proprietas sic: In homi-
nem ne solum cadat, an etiam in belluas agritudo.
Diuisio & eodem pacto partitio, sic: Triã ne genera
bonorum sint. Descriptio, Qualis sit auarus, qua-
lis assentator, ceteraq; eiusdem generis, in quibus na-
tura & uita describitur. Cum autem quæritur,
quale quid sit, aut simpliciter quæritur, aut compa-
rate. Simpliciter, Expetendã ne sit gloria. Compa-
rate, Præponendã ne sit diuitijs gloria. Simplicium
tria genera sunt, de expetendo, fugiendoq; de æquo,
& iniquo, de honesto, & turpi. Comparationum au-
tem duo, unum de eodem & alio, alterum de ma-
iore, & minore. De expetendo, & fugiendo, huiusmo-
di: Si expetendæ diuitiæ, si fugienda paupertas. De
æquo, & iniquo: Aequum ne sit ulcisci à quocunque
iniuriam acceperis. De honesto, et turpi: Honestum ne
sit pro patria mori. Ex altero autem genere, quod
erat bipartitum, unum est de eodem & alio: ut si
quærat, quid intersit inter amicum, & assentato-

rem, regem & tyrannum. Alterum, de maiore & minore: ut si queratur, eloquentia ne pluris sit, an iuris civilis scientia. De cognitionis quaestionibus ha-
Etenus. Actionis reliquae sunt: quarum duo sunt genera, unum ad officium, alterum ad motum animi gignendum, uel sedandum, plane uel tollendum. Ad officium sic, ut cum queritur suscipiendi ne sint liberi. Ad mouendos animos, cum fiunt cohortationes ad defendendam remp. ad gloriam, & ad laudem: quo ex genere sunt querelae, incitationes, miserationesq; flebiles, rursusq; oratio cum iracundiam restringens, tum metum eripiens, tum exultantem latitiam comprimens, tum aegritudinem abstergens. Hec cum in propositis quaestionibus genera sint, eadem in causas transferuntur. Loci autem, qui ad quasque quaestiones accommodati sunt, deinceps est uidendum. Omnes quidem illi, quos supra diximus, ad plerasque sunt: sed alij ad alias, ut dixi, aptiores. Ad coniecturam igitur maxime apta, quae ex causis, quae ex effectis, quae ex coniunctis sumi possunt. Ad definitionem autem pertinet ratio & scientia definiendi. Atque huic generi finitimum est illud, quod appellari de eodem, & altero diximus: quod genus, forma quadam definitionis est, si enim queratur, idem ne sit pertinacia, & perseuerantia; definitionibus iudicandum est. Loci autem conuenient in eius generis quaestionem consequentes, antecedentes, repugnantes, adiunctis etiam duobus ijs, qui sumuntur eis causis, & effectis. Nam si hanc rem illa sequitur, hanc autem non sequitur: aut

AD TREBATIVM

si huic rei illa antecedit, huic non antecedit: aut si huic rei repugnat, illi non repugnat: aut si huic rei, hæc illius alia causa est: aut si ex alio hoc, ex alio illud effectum est: ex quouis horum id, de quo quæritur, idem ne an aliud sit, inueniri potest. Ad tertium genus quæstionis, in quo, quale sit, quæritur, in comparationem ea cadunt, quæ paulo ante in comparationis loco enumerata sunt. In illud autem genus, in quo de expetendo, fugiendoq; quæritur, adhibentur ea, quæ sunt aut animi, aut corporis, aut externa, uel commoda, uel incommoda. Itemq; cum de honesto, turpiq; quæritur, ad animi bona, uel mala omnis dirigenda oratio est. Cum autem de æquo, & iniquo differitur, æquitatis loci colliguntur: hi cernuntur bipartito, & natura, & instituto. Natura partes habet duas, tuitionem sui, & ulciscendi ius. Institutio autem æquitatis tripartita est. Vna pars legitima est, altera conueniens, tertia moris uetustate confirmata. Atque etiam rursus æquitas tripartita dicitur esse, una ad superos deos, altera ad manes, tertia ad homines pertinere. Prima pietas, secunda sanctitas, tertia iustitia aut æquitas nominatur. De proposito satis multa: deinceps de causa pauciora dicenda sunt, pleraque enim sunt ei cum proposito communia. Tria sunt igitur genera causarum, iudicij, deliberationis, laudationis. quarum fines ipsi declarant, quibus utendum locis sit. Nam iudicij finis est ius, ex quo etiam nomen. Iuris autem partes tum exposte, cum æquitatis. Deliberandi finis utilitas: cuius et partes, quæ modo expositæ rerum expetendarum.

rum. Laudationis finis, honestas, de qua item est ante dictum. Sed definitæ quæstiones à suis quaque locis quasi proprijs instituuntur in accusationem defensionemq; partitæ. In quibus existunt hæc genera, ut accusator personam arguat facti, defensor aliquid opponat de tribus, aut non esse factum: aut, si sit factum, aliud eius facti nomen esse: aut iure esse factum. Itaque aut inficialis, aut coniecturalis prima appelletur, definitiva altera, tertia, quamvis molestum nomen hoc sit, iuridicialis uocetur. Harum causarum propria argumenta ex ijs sumpta locis, quos exposuimus, in præceptis oratorijs explicata sunt. Refutatio autem accusationis, in qua est depulsio criminis, quæ Græce *σέσις* dicitur, Latine appelletur status: in quo primum insistit quasi ad repugnandum congressa defensio. Atque etiam in deliberationibus, & laudationibus ijdem existunt status. Nam & negantur sæpe ea futura, quæ ab aliquo in sententia dicta sunt fore, si aut omnino fieri non possint, aut sine summa difficultate non possint. in qua argumentatione status coniecturalis existit. At cum aliquid de utilitate, honestate, æquitate differitur, deq; ijs rebus, quæ his sunt contrariæ; incurrunt status aut iuris, aut nominis: quod idem contingit in laudationibus. nam aut negari potest id factum esse, quod laudetur: aut non eo nomine afficiendum, quo laudator affecterit: aut omnino non esse laudabile, quod non recte, non iure factum sit. quibus omnibus generibus usus est nimis impudenter Cæsar contra Catonem meum. Sed quæ ex statu contentio effi-

AD TREBATIVM

atur, eam Græci κρινωμενον uocant: mihi placet id, quoniam quidem ad te scribo, qua de re agitur, uocari. Quibus autem hoc, qua de re agitur, continetur, hæc continentia uocentur, quasi firmamenta defensionis, quibus sublati defensio nulla sit. Sed quoniam lege firmitus in controuersijs disceptandis esse nihil debet, danda est opera, ut legem adiutricem et testem adhibeamus. In qua re alij quasi status existunt noui, sed appellantur legitime disceptationes. Tum enim defenditur, non id legem dicere, quod aduersarius uelit, sed aliud. Id autem contingit, cum scriptum ambiguum sit, ut duæ differentes sententiæ accipi possint. Tum opponitur scripto uoluntas scriptoris; ut queratur, uerba ne plus, an sententia ualere debeat. Tum legi lex contraria affertur. Ita sunt tria genera, quæ controuersiam in omni scripto facere possunt, ambiguum, discrepantia scripti, et uoluntatis, scripta contraria. Iam hoc perspicuum est, non magis in legibus, quam in testamentis, in stipulationibus, in reliquis rebus, quæ ex scripto aguntur, posse controuersias easdem existere. Horum tractationes in alijs libris explicantur. Nec solum perpetuæ actiones, sed etiam partes orationis iisdem locis adiuantur, partim proprijs, partim communibus: ut in principijs, quibus ut beneuoli, ut dociles, ut attentissimi sint qui audiant, efficiendum est proprijs locis. Itemque narrationes, ut ad suos fines spectent, id est, ut planæ sint, ut breues, ut euidentes, ut credibiles, ut moratae, ut cum dignitate. quæ quanquam in tota oratione esse debent, magis tamen sunt propria narra-

di. Quæ autem consequitur narrationem fides, ea
persuadendo quoniam efficitur, qui ad persuadendum
loci maxime ualeant, dictum est in ijs, in quibus de
omni ratione dicendi. Peroratio autem & alia quæ-
dam habet, & maxime amplificationem: cuius effe-
ctus is debet esse, ut aut perturbentur animi, aut
tranquillentur; & si ita iam affecti ante sunt, ut
augeat eorum motus, aut sedet oratio. Huic generi,
in quo & misericordia, & iracundia, & odium, &
inuidia, & ceteræ animi affectiones perturbantur,
præcepta suppeditantur alijs in libris, quos poteris
mecum legere, cum uoles. Ad id autem, quod te uel-
le senseram, cumulate satisfactum esse debet uolun-
tati tuæ. nam ne præterirem aliquid, quod ad argu-
mentum in omni ratione reperiendum pertineret, plu-
ra, quàm à te desiderata erant, sum complexus:
scilicet; quod sæpe liberales uenditores solent, ut,
cum ædes fundum uel uendiderint, rutis cæ-
sis receptis, concedant tamen aliquid em-
ptori, quod ornandi causa apte, &
loco positum esse uideatur. sic tibi
nos ad id, quod quasi mancipio
dare debuimus, ornamen-
ta quædam uoluimus
non debita ac-
cedere.

M. TVLLII CICERONIS DE
PARTITIONE ORATORIA
DIALOGVS.

CICERO FILIVS.

TVDEO, mi pater, Latine ex te audire
Sca, quæ mihi de ratione dicendi Græce tra-
didisti, si modo tibi est otium, & si uis. C.
Pater. An est, mi Cicero, quod ego malim, quàm te,
quandoctissimum esse? Otium autem primum est
summum, quoniam aliquando Roma exeuadi pote-
stas data est: deinde ista tua studia uel maximis ocu-
pationibus meis anteferrem libenter. C. Filius. Vis ne
igitur, ut tu me Græce soles ordine interrogare, sic
ego te uicissim eisdem de rebus Latine interrogem? C.
P. Sane, si placet, sic enim & ego te meminisse intel-
ligam, quæ accepisti: & tu ordine audies, quæ requi-
ris. C. F. Quot in partes distribuenda est omnis do-
ctrina dicendi? C. P. In tres. C. F. Cedo quas? C. P.
Primum in ipsam uim oratoris, deinde in orationem,
tum in quæstionem. C. F. in quo est ipsa uis? C. P. In
rebus, & uerbis. sed & res, & uerba inuenienda sunt,
& collocanda. Proprie autem in rebus inuenire, in
uerbis eloqui dicitur. Collocare autem, etsi est commu-
ne, tamen ad inueniendum refertur. Vox, motus,
uultus, atque omnis actio eloquendi comes, est. ea-
rumq; omnium custos est memoria. C. F. Quid, ora-
tionis quot sunt partes? C. P. Quatuor. Earum duæ

valent ad rem docendam, narratio, & confirmatio:
Ad impellendos animos duæ, principium & peroratio. C. F. Quid, quæstio quasnam habet partes? C. P. Infinitam, quam consultationem appello; & definitam, quam causam nomino.

C. F. QVONIAM igitur primum est inuenire oratoris, quid quæret? C. P. Ut inueniat quemadmodum fidem faciat eis, quibus uolet persuadere, & quemadmodum motum eorum animis afferat. C. F. Quibus rebus fides fit? C. P. Argumentis, quæ ducuntur ex locis, aut in re ipsa insitis, aut assumptis. C. F. Quos uocas locos? C. P. Eos, in quibus latent argumenta. C. F. Quid est argumentum? C. P. Probabile inuentum ad faciendam fidem. C. F. Quo modo igitur duo genera ista diuidis? C. P. Quæ sine arte putatur, ea remota appello, ut testimonia. C. F. Quid insita? C. P. Quæ inhaerent in ipsa re. C. F. Et testimoniorum quæ sunt genera? C. P. Diuinum, & humanum: diuinum, ut oracula, ut auspicia, ut uaticinationes, & responsa sacerdotum, aruspicum, coniectorum: humanum, quod spectatur ex auctoritate, & ex uoluntate, & ex oratione aut libera, aut expressa: in quo insunt scripta, pacta, promissa, iurata, quæ sita, C. F. Quæ sunt, quæ dicis insita? C. P. Quæ infixæ sunt rebus ipsis, tum ex toto, tum ex partibus, tum ex notatione, tum ex ijs rebus, quæ quodam modo affectæ sunt ad id, de quo quæritur. Et ad id totum, de quo differitur, tum definitio adhibetur, tum partium enumeratio, tum notatio uerbi. Ex ijs autem rebus, quæ quodam modo affectæ sunt ad id, de quo

ORATORIAE

queritur alia coniugata appellantur, alia ex genere, alia ex forma, alia ex similitudine, alia ex differentia, alia ex contrario, alia ex coniunctis, alia ex antecedentibus, alia ex consequentibus, alia ex repugnantibus, alia ex causis, alia ex affectibus, alia ex comparatione maiorum, aut parium, aut minorum: ut definitio, ut contrarium: ut ea quæ sunt ipsi, contrario ue eius aut similia, aut dissimilia, aut consentanea, aut dissentanea, aut ea, quæ sunt quasi coniuncta; aut ea, quæ sunt quasi pugnantia inter se: aut earum rerum, de quibus agitur, causæ: aut causarum euentus, id est, quæ sunt effecta de causis, ut distributiones, ut genera partium, generum ue partes, ut primordia rerum, & quasi præcurrentia, in quibus inest aliquid argumenti; ut rerum contentiones, quid maius, quid par, quid minus sit, in quibus aut naturæ rerum, aut facultates comparantur. C. F. Omnibus ne igitur ex his locis argumenta sumemus? C. P. Immo uero scrutabimur, & quæremus ex omnibus: sed adhibebimus iudicium, ut leuia semper reijciamus, nonnunquam etiam communia prætermittamus, & non necessaria. C. F. Quoniam de fide respondisti, uolo audire de motu. C. P. Loco tu quidem quæris; sed planius, quod uis, explicabitur, cum ad orationis ipsius, questionumq; rationem uenero. C. F. Quid sequitur igitur? C. P. Cum inueniris, collocare. Cuius in infinita questione ordo est idem fere, quem exposui, locorum. In definita autem adhibenda sunt illa etiam, quæ ad motus animorum pertinent. C. F. Quo modo igitur ista explicas? C. P.

Habeo communia praecepta fidem faciendi, & commouendi: quoniam fides est firma opinio: motus autem, animi incitatio aut ad uoluptatem, aut ad molestiam, aut ad metum, aut ad cupiditatem. tot enim sunt motus genera, partes plures generum singulorum. Omnem collocationem ad finem accommodo questionis. nam est in proposito finis, fides; in causa & fides, & motus. quare cum de causa dixero, in qua est propositum, de utroque dixero. C. F. Quid habes igitur de causa dicere? C. P. Auditorum eam genere distinguere. Nam aut auscultator est modo qui audit, aut disceptator, id est rei sententiæq; moderator, ita ut delectetur, aut statuatur aliquid. Statuit autem aut de praeiudiciis, ut iudex; aut de futuris, ut senatus. Sic tria sunt genera, iudicii, deliberationis, exornationis: quæ, quia in laudationes maxime conferuntur, proprium habet iam ex eo nomen. C. F. Quas res sibi proponet in istis tribus generibus orator? C. P. Delectationem in exornatione; in iudicio autem seuitiam: aut clementiam iudicis; in suasionem autem aut spem, aut reformationem deliberantis. C. F. Cur igitur exponis hoc loco genera controuersiarum? C. P. Ut rationem collocandi ad finem cuiusque accommodem. C. F. Quonam tandem modo? C. P. Quia, quibus in orationibus delectatio finis est, uarij sunt ordines collocandi. Nam aut temporum seruantur gradus, aut generum distributiones; aut à minoribus ad maiora ascendimus; aut à maioribus ad minora delabimur; aut hæc inæquali uarietate distinguimus, cum parua magnis.

ORATORIAE

simplicia coniunctis, obscura dilucidis, lata tristibus, incredibilia probabilibus inteximus: quæ in exornationem cadunt omnia. C.F. Quid? in deliberatione quid spectas? C.P. Principia uel non longa, uel saepe nulla. sunt enim ad audiendum, qui deliberant, sua causa parati? nec multum sane saepe narrandum est. est enim narratio præteritarum rerum, aut præsentium: suasio autem, futurarum. Quare ad fidem, & ad motum adhibenda est omnis oratio. C.F. Quid, in iudicijs quæ est collocatio? C.P. Non eadem accusatoris, & rei: quod accusator rerum ordinem persequitur, & singula argumenta quasi hasta in manu collocata uehementer proponit, concludit acriter, confirmat tabulis, decretis, testimoniis; accuratiusq; in singulis commoratur; perorationisq; præceptis, quæ ad incitandos animos ualent, & in reliqua oratione, paululum digrediens de cursu dicendi, utitur, & uehementius in perorando. est enim propositum, ut iratum efficiat iudicem. C.F. Quid faciendum est contra reo? C.P. Omnia longe secus. Sumenda principia ad beneuolentiam conciliandam. Narrationes aut amputanda, quæ ledunt: aut relinquenda, si totæ sunt molestæ. Firmamenta ad fidem posita, aut per se diluenda, aut obscuranda, aut digressionibus obruenda. Perorationes autem ad misericordiam conferenda. C.F. Semper ne igitur ordinem collocandi, quem uolumus, tenere possumus? C.P. Non sane. Nam auditorum aures moderantur oratori prudenti, & prouido: & quod respuunt, immutandum est. C.F. Expone deinceps, quæ ipsius orationis, uerborumq; præ-

cepta
sua spo
prima
cunda
cunda
parum
su: Rep
similia
iustitiam
in uerbo
ra, ut in
quodam
tem, cum
aut addi
oratore
lia sume
et, quib
mus, qu
quidam
Habeo
quaro
seruato
metiam
sueris,
bus, ne
becur
est La
quens
plicia
mina

cepta sunt. C. P. Vnum igitur genus est eloquendi
sua sponte fusum, alterum uersum atque mutatum.
Prima uis est in simplicibus uerbis, in coniunctis se-
cunda. Simplicia inuenienda sunt, coniuncta collo-
canda sunt. Et simplicia uerba partim natia sunt,
partim reperta. Natia ea, quae significata sunt sen-
su: Reperta, quae ex his facta sunt, & nouata aut
similitudine, aut imitatione, aut inflexione, aut ad-
iunctione uerborum. Atque etiam est haec distinctio
in uerbis, altera natura, tractatione altera. Natu-
ra, ut sint alia consonantiora, grauiora, leniora, &
quodam modo nitidiora, alia contra. Tractatione au-
tem, cum aut propria sumuntur rerum uocabula,
aut addita ad nomen, aut noua, aut praeca, aut ab
oratore modificata, & inflexa quodam modo: qua-
lia sunt ea, quae transferuntur, aut immutantur; aut
ea, quibus tanquam abutimur: aut ea, quae obscura-
mus, quae incredibiliter tollimus, quaeq; mirabilis,
quam sermonis consuetudo patitur, ornamus. C. F.
Habeo de simplicibus uerbis: nunc de coniunctione
quaro. C. P. Numeri quidam sunt in coniunctione
seruandi, consecutioq; uerborum. Numeros aures ipsae
metiuntur, ne aut non compleas uerbis quod propo-
sueris, aut redundes. Consecutio autem, ne generi-
bus, numeris, temporibus, personis, casibus pertur-
betur oratio. nam ut in simplicibus uerbis, quod non
est Latinum, sic in coniunctis, quod non est conse-
quens, uituperandum est. Communia autem sim-
plicium coniunctorumq; sunt haec quinque quasi lu-
mina, dilucidum, breue, probabile, illustre, suauis.

ORATORIAE

Dilucidum sit usitatis uerbis, proprijs, dispositis, aut circumscriptione conclusa, aut intermissione, aut concisione uerborum. Obscurum autem aut longitudo, aut contractione orationis, aut ambiguitate, aut inflexione, atque immutatione uerborum. Breuitas autem conficitur simplicibus uerbis, semel unaquaque re dicenda, nulli rei, nisi ut dilucide dicas, seruiendo. Probabile autem genus est orationis, si non nimis est comptum atque expolitum, si est auctoritas & pondus in uerbis: si sententiae uel graues, uel aptae opinionibus hominum, & moribus. Illustris autem oratio est, si & uerba grauitate delecta ponuntur, ac translata, & superlata, & ad nomen adiuncta, & duplicata, & idem significantia, atque ab ipsa actione atque imitatione rerum non abhorrentia. est enim haec pars orationis, quae rem constituat pene ante oculos. is enim maxime sensus attingitur: sed ceteri tamen, & maxime mens ipsa moueri potest. Sed quae dicta sunt de oratione dilucida, cadunt in hanc illustrem omnia. est enim plus aliquanto illustre, quam illud dilucidum. altero fit, ut intelligamus; altero uero, ut uidere uideamur. Suauis autem genus erit dicendi, primum elegantia & iucunditate uerborum sonantium & lenium; deinde coniunctione, quae neque asperos habeat concursus, neque disiunctos atque hiantes; & sit circumscripta non longo anfractu, sed ad spiritum uocis apto; habeatque similitudinem aequalitatemque uerborum: tum ex contrarijs sumpta uerbis, crebra crebris, paria paribus respondeant; relataque ad idem uerborum, & geminata atque duplicata, uel

etiam
cum co
relaxat
inuisum
enim qu
que ma
gnificat
minuat
mano, d
augendi
ab orator
feri mag
is praece
uarius
nobis est
F. Reli
aque m
tum in
in uerbo
in uerbo
propriu
in plura
nitio ad
ba rem
coniunct
etis ad
non ut
semel
inueni
troque

etiam sepius iterata ponatur; constructioq; uerborum
tum coniunctionibus copuletur, tum dissolutionibus
relaxetur. Fit etiam suavis oratio, cum aliquid aut
inuisum, aut inauditum, aut nouum dicas. delectat
enim quidquid est admirabile, maximeq; mouet ea,
quæ motum aliquem animi miscet, oratio, quæq; si-
gnificat oratoris ipsius amabiles mores: qui expri-
muntur aut significando iudicio ipsius, ex animo hu-
mano, ac liberali; aut inflexione sermonis, cum, aut
augendi alterius, aut minuendi sui causa, alia dici
ab oratore, alia existimari uidentur, idq; comitate
feri magis, quàm uanitate. Sed multa sunt suauita-
tis præcepta, quæ orationem aut magis obscuram, aut
minus probabilem faciunt. itaque etiam hoc loco
nobis est ipsis, quid causa postulet, indicandum. C.
F. Reliquum est igitur, ut dicas de conuersa oratione
atque mutata. C. P. Est itaque id genus totum si-
cum in commutatione uerborum: quæ simplicibus
in uerbis ita tractatur, ut aut ex uerbo dilatetur, aut
in uerbum contrahatur oratio. Ex uerbo, cum aut
proprium, aut idem significans, aut factum uerbum
in plura uerba diducitur. Ex oratione, cum aut defi-
nitio ad unum uerbum reuocatur: aut assumpta uer-
ba remouentur; aut in circuitus diriguntur; aut in
coniunctione fit unum uerbum ex duobus. In coniun-
ctis autem uerbis triplex adhiberi potest commutatio,
non uerborum, sed ordinis tantummodo: ut, cum
semel dictum sit directe, sicut natura ipsa rulerit,
inuertatur ordo, & idem quasi sursum uersus re-
troq; dicatur, deinde idem intercise atque permiste.

O R A T O R I A E

Eloquendi autem exercitatio maxime in hoc toto conuertendi genere uersatur. C. F. Aetio igitur sequitur, ut opinor. C. P. Est ita: quæ quidem oratori & cum rerum, & cum uerborum momentis commutanda maxime est, facit enim & dilucidam orationem, & illustrem, & probabilem, & suauem, non uerbis, sed uarietate uocum, motu corporis, uultu: quæ plurimum ualebunt, si cum orationis genere consentient, eiusq; uim ac uarietatem subsequenter. C. F. Nunquidnam de oratore ipso restat? C. P. Nihil sane præter memoriam, quæ est gemina literaturæ quodam modo, & in dissimili genere persimilis. nam ut illa constat ex notis literarum, & ex eo, in quo imprimuntur illæ notæ: sic confectio memoriæ tanquam cera locis utitur, & in his imagines ut literas collocat.

C. F. QVONIAM igitur uis oratoris omnis exposita est, quid habes de orationis præceptis dicere? C. P. Quatuor esse eius partes: quarum prima & postrema ad motum animi ualeat: is enim initijs est, & perorationibus concitandus. Secunda narratio, & tertia confirmatio fidem facit orationi. Sed amplificatio quanquam habet proprium locum, sæpe etiam primum, postremum quidem fere semper, tamen reliquo in cursu orationis adhibenda est, maximeq; cum aliquid aut confirmatum est, aut reprehensum. itaque ad fidem quoque uel plurimum ualeat. est enim amplificatio, uehemens quædam argumentatio, ut illa docendi causa sit, hæc commouendi. C. F. Perge igitur ordine quatuor mihi istas partes explicare. C. P. Faciam, & à principijs primum or-

diar. Quæ quidem ducuntur aut ex personis, aut ex rebus ipsis. Sumuntur autem trium rerum gratia: ut amice, ut intelligenter, ut attente audiamur. Quorum primus locus est in personis nostris, disceptatorum, aduersariorum: è quibus initia beniuolentiæ conciliandæ comparantur aut meritis nostris, aut dignitate, aut aliquo genere uirtutis, & maxime liberalitatis, officij, iustitiæ, fidei: contrarijs rebus in aduersarios conferendis, & cum ijs, qui disceptant, aliqua coniunctionis aut causa, aut spe significanda: & si in nos aliquod odium offensio ue collocata sit, tollenda ea minuenda ue, aut diluendo, aut extenuando, aut compensando, aut deprecando. Intelligenter autem ut audiamur, & attente, à rebus ipsis ordiendum est. Sed facillime auditor discit, & quid agatur intelligit, si complectare à principio genus, naturamq; causæ, si definias, si diuidas, si neque prudentiam eius impediatis confusione partium, nec memoriam multitudine: quæq; mox de narratione dilucida dicentur, eadem etiam huc poterunt recte referri. Ut attente autem audiamur, trium rerum aliqua consequemur. nam aut magna quedam proponemus, aut necessaria, aut coniuncta cum ipsis, apud quos res agetur. Sit autem hoc etiam in præceptis, ut, si quando tempus ipsum, aut res, aut locus, aut interuentus alius, aut interpellatio, aut ab aduersario dictum aliquod, & maxime in perorando, dederit occasionem nobis aliquam ut dicamus aliquid ad tempus apte, ne derelinquamus: & quæ suo loco de amplificatione dicemus, multa ex ijs poterunt ad principiorum præcepta trans-

ORATORIAE

ferri. C. F. Quid, in narratione quæ tandem conser-
uanda sunt? C. P. Quoniam narratio est rerum expli-
catio, & quædam quasi sedes ac fundamentum con-
stituendæ fidei, ea sunt in ea seruanda maxime, quæ
etiam in reliquis ferè dicendi partibus, quæ partim
sunt necessaria, partim sunt assumpta ad ornandum.
nam ut dilucide, probabiliterq; narremus, necessarium
est: sed assimimus etiam suauitatem. ergo ad dilu-
cide narrandum eadem illa superiora explicandi &
illustrandi præcepta repetemus, in quibus est breuitas,
eâq; sæpissime in narratione laudatur, de qua supra
dictum est. Probabilis autem erit, si personis, si tem-
poribus, si locis ea, quæ narrabuntur, consentient; si
cuiusque facti & euenti causa ponetur; si testata dici
uidebuntur, si cum hominum opinione, auctoritate,
si cum lege, cum more, cum religione coniuncta; si
probitas narrantis significabitur, si antiquitatis me-
moria, si orationis ueritas, & uitæ fides. Suauis au-
tem narratio est, quæ habet admirationes, expectatio-
nes, exitus inopinatos, si interpositos motus animo-
rum, colloquia personarum, dolores, iracundias, me-
tus, letitias, cupiditates. Sed iam ad reliqua perga-
mus. C. F. Nempe ea sequuntur, quæ ad faciendam
fidem pertinent. C. P. Ita est: quæ quidem in confir-
mationem, & in reprehensionem diuiduntur. nam
in confirmando nostra probare uolumus, in repre-
hendendo redarguere contraria. Quoniam igitur
omne, quod in controuersiam uenit, id aut sit nec ne,
aut quid sit, aut quale sit, quæritur: in primo con-
iectura ualet, in altero definitio, in tertio ratio. C. F.

Tenac
quero.
tis posita
simile,
procliuio
argumen
declarat
partibus
personis
is, in re
sonis nat
ra, uiri
hac quida
dam affe
aut quæ
luptate,
stantur
qui, affi
tas, &
illa natu
tuosi, le
an apri
bres, &
rum g
fani.
ta, &
tia, in
sunt e
natio
aut d

Teneo istam distributionem . nunc coniecturæ locos
quæro. C.P. In uerisimilibus, & in proprijs rerum no-
tis posita est tota . Sed appellemus docendi gratia ueri-
simile, quod plerunque ita fiat : ut adolescentiam
procliuorem esse ad libidinem . Propriæ autem notæ
argumentum, quod nunquam aliter fit, certumq;
declarat, ut fumus ignem . Verisimilia reperiuntur ex
partibus, & quasi membris narrationis . ea sunt in
personis, in locis, in temporibus, in factis, in euen-
tis, in rerum ipsarum negotiorumq; naturis . In per-
sonis naturæ primum spectantur, ualitudinis, figu-
ræ, uirium, ætatis, marium, foeminarum : atque
hæc quidem in corpore . Animi autem, aut quemadmo-
dum affecti sunt, uirtutibus, uitijs, artibus, inertijs :
aut quemadmodum commoti, cupiditate, metu, uo-
luptate, molestia . Atque hæc quidem in natura spe-
ctantur . In fortuna, genus, amicitie, liberi, propin-
qui, affines, opes, honores, potestates, diuitie, liber-
tas, & ea, quæ sunt his contraria . In locis autem &
illa naturalia, maritimi, an remoti à mari, plani, an mō-
tuosi, lenes, an asperi, salubres, an pestilentes, opaci,
an aprici : & illa fortuita, culti, an inculti, cele-
bres, an deserti, coadificati, an uasti, obscuri, an re-
rum gestarum uestigijs nobilitati, consecrati, an pro-
fani . In temporibus autem, præsentia, & præteri-
ta, & futura cernuntur : in his ipsis, uetusta, recen-
tia, instantia paulo post, aut aliquanto futura . In-
sunt etiam in temporibus illa, quæ temporis quasi
naturam notant, ut hiems, uer, æstas, autumnus :
aut anni tempora, ut mensis, ut dies, ut nox, ho-

ORATORIAE

ra, tempestas, quæ sunt naturalia. Fortuita autem, sacrificia, festi dies, nuptiæ. Iam facta, & euentus aut consilij sunt, aut imprudentiæ: quæ est aut in casu, aut in quadam animi permotione. Casu, cum aliter accidit, ac putatum sit. Permotione, cum aut obliuio, aut error, aut metus, aut aliqua cupiditatis causa permouit. Est etiam in imprudentia necessitas ponenda. Rerum autem bonarum, & malarum tria sunt genera. Nam aut in animis, aut in corporibus, aut extra esse possunt. Huius igitur materiæ, ad argumentum subiectæ, perlustrandæ animo partes erunt omnes, & ad id, quod agetur, ex singulis coniectura capienda. Est etiam genus argumentorum aliud, quod ex facti uestigijs sumitur, ut telum, cruor, clamor editus, titubatio, permutatio coloris, oratio inconstans, tremor, & eorum aliquid, quod sensu percipi possit, etiam si præparatum aliquid, si communicatum cum aliquo, si postea uisum, auditum, indicatum. Verisimilia autem partim singula mouent suo pondere, partim, etiam si uidentur esse exigua per se, multum tamen, cum sunt coaceruata, proficiunt. Atque in his uerisimilibus insunt nonnunquam etiam certæ rerum & propriæ notæ. Maximam autem facit fidem ad similitudinem ueri primum exemplum, deinde introducta rei similitudo: fabula etiam nonnunquam, etsi sit incredibilis, tamen homines commouet. C. F. Quid, definitionis quæ ratio est, & quæ uia? C. P. Non dubium est id quidem, quin definitio genere declaretur, & proprietate quadam, aut etiam communium frequentia,

frequen
sed quon
sensio,
ex diffin
piones q
meratio
fere ea,
quarum
etiam co
bium. C
eo gener
aut aliq
cine, au
necessita
perturbat
contra co
ris disce
quo qua
et ne d
corum
nam in
oratione
de rep
quod p
etum
ea, q
bia si
falsis
non e
gula

frequentia, ex quibus proprium quid sit eluceat: sed quoniam de proprijs oritur plerunque magna dissensio, definiendum est saepe ex contrarijs, saepe etiam ex dissimilibus, saepe ex paribus. Quamobrem descriptiones quoque sunt in hoc genere saepe aptae, & enumeratio uocabuli ac nominis. C. F. Sunt exposita iam ferè ea, quae de facto, quaeq; de facti appellatione quaeruntur. Nempe igitur ea restant, quae, cum factum constat, & nomen, qualia sunt, uocatur in dubium. C. P. Est itz ut dicis. C. F. Quae sunt igitur in eo genere partes? C. P. Aut iure factum depellitur, aut ulciscendi doloris gratia, aut pietatis, aut pudicitiae, aut religionis, aut patriae nomine, aut denique necessitate, inscitia, casu. Nam quae motu animi & perturbatione facta sine ratione sunt, ea defensionem contra crimen in legitimis iudicijs non habent, in liberis disceptationibus habere possunt. Hoc in genere, in quo quale sit quaeritur, ex controuersia, iure, & rectè ne actum sit, quaeri solet: quorum disputatio ex locorum descriptione sumenda est C. F. Agesis ergo, quoniam in confirmationem, & reprehensionem diuiseras orationis fidem, & dictum de altero est, expone nunc de reprehendendo. C. P. Aut totum est negandum, quod in argumentatione aduersarius sumpserit, si factum aut falsum esse possis dicere: aut redarguenda ea, quae pro uerisimilibus sumpta sunt. Primum dubia sumpta esse pro certis. Deinde etiam in perspicue falsis eadem posse dici. Tum ex ijs, quae sumpserint, non effici, quae uelint. Accedere autem oportet ad singula: sic uniuersa franguntur. Commemoranda sunt

ORATORIAE

etiam exempla, quibus simili in disputatione creditum non sit: conquerenda conditio communis periculi, si ingenijs hominum criminoforum sit exposita uita innocentium. C. F. Quoniam, unde inueniuntur quæ ad fidem pertinent, habeo; quemadmodum in dicendo singula tractentur, expecto. C. P. Argumentationem quærere uideris, quæ est argumenti explicatio: quæ sumpta ex ijs locis, qui sunt expositi, conficienda, & distinguenda dilucide est. C. F. Plane istuc ipsum desidero. C. P. Est ergo, ut supra dictum est, explicatio argumenti argumentatio: sed ea conficitur, cum sumpseris aut non dubia, aut probabilia, ex quibus id efficias quod aut dubium, aut minus probabile per se uidetur. Argumentandi autem duo sunt genera: quorum alterum ad fidem directo spectat; alterum se inflectit ad motum. Dirigitur, cum proposuit aliquid, quod probaret, sumpsitq; ea, quibus uteretur; atque his confirmatis, ad propositum se se retulit, atque conclusit. Illa autem altera argumentatio quasi retro, & contra prius sumit quæ uult, eaq; confirmat: deinde id, quod proponendum fuit, per motis animis iacet ad extremum. Est autem illa uarietas in argumentando, & non iniucunda distinctio: ut cum interrogamus nosmet ipsos, aut percunctamur, aut imperamus, aut optamus: quæ sunt cum alijs compluribus sententiarum ornamenta. Vitare autem similitudinem poterimus, non semper à proposito ordientes: & si non omnia confirmando disputabimus, breuiterq; interdum, quæ erunt satis aperta, ponemus: quodq; ex his efficietur, si id apertum sit, non habebimus necesse semper conclude-

re. C. F.
iandud
nam loc
eo dicu
parie or
ctat, &
quàm id
te reru
dumq; e
& de si
ignom
impulsi
superior
dicum n
est, &
ni pers
quàm in
glexeru
sent, li
consuet
nim to
eos, qu
Neque
sunt ex
in com
currit
tio.
aut in
etiam
C. F.

re. C. F. Quid illa, quæ sine arte appellantur, quæ iandudum assumpta dixisti, ecquonam modo, ecquonam loco artis indigent? C. P. Illa uero indigent, nec eo dicuntur sine arte, quòd ita sunt, sed quòd ea non parit oratoris ars, sed foris ad se delata, tamen arte tractat, & maxime in testibus. nam de toto genere testiũ, quàm id sit infirmum, sæpe dicendum est, & argumenta rerum esse propria, testimonia uoluntatum: utendumq; est exemplis, quibus testibus creditum non sit: & de singulis testibus, si natura uani, si leues, si cum ignominia, si spe, si metu, si iracundia, si misericordia impulsì, si præmio, si gratia adducti, comparandiq; superiore cum auctoritate testum, quibus tamen creditum non sit. Sæpe etiam quæstionibus resistendum est, & quòd dolorem fugientes multi in tormentis ementiti persæpe sunt, mori q; maluerunt falsum fatendo, quàm inficiando dolere. Multi etiam suam uitam neglexerunt, ut eos, qui his chariores, quàm ipsi sibi essent, liberarent. Alij autem aut natura corporis, aut consuetudine dolendi, aut metu supplicij, aut mortis, uim tormentorum pertulerunt. Alij ementiti sunt in eos, quos oderant. Atque hæc exemplis firmanda sunt. Neque est obscurum, quin, quoniam in utraque parte sunt exempla, & item ad coniecturam faciendam loci, in contrarijs contraria sint sumenda. Atque etiam incurrit alia quedam in testibus, & in quæstionibus ratio. Sæpe enim ea, quæ dicta sunt, si aut ambigue, aut inconstanter, aut incredibiliter dicta sunt, aut etiam aliter ab alio dicta, subtiliter reprehenduntur. C. F. Extrema tibi pars restat orationis, quæ posita in

ORATORIAE

perorando est: de qua sane uelim audire. C. P. Facili-
 or est explicatio perorationis. Nam est diuisa in duas
 partes, amplificationem, & enumerationem. Augendi
 autem & hic est proprius locus in perorando: & in cur-
 su ipso orationis declinationes ad amplificandum dan-
 tur confirmata re aliqua, aut reprehensa. Est igitur
 amplificatio, grauior quaedam affirmatio, quae motu
 animorum conciliet in dicendo fidem. ea & uerborum
 genere conficitur, & rerum. Verba ponenda sunt, quae
 uim habeant illustrandi, nec ab usu sint abhorrentia,
 graui, plena, sonantia, iuncta, facta, cognominata,
 non uulgata, superlata, in primisq; translata, nec in
 singulis uerbis, sed in continentibus soluta, quae dicim-
 tur sine coniunctione, ut plura uideantur. Augent
 etiam relata uerba, iterata, duplicata, & ea, quae ascen-
 dunt gradatim ab humilioribus uerbis ad superiora,
 omninoq; semper quasi naturalis, & non explanata
 oratio, sed grauius referta uerbis ad augendum ac-
 commodatio. Haec igitur uerbis: quibus actio uocis,
 uultus, & gestus congruens, & apta ad animos per-
 mouendos accommodata est. Sed & in uerbis, & in
 actione causa erit tenenda, & pro re agenda. Nam
 haec, quia uidentur perabsurda, cum grauiora sunt,
 quam causa; diligenter fere, quid quenque deceat, iu-
 dicandum est. Rerum amplificatio sumitur eisdem locis
 omnibus, quibus illa, quae dicta sunt ad fidem: ma-
 ximeq; definitiones ualent conglobatae, & consequen-
 tium frequentatio, & contrariarum, & dissimilium,
 & inter se pugnantium rerum conflictio: & causae,
 & ea, quae sunt de causis orta, maximeq; similitudi-

nos &
 loqua
 uer,
 nus.
 Natur
 cause,
 quibus
 multa
 prodes
 ra ad a
 tur hon
 amore
 familia
 carum
 tem na
 retinen
 incitan
 gendi
 nihil e
 Et hoc
 cadat
 eat, a
 expre
 serin
 tione
 dilig
 iam
 aug
 exor
 poss

nes & exempla: fictæ etiam personæ, muta denique loquantur: omninoq; ea sunt adhibenda, si causa patitur, quæ magna habentur: quorum est duplex genus. Alia enim magna natura uidentur, alia usu: Natura, ut cœlestia, ut diuina, ut ea quorum obscuræ causæ, ut in terris mundoq; admirabilia quæ sunt, ex quibus similibusq; si attendas, ad augendum permulta suppetunt. Vsu, quæ uidentur hominibus aut prodesse, aut obesse uehementius: quorum sunt genera ad amplificandum tria. Nam aut charitate mouentur homines, ut deorum, ut patriæ, ut parentum; aut amore, ut fratrum, ut coniugum, ut liberorum, ut familiarium; aut honestate, ut uirtutum, maximeq; earum, quæ ad communionem hominum, & liberalitatem ualent. Ex ijs & cohortationes sumuntur ad ea retinenda, & in eos, à quibus ea uiolata sunt, odia incitantur, & miseratio nascitur. Proprius locus augendi in ijs rebus aut amissis, aut amittendi periculo. nihil est enim tam miserabile, quàm ex beato miser. Et hoc totum quidem moueat, si bona ex fortuna quis cadat: & à quorum charitate diuellatur, quæ amittat, aut amiserit, in quibus malis sit, futurus ue sit, exprimatur breuiter. Cito enim arefcit lacryma, præsertim in alienis malis. Nec quidquam in amplificatione nimis enucleandum est: minuta est enim omnis diligentia, hic autem locus grandia requirit. Illud iam est iudicij, quo quaque in causa genere utamur augendi. In illis enim causis, quæ ad delectationem exornantur, ij loci tractandi sunt, qui mouere possunt expectationem, admirationem, uolupta-

O R A T O R I A E

tem. In cohortationibus autem bonorum, ac malorum enumerationes, & exempla ualent plurimum. In iudicijs accusatori fere, quæ ad iracundiam; reo plerumque, quæ ad misericordiam pertinent. Nonnunquam tamen accusator misericordiam mouere debet, & defensor iracundiam. Enumeratio reliqua est, nonnunquam laudatori, suatori non sæpe, accusatori sapius, quàm reo necessaria. Huius ipsa tempora duo sunt, si aut memoria diffidas eorum, apud quos agas, uel interuallo temporis, uel longitudine orationis; aut, frequentatis firmamenti orationis, & breuiter expositis, uim est habitura causa maiorem. Et reo rarius utendum est, quòd ponenda sunt contraria: quorum dissolutio in breuitate latebit, aculei pungent. Sed erit in enumeratione uitandum, ne ostentatio memoriæ suscepta, uideatur esse puerilis. id effugiet, qui non omnia minima repetet, sed breui singula attingens, pondera rerum ipsa comprehendet.

C. F. Q V O N I A M & de ipso oratore, & de oratione dixisti, expone eum mihi nunc, quem ex tribus extremum proposuisti questionis locum. C. P. Duo sunt, ut initio dixi, questionum genera: quorum alterum, finitum temporibus, & personis, causam appello: alterum infinitum, nullis neque personis, neque temporibus notatum, propositum uoco. Sed est consultatio quasi pars causæ quædam. Inest enim infinitum in definito, & ad illud tamen referuntur omnia. Quamobrem prius de proposito dicamus, cuius genera sunt duo: cognitionis alterum: cuius scientia est finis, ut, ueri ne sint sensus; alterum actionis, quod refer-

tur ad efficiendum quid, ut si quærat^rur quibus offici-
 cius amicitia colenda sit. Rursus superioris genera sunt
 tria: sit nec ne, quid sit, quale sit. sit nec ne, ut ius in
 natura sit, an in more. Quid autem sit, sit ne ius id
 quod maiori parti sit utile. Quale autem sit, iuste ui-
 uere sit, nec ne, utile. Actionis autem duo sunt genera:
 unum, ad persequendum aliquid, aut declinandum;
 ut quibus rebus adipisci gloriam possis, aut quo modo
 inuidia uitetur: alterum, quod ad aliquod commo-
 dum usumq; refertur: ut quemadmodum sit resp. ad-
 ministranda, aut quemadmodum in paupertate uiuen-
 dum. Rursus autem ex cognitionis consultatione, ubi,
 sit nec ne, aut fuerit, futurum^r ue sit, quæritur; unum
 genus est quæstionis, possit ne aliquid effici; ut, cum
 quæritur, ecquisnam perfecte sapiens esse possit: alte-
 rum, quemadmodum quidque fiat: ut quonam pacto
 uirtus pariat^rur, naturā ne, an ratione, an usu. Cuius
 generis sunt omnes, in quibus, ut in obscuris naturali-
 busq; quæstionibus, causæ rationesq; rerum explican-
 tur. Illius autem generis, in quo, quid sit id, de quo
 agitur, quæritur, duo sunt genera: quorum in alte-
 ro disputandum est, aliud an idem sit, ut pertinacia
 & perseverantia: in altero autem descriptio generis
 alicuius, & quasi imago exprimenda est, ut qualis
 sit auarus, aut quid sit superbia. Tertio autem in ge-
 nere, in quo, quale sit, quæritur, aut de honestate, aut
 de utilitate, aut de æquitate dicendum est. De hone-
 state sic: ut Honestum^r ne sit pro amico periculum, aut
 inuidiam subire. De utilitate autem sic: ut, Sit^r ne
 utile in rep. administranda uersari. De æquitate

O R A T O R I A E

uero sic: ut, Sit ne æquum amicos cognatis antefere-
 re. Atque in hoc eodem genere, in quo, quale sit,
 quæritur, exoritur aliud quoddam disputandi genus.
 Non enim simpliciter solum quæritur quid honestum
 sit, quid utile, quid æquum; sed etiam ex comparatio-
 ne, quid honestius, quid utilius, quid æquius, atque
 etiam quid honestissimum, quid utilissimum, quid
 æquissimum: cuius generis illa sunt, quæ præstantis-
 sima sit dignitas uitæ. Atque ea quidem, quæ dixi, co-
 gnitionis sunt omnia. Restant actionis, cuius alterum
 est præcipiendi genus, quod ad rationem officij pertinet,
 ut, quemadmodum colendi sint parentes. Alterum au-
 tem ad sedandos animos, & oratione sanandos, ut in
 consolandis mæroribus, ut in iracundia comprimenda,
 aut in timore tollendo, aut in cupiditate minuenda.
 Cui quidem generi contrarium est disputandi genus ad
 eosdem illos animi motus, quod in amplificanda oratio-
 ne sæpe faciendum est, uel gignendos, uel concitandos.
 Atque fere hæc est partitio consultationum. C. F. Co-
 gnoui: sed, quæ ratio est in his inueniendi, & dispo-
 ni, requiro. C. P. Quid? tu aliam ne censes, & non
 eandem esse quæ est exposita, ut ex eisdem locis ad fi-
 dem, & ad inueniendum ducantur omnia? Collocandi
 autem quæ est exposita in alijs ratio, eadem huc trans-
 fertur. Cognita igitur omni distributione propositarum
 consultationum causarum genera restant omnino. Et
 earum quidem forma duplex est: quarum altera dele-
 ctationem sectatur aurium; alterius, ut obtineat, pro-
 bet, & efficiat quod agit, omnis est suscepta contentio.
 Itaque illud superius exornatio dicitur: quod cum la-

eum genus esse potest, sanèq; uarium, unum ex eo delegimus, quod ad laudandos claros uiros suscepimus, & ad improbos uituperandos. genus enim nullum est orationis, quod aut uberius ad dicendum, aut utilius ciuitatibus esse possit, aut in quo magis orator in cognitione uirtutum, uitiorumq; uersetur. Reliquum autem genus causarum aut in prouisione posteritatis, aut in præteriti disceptatione uersatur: quorum alterum deliberationis est, alterum iudicii. Ex qua partitione tria genera causarum extiterunt, unum, quod à meliori parte laudationis est appellatum, deliberationis alterum, tertium iudiciorum. quamobrem de primo primum, si placet, disputemus. C. F. Mihi uero placet. C. P. Ac laudandi, uituperandiq; rationes, quæ non ad bene dicendum solum, sed etiam ad honeste uiuendum ualent, exponam breuiter, atque à principiis exordiar & laudandi, & uituperandi. Omnia enim sunt profecto laudanda, quæ coniuncta cum uirtute sunt: & quæ cum uitijs, uituperanda. Quamobrem finis alterius est honestas, alterius turpitudine. Conficitur autem genus hoc dictionis narrandis exponendisq; factis, sine ullis argumentationibus, ad animi motus leniter tractandos magis, quàm ad fidem faciendam, aut confirmandam, accommodatæ. non enim dubia firmanur, sed ea, quæ certa, aut pro certis posita sunt, augentur. quamobrem ex ijs, quæ ante dicta sunt, & narrandi, & augendi præcepta repetentur. Et quoniam in his causis omnis ratio fere ad uoluptatem auditoris, & ad delectationem refertur, utendum erit ijs in oratione singulorum uerborum insignibus, quæ habent pluri-

ORATORIAE

mum suauitatis : id est , ut factis uerbis , aut uetustis ,
 aut translatis frequenter utamur , & in ipsa constru-
 ctione uerborum ut paria paribus , & similia similibus
 saepe referantur , ut contraria , ut geminata , ut circun-
 scripta numero se non ad similitudinem uersuum , sed
 ad explendum aurium sensum , apto quasi quodam
 uerborum modo . Adhibendaq; frequentius etiam illa
 ornamenta rerum sunt , siue quæ admirabilia , nec opi-
 nata , siue significata monstris , prodigijs , & oraculis ,
 siue quæ uidebuntur ei , de quo agimus , accidisse diui-
 na atque fatalia . Omnis enim expectatio eius , qui au-
 dit , & admiratio , & improuisi exitus habent aliquam
 in audiendo uoluptatem . Sed quoniam in tribus gene-
 ribus bona , mala ue uersantur , externis , corporis , &
 animi : prima sunt externa , quæ ducuntur à genere :
 quo breuiter modicèq; laudato , aut , si erit infame , præ-
 termisso ; si humile , uel præterito , uel ad augendâ eius ,
 quem laudas , gloriam tacto ; deinceps , si res patiatur ,
 de fortunis erit & facultatibus dicendum . Postea de
 corporis bonis : in quibus quidem , quæ uirtutem maxi-
 me significat , facillime forma laudatur . Deinde est ad
 facta ueniendum : quorum collocatio triplex est : aut
 enim temporum seruandus est ordo , aut in primis re-
 centissimum quodque dicendum , aut multa , & uaria
 facta in propria uirtutum genera sunt dirigenda . Sed
 hic locus uirtutum , atque uitiorum latissime patens , ex
 multis , & uarijs disputationibus nunc in quandam an-
 gustam & breuem concludetur . Est igitur uis uirtutis
 duplex . Aut enim scientia cernitur uirtus , aut actio-
 ne . Nam , quæ prudentia , quæ calliditas , quæq; gra-

uissimo nomine sapientia appellatur, hæc scientia pol-
let una. Quæ uero moderandis cupiditatibus, regen-
disq; animi motibus laudatur, eius est munus in agen-
do, cui temperantiæ nomen est. Atque illa prudentia
in suis rebus domestica, in publicis ciuilibus appellari so-
let. Temperantia autem in suas itidem res, & in com-
munes distributa est: duobusq; modis in rebus commo-
dis discernitur, & ea, quæ absunt, non expetendo, &
ab ijs, quæ in potestate sunt, abstinendo. In rebus au-
tem incommodis est itidem duplex. nam quæ uenien-
tibus malis obstat, fortitudo: quæ, quod iam adest, to-
lerat & perfert, patientia nominatur. Quæ autem
hæc uno genere complectitur, magnitudo animi dici-
tur: cuius est liberalitas in usu pecuniæ, simulq; alti-
tudo animi in capiendis incommodis, & maxime in-
iurijs, & omne quod est eius generis, graue, infeda-
tum, & turbulentum. In communiōe autem quæ
posita pars est, iustitia dicitur, eaq; erga deos religio,
erga parentes pietas, uulgo autem bonitas, creditis in
rebus fides, in moderatione animaduertendi lenitas,
amicitia in beneuolentia nominatur. Atque hæc qui-
dem uirtutes cernuntur in agendo. Sunt autem aliæ
quasi ministræ comitesq; sapientiæ: quarum altera,
quæ sint in disputando uera, atque falsa, quibusq; po-
sitis quid sequatur, distinguit, & iudicat, quæ uirtus
omnis in ratione scientiaq; disputandi sita est: altera
autem oratoria. nihil enim est aliud eloquentia, nisi
copiose loquens sapientia: quæ ex eodem hausta gene-
re, quo illa, quæ in disputando, uberior est atque la-
tior, & ad motus animorum, uulgiq; sensus accom-

ORATORIAE

modatior. Custos uero uirtutum omnium, dedecus fugiens, laudemq; maxime consequens, uerecundia est. Atque hi sunt quidem fere quasi quidam habitus animi, sic affecti & constituti, ut sint singuli inter se proprio uirtutis genere destinati: à quibus ut quaque res gesta est, ita sit honesta necesse est, summeq; laudabilis. Sunt autem alij quidam perfecti animi habitus ad uirtutem, quasi praeculti, & preparati rectis studijs & artibus, ut in suis rebus, studia literarum, ut numerorum ac sonorum, ut mensurae, ut syderum, ut equorum, ut uenandi, ut armorum: in communibus, propensiora studia in aliquo genere uirtutis colendo, aut diuinis rebus deseruiendo, aut parentibus, amicis, hospitibus praecipue atque insigniter diligendis. Atque haec quidem uirtutum, uitiorum autem sunt genera contraria. Cernenda autem sunt diligenter, ne fallant ea nos uitia, quae uirtutem uidentur imitari. Nam & prudentiam malitia, & temperantiam immanitas in uoluptatibus aspernandis, & magnitudinem animi superbia in animis extollendis, & desipientia in contemnendis honoribus, & liberalitatem effusio, & fortitudinem audacia imitatur, & patientiam duritia immanis, & iustitiam acerbitas, & religionem superstitio, & lenitatem mollitia animi, & uerecundiam timiditas, & illam disputandi prudentiam concertatio captatioq; uerborum, & hanc oratoriã uim inanis quaedam profluẽtia loquendi. Studijs autẽ bonis similia uidentur ea, quae sunt in eodem genere nimia. Quamobrem omnis uis laudandi, uituperandiq; ex his sumetur uirtutum, uitiorumq; partibus:

sed in toto quasi contextu orationis hæc erunt illustranda maxime, quemadmodum quisque generatus, quemadmodum educatus, quemadmodum institutus, moratusq; fuerit: Et si quid cui magnum, aut incredibile acciderit, maximeq; si id diuinitus accidisse potuerit uideri: tum quod quisque senserit, dixerit, gesserit, ad ea, quæ proposita sunt, uirtutum genera accommodabuntur, ex illisq; iisdem inueniendi locis causæ rerum, Et euentus, Et consequentia requirentur. Neque uero mors eorum, quorum uita laudabitur, silentio præteriri debet, si modo quid erit animaduertendum aut in ipso genere mortis, aut in ijs rebus, quæ post mortem erunt consecutæ. C. F. Accepi ista, didiciq; breuiter, non solum quemadmodum laudarem alterum, sed etiam quemadmodum eniterer ut possem ipse iure laudari. Videamus igitur deinceps, in sententia dicenda quam uiam, Et quæ præcepta teneamus. C. P. Est igitur in deliberando finis utilitas, ad quem omnia ita referuntur in consilio dando, sententiaq; dicenda, ut illa prima sint suasori, aut dissuasori uidenda, quid aut possit fieri, aut non possit, Et quid aut necesse sit, aut non necesse. Nam Et si quid effici non potest, deliberatio tollitur, quamuis utile sit: Et si quid necesse est, (necesse autem id est, sine quo salui liberiue esse non possumus) id est reliquis Et honestatibus in auxilii ratione, Et commodis anteponendum. Cum autem quaeritur quid fieri possit, uidendum etiam est, quàm facile possit. nam quæ perdifficilia sunt, perinde habenda sæpe sunt, ac si effici non possint. Et cum

O R A T O R I A E

de necessitate attendemus, et si aliquid non necessarium uidebitur, uidendum tamen erit quàm sit magnum. quod enim permagni interest, pro necessario sæpe habetur. Itaque cum constet hoc genus causarum ex sua- sione, & dissuasione, suasori proponitur simplex ra- tio: si & utile est, & fieri potest, fiat. Dissuasori du- plex: una, si non utile est, ne fiat: altera, si fieri non potest, nec suscipiatur. Sic suasori utrunque docendum est, dissuasori alterum infirmare sat est. Quare quo- niam in his uersatur omne consilium duobus, de utili- tate ante dicamus, quæ in discernendis bonis, malisq; uersatur. Bonorum autem partim necessaria sunt, ut uita, pudicitia, libertas, ut liberi, coniuges, germani, parentes: partim non necessaria, quorum alia sunt per se expetenda, ut ea, quæ sita sunt in officijs atque uirtutibus: alia quòd aliquid commodi efficiunt, ut opes, & copia. Eorum autem, quæ propter se expectun- tur, partim honestate ipsa, partim commoditate ali- qua expetuntur. Honestate, ea, quæ proficiuntur ab ijs uirtutibus, de quibus paulo ante est dictum: quæ sunt laudabilia ipsa per se. Commoditate autem ali- qua, quæ sunt in corporis, aut fortunæ bonis expeten- da. Quorum alia sunt quasi quodam modo cum hone- state coniuncta, ut honos, ut gloria: alia diuersa, ut uires, forma, ualetudo, nobilitas, diuitiæ, clientelæ. Est etiam quasi quædam materies subiecta honestati, quæ maxime spectatur in amicitijs: amicitie autem chari- tate & amore cernuntur. Nam cum deorum, tum parentum, patriæq; cultus, eorumq; hominum, qui aut sapientia, aut opibus excellunt, ad charitatem re-

ferri
aliq;
etiam
tur.
tellect
tenere
spicua
porib;
ut uili
tentio
tuna p
tem reli
præcep
solum
autom
homin
ste, qu
ter uir
repona
institu
emola
lupta
ram
mus
rebus
gener
est.
fugia
tam
nore

ferri solet. Coniuges autem, & liberi, & fratres, & alij, quos usus familiaritasq; coniunxit, quanquam etiam charitate ipsa, tamen amore maxime continentur. In his igitur rebus, cum bona sint, facile est intellectu, quæ sint contraria. Quod si semper optima tenere possimus, haud sane, quoniam quidem ea perspicua sunt, consilio multum egeremus. sed quia temporibus, quæ uim habent maximam, per sepe euenit, ut utilitas cum honestate certet, earumq; rerum contentio plerumque deliberationes efficit, ne aut opportuna propter dignitatem, aut honesta propter utilitatem relinquuntur: ad hanc difficultatem explicandam præcepta referamus. Et quoniam non ad ueritatem solum, sed etiam ad opiniones eorum, qui audiunt, accommodanda est oratio: hoc primum intelligamus, hominum duo esse genera; alterum indoctum & agreste, quod anteferat semper utilitatem honestati; alterum expoliturum, quod rebus omnibus dignitatem anteponat. itaque huic generi laus, honor, gloria, fides, iustitia, omnisq; uirtus: illi autem alteri quæstus, emolumentum, fructusq; proponitur, atque etiam uoluptas, quæ maxime est inimica uirtuti, boniq; naturam fallaciter imitando adulterat: quam immanissimus quisque acerrime sequitur, neque solum honestis rebus, sed necessarijs anteponit. In suadendo, cum ei generi hominum consilium des, sepe sane laudanda est. Et illud uidendum, quanto magis homines mala fugiant, quàm sequantur bona. nam neque honesta expetunt, quàm deuitant turpia. quis enim honorem, quis gloriam, quis laudem, quis ullum decus

ORATORIAE

tam unquam expetat, quàm ut ignominiam, infamiam, contumeliam, dedecus fugiat; quarum rerum dolor grauis est. Est genus hominum ad honestatem natum, malo cultu, prauisq; opinionibus corruptum. Quare in cohortando, atque suadendo propositum quidem nobis erit illud, ut doceamus qua ui bona consequi, malaq; uitare possimus: sed apud homines bene institutos plurimum de laude, & de honestate dicemus: maximeq; ea uirtutum genera tractabimus, quæ in communi hominum utilitate tuenda, augendaq; uersantur. Sin apud indoctos imperitosq; dicemus; fructus, emolumenta, uoluptates, uitationesq; dolorum proferantur, addantur etiam contumeliæ atque ignominia. Nemo enim est tam agrestis, quem non, si ipsa minus honestas, contumelia tamen & dedecus magnopere moueat. Quare quod ad utilitatem spectat, ex ijs, quæ dicta sunt, reperietur. Quod autem possit effici, nec ne, in quo etiam, quàm facile possit, quàmq; expediat, quæri solet, maxime ex causis ijs, quæ quanque rem efficiant, est uidendum. Causarum autem genera sunt plura. Nam sunt aliæ, quæ ipsæ conficiunt: aliæ, quæ uim aliquam ad conficiendum afferunt. itaque illæ superiores conficientes uocentur: hæ reliquæ ponantur in eo genere, ut sine his confici non possit. Conficiens autem causa alia est absolutæ, & perfectæ per se; alia aliquid adiunans, & efficiendi socia quædam: cuius generis uis uaria est, & sæpe aut maior, aut minor, ut & illa, quæ maximam uim habet, sola sæpe causa dicatur. Sunt autem aliæ causæ, quæ aut propter principium, aut propter

propter
querita
fies effi
nam di
dicam
quos, q
ribus ar
rum, q
possimus
qua nob
uidenda
non solu
dum:)
incond
tas labe
rendæ,
nus locis
rum a
quo pl
in hoc
saria
uendos
erunt
dites
iniuri
to stat
& re
tem a
dem
tius d

propter exitum conficientes uocantur. Cum autem queritur quid sit optimum factu, aut utilitas, aut spes efficiendi ad assentiendum impellit animos. Et quoniam de utilitate iam diximus, de efficiendi ratione dicamus. Quo toto genere quibuscum, & contra quos, quo tempore, aut quo loco, aut quibus facultatibus armorum, pecuniæ, sociorum, earumue rerum, quæ ad quamque rem efficiendam pertinent, possimus uti, requirendum est. Neque solum ea sunt, quæ nobis suppetunt, sed etiam illa, quæ aduersantur, uidenda. Et si ex contentione procliuiora erunt nostra, non solum, effici posse quæ suademus, erit persuadendum: sed curandum etiam, ut illa facilia, procliuia, iucunda uideantur. Dissuadentibus autem aut utilitas labefactanda est, aut efficiendi difficultates effrendæ, neque alijs ex præceptis, sed ijsdem ex suasionis locis. Vterque uero ad augendum habeat exemplorum aut recentium, quæ notiora sint, aut ueterum, quo plus auctoritatis habeant, copiam. Maximeq; sit in hoc genere meditatus, ut possit uel utilia ac necessaria sæpe honestis, uel hæc illis anteferre. ad commouendos autem animos maxime proficient, si incitandi erunt, huiusmodi sententiæ, quæ ad explendas cupiditates, aut ad odium satiandum, aut ad ulciscendas iniurias pertinebunt. sin autem reprimendi, de incerto statu fortunæ, dubijsq; euentis rerum futurarum, & retinendis suis fortunis, si erunt secundæ; sin autem aduersæ, de periculo commonendi. Atque hi quidem sunt perorationis loci. Principia autem in sententijs dicendis breuia esse debebunt. non enim supplex

ORATORIAE

ut ad iudicem uenit orator, sed hortator atque auctor. Quare proponere, qua mente dicat, quid uelit, quibus de rebus dicturus sit, debet, hortariq; ad se breuiter dicentem audiendum. Tota autem oratio simplex, & grauis, & sententijs debet ornatiores esse, quam uerbis. C. F. Cognoui iam laudationis, & suasionis locos: nunc quæ iudicijs accommodata sunt expecto. idq; nobis genus restare unum puto. C. P. Recte intelligis. atque eius quidem generis finis est æquitas: quæ non simpliciter spectatur, sed comparatione nonnunquam: ut cum de uerissimo accusatore disputatur, aut cum hereditatis sine lege, aut sine testamento petitur possessio: in quibus causis, quid æquius, æquissimumue sit, queritur: quas ad causas facultas petitur argumentationum ex ijs, de quibus mox dicetur, æquitatis locis. Atque etiam ante iudicium de constituendo ipso iudicio solet esse contentio, cum, aut sit ne actio illi, qui agit, aut iam ne sit, aut num iam esse desierit, aut illa ne lege, ijs ne uerbis sit, queritur: quæ etiam si ante, quam res in iudicium uenit, aut concertata, aut diiudicata, aut confecta non sunt; tamen in ipsis iudicijs permagnum sæpe habent pondus, cum ita dicitur. Plus petisti, sero petisti, non fuit tua petitio, non à me, non hac lege, non his uerbis, non hoc iudicio. Quarum causarum genus est positum in iure civili, quod est in priuatarum, ac publicarum rerum lege, aut more positum: cuius scientia neglecta ab oratoribus plerisque, nobis ad dicendum necessaria uidetur. Quare de constituendis actionibus, accipiendis, subeundisq; iudicijs

de excipienda iniquitate actionis de comparanda æquitate, quòd ea fere generis eius sunt, ut, quanquam in ipsum iudicium sæpe dilabantur, tamen ante iudicium tractanda uideantur, paululum ea separo à iudicijs, tempore magis agendi, quàm dissimilitudine generis. Nam omnia, quæ de iure civili, aut de æquo & bono disceptantur, cadunt in eam formam, in qua, quale quid sit, ambigitur, de qua dicturi sumus, quæ in æquitate & iure maxime consistit. In omnibus igitur causis tres sunt gradus, ex quibus unus aliquis capiendus est, si plures non queas, ad resistendum. Nam aut ita consistendum est, ut, quod obijatur, factum neges: aut illud, quod factum fateare, neges eam vim habere, atque id esse, quod aduersarius criminetur. Aut si neque de facto, neque de facti appellatione ambigi potest, id, quod arguere, neges tale esse, quale ille dicat, & rectum esse, quod feceris, concedendum uel defendas. Ita primus ille status, & quasi conflictio cum aduersario, coniectura quadam; secundus autem definitione, atque descriptione, aut informatione uerbi; tertius æqui, & ueri, & recti, & humani ad ignoscendum disputatione tractandus est. Et quoniam semper is, qui defendit, non solum resistat oportet aliquo statu, aut inficiando, aut definiendo, aut æquitate opponenda, sed etiam rationem subiiciat recusationis suæ: primus ille status rationem habeat iniqui criminis, ipsam negationem, inficiationemq; facti: secundus, quòd non sit in re, quod ab aduersario ponitur in uerbo: tertius, quòd id recte factum esse defendet, quod sine ulla nominis

ORATORIAE

controuersia factum fatetur. Deinde unicuique rationi opponendum est ab accusatore id, quod si non esset in accusatione, causa omnino esse non posset. Itaque ea, quae sic referuntur, continentia causarum uocentur. quanquam non ea magis, quae contra rationem defensionis afferuntur, quam ipsae defensionis rationes continent causas. Sed distinguendi gratia rationem appellamus eam, quae affertur à reo ad recusandum depellendi criminis causa: quae nisi esset, quid defenderet non haberet: firmamentum autem, quod contra ad labefactandam rationem refertur, sine quo accusatio stare non potest. Ex rationis autem, & ex firmamenti consuetudine, & quasi concursu quaestio exoritur quaedam, quam disceptationem uoco: in qua quid deueniat in iudicium, & de quo disceptetur, quaeritur solet. Nam prima aduersariorum contentio diffusam habet quaestionem, ut in coniectura, Ceperit ne pecunias Decius. In definitione, Minuerit ne maiestatem Norbanus. In aequitate, Iure ne occiderit Opimius Gracchum. Haec, quae primam contentionem habent ex arguendo, & resistendo, lata, ut dixi, & fusa sunt. Rationum & firmamentorum contentio adducit in angustam disceptationem. ea in coniectura nulla est. nemo enim eius, quod negat factum, rationem aut potest, aut debet, aut solet reddere. Itaque in his causis eadem & prima quaestio, & disceptatio est extrema. In illis autem, ubi ita dicitur, Non minuit maiestatem, quod egit de Cæpione turbulentius. Populi enim R. dolor iustus uim illam excitauit, non Tribuni actio. Maiestas autem, quoniam est magnitudo

quædam populi R. in eius potestate ac iure retinendo, aucta est potius, quàm diminuta. Et ubi ita refertur, **Maiestas** est imperij atque in omni populi R. dignitate; quam minuit is, qui per vim multitudinis rem ad seditionem uocauit: existit illa disceptatio, Minuerit ne maiestatem, qui uoluntate populi R. rem gratam et æquam per vim egerit. In his autem causis, ubi, aliquid recte factum, aut concedendum esse factum defenditur, cum est facti subiecta ratio, sicut ab **Opimio**, Iure feci, salutis omnium et conseruandæ reip. causa: relatumq; est ab **Decio**, Ne sceleratissimum quidem ciuem siue iudicio iure ullo necare potuisti: oritur illa disceptatio, Potuerit ne recte salutis reip. causa ciuem euersorem ciuitatis indemnatum necare. Ita disceptationes eæ, quæ in his controuersiis oriuntur, quæ sunt certis personis, et temporibus notatæ, fiunt rursus infinitæ: detractisq; temporibus, et personis, rursus ad consultationis formam, rationemq; reuocantur. Sed in grauissimis firmamentis et illa ponenda sunt, si qua ex scripto legis, aut testamenti, aut uerborum ipsius iudicij, aut alicuius stipulationis, aut cautionis opponuntur defensioni contraria. Ac ne hoc quidem genus in eas causas incurrit, quæ coniectura continentur. quod enim factum negatur, id argui non potest scripto. ne in definitionem quidem uerit, genere scripti ipsius. nam etiam si uerbum aliquod de scripto definiendum est, quam vim habeat; ut cum ex testamentis, quid sit penus, aut cum ex lege prædij quæritur, quæ sunt ruta cæsa: non scripti genus, sed uerbi interpretatio controuer-

ORATORIAE

siam parit. Cum autem plura significantur scripto, propter uerbi aut uerborum ambiguitatem, ut liceat ei, qui contradicat, eò trahere significationem scripti, quò expediat, aut uelit; aut, etiam si ambigue scriptum non sit, uel à uerbis uoluntatem, & sententiam scriptoris abducere, uel alio se eadem de re contrarie scripto defendere; tum disceptatio ex scripti contentione existit, ut in ambiguis disceptetur, quid maxime significetur: in scripti, sententiâq; contentione, utrum potius sequatur iudex: in contrarijs scriptis, utrum magis sit comprobandum. Disceptatio autem cum est constituta, proposita esse debet oratori, quò omnes argumentationes repetitæ ex inueniendi locis coniiciantur. Quod quanquam satis est ei, qui uidet quid in quoque loco lateat, quiq; illos locos tanquam thesauros aliquos argumentorum notatos habet: tamen ea, quæ sunt certarum causarum propria, tangemus. In coniectura igitur, cum est in inficiando reus, accusatori hæc duo prima sunt, (sed accusatorem pro omni aëto, & petitore appello: possunt enim etiam sine accusatore in causis hæc eadem controuersiarum genera uersari) sed hæc duo sunt ei prima, causa, & euentus. Causam appello rationem efficiendi; euentum, id, quod est effectum. Atque ipsa quidem particio causarum paulo ante in suasionis locis distributa est. Quæ enim in consilio capiendo futuri temporis præcipiebantur, quamobrem aut utilitatem uiderentur habitura, aut efficiendi facultatem, eadem, qui de factò argumentabitur, colligere debet. quamobrem & utilia illi, quem arguet, fuisse, & ab eo effici potuisse demon-

stret. Utilitatis coniectura mouetur, si illud, quod arguitur, aut spe bonorum, aut malorum metu fecisse dicitur: quod fit acrius, quo illa in utroque genere maiora ponuntur. Spectantur etiam ad causam facti motus animorum, si ira recens, si odium uetus, si ulciscendi studium, si iniuria dolor, si honoris, si gloriae, si imperij, si pecunie cupiditas, si periculi timor, si res alienum, si angustia rei familiaris, si audax, si leuis, si crudelis, si impotens, si incautus, si insipiens, si amas, si commota mente, si uinolentus, si cum spe efficiendi, si cum opinione celandi, aut, si patefactum esset, depellendi criminis, uel perrumpendi periculi, uel in longinquum tempus differendi: aut si iudicij poena leuior, quam facti premium: aut si facinoris uoluptas maior, quam damnationis dolor. His fere rebus facti sufficio confirmatur, cum et uoluntatis in reo causae reperiuntur, et facultas. In uoluntate autem utilitas ex adeptione alicuius commodi, uitationeque alicuius incommodi quaeritur, ut aut spes, aut metus impulisse uideatur, aut alius repentinus animi motus, qui etiam citius in fraude, quam ratio utilitatis impellit. quamobrem sint haec dicta de causis. C. F. Teneo, et quero qui sint illi euentus, quos ex causis effici dixisti. C. P. Consequentia quaedam signa praeteriti, et quasi impressa facti uestigia: quae quidem uel maxime suspicionem mouent, et quasi tacita sunt criminum testimonia. Atque haec quidem grauiora, quod causae communiter uidentur insimulare et arguere omnes posse, quorum non interfuerit aliquid: haec proprie attingunt eos ipsos, qui arguuntur, ut telum, ut uestigium, ut cruor,

ORATORIAE

ut deprehensum aliquid, quod ablatum ereptumue videatur, ut responsum inconstanter, ut haesitatum, ut titubatum, ut cum aliquo uisus, ex quo suspicio oriatur, ut eo ipso in loco uisus, in quo facinus, ut pallor, ut tremor, ut scriptum, aut obsignatum, aut depositum quippiam. Haec enim, & talia sunt, quae aut in re ipsa, aut etiam ante quam factum est, aut postea suspiciosum crimen efficiant. Quae si non erunt, tamen caustis ipsis, & efficiendi facultatibus niti oportebit, adiuncta illa disputatione communi, non fuisse illum tam amentem, ut indicia facti aut effugere, aut occultare non posset, ut ita apertus esset, ut locum crimini relinqueret. Communis ille contra locus, audaciam temeritati, non prudentiae esse coniunctam. Sequitur autem ille locus ad augendum, non esse expectandum, dum fateatur, argumentis peccata convinci: & hic etiam exempla ponentur. Atque haec quidem de argumentis. Sin autem erit etiam testium facultas: primum, genus erit ipsum laudandum, dicendumque, ne argumentis teneretur reus, ipsum sua cautione fecisse, testes effugere non potuisse. Deinde singuli laudentur. Quae autem essent laudabilia, dictum est. Deinde etiam argumento firmo, quia tamen saepe falsum est, posse recte non credi: uiro bono, & firmo, sine uicio iudicis non posse non credi. Atque etiam, si obscuri testes erunt, aut tenues, dicendum erit non esse ex fortuna fidem ponderandam, & eos esse cuiusque locupletissimos testes, qui id, de quo agatur, facillime scire possint. Sin quaestiones habitae, aut postulatio ut habeantur, causam adiuvabunt;

confermandum genus primum quæstionum erit, dicendum de vi doloris, de opinione maiorum, qui eam rem totam, nisi probassent, certe repudiassent; de institutis Atheniensium, Rhodiorum, doctissimorum hominum, apud quos etiam, id quod acerbissimum est, liberi, ciuesq; torquentur; de nostrorum etiam prudentissimorum hominum institutis; qui cum de seruis in dominos quæri noluisse, de incestu tamen, & coniuratione, quæ facta me Consule est, quærendum putauerunt. Irridenda etiam disputatio est, qua solent uti ad infirmandas quæstiones; & meditata, puerilisq; dicenda: tum facienda fides, diligenter esse, & sine cupiditate quæsitum: dictaq; quæstionis argumentis, & coniectura ponderanda. Atque hæc accusationis fere membra sunt. Defensionis autem primum infirmatio causarum, aut non fuisse, aut non tantas, aut non sibi soli, aut commodius potuisse idem consequi, aut non ijs esse moribus, aut non ea uita, aut nullos animi motus, aut non tam impotentis fuisse. Facultatum autem infirmatione utetur, si aut vires, aut animum, aut copias, aut opes abfuisse demonstrabit: aut alienum tempus, aut locum non idoneum, aut multos arbitros, quorum crederet nemini: aut non se tam ineptum, ut id susciperet, quod occultare non posset; neque tam amentem, ut pœnas, ac iudicia contemneret. Consequentia autem diluet exponendo non esse illa certa indicta facti, quæ etiam nullo admissio consequi possent: consistetq; in singulis: & ea aut eorum, quæ ipse facta esse dicet, propria esse defendet potius, quàm criminis; aut, si sibi cum accu-

ORATORIAE

satore communia essent, pro periculo potius, quam
 contra salutem ualere debere: testiumq; & quastio-
 num genus uniuersum, & quod poterit in singulis, ex
 reprehensionis locis, de quibus ante dictum est, refel-
 let. Harum causarum principia suspiciosa ad acerbi-
 tatem ab accusatore ponentur: denunciabiturq; insi-
 diarum commune periculum, excitabunturq; animi,
 ut attendant. A reo autem querela conflati criminis,
 collectarumq; suspicionum, & accusatoris insidia, &
 item commune periculum proferetur, animiq; ad mise-
 ricordiam allicientur, & modice beneuolentia iudicum
 colligetur. Narratio autem accusatoris erit quasi mem-
 bratim gesti negotij suspiciosa explicatio, sparsis omni-
 bus argumentis, obscuratis defensionibus. Defensoris,
 aut praeteritis, aut obscuratis suspicionum argumen-
 tis, rerum ipsarum euentus erunt, casusq; narrandi. In
 confirmandis autem nostris argumentationibus, infir-
 mandisq; contrarijs, saepe erunt accusatori motus ani-
 morum incitandi, reo mitigandi. Atque haec quidem
 utrique maxime in peroratione facienda; alteri fre-
 quentatione argumentorum, & coaceruatione uniuersa;
 alteri, si plane causam redarguendo explicarit,
 enumeratione, ut quidque diluerit, & miseratione ad
 extremum. C.F. Scire mihi iam uideor quemadmo-
 dum coniectura tractanda sit. nunc de definitione au-
 diamus. C.P. Communia dantur in isto genere accusa-
 tori, defensoriq; praeterea. uter enim definiendo, descri-
 bendoq; uerbo magis ad sensum iudicis, opinionemq;
 penetrarit; & uter ad commune uerbi uim, & ad eam
 praeeptionem, quam inchoatam habebunt in animis ij

qui audient, magis & proprius accesserit; is uincat ne-
cesse est. non enim argumētando hoc genus tractatur,
sed tanquam explicando excutiendōq; uerbo: ut si in
reo pecunia absoluto, rursusq; reuocato, prauaricatio-
nem accusator esse definiat omnem iudicij corruptelam
ab reo; defensor, autem non omnem, sed tantummodo
accusatoris corruptelam ab reo. Sit ergo hac contentio
prima uerborum, in qua etiam si proprius accedat ad
consuetudinē, mentemq; sermonis defensoris definitio,
tamen accusator sententia legis nititur. Negat enim
probari oportere, eos, qui leges scripserunt, ratum ha-
bere iudicium, si totum corruptum sit: si unus accusa-
tor corruptus sit, rescindere nititur æquitatē, ut illa
quasi scribenda lex sic esset: quæq; tamen complecte-
retur in iudicijs corruptis, ea uerbo uno prauaricatio-
nis comprehendisse dicitur. Defensor autē t statatur con-
suetudinem sermonis, uerbiq; uim ex contrario reperiet
quasi ex uero accusatore, cui contrariū est nomen præ-
uaricationis; ex consequentibus, quod ea litera de ac-
cusatore soleat dari iudici; ex nomine ipso, quod signi-
ficat eum, qui in contrarijs causis quasi uarie esse po-
situs uideatur. Sed huic tamen ipsi confugiendū est ad
æquitatis locos, ad rerum iudicatarum auctoritatem,
ad finem aliquem periculi; communeq; sit hoc præce-
ptum, ut cum uterque definierit quammaxime potue-
rit ad communē sensum, uimq; uerbi, tum similibus,
exemplisq; eorum, qui item locuti sunt, suam defini-
tionem sententiamq; cōfirmet. Atque accusatori in hoc
genere causarum locus ille communis, minime esse con-
cedendum, ut is, qui de re confiteatur, uerbi se inter-

O R A T O R I A E

pretatione defendat. Defensor autem ad ea, quæ pro-
 posui, æquitate nitatur: & ea cum secum faciat,
 non re, sed depravatione uerbi se urgeri queratur.
 Quo in genere percensere poterit plerosque inueniendi
 locos. nam & similibus utetur, & contrarijs, & con-
 sequentibus, quanquam uterque, tamen reus, nisi
 plane erit absurda causa, frequentius. Amplificandi
 autem causa, quæ, aut cum digredientur à causa, di-
 ci solent, aut cum perorabunt, hæc uel ad odium, uel
 ad misericordiam, uel ad omnino animos iudicum
 mouendos ex ijs, quæ sunt anteposita, sumentur, si
 modo rerum magnitudo, hominum ue aut inuidia,
 aut dignitas postulabit. C. F. Habeo ista: nunc ea,
 quæ, cum quale sit quippiam disceptatur, quæri ex
 utraque parte deceat, uelim audire. C. P. Confiten-
 tur in isto genere, qui arguuntur, se id fecisse ipsum,
 in quo reprehenduntur. sed quoniam iure se fecisse
 dicunt: iuris est omnis ratio nobis explicanda: quod
 diuiditur in duas partes primas, naturam, atque
 legem: & utriusque generis uis in diuinum, & hu-
 manum ius est distributa. quorum æquitatis est
 unum, alterum religionis. Aequitatis autem uis est
 duplex: cuius altera directi, & ueri, & iusti, &
 ut dicitur, æqui & boni ratione defenditur: altera
 ad uicissitudinem referendæ gratiæ pertinet: quod in
 beneficio gratia, in iniuria ultio nominatur. Atque
 hæc communia sunt naturæ, atque legis: sed propria
 legis & ea, quæ scripta sunt, & ea, quæ sine literis,
 aut gentium iure, aut maiorum more retinentur.
 Scriptorum autem priuatum aliud est, publicum

aliud
 bulæ
 scrip
 homi
 etiam
 mnt,
 Et q
 æquit
 se deb
 natur
 da in
 prude
 rit; q
 uolun
 scendi
 locis
 omni
 requi
 re uia
 ptis.
 prom
 aduer
 signifi
 prude
 rius
 absur
 defene
 alioru
 defera
 dente

aliud : publicum, lex, S. C. fœdus : priuatum, tabula, pactum, conuentum, stipulatio. Quæ autem scripta non sunt, ea aut consuetudine, aut conuentis hominum, & quasi consensu obtinentur. Atque etiam hoc in primis, ut nostros mores, legesq; tueamur, quodam modo naturali iure præscriptum est. Et quoniam breuiter aperti fontes sunt quasi quidam æquitatis : meditata nobis ad hoc causarum genus esse debebunt ea, quæ dicenda erunt, in orationibus, de natura, de legibus, de more maiorum, de propulsanda iniuria, de ulciscenda, de omni parte iuris. Si imprudenter, aut necessitate, aut casu quippiam fecerit; quod non concederetur ijs, qui sua sponte & uoluntate fecissent : ad eius facti deprecationem ignoscendi petenda uenia ast : quæ sumetur ex plerisque locis æquitatis. Expositum est, ut potui breuissime, de omni controuersiarum genere : nisi præterea tu quid requiris. C. F. illud equidem, quod iam unum restare uideo, quale sit, cum disceptatio uersatur in scriptis. C. P. Recte intelligis. eo enim exposito, munus promissi omne confecero. Sunt igitur ambigui duobus aduersarijs præcepta communia. uterque enim hanc significationem, qua utetur ipse, dignam scriptoris prudentia esse defendet : uterque id, quod aduersarius ex ambigue scripto intelligendum esse dicet, aut absurdum, aut inutile, aut iniquum, aut turpe esse defendet, aut etiam discrepare cum cæteris scriptis, uel aliorum, uel maxime, si poterit, eiusdem : quamq; defendet ipse, eam rem, & sententiam quemuis prudentem, & iustum hominem, si integrum daretur,

O R A T O R I A E

scripturum fuisse, sed planius: eamq; sententiam, quam significari posse dicet, nihil habere aut captionis, aut uitij; contrariam autem si probarit, fore ut multa uitia, stulta, iniqua, contraria consequantur. Cum autem aliud scriptor sensisse uidetur, & aliud scripsisse: qui scripto nitetur, eum re exposita recitatione uti oportebit: deinde instare aduersario: iterare: renouare: interrogare, num aut scriptum neget, aut contra factum inficietur. Post iudicem ad uim scripti uocet. Hac confirmatione usus, amplifcet rem lege laudanda: audaciamq; confutet eius, qui cum palam contra fecerit, idq; fateatur, adsit tamen, factumq; defendat. Deinde infirmet defensionem. cum aduersarius aliud uoluisse, aliud sensisse scriptorem, aliud scripsisse dicat: non esse ferendum à quoquam potius latoris sensum, quam à lege explicari. Cur ita scripserit, si ita non senserit. Cur, cum ea, quæ plane scripta sint, neglexerit; quæ nunquam scripta sint, proferat. Cur prudentissimos in scribendo uiros summæ stultitiæ putet esse damnandos. Quid impedierit scriptorem, quo minus exciperet illud, quod aduersarius, tanquam si exceptum esset, ita dicit se secutum. Utetur exemplis ijs, quibus idem scriptor: aut, si id non poterit, quibus alij, quod excipiendum putarint, exceperint. Quærenda etiam ratio est, si qua poterit inueniri, quare non sit exceptum: aut iniqua lex, aut inutilis futura dicetur: aut alia causa obtemperandi, alia abrogandi: dissentire aduersarij uocem, atque legis. Deinde amplificandi causa, de conseruandis legibus, de periculo rerum publicarum, atque priuatarum, cum

alijs locis, tum in perorando maxime, grauiter erit, uehementerq; dicendum. Ille autem, qui se sententia legis, uoluntateq; defendet, in consilio, atque in mente scriptores, non in uerbis, ac literis uim legis positam esse defendet: quodq; nihil exceperit in lege, laudabit; ne diuerticula peccatis darentur; atque ut ex facto cuiusque, iudex legis mentem interpretaretur.

Deinde erit utendum exemplis: in quibus omnis aequitas perturbetur, si uerbis legum, ac non sententijs pareatur. Deinde genus eiusmodi calliditatis, & calumniæ retrahatur in odium iudicis, cum quadam inuidiosa querela. Et si incidet imprudentiæ causa, quæ non ad delictum, sed ad casum, necessitatemue pertineat, quod genus paulo ante attigimus: erit iisdem aequitatis sententijs contra acerbitem uerborum deprecandum. Sin scripta inter se dissentient: tanta series artis est, & sic inter se sunt pleraque connexa, & apta, ut quæ paulo ante præcepta dedimus ambigui, quæq; proxime sententiæ, & scripti, eadem ad hoc genus causæ tertium transferantur. Nam quibus locis in ambiguo defendimus eam significationem, quæ nos adiunat; eisdem in contrarijs legibus nostra lex defendenda est. Deinde est efficiendum, ut alterius scripti sententiam, alterius uerba defendamus. ita quæ modo de scripto, sententiâq; præcepta sunt, eadem huc omnia transferamus.

EXPOSITAE sunt tibi omnes oratoriæ partitiones, quæ quidem è media illa nostra Academia flouruerunt, neque sine ea aut inueniri, aut intelligi, aut tractari possunt. nam & partiri ipsum, & definire, &

ORATORIAE

ambigui partitiones diuidere, & argumentorum locos nosse, & argumetationem ipsam concludere, & uidere, quæ sumenda in argumentando sint, quidq; ex ijs, quæ sumpta sunt, efficiatur; & uera à falsis, uerisimilia ab incredibilibus diiudicare, & distinguere; & aut male sumpta, aut male conclusa reprehendere, & eadem uel anguste differere, ut dialectici qui appellantur; uel, ut oratorem decet, late exprimere: illius exercitationis, & subtiliter disputandi, & copiose dicendi artis est. De bonis uero rebus, & malis, æquis, iniquis, utilibus, inutilibus, honestis, turpibus, quam potest habere orator sine illis maximarum rerum artibus facultatem, aut copiam? Quare hæc tibi sint mi Cicero, quæ exposui, quasi indicia fontium illorum: ad quos si nobis eisdem duabus, alijs uel peruenieris, tum & hæc ipsa melius, & multo maiora alia cognosces. C. F. Ego uero, ac magno quidem studio mi pater: multisq; ex tuis præclarissimis muneribus nullum maius expecto.



REGISTRVM,

ABCDEFGHIKLMNOPQRSTUVWXYZ.

Omnes sunt quaterniones.



ANNOTATIONES, SEV
EMENDATIONVM RATIONES
DIONISII LAMBINI MONS-
TROLIENSIS IN CORNI-
FICII LIBROS IIII.
RHETORIC. AD HERENNIVM.



EX BIBLIOTHECA ALDINA.
VENETIIS, M. D. LXIX.

VERBVM IN OMNIBUS
SAPIENTIAE ET VERITATIS
SAPIENTIA ET VERITAS
SAPIENTIA ET VERITAS
SAPIENTIA ET VERITAS
SAPIENTIA ET VERITAS



VERBVM IN OMNIBUS
SAPIENTIAE ET VERITATIS
SAPIENTIA ET VERITAS
SAPIENTIA ET VERITAS
SAPIENTIA ET VERITAS
SAPIENTIA ET VERITAS

AN
M
In



studie
solue
more
de. I
simus
quam
Cogn
rhere
uelle
tur,
recedi
quib
nis,
debet
cum
reflie

2

ANNOTATIONES D. LAMBINI
Monstroliensis in Cornificii Libros IIII.

Rhetoricorum ad Herennium:
In quibus P. paginam significat, L. lineam.

IN LIBRVM PRIMVM.

P. 2. L. 7.



VIX satis otium suppeditare possu-
mus] Sic in omnibus quidem li-
bris manu scriptis reperi, atque
iccirco nihil mutavi: Sed uox oti-
um uidetur mihi ab aliquo adie-
cta, & ita legendum, uix satis
studio supped. poss. ut suppeditare accipiamus ab-
solute, pro ἐπαρκεῖν, id est sufficere: quod nostro ser-
mone diceremus, à peine pouons nous fournir à l'estu-
de. Italico, à fatica potiamo bastare al studio. Cum
simus toti ferè occupati negotijs familiaribus, uix quic-
quam nostri superest, quod in studio uersari possit. l. 9.
Cognoscere artem rhetoricam] deletis uocibus, artem
rheticam, sic legendum putabam, non sine causa
uelle cognoscere intelligebamus: ut subintelliga-
tur, uel repetatur ἀπὸ κοινῆς rationē dicendi: quod an-
tecedit. l. 12. definita animi mod.] uox definita abest à
quibusdam lib. uet. l. 14. arrogantiae causa] uocē ina-
nis, quæ fuerat alieno loco posita, & suo mota (nam
debet poni infra quarto ab hinc uersu, & coniungi
cum uoce gloriæ) ego hinc sustuli, & in suum locum
restitui. l. 16. quæ nihil attinebant] sic legendum, non,

A ij

ANNOT. IN LIB. I.

quæ nihil ad rem attinebant, aut, ut habent alij libri vulgati, ad propositum attinebant. ita enim usitate loquuntur boni scriptores, quæ nihil attinent, sine adiectione. M. Tullius Acad. quæst. nihil attinet de assensione omnino loqui. Idem off. lib. I. Neque enim naturæ attinet repugnare. Idem accus. lib. 5. Quid enim attinuit te iubere in ea parte figere, quæ ad fretum spectaret? Hor. lib. I. Od. 19. Nec uersis animosum equis Parthum dicere, nec quæ nihil attinent. l. 19. aut inanis gloriæ] sic restitui ex cod. manu scrip. cum antea legeretur: aut gloria commoti. licet tamen legere, aut inani gloria commoti.

P. 2 : L. 5.

Demonstratiuum] imperite dixerunt Latini demonstratiuum, quod Græci ἐπιδεικτικόν: cum ostentatiuum potius debuerint dicere: ut docet Quint. lib. 3. c. 4. l. 21. & dispositionis] copulationem et ex cod. uetere restitutam quis non uidet esse necessariam? l. 23. tribus rebus] sic habent tres libri manus scrip. vulgati, tribus modis. in uno manu scrip. legitur tribus assequi, neutra uoce adiecta, neque rebus neque modis. ego tamen legi malim, tribus rationibus. L. 30. nunc quemadmodum possint ad inuentionis rationem oratoris off.] sic hunc locum restitui ex eo, qui sequitur proxima pag.

P. 3. L. 14.

Nunc, quoniam una cum orationis officiis, quo res cognitu facilius esset, producti sumus, ut de orationis partibus loqueremur, & eas ad

inventionis rationem accommodaremus, &c.
Nam libri ueteres nihil me adiuerunt, præterquam,
quod mihi mendi suspicionem commouerunt. Sic enim
habent nonnulli: possit oratio ad rationem orato-
ris officii, &c. alij possit orator ad orationem
ipsius officia accommodare, &c.

P. 3. L. 10.

Summus dicturi] libri manuscrip. tres habent, su-
mus acturi. ego tamen nihil muto. l. 15. prouecti su-
mus] legendum fortasse est, prouecti sumus. uerum-
tamen nihil muto, præsertim ueteribus codicibus uulga-
tam scrip. confirmantibus, producti fumus: quod
æquale est Græco uerbo προήχθμεν.

P. 3: L. 27.

Religionem, aut ad pietatem: etsi, &c.] uerba
illa, quæ erant in libris uulgatis, nos esse dicturos,
sustulimus, ut superuacanea. Petenda enim sunt
ἐπὶ κοινῷ superiora, uerba facturos. adde quod
non reperiuntur in tribus libris manuscrip.

P. 5. L. 29.

Ut non proprie] quis non uidet negationem hic de-
siderari in libris uulgatis? separatum enim est id, quod
non cohæret.

P. 5: L. 28.

Verum hæc in exercendo transigentur] sic habent
libri manuscripti. hæc autem referenda sunt ad id,
quod supra dixit: Tertium genus esse narrationis à
causa civili remotum, in quo tamen exerceri conue-
niat, &c.

A iiij

ANNOT. IN LIB. I.

P. 6. L. 18.

Athenis Megar. uesp. aduenit Simo &c.] uersus sunt iambitres: quod animaduersum indicauit Auratus primum Memmio, deinde mihi.

P. 6: L. 4.

Ne referri possit] sic restitui approbata Memmij & Aurati coniectura. Referri autem dictum accipio pro respondendo obijci, & ut uulgus loquitur, replicari. l. 12. Confligendum est] nihil nuto, tamen si quidam libri manuscrip. habeant, confligendum est. confligendum autem interpretor concertandum, contendendum, pugnandum: ut sit translatio.

P. 7. L. 9.

Fidem abrogat oratori] alij libri habent, fidem abrogat orationi, l. 19. noster doct̃or Hermagoras] sic habet liber manuscrip. unus, & alter. Hermagoram autem saepe commemorat M. Tull. in lib. de inuent. & Quintil. lib. I. & 2.

P. 7: L. 16.

Et in scapham descenderunt] sic restitui secutus libri manuscr. longi optimi auctoritatem: quam ratio adiuvat. nam qui naui relict̃a in scapham se conferunt, non conscendunt, sed descendunt.

P. 8. L. 16.

Cistellam detulit] sic habent nonnulli libri uulgati, quibus cum congruunt quidam manuscrip. alij habent deferre. l. 18. pontis distubat, uistas deijcit] liber manuscrip. quidam habet gradus pontis distubat, cistellas deijcit.

P. 8: L. 12.

Si furiosus esse incipit] hic locus restitutus est ex lib. Tuscul. quæst. Qui ita sit affectus, eum dominum esse rerum suarum uetant duodecim tabula. Itaque non est scrip. SI INSANVS, sed SI FVRIOSVS ESSE INCIPIT. quanquam Adrianus Turnebus hanc lætionem tuetur, & ait hæc uerba, esse incipit, esse interpretationem uerbi existit: cum tamen in lib. 2. de inuentione sub extremum legatur, si furiosus est. l. 16. & obligatus corio] ex libris manuscrip. alij habent, & obligatus culeo, alij, & obligatus corio lupino. ego culeo legendum puto. l. 21. pedibus inductæ sunt.] quidam libri manuscrip. habent, indutæ, nonnullis inditæ, ego indutæ magis probarim.

P. 9. L. 27.

Consulto fecisse] liber unus manuscrip. habet, consultò peccasse.

P. 10: L. 20.

Exaquabimus industria] sic omnes quidem habent libri præter unum & alterum, in quibus scrip. est, exsequemur, sed legendum puto, exsarcieinus, id est reparabimus. utitur hoc uerbo & Q. Tullius, aliis te id rebus exsarturum esse persuadeas. & Terent. Heautont. nisi eos, qui opere rustico faciundo facile sumtum exsarciant suum. l. 21. minus hoc accumulatiſſime] liber unus manuscrip. habet, accuratiſſime. ego nihil muto.

A iiij

ANNOT. IN LIB. II.

I N L I B. II.

L. 30. Et in quibus officijs [elaborare, & c.] sic restitui deleta uoce artis, quæ fuerat inepte inculcata ab ijs qui scriptum reperissent in quibusdam libris elaborare are cum tres postremæ literæ huius uerbi à librario aliud agente essent iteratæ. ex are enim factum est modo arte, modo aperte, nunc artis, nunc partibus. atque ita hic locus deprauatus est. Officia autem orationis intellige inuentionem, dispositionem, elocutionem, & c.

P. 11: L. 7.

Quæ prima & difficillima est.] liber unus manuscrip. habet, quæ prima, quæque difficillima est.

P. 12. L. 9.

Ita hominis possit accommodari] emenda, uita hominis, & c. l. 14. quem pecuniæ causa, & c.] hæc uerba restituiimus ex codice manuscrip. quæ in uulgaris libris desiderabatur. Sententia autem huius loci nunc aperta est. Si non poterit, inquit, demonstrare, eum, quem pecuniæ causa arguat maleficiū admisisse, avarum esse: demonstret esse corruptorem, & c. l. 26. sin uehementer uitæ hominis turpitudine, & c.] cum in uno codice manuscrip. reperissem ita scriptum, sin uel. uita hominis turp. ego uitæ reposui: quæ scrip. perspicue recta est.

P. 12: L. 6.

Bono fuisse] sic legendum, & ita habent duo libri manuscrip. Tum Cassius ille iudex seuerissimus identidem in causis quærere solebat, cui bono fuisset, ut

testatur pluribus locis M. Tullius. Denique sic loquitur infra haud multis post uersibus. l. 12. quod ipse insimuletur] nihil muto, quamuis liber unus manuscrip. habeat, quo de insimulatur. ego enim subintelligo fecisse.

P. 13. L. 4.

Aut non expectata] liber quidam manuscrip. post has uoces habet, propter agendi cupiditatem: quem ideo non sum secutus, quod suspicer hæc uerba ex ora libri in contextum esse translata, neque esse Ciceronis. l. 11. ex conscijs, arbitris, adiutoribus] si hæc scriptura recta est: per arbitros, testes significari dicemus, seu spectatores: ut cum ita loquimur, locus ab arbitris liber ac remotus. sed Memmius & Auratus legendum putant administris. ego nihil muto: non quod eorum coniecturam improbem, sed quod hanc scripturam existimem esse probabilem. adde quod administri & adiutores idem propemodum uidentur sonare, nisi quod administri minus sunt, quam adiutores. Itaque infra ubi uulgo legebatur, de adiutoribus, de adiuuentis, nos ita restituimus, de adiutoribus, de administris. l. 19. de administris] sic restituimus coniectura ducti. nam uox adiuuentis ad hunc locum quadrare non potest, antecedente uoce quem. Ibid. num quid in eo loco, &c.] quidam liber manuscr. habet, num quo in loco præter consuetudinem fuerit, aut etiam al. temp.

P. 13: L. 8.

Expalluisse] quidam cod. manuscr. habet expalluisse pro expalluisse. sed fortasse utrunque uerbum

ANNOT. IN LIB. II.

ab auctore horum librorum positum est, deinde à libra-
rio alterum per imprudentiam omissum. l. 13. confi-
dentiſſime reſiſtens] liber unus manuſcr. habet confi-
ſtens, , quæ ſcrip. non eſt fortasſe reiſcienda : ut confi-
ſtentem intelligamus conſtante, uel non perterritum,
neque labefactatum, neque percuſum conſcientia
peccati.

P. 14. L. 18.

Refelli poſſent &c.] quidam lib. manuſcrip. re-
felli non poſſent. ego nihil muto, adductus ijs, quæ
proxime ſequuntur. certum eſt enim quo quid in loco
poſitum ſit, aut non poſitum ſit : & quædam ita certa
ſunt, ut ea, quæ oculis cernuntur, aut quæ ſimili ſen-
ſu percipiuntur. Si quis igitur in tormento contra hæc
dicat, refelli poſſit. l. 20. aut aliquo ſimili ſigno
percipi poſſit] ego malim legi, ſimili ſenſu. ſupra
enim proxime dixit, uideri, quod eſt uifu percipi. Vi-
ſus autem, ſeu aſpectus ſenſus eſt, non ſignum. l. 21.
recentior ſit in dolore] nihil muto, quamuis duo libri
manuſcrip. habeant, reticentior ſit in dolore. ſic
enim loquuntur Latini, recens in labore, in dolore,
id eſt ἀκαταπόνκτος.

P. 14: L. 12.

Indignum eſſe facinus] uox facinus uidetur eſſe
ſuperuacanea. abeſt certe ab uno cod. manuſcrip.

P. 15. L. 3.

Perſcrutati ſumus] quidam legendum putant, per-
ſecuti ſumus.

P. 15: L. 19.

Breuitè exſcriptarum] cum ex ueteribus codici-

bus alij habeant compositarum, alij expositarum, alij exscriptarum, alij, ut uulgati, exceptarum, ego exscriptarum excudendum curavi. licet tamen ex illo exceptarum, quod meo iudicio mendosum est, facere excerptarum. l. 21. scriptum recitet] liber unus manuscrip. habet, scriptum retinet. quam scripturam si quis probet, legendum, erit infra, interpretatur, ut sentiunt Memmius & Auratus. Ego uulgatam lectionem mihi mutandam non putavi. l. 23. numqua obrogatio] sic legendum etiam inuitis libris omnibus, ut & infra septimo abhinc uersu, quod ea lex sanciat, cui legi obrogatum, uel derogatum sit. Quid intersit autem inter obrogare legi, abrogare legem, derogare legi, sciunt qui summis digitis literas Latinas attigerunt.

P. 16. L. 20.

Cognitionem amphiboliarum] cum reperissem in omnibus ferè libris manuscrip. scrip. amphibologiarum, & infra amphibologias, ego & hic amphiboliarum, & illic amphibolias reposui. ita enim appellant dialectici & rhetores Græci ἀμφιβολίαν, non ἀμφιλογίαν, multo minus ἀμφιβολογίαν. quanquam amphilogiam non improbo, uocem Græcis usitatam.

P. 16: L. 1.

Puerileis opiniones] liber unus manuscr. habet puerileis rationes. alius, puerileis suspensiones. deinceps autem ubi legitur, rectissimis rationibus, ego legendum puto, certissimis. Ibid. in præsentia autem] sic restitui secutus lib. manuscr. atque ita lo-

ANNOT. IN LIB. II.

quuntur Græci, ἐν τῷ παρόντι: ubi subintelligunt ἡρόνω. l. 2. hæc interfere] secutus sum libros vulgatos. nam tres manuscrip. habent intercedere, unus interdiceret, quod posterius videtur non esse reiiciendum: ut interdiceret positum intelligamus pro interea, seu inter illa, quæ sunt nostri instituti operis dicere atque interponere. Verum iudicet lector. l. 22. aut persecutionem] sic restituendum arbitrabatur Aemarus Ranconetus: cui assentior. nam vulgati libri mendosi sunt, qui habent exsecutionem. l. 23. quem non oporteat] duo codices non habent hæc, quem non oporteat. l. 24. aut iudicante] sic restituit Aemarus Ranconetus.

P. 17: L. 7.

Et cui morbus causa est] legendum fortasse est, & cui morbi causa est. sic enim loquebantur ueteres, & ita M. Tullius in Philipp. 1. Nec erit iustior P. C. in Senatum non ueniendi, morbi causa, quam mortis. l. 13. ante meridiem causam conicito] sic habent omnes ferè libri manuscrip. vulgati coniucito. apud Gellium autem lib. 17. cap. 2. legitur conscito. Renardus Brugensis legendum censet gnoscito seu cnosito: pro cognoscito, ut referatur ad iudicem. mendose autem hic typographus impressit, condicunto. l. 21. utrum honestius] sic legendum uisum est Ranconeto, Memmio, aurato, cum & vulgati & manuscrip. haberent uenustius.

P. 18. L. 13.

Quod reus suscepisse se fateatur] tres libri manuscrip. habent, suscepisse dicatur. l. 23. Quod eos

idem fecisse dicat] uidelicet accusator . Sed quidam legendum putant , dicant : ut sit , dicant cæteri .

P. 18: L. 19.

Fugisse rationem] eleganter & prisce dictum . sic Catull. de Vari scorto : Fugit me ratio : meus sodalis Cinna est Caius , &c. & Plautus Amphitr. Sciebam equidem nullum esse nobis , nisi me , Seruon Sasiā . fugit te ratio . l. 21. sed culpa contaminabit] ita certa & recta est huius loci restitutio , ut sine codicum ueterum auctoritate probanda uideatur : & tamen eam confirmant quattuor libri ueteres . repetendum est autem , *σε ἀπὸ τοῦ νοῦ* .

P. 19: L. 10.

Consequi uidetur] quidam libri manuscripti habent , consequens uidetur .

P. 21. L. 1.

Si exempla subiecero , dil. int. pot.] tres libri manuscripti habent , nisi exempla subii. dil. int. non poteris .

P. 21: L. 22.

Quid irreligio] sic quidem habent aliquot manuscripti & uulgati codices : Sed altera lectio , quæ reperitur item in nonnullis & manuscripti & uulgatis , religio , non est prorsus reiicienda : dummodo religionis nomine stultam & falsam religionem , & inanem deorum metum , quam superstitionem appellant , intelligamus . Terent. Andr. Noua nunc religio in te istæ incessit . Lucret. lib. I. Tantum religio potuit suadere malorum . Nam Epicurus non tollebat preces , & uota : & deum , ut præstantem natu-

ANNOT. IN LIB. II.

ram, ueneratione dignum esse existimabat, sed religio-
ne tamen, id est ut ille interpretabatur, inani deorum
timore animos hominum liberos ac uacuos esse oportere
dicebat. l. 30. stultitia est mater, quæ] quattuor
libri manuscripti habent, stultitia est mater atque mate-
ries, quæ, &c. ego nihil muto. uerumtamen iudicet
lector eruditus.

P. 22. L. 10.

Cæsa cecidisset abiegna, &c.] sic habent tres libri
manuscrip. & ita iſdem uersus leguntur lib. 3. de Na-
tura deorum. neque quemquam mouere debet uox tra-
bes. nam trabes dicebant ueteres numero singulari
in recto casu. Iam uero hi uersus ex Ennii Medea sunt,
ex Euripidis Medea non ita ut uerbum uerbo sit reddi-
tum, expressi: Εἰδ' ὧφελ' Ἀργεῶνς μὴ δ' ἰατρᾶ
δε σκάφος, &c. Μηδ' ἐν νάπαισι Πηλίου-
πτεῖν ὥστε, &c. l. 14. petebant uillo pellem in-
aurato] sic reposui Aemari Ranconeti approbata con-
iectura.

P. 22: L. 2.

Immi...-ſi facinus] cum hi uersus sint ex Tri-
nummo Plauti: apud Plautum autem in exemplaribus
antiquis scriptum esse sciam, immune est facinus
(quod ualeat immune: nam ueteres dicebant mœnus
pro munus, & mari pro muri, & pœnio pro pu-
nio, &c. idq; notauimus in commentarijs nostris Lu-
cretianis cum alibi, tum ad illum locum, belli fera
mœnera, initio libri primi) Cum præterea doceat Pom-
peius Festus, immunis aliquando poni pro improbo,
testemq; citet hunc locum Plauti. 30 repudiata uulga-

ta lectione, antiquam & rectam reposui, immune, seu qui malet, immæne est facinus. neque tamen me fugit uulgatam ferri posse, ut immane positum esse intelligamus pro magno, quemadmodum apud Horat. Od. 17. lib. 1. Natis in usum lætitiæ scyphis Immane quantum discrepat. Idem Satyra 4. lib. 2. Immane est uitium dare millia terna macello, &c. Sed quid attinet incerta & probabilia pro certis & ueris consecrari? l. 20. ob eam rem memorant] sic legendum putat Auratus. nam uulgatam lectionem, iterant, refellit ratio & lex horum uersuum, qui sunt tetramiti.

P. 23. L. 26.

Vtuntur igitur studiose] sic legendum, & ita habent duo libri manuscr. uox studiosi autem, quæ est in uulgatis, inepta est hoc loco.

P. 23: L. 2.

Cogis linquere?] quattuor libri manuscr. habent, cogis relinquere? quam scripturam si probabimus, s, consonans erit elidenda.

P. 24: L. 17.

Aperte fatur Pythius.] lege, Aperte fatur dictio: Aperte autem, id est Apollinis. sic est autem legendum, ita que habent omnes libri & manuscr. & uulgati. Nam quod in hac editione Pythius operæ excuderunt, hinc natum est. Ego è regione uocis dictio, cuiusdam amici mei coniecturam annotaram, qui putabat legendum Pythius. quod eum postea reiecisssem, neque funditus deleuisssem, operæ hoc incertum pro illo certo imprefferunt. l. 21. fraternis ar-

ANNOT. IN LIB. II.

mis] Airatus legendum censet, Paternis armis, quia ibi loquatur Neoptolemeus Achillis filius, armaq; paterna poscat, & sua esse dicat. l. 25. quare accussem hunc, nequeo exputando euoluere] huius uersus restitutio debetur partim Aurato, partim libris manuscrip. Nam quod ita reposuerim, Quare accussem hunc, in eo Aurato assensus sum, reiecta uulgata scriptura, Qua causa, &c. Quod autem exputando pro exponendo excudendum curauim, trium codicum manu scriptorum auctoritatem secutus sum. Mihi tamen non displicet cuiusdam doctissimi uiri coniectura, cui potius ita legendū uidetur. Quare hunc accussem, nequeo putando euoluere.

P. 25. L. 30.

Corpore decoloratum] uox corpore abest à duobus manuscrip. & meo quidem iudicio delenda est.

P. 25: L. 2.

Deinde si sit usque adeo in eo] fortasse legendum usque in eo deleta particula a deo. l. 15. an Veientanis] sic restitui, cum in libris ferè omnibus legatur Vegentinis, planè mendose. Iam paullo post ubi uulgo legitur, populo Ro. profuerunt, libri manuscrip. habent, populo Ro. præsidio fuerunt.

P. 26: L. 1.

Quid propositum] fortasse legendum, quid posuitum.

P. 27. L. 14.

Aliter iudicatum] id est secus, quod ualet male iudicatum. in uno libro quidem manuscr. legitur, non recte iudicatum pro aliter iudicatum. Ibid. aut
perperam

perperam factum, aut erratum] unus liber non habet, aut perperam factum.

P. 27: L. 3.

Quam sacrum ledere] quidam legendum putant sacrum legere. Quin ego ita scriptum reperi in uno optimo libro manuscripto. l. 4. propter intemperantem superbiam] legendum fort. est intemperatam. l. 9. commovebitur auditoris animus] libri manuscrip. habent, auditor, si, &c.

IN LIB. III.

P. 28: L. 25.

Finem sibi conveniet utilitatis] quidam legi uolunt utilitatem.

P. 29: L. 19.

Perpeffio] liber unus manuscrip. habet perper-
fio. l. 24. disciplinabilem] uidetur exprimere uoluisse uocem Græcam διδασκαλόν, seu potius μαθητόν. Sed quidam liber manuscrip. habet, disciplinalen. ego nihil muto, tamen si utrunque usurpatum esse à Latinis probabile sit: quod genus penetralis & penetrabilis: genitilis & genitabilis: innumeralis & innumerabilis: manabilis & manalis. adde, quod quidam annotarunt, naturalis, & naturabilis.

P. 29: L. 21.

Nec idoneas pro dignitate sua iudicare] sic resposui secutus unum librum manuscr. quidam tamen legendum censent, nec idoneas dignitati suæ.

P. 30: L. 14.

Rei dilucidandæ causa] unus liber manuscrip. ha-

B

ANNOT. IN LIB. III.

bet, rei dilucide magnificandæ causa : *alius*, rei dilucidandæ, magnificandæ. *planè mendose*. quidam legendum putant, dilucide manifestandæ.

P. 31. L. 24.

Gloriæ, ciuitates] quidam liber manuscr. habet, gloriæ, sodalitates. ego nihil muto. nam ciuitatis nomen sic accipio, ut intelligam beneficium, aut malignitatem esse fortunæ, huius, aut illius ciuitatis esse: uerbi gratia esse Parisiensem, aut Sagiensem.

P. 31: L. 8.

Aut quod rectum sit ex aliorum, &c.] uideor mihi optimam scripturam secutus esse. libet tamen annexare aliam longe diuersam, quæ reperitur in duobus manuscriptis. debeant uelle, quod rectum sit: aut ex aliorum laude, aut per comparisonem ostendere, qualis, &c. l. 15. ut illius facta uerlis consequi possimus] sic legendum etiam reclamantibus libris omnibus. nam qui ita loquitur, uereor ne possem, significat se uelle posse. l. 22. quoniam non apud ignotos] quidam liber habet, non apud ignaros. ego autem nihil muto. nam uocem ignaros interpretationem esse uocis ignotos arbitror. Marc. Tullius quidem ipse quoque sic usurpauit epistola ad L. Luceium lib 5. Atque illi artifices corporis simulacra ignotis nota faciebant. ignotis, id est ignaris, seu ignorantibus. Infra quoque ubi legitur ignoti, in eodem illo libro legitur ignari. l. 24. quoniam in eodem uirtutis studio sint] legendum fortasse est, in eodem uirtutis studio sint, &c. quemadmodum & in Bruto, ubi le Hortensio loquitur, quo loco legitur, me mul-

tos annos in studio eiusdem laudis exercuit, legendum putant uiri docti, in studio, & c. *¶* lib. I. de Orat. ad Q. Fratrem, sed iis, qui ingrediuntur in stadium, ubi uulgo legitur, ad studium.

P. 32. L. 22.

Aut excellentiorem] sic restituimus, libros duos manuscr. secuti, cum uulgati haberent, excelsiorem.

P. 32: L. 6.

Quæ casu & natura] sic habent omnes libri manuscripti, quos quidem uiderim, & plerique uulgati. Quidam tamen reposuerunt, casu & fortuna, plane temere & mendose. Ita autem & Seruius Sulpicius in epist. ad M. Tullium lib. 4. hæc duo coniungit casum & naturam. sic enim ille: Et si scio non iucundissimum muntium me uobis allaturum, tamen quoniam casus & natura in nobis dominatur, & c. l. 24. Sin uituperabimus, aliud iniuste] in libris uulgatis, & nonnullis manuscr. Ita legitur, Sin uituperabimus, è contrario. atque hanc puto esse rectam scripturam: alteram autem fuisse ad oram libri ascriptam, quam secuti sumus tamen, tum quia plana & probabilis est, tum quia à me reperta est in exemplis Caroli Stephani, & in uno libro item manuscrip.

P. 34: L. 6.

Sed maxime conseruat cura] liber unus manuscrip. habet, conseruat accuratio. l. 27. ut multo genere uocis effuso] sic restitui, cum in libris omnibus legatur, nullo genere uocis effuso. Significat enim

B ij

ANNOT. IN LIB. III.

eam uim esse commutationis uocis, ut quamuis ea uarie profundatur, incolumis tamen & integra conseruetur.

P. 35. L. 27.

De firmitudine, & de suauitate] uoces illas, quæ uisa sunt, ut superuacaneas, & ab aliquo semidocto interiectas sustuli.

P. 36. L. 3.

Inserere atque inculcare] secutus sum Io: Aurati coniecturam, qui cum reperisset scrip. in uno, & altero cod. manuscrip. inserere atque insectare, sic restituendum coniecit. l. 12. si quæ admirationes] liber unus manuscrip. habet, si quæ miserationes. l. 28. tantum inter singula interualla] alibi legitur, tantum in singula interualla & melius.

P. 36: L. 10.

Nec uenustatem conspicuam] liber unus manuscr. habet, conspiciendam. l. 11. ne aut histriones] liber unus manuscrip. habet, ut aut histriones, &c. quæ scriptura non est reiicienda. quoniam ea fortasse recta & germana auctoris: nimirum hac sententia, non oportere in gestu uenustatem conspicuam, nec turpitudinem esse, adeo scilicet utranque conspicuam, ut aut histriones, & c. huius autem, quam secuti sumus, lectionis hic sensus est, oportere in gestu nec uenustatem, & c. ne aut histriones, & c.

P. 37. L. 21.

Placet enim nobis esse artificium] tres libri manuscripti habent, artificii memoriam, unus artificium memoriam: unde suspicatus sum legendum,

artificiosam memoriam.

P. 37. L. 8.

Doctrina & præceptione] sic habent duo libri manuscripti : non displicet tamen mihi altera lectio : doctrina , ingenio , præceptione , natura nitescat.

P. 38. L. 9.

Edere & proferre possumus] libri aliquot manuscripti habent , uidere & proferre possumus : nos tamen secuti sumus uulgatos , qui habent , edere & proferre possumus . l. 22. manum auream colloc.] sic omnes quidam habent libri : sed Auratus arbitratur legendum , manum alteram : à quo dissentio. l. 24. cui prænomen sit Decimo] sic legendum , & ita habent libri omnes , & uulgati & manuscripti . falluntur autem qui Decio legi uolunt . nam primum Decius non est prænomen Romanum . deinde uox Decimus apta est ad notandum decimum locum : Decius non item . Postremo quid opus est hic quicquam innouare : cum Decimus sit prænomen Romanum , & in libris omnibus legatur Decimo , non Decio ?

P. 39. L. 14.

Medico testiculos] qui hanc lectionem sequuntur et probant , medico interpretantur , digito eo qui proximus est minimo . sed libri duo manuscripti habent , medicum testiculos arietinos tenentem . l. 24. Iam dominationem reges Atridae parant] uersus est senarius trimeter , nescio cuius poetæ . neque uero dubium est , quin sit ita legendus . nam quod in nonnullis manuscripti legitur , domi ultionem , ea deprauata scriptura est . utitur autem hac uoce Pacuuius teste Nonio : Nam solus

B iiij

ANNOT. IN LIB. IIII.

Danais hic domuitionem dedit. & Lucillius, domuitionis cupidi. id est domumuitionem, & domumuitionis. l. 27. In altero loco Aesopum, & Cimbrum subornare Iphigeniam] quidam libri habent, subornare uagantem Iphigeniam ad Agamennonem, & Menelaum. Ex qua scriptura conijcere possit aliquis legendum, subornare uadentem Iphigeniam &c. l. 29. hoc erit, Atridae parant] quia Atride cum ad bellum Troianum proficisci pararent, Aulide Iphigeniam ad placandam Dianam immolarunt. Aesopus autem, & Cimber tragædi fuerunt, qui Iphigeniam tragadiam egerunt.

P. 39: L. 2.

Ipsi nobiscum primum transeamus] libet unus manuscr. habet, primum transigamus & c. ceteri lectionem uulgatam confirmant. ego hunc locum mendo uacare non puto. l. 4. naturæ suppedabitur doctrina] liber unus manuscrip. habet suppedabit.

P. 40: L. 2.

Poterunt hæc ualere] fortasse legendum est, hæc ualere: ut subintelligatur, imagines. l. 23. & plus habeant facilitatis] quidam lib. manuscr. habet & plus habeant facultatis. & infra ubi legitur, ad illam facilitatem, idem ille liber habet, ad illam facultatem.

IN LIB. IIII.

P. 41: L. 30.

Videtur esse arrogantia] quidam liber manuscrip. habet, uidetur esse arrogantiae. legendum fortasse

est, uidetur esse arrogantis.

P. 42. L. 4.

Non igitur ridiculus sit & c.] sic habent omnes ferè libri & uulgati & manuscr. quod iccirco annotaui, quòd quidam temere reposuerunt, Nonne igitur: quasi uero, non, sequente nota interrogationis, non idem ualeat, quod nonne.

P. 42: L. 26.

Quomodo Ladas, aut Boliscus Sicyoni] sic restituit hunc locum Adr. Trnebus: quanquam putat Boiscus legi posse: l. 30. sic ut in stadium artis rhet.] sic reposui eum in libris omnibus, praterquam in uno manuscrip. legatur, in studium, planè mendose.

P. 43. L. 7.

Libare laudem] fortasse legendum, limare laudem. limare autem id est detrahere & deterere. l. 17. Quibus possumus & debemus] hæc sunt ex oratione Crassi, quam habuit ad Quirites, cum ageret causam Senatus. sic autem hunc locum restitui ex lib. 1. de Orat. ad Qu. Fratrem, ubi plura ad hunc locum pertinentia referuntur, ex quibus hæc tantum ascribam. Nolite sinere nos cuiquam seruire, nisi uobis uniuerfis, quibus & possumus & debemus.

P. 44. L. 6.

Nunc quæ separatim] legendum, ut habent duo libri manuscripti, nunc separatim, quæ.

P. 44: L. 23.

Ipse ab alijs id mutuaretur] uocem hominibus, quæ interiecta erat inter illas duas, alijs id, Aurato auctore sustuli.

B iiij

ANNOT. IN LIB. IIII.

P. 46. L. 9.

Qui agere ausi sunt, aut qui &c.] sic hunc locum restitui. l. 13. uirginibus, matribus familias, ingenuis pueris.] sic restitui, Aurati coniectura probata. l. 21. precipitem deturbetis] Etiam in hoc loco restituendo Aurati auctoritatem secutus sum, cum in his libris omnibus legatur, perturbetis, plane inepte ac mendose. Si quis tamen contendet legendum proturbetis, non repugnabo.

P. 46: L. 15.

Partim uoluntate consenserunt] sic habent omnes libri manuscr. quos quidem uiderim. sed ego putabam legendum, concesserunt.

P. 47. L. 10.

Rubores elicere possent] sic restitutus est hic locus à Ranconeto coniectura ducto, cum in omnibus libris legatur, eiicere.

P. 48. L. 5.

Oblitam reddent] tres libri manuscr. habent obliquam. l. 12. quæ maxime oratori accommodata est] cum animaduertissem, nonnullos libros uulgatos habere, Quæ maxime ad modum oratoris accommod. alios, Quæ maxime ad commodum oratoris accommod. ego sic restitui, Quæ maxime oratori accommodata est: persuasum habens, illud, ad commodum natum esse ex ea uoce, quæ sequitur, accommodata, idq; errore seu culpa librarij, qui unam uocem bis scripserit.

P. 48: L. 3.

Bacæ Eoæ amanißimæ] sic restituit Io: Auratus.

per bacas Eoas autem uniones significantur orientales. l. 12. flentes, plorantes] uersus est hexameter spondiacus.

P. 49: L. 3.

Videte ergo quid conueniat eos impetrare] quidam liber manuscriptus habet, quàm conueniat eos ueniam impetrare.

P. 50. L. 1.

Amicis inexorabilem] duo libri manuscripti habent, amicis implacabilem.

P. 51: L. 13.

Difficile est plurimum uirtutem &c.] sic restituit Ranconetus coniectura ductus, cum in libris omnibus legatur, primum. l. 25. omnia præter eam] liber unus manuscripti habet, omnia præterea.

P. 52: L. 17.

Hoc non diminutione nostra] sic restituimus à ueteri codice admoniti, in quo est denumeratione.

P. 53. L. 28.

Hic, quos homines alea uincit &c.] sic legitur in exemplis Marutianis: neque uideo quomodo aliter legi possit, si modo facere uolumus ut exempla præceptionibus respondeant. neque enim uinciit potest à uerbo uincio usitate quod sciam, flecti, sed uinxit potius.

P. 53: L. 10.

Deligere oportet, quem uelis diligere] liber manuscripti longe optimus habet. Dilegere oportet &c. nam à uerbo dilego fit dilectus. ita dilectus militum. l. 29. à pueritia confirmauit] legendum fortasse est, conformauit. immo sic esse legendum contendo.

ANNOT. IN LIB. II.

l. 30. Alexandrini omnes, ut maxime] particulam,
ut, quæ desiderabatur, reposui.

P. 54. L. II.

Maiores perfidia] secutus sum libros duos manu
scrip. & nonnullos uulgatos. nam alij uulgati partim
habent, malorum perfidia: partim, maiorum na-
tu perfidia. & ita unus antiquus.

P. 54. L. 13.

Non modo hoc non potest dici] sic hunc locum in
integrum restitui, qui antea mutilatus & laceratus e-
rat, cum ita legeretur, non potest dici. fuerant sci-
licet omisse à librario hæ tres uoces, modo hoc non.
l. 16. grandi sponfione uictus est] sic legendum arbi-
tror, & ita habent plerique libri uulgati & manu-
scripti. nonnulli, uinctus est: quam lectionem reieci
probata altera. nam & in oratione pro Cecina, ita
locutus est: sponfione uincere. l. 24. alibi honeste]
sic restitui, cum reperissem scriptum in lib. manu-
scrip. partim alicui partim aliui. aliui enim à li-
brario scriptum esse pro alibi facile intelliget, qui uer-
satus est in lectione membranarum antiquarum.

P. 55. L. 12.

Referamus subiectionem, sic] liber unus manu-
scrip. habet, fit sic. l. 15. At cum parua manu, tum]
legendum fortasse est, at cum parua manu cum pro-
diremus. l. eadem, locum quoque inimicissimum] li-
ber unus manuscr. habet, locum quoque immuni-
tissimum. & supra l. 13. ubi est, conueniret, li-
bri manuscripti habent, conuenit.

P. 55: L. 2.

Neque sensi hoc, & non suasi &c.] uidentur hæc ex Demosthenis oratione pro Ctesiphonte expressa. Οὐ γὰρ εἰρηκα μὲν, ἀλλ' οὐκ ἔγραψα, οὐδ' ἔγραψα μὲν, ἀλλ' οὐκ ἐπρεσβευσόμην. &c. id est, non enim dixi quidem, sed non decreui: neque decreui quidem, sed non obi legationem &c. l. 24. laborum perpeſsione] quidam libri habent, dolorum perpeſsione. sed parum refert. nam etiam apud Græcos πόνος utrunque significat, dolorem, & laborem.

P. 56. L. 10.

Hoc facile perfici posset.] uerbum perfici abest à nonnullis libris manuscrip.

P. 56: L. 1.

Quòd te rei militari infrequentem tradidisti] liber manuscrip. unus habet, quòd te tribuni infrequentem rei militaris tradiderunt. quæ fortasse recta scriptura est. l. 11. Occulte fecisse suspicionem] reclamantibus libris omnibus iecisse suspicionem legendum puto. quamquam facere suspicionem usurpauit in oratione pro Flacco.

P. 57. L. 4.

Ad breuitatem coniunctio] repete ἀπὸ κοινοῦ, est apposita. mendosi autem sunt hoc loco uetusti aliquot cod. in quibus scriptum est, ut in uulgatis, breuitatem parit coniunctio. Mendum autem natum est ex eo; quòd cum ab aliquo librario ita scriptum esset ne satietatem pariat, at breuitatem: alius librarius postea cum hunc locum describeret, at, posterius,

ANNOT. IN LIB. IIII.

siue prudens, putans esse *superuacaneum*, siue imprudens, duarum syllabarum similitudine in errorem inductus, omisit: postremo semidoctus aliquis cum uideret aliquid deesse, addidit uerbum, parit. l. 7. aut commiserationis] hæc absunt à duobus cod. manuscr. quare uel delenda putant quidam, uel legendum, aut commorationis. l. 15. in contrario causæ] fortasse legendum, in contraria causa.

P. 58. L. 20.

Relinquitur in audientium iudicio] quidam liber manuscr. habet, relinquitur inchoatum.

P. 58: L. 28.

Plagiosippus iste, &c.] Turnebus legendum putat, Plaxiogippus iste. malim legi, Philoxiphus iste. Philippus significatur.

P. 59. L. 10.

Nec tam facile ex Italia materis Trinsalpina] sic legendum, & ita edidit Paullus Manutius. Est autem materis genus teli Gallici. Sisenna, Gallia materibus, Sueui lanceis configunt.

P. 59: L. 24.

Non illæ te nuptiales tibiæ] quidam putant hic legendum, nuptiales tedæ. sed cum in tribus codicibus manuscrip. Memmianis, & in Nicotiano, & in ceteris reperiam scriptum tibiæ, nihil censeo mutandum.

P. 60. L. 29.

Reuifescunt] duo libri manuscr. habent, reuifescunt.

P. 60: L. 9.

Pecuaria credemus?] legendum putant quidam, pecua credemus, seu pecuda: quia ueteres, inquiunt, teste Nonio dicebant pecua & pecuda, & in singulari pecu, ut genu, seu pecuum, inde pecuarius, a, um. ut res pecuaria. ego nihil muto.

P. 62. L. 23.

De qua posterius] sic legendum, non ut in uulgatis superius. nam posteriore loco de eo licentia genere præcepit, quod assimulatione et astutia quadam constat: priore loco de ea licentia, quæ per acrimoniam tractatur.

P. 63. L. 19.

Deripiuntur] sic legendum. potius, quàm, ut est in uulgatis, diripiuntur. Est enim deripere, de aliquo loco rapere. diripere autem in diuersas partes rapere et discerpere, seu dilacerare.

P. 64. L. 21.

Certam sumere scientiam] liber unus manuscrip. habet, sumere sententiam.

P. 64: L. 2.

Non eodem modo] sequitur infra, sed commutate, id est commutata ratione dicendi: idq; tripliciter, ut mox subiicit ibi, Commutabimus tripliciter & c. commutabimus autem nempe modum dicendo. Mendose autem legitur in libris uulgatis, sed commutare, cum libri scripti habeant, sed commutate. Commutabimus tripliciter &c. l. 9. cum agitur incolumitas] sic restitui fretus auctoritate duorum librorum manuscr. reiecta uulgata lectione, cum augetur: quæ nata est ex ignoratione Latini sermonis.

ANNOT. IN LIB. IIII.

nam ita loquuntur Latini, agitur salus reip. agitur uita bonorum omnium, agitur caput: non de salute, de uita, de capite: quod alibi docui pluribus uerbis. l. 13. pro patria studiose quamuis &c.] lectionem uulgatam retinui, praesertim auctoritate aliquot librorum manuscrip. confirmatam: quam non intelligentes quidam indocti, inculcarunt uerbum pugnet, iudicantes ita legendum, ut pro patria studiose pugnet. sed non uiderunt aduerbium studiose pertinere ad uerbum descendat: nec, quamuis positum pro quantumuis: ut sit, descendat studiose in quantumuis magnam uitae dimicationem.

P. 65. L. 3.

Produxit usque ad hanc aetatem] fortasse legendum, perduxit.

P. 65: L. 3.

Ergo huiusmodi] inter haec uerba, & ea, quae antecedunt, interiecta fuerunt haec, quae reperiuntur in libris omnibus & uulgatis & manuscrip. In hoc libro docuimus, cuiusmodi esset exornatio uerbi, cui conclusioni nomen est: ea ego funditus deleui, ut superuacanea, & temere uela librarijs, uel ab indoctis hominibus inculcata.

P. 66. L. 15.

De qua producti sumus] fortasse legendum producti sumus, ut supra lib. I. p. 3. l. 15.

P. 67. L. 7.

Quod minus est uerisimile] sic est legendum, libris omnibus inuitis. sed uelim supra etiam legi hic probabilius, &c.

P. 67: L. 15.

Hoc simile per collationem, &c.] hunc locum ope
ueterum codicum felicissime restitui, ut intelligens
qui uulgatam lectionem cum ea, quam reposuimus,
comparabunt.

P. 68. L. 15.

Prope manu tentari possit] quidam legendum cen-
sent, manu tractari, alij teneri, l. 23. ibat Tur-
nus in prælum] nomen, Turnus, quod abest, à li-
bris uulgatis, in antiquis repertum reposui. l. 30.
dentibus infecare] legendum censet Auratus, inun-
tare, cum in uulgatis legatur, dentibus infecare.

P. 68: L. 6.

Cum domo comeditur] liber manuscr. habet, cum
domo sua ut comedatur, aufertur. l. 17. sed osten-
torem pecunie suæ] sic restituerunt Memmius &
Auratus, cum in omnibus libris legeretur, ostentato-
rem pecuniosum l. 23. aspectus omnium præstingue-
re] sic legendum, non perstringere, neque præ-
stringere. præstinguere autem ualet ob tenebrare: ut
docet Nonius. de quo uerbo uide plura in commenta-
rijs Lucretianis.

P. 69. L. 8.

Receperant] liber unus manuscrip. habet, inui-
tarant. l. 27. decima uenitote] quidam libri habent,
ad decimam. Ad decimam autem hoc est, circi-
ter decimam.

P. 69: L. 14.

Quæ singulis diebus efficiat] duo libri manuscrip.
habent, quæ singulis diebus efferat. l. 27. tenens

ANNOT. IN LIB. IIII.

iaculum] quidam libri vet. habent, tenens baculum.

P. 70. L. 25.

Quæso commouere.] libri vulgati habent, quæso, commouere, & nonnulli manuscrip.

P. 71. L. 30.

Inde Thasi præsidium reliquit] sic restituit Adrianus Turnebus, cum in libris omnibus legatur, Tharsis, planè mendose. Tharsus enim urbs Ciliciæ est, Thasus insula in mari Aegæo Thraciam uersus non longè à Lemno, atque ita postea scriptum reperi in uno codice Memmiano longe optimo.

P. 71. L. I.

Inde appulsus in Hellepontum] sic restituit Auratus. nam vulgati libri & duo manuscrip. habent, pulsus, quæ tamen scriptura non est reiicienda. l. 24. commeant omnes] alij libri habent, conuolant omnes. l. 27. at iste spumans ex ore scelus] quidam libri manuscripti habent, at iste spumas ex ore eiciens. non probo. & ibidem alij habent, ex intimo. ego nihil muto. nam hic ex infimo idem ualet quod ex intimo, ex alto. l. 30. percutit tempus] nihil muto, cum lib. optimus Memmianus sic habeat: neque me mouet, quod in duobus alijs scriptum est, percutit frontem. Nam & Virg. lib. 9. Aeneid. dixit, it hasta Tago per tempus utrumque Stridens.

P. 72. L. I.

Ille nulla uoce delibans insitam, &c.] secutus sum omnes ferè libros manuscrip. & vulgatos: tametsi
mihi

mihine hac quidem lectio satis probetur. suspectum enim mihi est hoc delibans, quod uulgo interpretantur uiolans. malim legi delimans, seu potius dedecorans. Quod autem alij habent, ille nullam uocem edens, insita uirtute concidit: nihilo magis mihi probatur. ego malim sic legi: Ille nullam uocem edens insita uirtute indignam. uerum iudice lector eruditus.

EIVSDEM IN M. TVLLII CICE-
RONIS RHETORICORVM,
SEV DE INVENTIONE
RHETORICA.
LIBER PRIMVS.

P. 74. L. II.



IM naturæ iam obtineret] legendum fortasse est, naturæ uicem obtineret.

P. 75: L. 24.

In generibus rerum] sic habent omnes libri: sed legendum wide-

tur, in geri causarum.

P. 76. L. 16.

Ecquid sit bonum] sic habent duo libri manuscrip. ecquid autem, idest utrum aliquid: num aliquid, an aliquid.

C

ANNOT. IN LIB. I.

P. 76: L. 3.

*Electas res collocasse] sic habent duo libri manu-
scrip. & omnes ferè uulgati. quidam tamen legi uo-
lunt collegisse. l. 16. ad inuentionem perceptio] uel
delendum, ad inuentionem, uel addendum, ido-
neorum. Ac fortasse paulo ante alieno loco positum
est, hic suo reponendum. Quidam legi uolunt, uer-
borum inuentionis.*

P. 77. L. 21.

*Nam ecquid factum sit] sic legendum, non, ut ha-
bent libri uulgati, Nam quid factum sit. nam quæ-
stio quid sit, efficit constitutionem deffinitiuam. hic
autem de facti controuersia agitur, in qua quæritur
uel an aliquid factum sit, uel an fiat, uel an futurum
sit. l. 30. non conueniat] Post hæc uerba sequitur dein-
cæps in omnibus libris uulgatis & nonnullis manu-
scrip. non quòd de facto non constet. quod ego to-
tum sustuli, ut ab aliquo indocto inculcatum, cum ascri-
pum esset ad oram libri, tanquam interpretatio eorum,
quæ antecedunt. atque ita sanè uidetur etiam Aurato.*

P. 78. L. 18.

*Partis eius, quam hic dicit] id est constitutionis ge-
neralis. sic autem legendum, & ita habent duo libri
manuscripti, non partis eius, quod &c.*

P. 79. L. 21.

*Cum aliud aliquod factum] in uno codice manu-
scrip. ita legitur: cum aliquod aliud ab illo, de quo
agitur, factum rectum &c.*

P. 81. L. 5.

Orationem exordiendi] cum in libris manuscrip.

reperissem scriptum, in oratione, ego, orationem reposui.

P. 82. L. 19.

Ad summam reip.] legendum puto, ad summam rem, seu ad summam remp. l. 30. animus auditoris infestus est] malim legi, infensus, seu offensus est.

P. 83: L. 28.

Ab eo negotio, quo de agitur] sic legendum, non, ut quidam uolunt, quod agitur.

P. 91: L. 16.

Post descripte, & electe] quidam libri habent, post discrete & electe.

P. 92: L. 13.

Dubium esse id ipsum non oportebit] sic habent libri manuscr. quos secuti sumus repudiata uulgata lectio ne, id ipsum, quod inducimus, non oportebit. quis enim non uidet has uoces, quod inducimus, esse ab aliquo lectore ad oram libri adscriptas, deinde à librario scriptore in contextum uerborum M. Tullij translatas? l. 24. longius procedere rogationem] quidam liber uetus habet procedere orationem.

P. 93: L. 20.

Nobis in dicendo] legendum putant quidam, in dicendo: sed errant: nam in dicendo, hoc est in causis civilibus.

P. 94. L. 21.

Ex omnibus partibus cogitur] quidam legendum existimant colligitur.

P. 96. L. 26.

Ex una quoque parte, &c.] sic restitui hunc

C ij

ANNOT. IN LIB. I.

locum partim auctoritate codicum manu scrip. fretus, partim coniectura ductus. mouit me postremo ut ita reponerem, locus simillimus infra. pag. 98. lin. 13. ibi, si qui autem ex una quoque parte, &c.

P. 96: L. 19.

Quod hic fecit.] hæc absunt à tribus codicibus manuscr. ego tamen ea mihi retinenda existimaui si quis uero delenda putabit, ita erit deinceps legendum, Quid autem magis, &c. quam lectionem putauerim esse rectam, & antiquam. l. 25. exornato tropæo] sic legendum, non trophæo. est enim nomen Græcum τρόπαιον, παρὰ τὸ τρέπειν à Latinis usucaptum. neque est quod quisquam mihi dicat Latinos addere aspirationem, ut dicant trophæum, cum Græci efferant tropæum. Quamobrem enim non item efferunt trophus cum aspiratione, sed tropus, cuius eadem origo est? Eodem errare dicunt uulgo, Bosporus, cum sine dubio Bosporus sit & scribendum & pronuntiandum, ut alibi ostendimus.

P. 97. L. 26.

Quid causæ est, quin istum, &c.] duo libri manuscr. habent, quid dubitatis, quin istum, &c.

P. 97: L. 28.

Aut ita ut ex contrario] liber unus manuscr. habet: Aut contrarium conclusionis inferimus hoc modo.

P. 98. L. 8.

Et perspicuam fugeris compleßionem] sic legendum, fugeris, non feceris. & ita habent duo libri manuscripti, longe optimi. nam & paullo ante dixit, id,

quod perspicuum sit, in complexionem non esse inferendum, & id vitium esse vitandum.

P. 98: L. 17.

Hoc idem exerceamus] post hoc uerbum sequitur deinceps in uulgatis libris, & nonnullis manuscriptis, ut quàm facile factu sit. in quibusdam alijs, ut quàm facile dictu sit, experiamur. hoc totum deluimus, ut alienum & superuacaneum. alioquin ita legendum erit: id quod facile factu sit.

P. 99. L. 1.

Aut leuatur] tres libri ueteres habent alleuiatur. l. 6. & argumentorum expolitionem] liber unus manuscrip. habet, & argumentationem, & expolitionem.

P. 100. L. 22.

Ad id quod agatur] legendum fortasse est, ad id, quo de agatur.

P. 100: L. 30.

Cuius prædæ sectio uenierit] exempla Veneta Aldina, & Parisiensi ab Herrico Stephano impressa habent, cuius prædæ sectio ne uenierit, & ita habent quidam manuscripti. in nonnullis alijs uulgatis legitur, cuius prædæ sectio, non uenierit. quam lectionem non probo. quidam docti legendum censent, cuius prædæ sectio uenierit: quibus assentior. utatur tamen suo quisque arbitrari.

P. 101. L. 19.

Maiorem quandam uim obtinet.] sic habent duo libri manuscripti: omnes ferè uulgati, continet.

C iiij

ANNOT. IN LIB. II.

P. 102: L. 9.

Cæsa cecidisset abiegnæ ad terram trabes] sic legendum, trabes dicebant ueteres in numero singulari.

P. 103: L. 15.

Immune est facinus] sic legendum esse admonuimus supra lib. 2. rhetoric. Cornificij ad Herennium, pag. 22: l. 2.

P. 104. L. 29.

Et ita omneis breuiter transire] quidam legendum putant, & ita omneis breuiter transigere.

P. 104: L. 2.

Vt reducere in memoriam] quibusdam doctis placet legi, redigere in memoriam.

P. 106. L. 12.

Quæq; post negotium consecuta sunt.] legendum fortasse est, quæque negotium consecuta sunt.

IN LIBRVM II.

P. 108. L. 15.

Propter fani religionem remansit] legendum fortasse, permansit.

P. 108: L. 8.

Vnum in locum conduxerunt] συνήγαγον, sic Lucretius, parteis conducere in unum. & alibi, conductis partibus. Iterum M. Tullius infra, unum in locum conduxit Aristoteles. l. 11. *memorie tradiderunt]* liber unus manuscrip. habet proderunt. l. 30. *si quo uitio]* liber unus manuscrip. habet, si quo inuento.

P. 109. L. 2.

Cuius aliquo bono præcepto.] secutus sum libros
ferè omnes uulgatos. nam tres manuscr. habent, bene
præcepto. quibuscum consentiunt Veneti impressi.

P. 110. L. 3.

Et in hoc tempore] secutus sum libros uulgatos, &
nonnullos manuscr. nam manuscr. unus non habet uo-
cem, tempore, quæ fortasse superuacanea est, & a-
liunde illata. in hoc enim ita intelligendum est, in hoc
negotio à nobis instituto.

P. 110: L. 16.

Nunc ad coniecturalem constitutionem] secutus sum
libros uulgatos, & nonnullos manuscr. nam alij ha-
bent, nunc à coniecturali constitutione proficisca-
mur, seu proficiscemur. mendose, opinor. l. 26.
cum illum alterum, uidelicet qui nummos haberet]
sic omnes quidem libri habent, sed ego legendum pu-
to, cum illum alterum nummos habere animad-
uertisset.

P. 111. L. 2.

Gladium cruentum] liber unus manuscrip. ha-
bet, gladium cruentatum: & infra. ubi in alijs est,
cruentum.

P. 112: L. 5.

Sed qua cogitatione & spe ad maleficium profe-
ctus sit] libri duo manuscrip. habent, qua cogitatio-
ne animus & spe, &c.

P. 113. L. 3.

Quàm lenissime quietissimam] sic omnes qui-
dem habent libri: seu quidam docti arbitrantur

ANNOT. IN LIB. II.

esse legendum, quàm leuissima. nonnulli quàm lenissime. ego, siquid immutandum sit, putem potius sic legendum, quàm lenissimam & quietissimam &c.

P. 113: L. 5.

Cognomen quoque & agnomen.] in duobus libris manuscr. non est, & agnomen. l. 22. priuatus, an cum potestate sit.] tres libri manuscr. habent, priuatus, an in potestate sit.

P. 114. L. 9.

Item facta & casus] libri duo manuscr. habent, iam facta. l. 29. Ut si, quem pecunia] sic restitui, cum reperissem in tribus libris manuscriptis, si quidem: uulgati autem habeant, si quis, mendose. quem autem hoc loco relatiuum est, ut grammatici appellant, & legendum, si, quem &c. diuisim. non si quem pro si aliquem, coniunctim.

P. 114: L. 15.

Poterit uitio reus ante admissio] admittere uitium, uidetur durius & insolens: admittere peccatum usitatus. itaque sic legendum putem: si nulli affinis poterit peccato ante admissio reus demonstrari. aut delendas has duas uoces, ante admissio.

P. 115: L. 15.

Partes generum pleraque] sic habent omnes libri uulgati, & manuscr. præter unum, in quo est, pleraque non omnes. qua ex scriptura conijcere quis possit legendum, pleraque omnes. ita enim sæpe hæc coniuncte ponuntur plerique omnes,

P. 116. L. 16.

Ecquæ consuetudo] uidetur legendum potius, ec-
qua, idest, num aliqua & ita infra, ecqua lex. ita
denique omnibus in locis ubi est ecquæ, legendum pu-
tarim ecqua. l. 30. quod pœnitere fuerit] fortasse le-
gendum, cuius pœnitere fuerit necesse.

P. 116: L. 7.

Quod simul diuerterit] quidam libri ueteres habent,
quod simul deuerterit. quod probo. l. 13. an ita te-
mere, ut non uerissimile sit &c.] à duobus codicibus
absunt hac uerba, ut non uerissimile sit quemquam
tam temere. ex qua scriptura conijcere possit aliquis
ita hunc locum esse legendum, an temere ad malefi-
cium accessisse.

P. 117. L. 3.

Ad inuentionem animus incedet] nihil muto: quam-
uis tres libri manuscrip. habeant, animus incidet.

P. 119. L. 11.

Et ex eo, quod ostenderis esse, uerbi causa &c. id
est, & ex eo, quod ostenderis esse maiestatem minuere,
nempe esse de dignitate, aut amplitudine, aut potesta-
te, &c. derogare: oportebit docere &c. Sed non dissi-
mulabo, has uoces, uerbi causa, mihi uideri esse de-
lendas. Quid enim attinet eas addere, cum paullo an-
te huius definitionis exemplum posuerit? l. 23. eo con-
cesso, ostendetur] liber unus manuscr. habet, eis con-
cessis. alius, eius concessis. planè mendose. Ego pu-
tabam legendum, ea concessa: nempe descriptione.

P. 119: L. 20.

In sui periculi causa] id est in suo periculo. suo au-

ANNOT. IN LIB. II.

rem, nempe defensoris. Quod si quis malit legi, in suo periculo, non repugnem.

P. 121: L. 26.

Suis heredibus concedebat] tiber unus manuscrip. habet, cedebat.

P. 122. L. 8.

Post autem approbata quædam à consuetudine] hunc locum in plerisque. exemplis peruersa interpunctiōe deprauatum, interpunctis mutatis emendaui. l. 23. reueremur & colimus] duo libri manuscripti habent, ueremur & colimus: unus, ueneramur & colimus.

P. 122: L. 12.

Aut aliquorum constitutum est] sic legendum, & ita habent duo libri manuscrip. & nonnulli uulgati. denique ex simili loco, qui est infra, perspicuum est hic ita legi debere.

P. 123: L. 15.

Incurrit huic definitio] ea uerba, quæ deinceps sequebantur in omnibus fere uulgatis, trium librorum manuscrip. auctoritatem secuti deleuimus. Quin sola ratione freti, pro nostro iure delcuissimus. fuerunt enim à semidocto aliquo temere inculcata. cui rei argumento est, ut alia omittam, ipsa locutio. non enim ita loquitur M. Tullius, ledere maiestatem, neque ita loquuntur Latini, accusatus est lese maiestatis, (est enim barbarum) sed accusatus est lege maiestatis, uel simpliciter, accusatus est maiestatis, ut hoc loco: l. 30. tractari conueniet] uerbum conueniet, abest ab uno codice manuscrip. ut fortasse ita sit legendum,

tractari oportebit, & adhibere ceterarum &c. uerum
tamen nihil mutò.

P. 124. L. 13.

Atque hæc quidem plerumque in hoc genere inci-
dunt] tres libri manuscrip. habent, in hoc genere
accidunt. ex qua scriptura putabam sic potius legen-
dum. Atque hoc quidem plerumque in genere
accidit, ut & coniectura &c.

P. 125. L. 19.

Perturbationem iudicij futuram] repete ἀπὸ κοι-
νοῦ, demonstrare. & dele uerbum dicemus, tan-
quam ab aliquo indocto inculcatum, l. 26. si uero
ceteri quoque idem faciant] in uno codice manuscrip.
sequuntur deinceps hæc, ut sine iudicio eos pu-
niant, quos accusant. quæ ego puto fuisse ab aliquo
lectore ad oram libri annotata huius loci declarandi
causa, deinde à scriptore librario in contextum uerbo-
rum Ciceronis coniecta.

P. 126. L. 20.

Quam sit ille promeritus] legendum fortasse,
quàm sit ille meritis. l. 30. uerum omnino homini li-
bero] sic habent tres libri manuscrip. longè melius
quàm uulgati, uerum etiam. nam hic omnino idem
ualet quod apud Græcos ἀπὸ λῶς.

P. 126: L. 18.

A' defensore in eius. q. u. s. aud. conquestio] sic re-
stitui, cum in libris omnibus legatur, conquestione,
planè mendose.

ANNOT. IN LIB. II.

P. 127. L. 12.

Aut ex definitiua] hoc totum abest à duobus libris manuscriptis.

P. 127: L. 1.

Vis implicata] uerbum demonstrabit, quod deinceps sequitur in uulgatis, non est in duobus manuscriptis. ideo ego deleui, cum praesertim sit superuacaneum. nam uerbum considerabitur, quod paullo post sequitur, etiam ad hoc membrum pertinet. adde quod Latini non solent ita loqui, quod non potuerit, demonstrabit, sed hoc modo potius, non potuisse demonstrabit. l. 22. Et in ipso non sit] alij libri habent, aut in ipso non sit. in alijs hoc totum desideratur. l. 26. nec, si quod in eo sit delictum] duo libri manuscripti habent, nec si quid, &c. quæ lectio si placebit, delictum erit participium.

P. 129. L. 3.

Magnis commotus tempestatibus] sic omnes quidem libri habent, neque ego quicquam immuto: sed puta uerim tamen legi debere, magnis commotis tempestatibus, id est coortis aut excitatis. l. 5. ut eo traduci] malim legi, ut eà traduci. quanquam enim eo, ferri potest, id est per eum fluvium, uel ad sacrificium: malim tamen eà, id est per eum locum, seu per eam uiam.

P. 129: L. 16.

Ac ne, sic faceret, praecaueri] sic restitui, cum in codicibus manuscriptis scriptum reperissem, ne sic, non ut in plerisque uulgatis, nisi.

P. 130. L. 3.

Qui potestatem habent uindicandi] sic habent tres libri manuscrip. quos secutus sum, uulgati autem iudicandi. l. 30. quod ex uno quoque genere] sic restitui unum codicem manuscrip. secutus, cum uulgati omnes habeant, ex eo quoque.

P. 130: L. 10.

Quare parce eo genere, &c.] hunc locum fœde deprauatum in libris uulgatis, felicissime restitui partim coniectura ductus, partim à codicibus manuscr. adiutus. sic autem habebant uulgati. Quare parte eius generis, &c. præterea hæc uerba, ut deprecationis, desunt in uulgatis, quæ reperi in duobus manuscrip. postremo abest negatio à duobus item manuscr. quæ est in uulgatis. l. 13. cum uidearis non uti deprecatione] non celabo lectorem uno in codice manuscrip. desiderari negationem: quem non sum secutus. l. 28. apud l. Opimum, & eius consilium diu dictum est] omnes ferè libri manuscr. habent, diu ductum est. quos non sequor.

P. 131. L. 15.

A tali ratione abfuturum] sic omnes ferè libri habent, præter unum atque alterum: in quibus est, à tali ratione cautum futurum. Vir quidam doctus amicus meus putabat legendum, sibi à tali ratione cauturum. l. 18. se aut consanguineum maioribus in primis] in duobus libris manuscr. scriptum reperi, consanguineum aut à maioribus primis. quæ scriptura mihi uidetur probabilis. Cætera iam huius loci uulnera uerbis in suum ordinem restitutis, à me sanata sunt.

ANNOT. IN LIB. II.

P. 131: L. 8.

Aut aliqua de causa facta] facta beneficia, rarum loquendi genus. beneficia collata, aut data, usitatus: quamquam proxime ita loquitur. l. 10. odium esse acre susceptum] liber unus manuscrip. habet, hac re susceptum. quam scripturam probo: malim tamen ita legi, ex hac re susceptum. l. 17. uel quale odium] à quibusdam libris manuscrip. abest uox, quale: & loco disjunctionis, uel, est copulatio, &c.

P. 132. L. 23.

Nihil attinet] sic legendum, non, ut in omnibus libris uulgatis, & nonnullis manuscrip. nihil ad nos attinet.

P. 132:

An falsa quædam ex oratione] liber unus manuscr. habet, ratione. l. 16. aut deorum bonitatis] huius rei esto exemplum Timothei felicitas: cui dormienti pictæ res fortunam adstantem, urbesq; in plagas & retia conijcientem faciebant.

P. 133. L. I.

Nimium peruagetur] nihil equidem muto, neque quicquam uarietatis in codicibus manuscr. reperi: sed doctus quidam putat legendum, peruulgetur: ut infra non longe. l. 8. ea ex præmio pulchra] duo libri manuscrip. habent, ea experiendo: unus, ea experienda. quos non sum secutus. supra autem legendum quidam putant, Quæ enim amara & ardua sunt. l. 12. delibrari putent? cum reperissem in quatuor libris manuscrip. & nonnullis uulgatis delibe-

rari , ego delibrari reposui . delibrari autem interpretor , detrahi , deminui , deteri : ut apud Lucr. lib. 3. nec delibrare ualemus Tempore de mortis &c. item sæpe . de quo leges plura in scholijs nostris Lucretianis .

P. 133: L. 14.

In ea sententia , in qua] legendum putauerim , in eam sententiam , in quam .

P. 134. L. 11.

Et exitum legis] uocem legis reposui ex codice manuscr. confirmatus autem hæc scriptura superiore simili loco . neque exitum legis in meretrice publicanda . l. 30. amentie igitur fuisse] legendum uidetur , Amentiam igitur , seu , si quis malit , Amentis .

P. 134: L. 22.

Filius genitur unus] cum in tribus libris manuscriptis ita scriptum reperissem , gignitur unus , neque in ullo uerbum , fuerit , legatur : ego sic reponendum conieci , filius genitur unus , &c. ex qua uera & recta scriptura non intellecta ; alij fecerunt genitus fuerit , alij gignitur . geno autem dixisse ueteres pro gigno , & ueteres grammatici docent , & nos admonuimus in commentarijs nostris Lucretianis . atque eo uerbo persæpe Lucretius utitur , ut quidem nos edidimus .

P. 135. L. 14.

Tribunum militum suum] sic est legendum , & ita habent duo libri manuscripti , & nonnulli uulgati : nisi quis malit reponi , tribunum militem suum , ut est apud Marcum Tullium orat. pro Milone , ubi commẽ-

ANNOT. IN LIB. II.

moratur hoc factum his uerbis: Pudicitiam cum eriperet militi tribunus militaris in exercitu. C. Marii propinquus eius imperatoris, interfectus ab eo est, cui uim afferebat. facere enim probus adolescens periculose, quam perpeti turpiter maluit: atque hunc ille uir summus scelere solum periculo liberauit. Eandem rem narrat Plutarchus in Mario, & ei militi nomen fuisse. ait Trebonio: tribuno autem Caio Clodio. l. 25. maiorem autem partem] sic est legendum, & ita loquebantur boni scriptores. Mar. Tull. Orat. perf. Magnam partem iambis nostra constat oratio. Item off. lib. 1. Caesar. lib. 4. de bello Gall. Magnam partem lacte atque pecore uiuunt. & item Lucretius lib. 3. Non minimam partem mortis formidine aluntur. Idem. v I. Inde bonam partem in lectum mæore dabantur. sic enim edendum curauimus. ubi uulgo legebatur, Inde bona ex parte, &c.

P. 135: L. 8.

Quasi intentantis loco producendo] duabus his uocibus deletis, intentantis loco, seu, ut habent quidam alij libri, intendentis loco, sic legendum puto, quasi producendo. l. 10. aut contra contendineget] hoc totum quis non uidet esse uel corruptum, uel foris inculcatum & superuacaneum? Nam. quod quidam reposuerunt, aut contra contendiposse neget: primum hoc posse addiderunt de suo: deinde sententiam expresserunt, ab hoc loco alienam, atque adeo huic loco planè contrariam. ita enim esset potius legendum, aut contra contendiposse putet: uel sic potius,

potius, aut contradici posse contendat: hæc omnino uel delenda esse censeo, uel sic, ut paullo ante admonui, emendanda: nisi ita explicemus, an neget contra scriptum à se factum, aut pugnari contra scriptum, cum factum suum, quod cum scripto pugnat, defendat. l. 12. nihil esse quòd hominem] sic restitui ratione fretus. sic enim loquuntur Latini, nihil est quòd: non, nihil est quo. sic idem infra. nam cum simplex erit necessitudo, nihil erit quòd multa dicamus.

P. 136. L. 10.

Conseruanda sit] liber unus habet, obseruanda sit.

P. 136: L. 23.

Quod contra legem iudicarint] tres libri manuscr. habent, quid contra legem iudicarint. unde suspicor legendum, si quid contra legem &c.

P. 137. L. 7.

Si eius causæ, propter quam] cum ab uno codice manuscripto longe optimo abesset uox causam, in alio scriptum esset, causæ, ego deleta uoce rei, causæ, retinui: quæ scriptura, mea quidem sententia, recta & proba est. l. 15. aut legem abrogari] hæc absunt ab uno codice manuscr. l. 21. qui lator sit] quidam liber manuscr. habet, qui legis lator sit. alius qui lator legis sit. l. 22. se actiones uidere] hic locus mihi suspectus est. quidam libri manuscripti habent, eas se actiones. quidam uir doctus legendum putat; eam se rogationem uidere. ego putabam potius reponendum, eam se rationem &c. l. 24. legem, cuius cuius modi sit] id est cuiuscunque modi sit. sed legendum arbitror cui-

D

ANNOT. IN LIB. II.

cuiusmodi sit. quod idem ualet. nam cuiuscuiusmodi, duriusculum est: quanquam etiam alibi Cicer. hac uoce usus est, & Lucretius. quare sequamur libros manuscrip.

P. 138: L. 2.

Ut sententia quoque & uoluntas scriptoris, &c.] hunc locum partim coniectura ductus, partim à codicibus manuscrip. adiutus restitui: in quibus confirmata scriptum reperi: non, ut in uulgatis, confirmatum. l. 22. sed qui cogitationem assequi possent.] sic omnes habent libri: sed ego sic omnino legendum contendo, sed qui cogitatione sententiam assequi possent.

P. 139: L. 2.

Sibi præmium loco deposcit] quidam liber manuscrip. habet, sibi in præmii locum, alius, sibi in præmium deposcit. l. 20. quæ diligentissime sancita est.] sic restitui coniectura ductus, cum in libris omnibus legeretur, qua diligentissima & sancta est, planè mendose atque inepte. sancire legem autem, & diligenter sancita lex usitata sunt Latinis genera loquendi. non dissimulabo tamen me in uno codice manuscripto scriptum reperisse, diligentissima & sanctissima. sed ego hoc sanctissima suppositum esse puto ab eo, cui uox sancta post uocem diligentissima non probaretur. Licet etiam legere, diligentissime sancta est. quod propius aberit ab antiqua scrip.

P. 140. L. 19.

Si furiosus est] his uerbis hanc legem fuisse per-scriptam traditum est, SI FVRIOSVS ESSE

INCIPIT, &c. l. 21. PECVNIA QVE
SVA LEGASSIT.] sic restitui, cum in uulga-
tis legatur, legauerit. legassit autem antiquum. pro
legauerit. Sed non dissimulabo, alibi hanc legem his
uerbis perscriptam reperiri: PATER FAMI-
LIAS VTI LEGASSIT SVPER PE-
CVNIA, TVTELA VE REI SVAE,
ITA IVS ESTO. l. 26. *indita sunt*] libri
uulgati habent, *inducta sunt*: duo manuscrip. indi-
ta sunt. unde quidam legi uolunt, *induta sunt*, quo
modo scriptum est in uno libro manuscr. lib. I. Rhetor.
ad Herennium. Videbatur tamen potius ita loqui de-
buisse, pedes in soleas ligneas induti sunt, quemad-
modum dicimus, inducere se in laqueum, in nubem.

P. 141: L. 30.

Quaedam separatius] liber unus habet quaedam se-
paratim, separatius tamen non improbo, ab aduerbio
positiuo separate.

P. 142: L. 8.

Natura, modo, rationi consentaneus] liber unus
manuscrip. habet, *naturæ modo, atque rationi*
consentaneus. *modus naturæ* autem, id est mode-
ratio naturæ, seu moderata natura, seu lex & regu-
la naturæ. Si quis lectionem receptam probabit, sic
poterit hic locus explicari, *consentaneus rationi, quæ ra-
tio naturæ modus est. uel sic: consentaneus rationi,*
per modum & moderationem naturæ. uel sic, consen-
taneus naturæ, modo, rationi. Omnino suspectus mihi
est hic locus, neq; uidetur mendo uacare. scriptura tamē
antiqua satis facilis & plana est. l. 24. *natura ius est*]

D ij

ANNO. IN LIB. II.

tres libri manuscr. habent, Naturæ iū est. quam scripturam quamvis non improbem, ita enim supra hoc eodem libro locutus est, Naturæ iura, & consuetudinis ius, &c. receptam tamen tueor ac retineo, ut Natura, sit septimi casus. sic enim infra loquitur: Consuetudine ius est.

P. 143. L. 13.

vulgi approbatione perduxit] liber unus manuscr. habet, produxit: quod probo. ita enim sæpenumero loquitur. nisi quis malit legi, prouexit.

P. 143. L. 5.

In odium alicuius inferioris] sic, restitui coniectura ductus. nam uox inuectionis, quæ reperitur in omnibus libris, sine dubio corrupta est.

P. 144. L. 1.

Alicuius honesta] fortasse legendum honesti.

P. 145. L. 10.

Hoc inferius] uidetur legendum, in hoc inferiore. l. 23. præter has autem inuenias esse multas necessitudines. sic liber manuscr. habet. Impressio Manutiana habet, pariter autem esse multas res necessitudinis. l. 24. ad quas similis adiunctio non accedit] Quidam putant negationis nota deleta sic legendum, similis adiunctio accedit. l. 29. EXTRA QVAM] necesse est uerbi gratia, homines intereant, extra quàm si uelint fame perire, idest, præterquam si, uel nisi uelint, &c.

P. 145. L. 16.

De honestate delibratum] cum in duobus libris manuscr. reperissem, delibratum, hoc ipsum lectori-

bus testificari uolui ut desinant iam dubitare omnes literarum studiosi homines ubique in similibus locis legendum esse delibrare & delibratum, non delibare neque delibratum. qua de re tamen plura scripsimus in Commentarijs Lucretianis.

EIVSDEM ANNOTATIONES

I N T O P I C A.

P. 147. L. 13.

Quæ sunt ab illo pluribus libris expl.] duo libri manuscrip. non habent uocem libris. l. 17. ut sine ullo errore ad eam ratione & uia peruen.] in duobus libris manuscriptis non est ratione, neque rationem, quo modo legitur in uulgatis: & sane uidetur esse superuacanea. nam uel repetitur uox disciplinam, uel legendum, ad ea, ut subintelligamus, argumenta. ego ratione edendum curauim, ne nimis longe à lectione uulgata discessisse uidear. l. 28. minime sum admiratus] legendum fortasse est, demiratus, seu miratus simpliciter.

P. 147: L. 8.

Multa sæpe scripsisses] & Petrus Victorius in annot. in lib. 7. epist. scribit se incidisse in librum antiquum, in quo ita scriptum esset, multa sæpe scripsisses: & ego ipse in codice manuscrip. Barnabæ Brissoni iurisperiti doctiss. & causarum actoris Parisiensis facundiss. sine ulla litura uidi. Scribere autem dicuntur iurisperiti, qui litigatoribus consulenti bus scribendo cauent.

D ii

A N N O T.

P. 148. L. 30.

Appellatus ab asse dando] sic est legendum, non, ut vulgo, ab ære dando. Quis enim non uidet assiduum dictum esse non ab ære, sed ab assibus, uel ab assidendo, id est à muneris obcundi pro re familiari assiduitate? Quod quidem et tradidit Gellius lib. XVI. cap. X. et Sextus Pompeius Festus in uerbo assiduis. Iam uero quid aliud huius legis uerba significant, quam (quod traditum est à Varrone lib. I. de uita populi Ro. ut refert Nonius) assiduis, id est locupletibus ciueis assiduos, id est locupleteis, contracto ære alieno creditoribus addictos licuisse assibus datis in libertatem uindicare, et è uinculis eximere? idem autem proletarijs non licuisse, quia cum essent tenui et angusta re familiari, cumq; reip. prodesse ea re duntaxat, quod liberos procrearent, se et suos liberos familiamq; totam in discrimen adducerent, seruitutiq; ac sectioni subijcerent. si debitorem creditori addictum uindicare uellent? Non fuit autem hæc lex Aelia neque Sentia, sed XII. tab. iccirco has uoces deleui.

P. 148: L. 4.

Alia ex forma] sic restitui reclamantibus libris omnibus uulgatis, in quibus legitur; formula, unum codicem manuscrip. secutus. quæ lectio perspicue recta est.

P. 149. L. 6.

An in tabulis pateat] sic legi debet, non ut in libris ferè omnibus, debeatur. sic enim loquebantur ueteres, M. Tull. Philipp. 2. Septies millies sestertium, quod in tabulis, quæ sunt ad Opis patebat. Idem

pro *Quinctio*. Non habere se hoc nomen in codice fatetur, sed in aduersariis patere contendit. l. 15. secundum puerulorum] quidam libri manuscr. habent puerorum. l. 21. quicum connubij ius non esset] liber unus manuscr. habet, connubium non esset.

P. 149: L. 15.

Quoniam *usu fundi*, &c.] sic hunc locum emendauit detracta litera. s. de uoce *usus*. per *usu auctoritatem* autem significari puto iuris firmitatem ac stabilitatem quæsitam *usu rei bienni*. Quod autem quidam sic legi uolunt & hic & in orat. pro *Cecina*, *usus*, auctoritas *fundi biennis* est, hac sententia: *usus biennis fundi*, est *fundi auctoritas*, id est si quis fundo *usus* sit *biennium*, *ius ei usu quæsitum* est, seu, *is usu cepit fundum*: non probō. hanc eandem autem sententiam ex ea, quam sequor lectione elicio, neque tantam uim uerbis affero. Iam sic dictum puto *usu auctoritas*, ut *usucapio*. lin. eadem: At in lege ædes non appell.] Ad hunc locum explicandum ac declarandum pertinent uerba legis, quæ sunt huiusmodi: VSV AVCTORITAS FVNDI BIENNIVM ESTO. CAETERARVM RERV VSVS ANNVS ESTO. id est, *biennium* ualeat ad quærendam *fundi possessoris auctoritatem*, et *usucapionem*: quod similem uim habet ac si quis dicat, *fundus biennium possessus usucapitur*, et *ius quærit possessori*. cæteræ res annum possessæ *usucapiuntur*. Si quis igitur dicat, At in lege ædes non appellantur: id est non commemorantur, seu de ædibus *Silex* lex: ideoq; in cæterarū rerū, quæ anno uno *usuca-*

D iiij

A N N O T.

piuntur, numero habendæ sunt: summo iure ita iudicandum esset: sed æquitas plus ualere debet, quæ paribus in causis paria iura desiderat. . Aedes autem fundo eò sunt pares aut similes, quòd quemadmodum fundus in rebus soli numeratur, ita & ædes. l. 17. & sunt ceterarum rerum, &c.] id est & sunt in numero aliarum rerum quarum usuauetoritas annus est. Sic esse legendum ueritas & ratio peruincunt. Annuus autem factum ex annus, propter uocem, usus: quasi uero hæ uoces ita coherere deberent, annuus usus: quod longe aliter est. nam ut scriptum est in lege usus, seu usu auetoritas fundi, biennium esto: ita ceterarum rerum usus, annus esto, Potest tamen deleta uoce usus, hoc modo legi, ceterarum rerum annus esto, ut subintelligatur auetoritas. l. 25. ex quo tecto in eius ædibus, qui prot.] hic locus erat antea inexplicabilis, cum scilicet ita legebatur, ex quo in tectum eius, edibus qui protex, &c. Nunc autem restitutus in antiquum statum, planissimus est.

P. 150. L. 13.

Quo ex genere quedam interdum nobis, &c.] legendum, quedam interdum uobis, &c. eadem pagina l. 19. & impressa intelligentiæ, quam, &c.] partim sic habent libri ueteres, partim, impressa intelligentiæ, &c. quam posteriorem lectionem quidam magis probant. ego priorem magis probo.

P. 151. L. 3.

Sed inutiliter ad mutandos casus in dicendo] legendum potius, ut habent libri duo ueteres, in docendo. l. 26. Quæstus alluderet.] sic esse legendum uidit

homo doctus Io: Passeratius. nam, eludebat, planè ineptum est. Sic autem Catull. in carm. de Pelei & Thet. nuptijs: Omnia quæ toto delapsa è corpore passim Ipsiùs ante pedes fluctus salis alludebant. Sic & Propertius lib. 3. eleg. XVI. clausus ab umbroso quà alludit pontus Auerno Humida Baiarum stagna Misenus aqua. nam sic emendauit Io: Auratus. Idem Passeratius paullo post legendum censet, in oratoriis partibus, ubi uulgo legitur artibus.

P. 153. L. 12.

In hoc genere oratoribus, & philosophis, &c.] legendum potius, ut habet liber uetus mihi à Leod. Queruo, collega meo, uiro humanissimo commodatus, oratoribus & poetis. l. 19. rei maxime contrarie superiori] delenda uox rei.

P. 153: L. 29.

Nihil hoc ad ius, ad Ciceronem] libris omnibus inuicis legendum cenſeo: nihil hoc ad nos.

P. 154. L. 3.

Nimum te amare uideare] quod est ἐπικουρεῖν. erat autem Trebatiùs Epicureus. sic in epistola quadam ad eundem lib. 7. Indicauit mihi Panſa meus, Epicureum te esse factum. O' Castra præclara, &c. sequitur. Sed quònam modo ius ciuile defendes, cum omnia tua causa facias, non ciuium? &c.

P. 154: L. 24.

Hunc metuere, alterum in metu] liber unus manuscrip. habet, Hoc metuere &c. & ita legendum. l. 27. id, quod scis, prodest nihil: id. quod] fortasse aliquid deest, atque ita legendum, id quod scis prodest

A N N O T.

nihil, multum id, quod nescis, obest.

P. 155: L. 20.

Ab eo, à quo certe fit] libri omnes vulgati habent, in quo, plane mendose. duo libri manuscrip. a quo. quod perspicue rectum est. l. 23. Cæsa cecidisset, &c.] mendose legitur in quibusdam libris vulgatis, Cæsa cecidissent, &c. Primum enim constat ueteres dixisse trabes in numero singulari, recto casu pro trabs: deinde sic habent aliquot libri manuscrip. quemadmodum edendum curavi. Non dissimulabo tamen ita legi apud Varronem & Priscianum. Cæsa accidisset.

P. 156. L. 18.

Etiam ea, quæ fiunt, &c.] Goueanus tollebat particulam etiam, & coniungens cum superioribus hac ita legebat, ut ea, quæ fiunt, partim sint ignorata, &c. cuius sententiam & coniecturam adiuvat codex unus manuscrip. Memmianus, & alter Brissonianus. l. 21. quæ autem fortuna, uel ignor. uel uolunt.] quidam sic legi uolunt, quæ autem fortuna, ignorata: quibus facilius assentirer, si adderetur copulatio, etiam, hoc modo: quæ autem fortuna, etiam ignorata. l. 24. si telum manu fugit] legendum puto, manum fugit: ut & lib. 3. de orat. In duobus quidem libris manuscrip. reperi scriptum, manus fugit.

P. 156: L. 7.

Et adhibentur in consilio] legendum uidetur in consilium, uel, ut habet liber uetus. Leod. Querni, in consilia. l. 10. plurimus eorum usus est.] hac ab-

sunt à quibusdam libris manuscriptis . unde mihi or-
ta suspicio est . uerendum esse ne sint aliena . nam ijs
sublatis integra erit sententia , ut scilicet hac omnia
pendeant usque ad id quod mox sequitur , parati esse
debent , hoc modo . In omnibus igitur iis iudi-
ciis , in quibus ex bona fide est additum : ubi ue-
ro etiam , &c. id est in fiducia iudicio , in primisq;
in arbitrio rei uxoriæ , &c. parati esse debent iuriscon-
sulti . Denique in exemplis Manutianis hac uerba non
comparent , neque in Florentinis . Ibid. VT IN-
TER BONOS BENE AGIER .] uer-
bum oportet , quod erat foris , & aliunde incul-
catum , deleui , codicum aliquot manuscrip. aucto-
ritate fretus . abest item in epist. quadam ad Tre-
batium , cuius initium est : Mirabar quid esset , &c.
atque ita in ea legendum : Vbi porro illa erit for-
mula fiducia , INTER BONOS BENE
AGIER ?

P. 158. L. 15.

Nam & uerberibus , tormentis , igni fatigati que
dicunt] sic excudendum curavi secutus & libro-
rum manuscrip. auctoritatem , & Manutianorum
exemplum . nam alij uulgati habent mendoſe , Nam
& uerberibus torti , in igni fatigati , &c. l. 25.
ut Staleno nuper accidit] sic est legendum , atque ita
legitur in exemplis Manutianis , non , ut in alijs
uulgatis , Stalerio . Est enim hic ille Stalenus ,
quem commemorat & in Bruto , his uerbis , C.
Stalenus in facinore manifesto deprehen-
sus , poenas legibus & iudicio dedit : & in

A N N O T.

Cluentiana, his uerbis. Iam cætera nota sunt omnibus ut cum illo (Staleno) Oppianicus egerit de pecunia: ut ille se redditurum esse dixerit: ut eorum sermonem omnem audierint uiri boni, qui tum consulto prope in occulto steterissent: ut res patefacta, atque in forum prolata, & pecunia omnis à staleno extorta atque erepta sit.

P. 158: L. 26.

Rentur eos esse quales &c.] quidam legi uolunt, idq; ex auctoritate ueterum librorum, uidentur eis esse, quales, &c. ego, si hæc uetus est scriptura, malim sic, uidentur hi tales esse, quales &c.

P. 159. L. 13.

Nec tamen in maximis] legendum fortasse est, nec tamen certis. linea ead. sed omnis quaestio earum aliqua de re est] Existimant quidam legendum. Sed omnis quaestio earum de aliqua rerum est, quibus, &c. quibus propemodum assentior. l. 14. Sed omnis quaestio, &c.] quidam sic legi uolunt, pars causæ est, si quidem omnis quaestio earum, &c.

P. 159: L. 10.

Additur etiam descriptio, quam Græci χαρακτῆρα uocant] nonnulli libri uulgati habent, quam Græci καταγραφὴν uocant. quidam, quam Græci ὑπογραφὴν. l. 22. Comparisonū autem duo &c.] Gouernus dicebat se non uidere quamobrem tertium genus comparisonis pratermisserit, in quo quaeritur, pares ne & æquales res sint, an impares, & inæquales. Ego ei respondebam, eo quaestionis genere, quo quaeritur, sit ne aliquid idem, an aliud, ut si quæra-

ur sit ne
ille appell
dem pecc
sint ne pe
ne, sit ne
habet liber
tix, fugie

Consequ
mus man
repugnan
tamen legi
bus, a rep

Inhiben
tem requi
tati conue

Ut credi
scrip. & in
quon hac le
prana &

ANNO

N

Eloqu
eloquen
to. l. eade

cur sit ne idem amicus & assentator, contineri id, quod ille appellat tertium genus: ut si quærat, tantumdem peccet mendax, quantum periurus, nec ne, uel sint ne peccata æqualia. l. 25. sint ne expetendæ diuitiæ, sit ne fugienda paupertas] uel sic legendum, uel, ut habet liber unus manuscr. sint ne expetendæ diuitiæ, fugienda paupertas.

P. 160. L. 27.

Consequentes, antecedentes, repugnantes] liber unus manuscr. habet, consequens, antecedens, repugnans, quæ lectio non est reiicienda, malim tamen legi à consequentibus, ab antecedentibus, à repugnantibus.

P. 160: L. 17.

Institutio autem æquitatis] lego Institutum autem æqui tripertitum est: & mox, altera æquitati conueniens.

P. 161: L. 28.

Ut credibiles, ut moratæ] sic habet lib. unus manuscr. & item exempla Manutiana: neque dubium est quin hæc lectio recta sit: uulgata autem, moderatæ, praua & mendosa.

ANNOTATIONES IN PARTITIONES ORATORIAS.

P. 162: L. 28.

Eloquendi comes est] tres libri manuscr. habent, eloquendi communis est. uerumtamen nihil minus. l. eadem. earumq; omnium rerum, &c. duo libri

manuscrip. habent, sed earum rerum omnium custos est memoria.

P. 163. L. 5.

Quam controuersiam, seu causam nomino] duo libri manuscr. habent, quam causam nomino: unus ita ut edendum curauimus. l. 10. Argumentis, quæ ducuntur ex locis, aut in re ipsa insitis, aut assuntis] uidetur distinctio locanda post uocem insitis, aut sic legendum, argumentis aut in re ipsa insitis, aut assuntis, quæ ducuntur ex locis. l. 25. tum ex toto, tum ex partibus &c.] cum ego sæpe, multumq; dubitasset, cumq; etiam nunc queri à doctis uiderem, cur hic, pæne dicam, inepta & superuacanea in culcæretur earundem rerum aliquantum discrepantibus uerbis iteratio, & inanis ταυτολογία, consultis tandem libris ueteribus, comperi, illa quæ infra ponuntur ab illo loco, ut definitio. ut contrarium, &c. usque ad illa uerba, Omnibus ne igitur ex locis, &c. abesse ab illis libris. quare comperta, primum capi suspicari illa omnia esse aliena. deinde cum uiderentur mihi Ciceroniis sermoni simillima, & quasi gemina, reuocans me identidem, atque animum modo huc, modo distrhaens illuc, Topicorum eum locum, in quo de locis disputat, cum hoc, in quo uersamur, diligenter contuli. quo facto reperi, hæc ita esse eadem, ut ex Topicis planè ad uerbum descripta, & in hunc locum translata uideantur. Tum uero non dubitavi quin hæc primum ab aliquo Ciceronis studio ad oram libri, è regione eorum, quæ hic de locis differuntur, fuerint adscri-

pta : deinde à librario in contextum uerborum relata . postremo ab alijs ea , quæ petita erant è topicis , hic sunt retenta ac seruata : quæ autem sunt huius libri , ut superuacanea & aliena , omissa , ac reiecta . Hæc igitur mea sententia est , totum hunc locum , quem his duabus notis] tum ex toto , tum ex partibus , tum ex notatione , tum ex his rebus , quæ quodammodo affectæ sunt ad id , de quo quæritur . Et ad id , totum , de quo differitur , tum definitio adhibetur , tum partium enumeratio , tum notatio uerbi . Ex his autem rebus , quæ quodammodo affectæ sunt ad id de quo quæritur , alia coniugata appellantur , alia ex genere , alia ex forma , alia ex similitudine , alia ex differentia , alia ex contrario , alia ex adiunctis , alia ex antecedentibus , alia ex consequentibus , alia ex repugnantibus , alia ex causis , alia ex effectis , alia ex comparatione maiorum , aut parium , aut minorum :] inclusi , esse delendum , ut è Topicis ab aliquo lectore , non à Cicerone , repetitum .

P. 164. L. 10.

Auditorum eam genere distinguere] duo libri manuscrip. habent , Auditorum eam genera distinguere . quam scripturam rectam esse puto : tamen si uulgatam retinuerim , ut probabilem & tolerabilem .

P. 164: L. 2.

Incredibilia probabilibus inteximus] duo libri manuscrip. habent , interferimus .

A N N O T.

P. 165: L. 12.

Si & uerba gravitate delecta ponuntur] sic omnes quidem libri habent: sed tamen existimo legendum uel sic, uerba granditate delecta: uel sic, uerba grandia & lecta ponuntur &c. supra autem eadem pagina uersu 2. legendum fortasse est, firmamenta ad fidem apposita.

P. 166. L. 22.

In plura uerba diducitur] quidam libri manuscr. & item uulgati habent, deducitur. demceps autem legendum uidetur, In uerbum autem contrahitur, Oratio, cum, aut defin. &c.

P. 166. L. 11.

Quæ est gemina litteraturæ] sic est legendum, & ita scriptum est in omnibus libris manuscr. gemina autem, id est simillima. germana uero, ut habent libri omnes uulgati, præter Manusianos, aliud est. significat enim id quod Græci dicunt γυναικίον, uerum: ut germanos se putant esse Thucydidas, id est ueros Thucydidas. & in epist. quadam ad Att. lib. I. germani negotiatoris est sub lustrum censerī.

P. 168: L. 15.

Clamor editus] liber unus manuscr. habet, clamor auditus.

P. 169. L. 11.

Aut iure factum defenditur] sic legendum esse ratio uincit. Ita enim loquitur idem Cicero locis innumrabilibus, numquam quisquam depellitur. l. 21. diuiferas fidem] uulgati libri habent, diuiferas orationis fidem. in manuscrip. autem tribus non est uox orationis:

orationis : & uero supernuacanea est . iccirco eam
deleui .

P. 169: L. 27.

Etsi non omnia disputando confirmabimus] hac
lectio ita perspicue recta est , ut uel sine auctoritate
codicum manuscrip. probanda & recipienda sit. nunc
autem eam trium librorum ueterum auctoritas con-
firmat .

P. 170. L. 23.

Quoniam in utraque parte sunt] legendum fortas-
se est , in utranque partem .

P. 170: L. II.

Grandia , plena , sonantia] sic reposui , unius co-
dicis manuscr. auctoritatem secutus . nam uulgati ha-
bent , grauia , plena , &c. mendose & inepte. sic au-
tem & supra dixit uerba sonantiora , grandiora ,
lauiora , &c. Præterea sententiæ potius graues ,
quam uerba dicuntur . Postremo idem M. Tullius
in Bruto , scribit Demosthenem uerborum grandita-
tem à Platone sumpsisse . l. 19. quibus actio , uoce ,
uultu , & gestu] hic locus sic in integrum ope co-
dicum manuscrip. restitutus , quanto planior , quan-
toq; concinnior est , quàm ut in uulgatis legitur? l. 22.
causa erit tenenda , & pro re agenda] non uidetur
hic locus mendo uacare uel ex scrip. quæ in ueteribus
codicibus reperitur , uarietate . alij enim habent , cau-
sa erit prouidenda . hoc tantum : alij , causa erit
tenenda , & prouidenda . alij , causa erit ad pe-
ragendum ponderanda . Ego putem sic legen-
dum , causa erit tenenda & ponderanda . l. 23.

E

A N N O T.

cum grauiora sunt, quàm causa fert, &c.] sic erat in uulgatis libris omnibus, cum grauiora sunt, quàm causa, diligenter ferè, quid, &c. quæ lectio planè inepta & inconcinna est. hæc autem, quàm reposui ex auctoritate codicum manuscrip. & elegans & concinna. l. 29. inter se pugnantium rerum conflictatio] sic habent tres libri manuscripti: neque uideo quamobrem hanc uocem reformidare debuerim. nata est enim à uerbo conflictò, seu conflictor, ut conflictio à confliquo.

P. 171. L. 17.

Et miseratio nascitur ex ijs rebus aut amissis, &c.] ex his paucis uerbis multa sunt menda exempta. primum præpostera & peruersa erat interpunctio: deinde totum hoc, proprius locus augendi, aliunde irruerat in hunc locum, cum esset annotatiuncula: postremo uox periculo erat aduentitia, & à nescio quo fuerat afficta. quibus omnibus sublatis & correctis, ueram scrip. restituimus.

P. 171: L. 14.

In breuitate non lucebit] in uno codice manuscrip. perspicue ita scriptum reperi non lucebit: in alio, non latebit. ego, non lucebit, probo: aut, ut habent libri uulgati, latebit, sine negatione deinceps autem in proximo membro quidam desiderant uocem, magis, aut aliquam aliam similem, ut legatur hoc modo, aculei magis pungent. l. 23. controuersiam, seu causam appello.] duo libri ueteres non habent, controuersiam seu: sed in eis ita legitur, & personis, causam appello. in eisdem ita legitur in-

fra: Sed est propositum quasi pars causæ quædam. Inest enim, &c.

P. 172. L. 25.

Aut quid sit superbia] duo libri manuscr. habent, aut quid sit superbus.

P. 172: L. 15.

Aut in timore tollendo] duo libri manuscr. habent, aut in timore deliniendo. ego nihil muto.

P. 173: L. 6.

Apto quasi quodam uerborum modo] malim legi, apto quodam quasi uerborum modo, seu potius, nodo: ut per modum uerborum, apta uerborum clausula, & concinna terminatio intelligatur. uerumtamen iudicent eruditi. l. 20. In quibus quod uirtutem maxime signif.] non placebat mihi uulgata lectio, in quibus quidem quæ uirtutem, &c. etiam antequam in codices manuscr. incidissem, in quibus sic legitur, ut excudendum curauit: partim sic, in quibus, quod quasi uirtutem, &c. l. 25. in propria uirtutum genera sunt digerenda] quidam libri manuscr. habent, dirigenda. ego nihil mutandum censeo.

P. 174. L. 7.

In rebus commodis discernitur] hoc totum, in rebus commodis, abest ab uno codice manuscr. ego retinendum censeo. sequitur enim quod huic opponitur: In rebus autem incommodis, &c. l. 16. & omne, quod est eius generis graue, sedatum &c.] fuerat hic locus confidenter ab ijs deprauatus, qui cum ad uocem proxime antecedentem iniuriis refe-

E ij

A N N O T.

rebant, neque uidebant referri ad superiora illa, simulque altitudo animi, &c. Est enim hic ordo uerborum, & sententia, liberalitas in usu pecunie simulque altitudo animi in accipiendis incommodis, & maxime iniurijs, & omne quod est in ijs, quæ sunt eius generis graue, sedatum, non turbulentum, est animi altitudinis. Vellem autem ita legeretur, & omne quod est in rebus eius generis, &c. l. 29. quo illa, quæ in disputando] uidentur aliquid deesse, ut consumitur, occupatur, uersatur, siue quid aliud tale.

P. 174: L. 7.

Sunt autem alij quidam animi habitus] cum lectio uulgata nullo iam ante quam codices manuscr. consuluissem, mihi displiceret (est autem hæc talis: Sunt autem alii quidam perfecti animi hab.) posteaque in alijs codicibus manuscr. uocem perfecti non reperissem, in alijs in eius locum, ficti, ego non sum ueritus utranque de medio tollere ut alienam & superuacaneam.

P. 175: L. 3.

Quodenim permagnum est] sic reperi scrip. in duobus libris calamo exaratis, atque ita legendum est, non ut in uulgatis, permagni interest. l. 26. est etiam quasi mat. sub suasori honestas] hic locus cum esset in omnibus libris uulgatis mendosus, miserum in modum interpretes & ludimagistros antea torquebat. nunc autem à me restitutus, non eget interprete. Atque ad hanc me emendationem quasi manu duxit uetus codex, in quo scriptum reperi,

honestas in recto casu . quam scrip. cum atten-
tius considerassem, & uiderem locum ut uulgo le-
gitur; (sic autem legitur, materies subiecta ho-
nestati) esse obscurum, & pæne dicam inexplica-
bilem, restituta uoce suasori, quæ ommissa fuerat à li-
brarijs, planum, & uel puero ad intelligendum faci-
lem atque explicatum reddidi.

P. 176. L. 18.

Alterum humanum atque expolitum] quis neget
hanc lectionem uulgatæ illi, cui deerat uox, huma-
num, multo esse anteponendam? Nam siue quis di-
cat humanum opponi indocto: conueniet oppositio:
indocti enim sunt inhumani & studia humanitatis
appellantur studia doctrinæ & literarum, & ap-
pellatione humanitatis sæpe doctrina & litteræ in-
telliguntur, & ἀπαιδευτοί, id est indocti, in-
humani Latine dicuntur, & doctrina νηέγους, id
est cicures & humanos efficit: siue quis malit op-
poni agresti, æque quadrabit. nam agreste ferum
est, fero autem humanum opponitur. Ita utro-
cumque te uertas, hæc lectio multis partibus uulgata
melior est.

P. 176: L. 6.

Qua uia bona consequi] sic habent duo codices
manuscrip. l. 17. ecquid autem possit effici, &c.]
ita legendum idq; tum ex illo, nec ne, quod paulo
post sequitur, tum ex antiqua scriptura, Et quid
intelligere licet. nam & quid deprauatum est à re-
cto ecquid. Ecquid autem idem ualet quod nun-
quid, seu utrum aliquid, seu an quid, l. 2 I. aliæ,

E iij

A N N O T.

quæ uim aliquam, &c.] duo codices manuscrip.
habent, quæ uiam aliquam, &c. ex quâ scri-
ptura conijcere possit aliquis legendum infra paulo
post aperiunt: ut sit, quæ uiam aliquam ape-
riunt. uerumtamen nihil mutare ausus sum: ta-
met si duriusculum uideatur hoc loquendi genus, uim
afferunt, pro adiumentum afferunt, seu uim ha-
bent. Rursum monet me, ut legendum putem,
uiam afferunt, seu potius aperiunt, non, ut est
in libris uulgatis, uim afferunt, pro adiuimen-
tum afferunt, quod earum causarum, quæ per se
conficiunt, alias uult esse absolutas, alias adiuuan-
teis, & efficiendi socias. Quod si in priore cau-
sarum diuisione, uim afferunt idem ualeat quod
adiumentum afferunt, membrum alterum postero-
ris diuisionis concurret cum membro altero prioris:
quod erit absurdum. Qua ratione adducor, ut e-
xistimem nobis persequentibus antiquæ scriptura ue-
stigia, ita hunc locum emendandum, quæ uiam
ad conficiendum aperiunt. Atque hæc denuum cau-
sa rectæ dicentur causa, sine quibus res confici non
potest. Ominino hæc tota de causis disputatio ali-
quantum est hic implicata, atque obscura: longe
autem explicatior & planior in topicis. l. 25. con-
ficiens autem causa, alia est absoluta] non uiden-
tur hæc mihi satis inter se conuenire, satis uel apte
inter se respondere. Debit enim uel ita dicere po-
tius, Conficiens autem causa alia est absoluta, &
perfecta per se: alia quæ aliquid adiuuari uelit, &
efficiendi sociam quærat: uel hoc modo: Conficiens

autem
per se,
dem,
diffusa

Aut
corrum
tus dele
uerba,
bus om
scrip. re
sententi
criter ti

In q
forasse

Maie
Rom. G
duorum
tur, I
plane in
nus. me

Spe
puta
essentia
quid,
ctionem
quid,

autem causa alia est absoluens & perficiens ipsa per se, alia aliquid adiuvans & efficiendi socia quædam, &c. Lege Topica sub finem, ubi de causis disputat.

P. 177: L. 21.

Aut confecta sunt] negationem, quæ sententiam corrumpebat, nec erat in libris manuscrip. funditus deleui. l. 24. non à me petere debuiisti] hæc uerba, petere debuiisti, quæ deerant, in codicibus omnibus uulgatis ex auctoritate trium manuscrip. restitui: quæ quam sint necessaria, quamq; sententiam huius loci illustrent, nemo est litteris medicriter tinctus, qui non perspiciat.

P. 178: L. 14.

In qua quid deueniat in iudicium, &c.] legendum fortasse est, quid ueniat, &c.

P. 179. L. 3.

Maestas est in Imperij, atque in nominis populi Rom. &c.] sic restitutus est hic locus ex auctoritate duorum librorum manuscrip. qui in uulg. sic legitur, In imperii atque in omni omni populi &c. planè inepte. l. 25. ne in definitionem quidem uenit genus. mendose habebant libri omnes uulgati, genere.

P. 180. L. 4.

Spectantur etiam ad causam] quidam legendum putant, Spectant etiam &c. quibus propemodum assentior. l. 28. quorum modo interfuerit aliquid, &c.] multis iam ante annis uideram, lectionem uulgatam, quorum non interfuerat aliquid, esse mendosam, & hanc negationem è meo

E iij

A N N O T.

codice pro meo iure deleueram. Quis enim non uidet, M. Tullium hoc sentire, causas ualere etiam contra eos, qui non arguantur, si modo eorum interfuerit, seu si modo eis bono fuerit: effecta autem eos proprie attingere, qui arguantur, quiq; in iudicium uocati sint? hoc igitur uideram: sed unde hæc negatio nata sit, non uideram. hoc mihi indicauerunt duo codices manuscrip. in quibus ita sine ulla litura, aut uarietate scriptum est, quorum modo interfuerit aliquid. modo enim à librarijs deprauatum fuerat, & non ex eo factum. Atque hæc scriptura sine dubio uera & recta est.

P. 180: L. 4.

In quo loco facinus factum fuerit.] hæc est antiqua scriptura optima fide à me in locum uulgatæ, quæ erat mutila & lacera, reposita, deerant enim hæc uoces, loco factum fuerit. facere facinus autem, ne quis forte de eo dubitet, genus est loquendi bonis scriptoribus usitatum. Catullus ad Iuuentium: Quid tibi nunc cordi est? quem tu præponere nobis Audes? ah nescis, quod facinus facias. M. Tull. lib. 2. de finibus: Si enim ita est, uide ne facinus facias, cum mori suadeas. idem pro Rabirio perduellion. reo, & id facinus pulcherrimum fieri arbitrarer.

P. 181: L. 29.

Et ad eam præceptionem] sic omnes quidem habent libri, quæ lectio si emendata est, præceptionem appellat eam, quam alibi anticipationem, & præuentionem, Græci πρόληψιν. Sed ego perceptio-

nem legendum puto. Est autem perceptio ea, quam Græci κατέληψιν appellant, idemq; Tullius alibi comprehensionem.

P. 182. L. 12.

Si unus accusator corruptus sit, rescindere. nititur equitate] uiciosa erat huius loci interpunctio. nihil præterea. Est autem hæc eius sententia : Negat accusator esse probabile, eos, qui leges scripserunt, ratum habere iudicium si totum sit corruptum : si autem unus accusator sit corruptus, rescindere atque infirmare. proinde ac si ita dicat : qui leges scripserunt, uoluerunt iudicium rescindi, si accusator corruptus sit ab eo, id est si præuaticatio facta sit. uoluerunt enim reum, qui præuaticatione liberatus atque absolutus esset, in iudicium reuocari, eiusq; causam de integro cognosci. Illi autem fuerunt sapientes. sapientes autem nihil absurde, nihil stulte, nihil temere faciunt. Absurdum sit autem, stultum ac temerarium hoc statui, ratum haberi iudicium si totum sit corruptum, rescindi si accusator duntaxat corruptus sit. Ergo multo magis uoluerunt latres legis iudicium rescindi si totum sit corruptum, quam si accusator tantum à reo corruptus sit. l. 13. nititur equitate, & utilitate quasi scribenda, &c.] negari non potest, quin hic locus sit corruptus. ego partim ex codicibus manuscrip. in quibus scriptum est utilitate, pro ut illa, quod est in uulgatis : partim ex libro Aemari Ranconeti, ad cuius libri oram hæc erant ascripta ipsius manu litteris Romanis, QUI IUDICIA ACCUSATO-

A N N O T.

REM'VE CORRUPERIT, quantum po-
tui lucis his tenebris attuli. nihil de meo addidi, ne
inueteratum uulnus nouo amplificarum. Quæ au-
tem reperi in libro Ranconeti, qui nunc & Memmij,
uideri possunt ex aliquo antiquo codice petita: nihil ta-
men affirmo. fieri enim potest, ut ab illo acerrimi
ingenij, limatissimūq; iudiciū uiro fuerint excogita-
ta. Verum tamen malim ita legi: Quod si scri-
pta lex sic esset, QUI IUDICIA, ACCU-
SATOREM'VE CORRUPERIT: quæ
cunque tamen complecteretur iudicii corrupti
nomine, ea uerbo uno, &c. l. 19. quod ea
littera de accusatore, &c.] Ranconetus ad hunc lo-
cum explanandum hæc uerba Asconij Pediani in-
orat. pro Corn. in codice suo annotat. M. Silanus
quinquennio ante Cōsul fuerat, quā Domitius
tribunus pl. atque ipse quoque aduersus Cimbro-
rem male gesserat. quam ob causam Domitius eum
apud populum accusabat. Criminabatur, bellum
cum Cimbris iniussu populi gessisse, idq; principium
fuisse calamitatum, quas eo bello populus accepisset:
ac de eo tabellam quoque dedit. Sed plenissime Si-
lanus absolutus est. Nam duæ solæ tribus eum ser-
gia & Quirina damnauerunt. Puto Rancone-
tum illorum Pediani uerborum hæc tantum ad hunc
locum accommodari uoluisse, ac de eo tabellam
quoque dedit. Sed Fr. Hotomanus per illam lit-
teram P. prauaricationis litteram significari putat:
quæ scilicet cum littera A, coniuncta dabatur: hæc q; duæ
accusatorem significabant esse prauaricatum.

P. 183. L. 23.

*Qua nitetur ipse] secutus sum codices manuscr.
nam vulgati habent, qua utetur ipse.*

P. 183: L. 27.

*Aut alia causa obtemperandi, alia abrogandi]
fortasse legendum, alia causa temperandi.*

P. 184: L. 19.

*Nullum maius expecto] codex manuscrip. habet,
nullum maius expeto.*

Errata operarum sic corrigito :

prior numerus pag. secund. uer. indicat.

iniiciemus	9 : 2.	est, surrip.	100: 26.
quæretur	18. 22.	donatus est: ibid.	28.
percipere	19 : 22.	his concessis,	101. 27.
societates	29 : 5.	uenisset, non	102. 26.
domuitionē	39, 24. 27.	arrogantiam	106. 24.
huc, & illuc	47: 12.	concedatur	113. 22.
temperaturum	51 : 26.	accerfitur	113: 14.
possimus	58. 9.	cōstitutiones, quæ	121. 13.
res	68. 14.	quæruntur	122. 26.
prælium ibid.	22.	fitne	128: 25.
eodem	78: 14.	hostias is,	129. 1.
fit, ibid.	25.	præcepta	130: 26.
se duæ	80. 1.	tabulis	140. 3.
in quo	82. 23.	quam uis	143. 3.
est, amplect.	86. 14.	propius	182. 1.
pudens	87: 17.	propius ibid.	8.
necessarie	90. 15.		

rigito.
dica.

100. 11
101. 12
102. 13
103. 14
104. 15
105. 16
106. 17
107. 18
108. 19
109. 20
110. 21
111. 22
112. 23
113. 24
114. 25
115. 26
116. 27
117. 28
118. 29
119. 30
120. 31
121. 32
122. 33
123. 34
124. 35
125. 36
126. 37
127. 38
128. 39
129. 40
130. 41
131. 42
132. 43
133. 44
134. 45
135. 46
136. 47
137. 48
138. 49
139. 50
140. 51
141. 52
142. 53
143. 54
144. 55
145. 56
146. 57
147. 58
148. 59
149. 60
150. 61
151. 62
152. 63
153. 64
154. 65
155. 66
156. 67
157. 68
158. 69
159. 70
160. 71
161. 72
162. 73
163. 74
164. 75
165. 76
166. 77
167. 78
168. 79
169. 80
170. 81
171. 82
172. 83
173. 84
174. 85
175. 86
176. 87
177. 88
178. 89
179. 90
180. 91
181. 92
182. 93
183. 94
184. 95
185. 96
186. 97
187. 98
188. 99
189. 100
190. 101
191. 102
192. 103
193. 104
194. 105
195. 106
196. 107
197. 108
198. 109
199. 110
200. 111
201. 112
202. 113
203. 114
204. 115
205. 116
206. 117
207. 118
208. 119
209. 120
210. 121
211. 122
212. 123
213. 124
214. 125
215. 126
216. 127
217. 128
218. 129
219. 130
220. 131
221. 132
222. 133
223. 134
224. 135
225. 136
226. 137
227. 138
228. 139
229. 140
230. 141
231. 142
232. 143
233. 144
234. 145
235. 146
236. 147
237. 148
238. 149
239. 150
240. 151
241. 152
242. 153
243. 154
244. 155
245. 156
246. 157
247. 158
248. 159
249. 160
250. 161
251. 162
252. 163
253. 164
254. 165
255. 166
256. 167
257. 168
258. 169
259. 170
260. 171
261. 172
262. 173
263. 174
264. 175
265. 176
266. 177
267. 178
268. 179
269. 180
270. 181
271. 182
272. 183
273. 184
274. 185
275. 186
276. 187
277. 188
278. 189
279. 190
280. 191
281. 192
282. 193
283. 194
284. 195
285. 196
286. 197
287. 198
288. 199
289. 200
290. 201
291. 202
292. 203
293. 204
294. 205
295. 206
296. 207
297. 208
298. 209
299. 210
300. 211
301. 212
302. 213
303. 214
304. 215
305. 216
306. 217
307. 218
308. 219
309. 220
310. 221
311. 222
312. 223
313. 224
314. 225
315. 226
316. 227
317. 228
318. 229
319. 230
320. 231
321. 232
322. 233
323. 234
324. 235
325. 236
326. 237
327. 238
328. 239
329. 240
330. 241
331. 242
332. 243
333. 244
334. 245
335. 246
336. 247
337. 248
338. 249
339. 250
340. 251
341. 252
342. 253
343. 254
344. 255
345. 256
346. 257
347. 258
348. 259
349. 260
350. 261
351. 262
352. 263
353. 264
354. 265
355. 266
356. 267
357. 268
358. 269
359. 270
360. 271
361. 272
362. 273
363. 274
364. 275
365. 276
366. 277
367. 278
368. 279
369. 280
370. 281
371. 282
372. 283
373. 284
374. 285
375. 286
376. 287
377. 288
378. 289
379. 290
380. 291
381. 292
382. 293
383. 294
384. 295
385. 296
386. 297
387. 298
388. 299
389. 300
390. 301
391. 302
392. 303
393. 304
394. 305
395. 306
396. 307
397. 308
398. 309
399. 310
400. 311
401. 312
402. 313
403. 314
404. 315
405. 316
406. 317
407. 318
408. 319
409. 320
410. 321
411. 322
412. 323
413. 324
414. 325
415. 326
416. 327
417. 328
418. 329
419. 330
420. 331
421. 332
422. 333
423. 334
424. 335
425. 336
426. 337
427. 338
428. 339
429. 340
430. 341
431. 342
432. 343
433. 344
434. 345
435. 346
436. 347
437. 348
438. 349
439. 350
440. 351
441. 352
442. 353
443. 354
444. 355
445. 356
446. 357
447. 358
448. 359
449. 360
450. 361
451. 362
452. 363
453. 364
454. 365
455. 366
456. 367
457. 368
458. 369
459. 370
460. 371
461. 372
462. 373
463. 374
464. 375
465. 376
466. 377
467. 378
468. 379
469. 380
470. 381
471. 382
472. 383
473. 384
474. 385
475. 386
476. 387
477. 388
478. 389
479. 390
480. 391
481. 392
482. 393
483. 394
484. 395
485. 396
486. 397
487. 398
488. 399
489. 400
490. 401
491. 402
492. 403
493. 404
494. 405
495. 406
496. 407
497. 408
498. 409
499. 410
500. 411
501. 412
502. 413
503. 414
504. 415
505. 416
506. 417
507. 418
508. 419
509. 420
510. 421
511. 422
512. 423
513. 424
514. 425
515. 426
516. 427
517. 428
518. 429
519. 430
520. 431
521. 432
522. 433
523. 434
524. 435
525. 436
526. 437
527. 438
528. 439
529. 440
530. 441
531. 442
532. 443
533. 444
534. 445
535. 446
536. 447
537. 448
538. 449
539. 450
540. 451
541. 452
542. 453
543. 454
544. 455
545. 456
546. 457
547. 458
548. 459
549. 460
550. 461
551. 462
552. 463
553. 464
554. 465
555. 466
556. 467
557. 468
558. 469
559. 470
560. 471
561. 472
562. 473
563. 474
564. 475
565. 476
566. 477
567. 478
568. 479
569. 480
570. 481
571. 482
572. 483
573. 484
574. 485
575. 486
576. 487
577. 488
578. 489
579. 490
580. 491
581. 492
582. 493
583. 494
584. 495
585. 496
586. 497
587. 498
588. 499
589. 500
590. 501
591. 502
592. 503
593. 504
594. 505
595. 506
596. 507
597. 508
598. 509
599. 510
600. 511
601. 512
602. 513
603. 514
604. 515
605. 516
606. 517
607. 518
608. 519
609. 520
610. 521
611. 522
612. 523
613. 524
614. 525
615. 526
616. 527
617. 528
618. 529
619. 530
620. 531
621. 532
622. 533
623. 534
624. 535
625. 536
626. 537
627. 538
628. 539
629. 540
630. 541
631. 542
632. 543
633. 544
634. 545
635. 546
636. 547
637. 548
638. 549
639. 550
640. 551
641. 552
642. 553
643. 554
644. 555
645. 556
646. 557
647. 558
648. 559
649. 560
650. 561
651. 562
652. 563
653. 564
654. 565
655. 566
656. 567
657. 568
658. 569
659. 570
660. 571
661. 572
662. 573
663. 574
664. 575
665. 576
666. 577
667. 578
668. 579
669. 580
670. 581
671. 582
672. 583
673. 584
674. 585
675. 586
676. 587
677. 588
678. 589
679. 590
680. 591
681. 592
682. 593
683. 594
684. 595
685. 596
686. 597
687. 598
688. 599
689. 600
690. 601
691. 602
692. 603
693. 604
694. 605
695. 606
696. 607
697. 608
698. 609
699. 610
700. 611
701. 612
702. 613
703. 614
704. 615
705. 616
706. 617
707. 618
708. 619
709. 620
710. 621
711. 622
712. 623
713. 624
714. 625
715. 626
716. 627
717. 628
718. 629
719. 630
720. 631
721. 632
722. 633
723. 634
724. 635
725. 636
726. 637
727. 638
728. 639
729. 640
730. 641
731. 642
732. 643
733. 644
734. 645
735. 646
736. 647
737. 648
738. 649
739. 650
740. 651
741. 652
742. 653
743. 654
744. 655
745. 656
746. 657
747. 658
748. 659
749. 660
750. 661
751. 662
752. 663
753. 664
754. 665
755. 666
756. 667
757. 668
758. 669
759. 670
760. 671
761. 672
762. 673
763. 674
764. 675
765. 676
766. 677
767. 678
768. 679
769. 680
770. 681
771. 682
772. 683
773. 684
774. 685
775. 686
776. 687
777. 688
778. 689
779. 690
780. 691
781. 692
782. 693
783. 694
784. 695
785. 696
786. 697
787. 698
788. 699
789. 700
790. 701
791. 702
792. 703
793. 704
794. 705
795. 706
796. 707
797. 708
798. 709
799. 710
800. 711
801. 712
802. 713
803. 714
804. 715
805. 716
806. 717
807. 718
808. 719
809. 720
810. 721
811. 722
812. 723
813. 724
814. 725
815. 726
816. 727
817. 728
818. 729
819. 730
820. 731
821. 732
822. 733
823. 734
824. 735
825. 736
826. 737
827. 738
828. 739
829. 740
830. 741
831. 742
832. 743
833. 744
834. 745
835. 746
836. 747
837. 748
838. 749
839. 750
840. 751
841. 752
842. 753
843. 754
844. 755
845. 756
846. 757
847. 758
848. 759
849. 760
850. 761
851. 762
852. 763
853. 764
854. 765
855. 766
856. 767
857. 768
858. 769
859. 770
860. 771
861. 772
862. 773
863. 774
864. 775
865. 776
866. 777
867. 778
868. 779
869. 780
870. 781
871. 782
872. 783
873. 784
874. 785
875. 786
876. 787
877. 788
878. 789
879. 790
880. 791
881. 792
882. 793
883. 794
884. 795
885. 796
886. 797
887. 798
888. 799
889. 800
890. 801
891. 802
892. 803
893. 804
894. 805
895. 806
896. 807
897. 808
898. 809
899. 810
900. 811
901. 812
902. 813
903. 814
904. 815
905. 816
906. 817
907. 818
908. 819
909. 820
910. 821
911. 822
912. 823
913. 824
914. 825
915. 826
916. 827
917. 828
918. 829
919. 830
920. 831
921. 832
922. 833
923. 834
924. 835
925. 836
926. 837
927. 838
928. 839
929. 840
930. 841
931. 842
932. 843
933. 844
934. 845
935. 846
936. 847
937. 848
938. 849
939. 850
940. 851
941. 852
942. 853
943. 854
944. 855
945. 856
946. 857
947. 858
948. 859
949. 860
950. 861
951. 862
952. 863
953. 864
954. 865
955. 866
956. 867
957. 868
958. 869
959. 870
960. 871
961. 872
962. 873
963. 874
964. 875
965. 876
966. 877
967. 878
968. 879
969. 880
970. 881
971. 882
972. 883
973. 884
974. 885
975. 886
976. 887
977. 888
978. 889
979. 890
980. 891
981. 892
982. 893
983. 894
984. 895
985. 896
986. 897
987. 898
988. 899
989. 900
990. 901
991. 902
992. 903
993. 904
994. 905
995. 906
996. 907
997. 908
998. 909
999. 910
1000. 911
1001. 912
1002. 913
1003. 914
1004. 915
1005. 916
1006. 917
1007. 918
1008. 919
1009. 920
1010. 921
1011. 922
1012. 923
1013. 924
1014. 925
1015. 926
1016. 927
1017. 928
1018. 929
1019. 930
1020. 931
1021. 932
1022. 933
1023. 934
1024. 935
1025. 936
1026. 937
1027. 938
1028. 939
1029. 940
1030. 941
1031. 942
1032. 943
1033. 944
1034. 945
1035. 946
1036. 947
1037. 948
1038. 949
1039. 950
1040. 951
1041. 952
1042. 953
1043. 954
1044. 955
1045. 956
1046. 957
1047. 958
1048. 959
1049. 960
1050. 961
1051. 962
1052. 963
1053. 964
1054. 965
1055. 966
1056. 967
1057. 968
1058. 969
1059. 970
1060. 971
1061. 972
1062. 973
1063. 974
1064. 975
1065. 976
1066. 977
1067. 978
1068. 979
1069. 980
1070. 981
1071. 982
1072. 983
1073. 984
1074. 985
1075. 986
1076. 987
1077. 988
1078. 989
1079. 990
1080. 991
1081. 992
1082. 993
1083. 994
1084. 995
1085. 996
1086. 997
1087. 998
1088. 999
1089. 1000
1090. 1001
1091. 1002
1092. 1003
1093. 1004
1094. 1005
1095. 1006
1096. 1007
1097. 1008
1098. 1009
1099. 1010
1100. 1011
1101. 1012
1102. 1013
1103. 1014
1104. 1015
1105. 1016
1106. 1017
1107. 1018
1108. 1019
1109. 1020
1110. 1021
1111. 1022
1112. 1023
1113. 1024
1114. 1025
1115. 1026
1116. 1027
1117. 1028
1118. 1029
1119. 1030
1120. 1031
1121. 1032
1122. 1033
1123. 1034
1124. 1035
1125. 1036
1126. 1037
1127. 1038
1128. 1039
1129. 1040
1130. 1041
1131. 1042
1132. 1043
1133. 1044
1134. 1045
1135. 1046
1136. 1047
1137. 1048
1138. 1049
1139. 1050
1140. 1051
1141. 1052
1142. 1053
1143. 1054
1144. 1055
1145. 1056
1146. 1057
1147. 1058
1148. 1059
1149. 1060
1150. 1061
1151. 1062
1152. 1063
1153. 1064
1154. 1065
1155. 1066
1156. 1067
1157. 1068
1158. 1069
1159. 1070
1160. 1071
1161. 1072
1162. 1073
1163. 1074
1164. 1075
1165. 1076
1166. 1077
1167. 1078
1168. 1079
1169. 1080
1170. 1081
1171. 1082
1172. 1083
1173. 1084
1174. 1085
1175. 1086
1176. 1087
1177. 1088
1178. 1089
1179. 1090
1180. 1091
1181. 1092
1182. 1093
1183. 1094
1184. 1095
1185. 1096
1186. 1097
1187. 1098
1188. 1099
1189. 1100
1190. 1101
1191. 1102
1192. 1103
1193. 1104
1194. 1105
1195. 1106
1196. 1107
1197. 1108
1198. 1109
1199. 1110
1200. 1111
1201. 1112
1202. 1113
1203. 1114
1204. 1115
1205. 1116
1206. 1117
1207. 1118
1208. 1119
1209. 1120
1210. 1121
1211. 1122
1212. 1123
1213. 1124
1214. 1125
1215. 1126
1216. 1127
1217. 1128
1218. 1129
1219. 1130
1220. 1131
1221. 1132
1222. 1133
1223. 1134
1224. 1135
1225. 1136
1226. 1137
1227. 1138
1228. 1139
1229. 1140
1230. 1141
1231. 1142
1232. 1143
1233. 1144
1234. 1145
1235. 1146
1236. 1147
1237. 1148
1238. 1149
1239. 1150
1240. 1151
1241. 1152
1242. 1153
1243. 1154
1244. 1155
1245. 1156
1246. 1157
1247. 1158
1248. 1159
1249. 1160
1250. 1161
1251. 1162
1252. 1163
1253. 1164
1254. 1165
1255. 1166
1256. 1167
1257. 1168
1258. 1169
1259. 1170
1260. 1171
1261. 1172
1262. 1173
1263. 1174
1264. 1175
1265. 1176
1266. 1177
1267. 1178
1268. 1179
1269. 1180
1270. 1181
1271. 1182
1272. 1183
1273. 1184
1274. 1185
1275. 1186
1276. 1187
1277. 1188
1278. 1189
1279. 1190
1280. 1191
1281. 1192
1282. 1193
1283. 1194
1284. 1195
1285. 1196
1286. 1197
1287. 1198
1288. 1199
1289. 1200
1290. 1201
1291.

Epistola operum in compendio.



5843964

